

PUBLIC LIBRARY



Class No.

Book No.

Accn. No.

Date


TGPA—24-3-67—20,000.

7 NOV 1971

10V 1971

হাস-গঙ্গার পথে.

গরেশ ভট্টাচার্য



ক্লারিক প্রেস

৩১৫ শ্রামাচরণ দে স্ট্রীট, কলিকাতা-১২

—ପ୍ରଥମ ପ୍ରକାଶ—
ଜୁଲାଇ, ୧୯୧୨

—ପ୍ରକାଶକ—
ଶ୍ରୀନାଥବିହାରୀ ସେନାପତି
୩୧୧ ଆମାଟରୀ ଦେ ଷ୍ଟ୍ରୀଟ
କଲିକତା:-୧୨

—ପ୍ରଚ୍ଛଦପଟ—
ଶ୍ରୀଗଣେଶ ବନ୍ଧୁ

—ସଂପାଦକ—
ଶ୍ରୀକାଳିଦାସ ଦାସ
କରୁଣା ପ୍ରିଣ୍ଟର୍ସ
୨୦୧୨, ଅରବିନ୍ଦ ମାର୍ଗ
କଲିକତା-୧

ତ୍ରୟ ଟୀକା

ପରମ ପୂଜନୀୟା

ଜନନୀ ତ୍ରିମତୀ ସୁରବାଳା ଦେବୀ

ତ୍ରିଚରଣ କମଳେଷୁ

কৈশোরে স্বপ্ন দেখতাম হিমালয়ের। হিমালয়ের পথে পথে ঘুরে বেড়াবো
এই ছিল বাসনা। সে বাসনা পূর্ণ হল বোঁবনে। আপন করে নিলাম
হিমালয়কে। মৃদাফিরের বেশে হিমালয়ের পথচলা শুরু করলাম। কখনো
তীর্থপথে, কখনো দুর্গম গিরি শিখরে, কখনো গঙ্গার উৎস সন্ধানে।

চলার পথে যেমন ভিন্ন ভিন্ন সময়ে ভিন্ন ভিন্ন রূপে দেখেছি হিমালয়কে
তেমনি দেখেছি পথচলা অসংখ্য-তীর্থ পথিককে। যেমন দেখেছি—যা দেখেছি
তারই আলেখ্য এই কাহিনীটি।

‘মানস গঙ্গার পথে’ চৈতিপূর্বে ‘শ্রীমন্ত’ ছদ্মনামে চিত্রাঙ্গদা পত্রিকায় প্রকাশিত
হয়েছিল। কাহিনীটি পুস্তকাকারে প্রকাশের জন্য আমাকে নানাভাবে উৎসাহিত
করেছেন শ্রী অমলচন্দ্র সেনগুপ্ত ও শ্রীমান মনোজ দাস। শুধু ধন্যবাদ জানিয়ে
দিয়ে স্বপ্ন সোধ করা যায় না।

পুস্তকে গ্রথিত আলোক চিত্রগুলি পেয়েছি বন্ধুবর শ্রীকমল বন্দ্যোপাধ্যায় ও
অগ্রজপ্রতিম শ্রীপ্রবোধ দে মহাশয়ের কাছ থেকে। তাঁদের কে আমার
সাস্তুনিক কৃতজ্ঞতা জানাই।

বিনীত

‘গ্রন্থকার’

এই লেখকের অন্ত্য বই


আমি মুসাকিঃ

স্বর্ণমুগ


দরবারী কানাডা

নাম তার রূপসী

দুই দিগন্ত ।




বদ্রীনাথের মন্দির




बठाना, भारत



বিষ্ণু প্রয়াগ




କେଦାରନାଥର ମନ୍ଦିର





দেবপ্রয়াগ

ବିଗ୍ରହ ବିଗ୍ରହ



ভোরের কণ-প্রয়াগ





नासापुरी

কে যেন হাতছানি দিয়ে ডাকে ।

চকল হয়ে ওঠে বাষাবর মন । উন্মাদ হয়ে ওঠে । বাধা মানে না ।
নিষেধ শোনে না ।

অশান্ত মন । সমুদ্রের মতো । শাস্ত হতে জানে না । হবে না । দুর্বীর
গতির আনন্দে সে পূর্ণ হতে চায় ।

এক বাউল মাতৃমুখ লুকিয়ে আছে আমার মনের গোপনে । যে আমাকে
ডাক দিয়েছে—সে শুনেছে তার ডাক । সে আমাকে নিয়ে যাবে নতুন কোন
ঠিকানায় ।

কিন্তু কোথায় যাবো ?

কেদার-বস্ত্রীর পথে ।

তাঁট হবে ।

বোলথ মাস । অক্ষয়-তৃতীয়ার পবদিন । ঘর ছেড়ে বাইরে এলাম ।
আয়োজন নেই, আড়ম্বর নেই—শুধু নীরবে বাড়ীর বাইরে আসা । পেছনে
কে দাঁড়িয়ে আছে কিরে দেখার অবকাশ নেই—শুধু এগিয়ে চলার নেশা ।

যথাসময়ে এসেছি হাওড়া ষ্টেশনে । ট্রেনে উঠেছি । বসেছি তৃতীয় শ্রেণীর
কামরার এক কোণে জানালার ধারে । দেখছি কতো নর-নারী এসেছে,
বিদায় দুঃভেদে তাদের প্রিয়জনকে শুভেচ্ছা জানাতে । কথা-হাসি-কলরব আর
চোখের জল । যেন একটি একাংক নাটকের শেষ দৃশ্য ।

—চিঠি দিও, কেমন থাকো জানিও, অজানা নারীকর্ণের শেষ-সংলাপ
কানে এলো ।—কিন্তু না পারো একটা পাখরের হুড়ি নিয়ে এসো ।

এর পরেই ষ্টেশনের ঘণ্টা উঠলো বেজে । বার কয়েক বাঁধির সংকেত দিয়ে
চলতে শুধু করে ট্রেন ।

প্র্যাটকরমে দাঁড়িয়ে কেউ কুমাল ওড়চ্ছে, কেউ চোখের জল মুছে মুখে
হাসি ফোটাবার ব্যর্থ চেষ্টা করছে । কারো শেষ কথা বলা হয় নি, তাই চলন্ত

ফৈশের কামরার জানালা ধরে ছুটছে। হায়রে দু'রাশা—তবু শেষ কথা বলা হলো না।

আমাকে বিদায় জানাতে কেউ আসেনি। একটি রুমালও ওড়েনি আমার জন্তে। কোন দুটি চোখ ছল ছল করে ওঠেনি।

আমি একা। আমার পৃথিবীতে আমি একা।

বসে আছি জানালার ধারে। শহর—শহরভলী পেরিয়ে একের পর এক ষ্টেশন পেছনে রেখে দূর পাল্লার ট্রেন ছুটে চলেছে।

জানালার ধারে বসে চেয়ে আছি রাতের আকাশের দিকে। চতুর্থীর চাঁদ ডুবে গেছে অনেক আগে, শুধু আকাশের পটে আঁকা অজস্র নক্ষত্রের মূখ। তার মধ্যে উজ্জল নক্ষত্রটিকে খুঁজে বার করে তারই মূখ চেয়ে বসে আছি উন্মনা হয়ে।

জানি না কখন পেরিয়ে এসেছি পশ্চিমবাংলার মাটি। জানি না কখন কামরার কলরব থেমে গেছে—ঘুমিয়ে পড়েছে যাত্রীরা। জেগে বসে আছি ঘুম দূরের কথা তন্দ্রাও আমার এ দুচোখের বাইরে।

নিশ্চিন্ত রাত। আকাশের কোণে উজ্জল নক্ষত্রটির মূখ চেয়ে বসেছিলাম। কখন যেন হারিয়ে গেল সে নক্ষত্রের মূখ। ঘুম-ঘুম তন্দ্রায় বদ্ধ হলো চোখের পাতা।

জানিনা কখন রাত শেষ হয়েছে। ঘুম ভাঙতে দেখি, পূর্ব দিগন্তে রক্তিম ইশারা। সূর্য উঠছে। সূর্যের স্বাক্ষর বুকে নিয়ে জন্ম নিল একটি নতুন দিন।

বেলা বাড়ছে। ইতিমধ্যে মোগলসরাই, বারাণসী, জৌনপুর পার হয়ে এসেছি। আরও কত অজানা অচেনা গ্রাম-শহর-প্রান্তর রইলো পেছনে পড়ে। ট্রেন ছুটে চলেছে স্বপ্নের পথে।

আগুন জ্বলছে আকাশে। প্রান্তর ধু ধু করছে বোশেখের খর তাপে। বাতাস নয়, যেন আগুনের হাল্কা। কামরার জানালা খোলার উপায় নেই—বাতাসের সংগে উত্তপ্ত ধূলিকণা সূঁচের মতো গায়ে বিঁধবে। কামরার সমস্ত জানালা দরজা বদ্ধ। তাতেও নিষ্কৃতি নেই। কামরাটাও উত্তপ্ত হয়ে উঠেছে।

অনবরত গলা শুকিয়ে যাচ্ছে। জল আছে সংগে, কিন্তু পান করে তৃপ্তি নেই। গরম হয়ে উঠেছে জল।

প্রতিটি যাত্রী কেমন যেন কিম্বিয়ে পড়েছে। কারো মুখে কথা নেই, হাসি নেই। প্রতিটি যাত্রীর মনে একই চিন্তা, কখন দিন শেষ হবে।

সমস্ত দিন গেল প্রচণ্ড দাবদাহের মধ্যে। অবশেষে উৎকর্ষার অবসান হলো। 'সন্ধ্যা' নামলো। একটু আরাম যেন আমাদের জন্তে ছিল। ক্লান্তিকর দিনের বদিও অবসান হলো, কিন্তু সর্বাংগে জড়িয়ে এলো অবসাদ।

পঞ্চমীর চাঁদ উঠেছে আকাশের এককোণে। তাড়া চাঁদ। তার আলোর মুহু সংকেত পৃথিবীর মাটিতে।

পঞ্চমীর চাঁদ—কতটুকুই বা তার আয়ু। দেখতে দেখতে সে চাঁদ নিভে গেল। রাত এলো ক্লান্ত অবসর যাত্রীদের ঘুম পাড়াতে।

আমার চোখেও ঘুম নামলো নিঃশব্দে। গাড়ি ঘুম। অগোচরে ফুরিয়ে গেল রাত। দিনের আলোর পদধ্বনি শুনে ঘুম ভেঙে যায়। কিরে চাই দ্বিগন্তের দিকে। যেখানে সূর্য উঠছে। শিশু সূর্য।

কামরার যাত্রীরা কেমন যেন চঞ্চল হয়ে উঠেছে। আমার মনেও সে অহেতুক চাঞ্চল্য। সময় হয়ে এলো। আর ঘণ্টা দুয়েক বাদেই পৌছবেন হরিদ্বার। কিন্তু এই সামান্য সময়টুকু যেন কাটতে চায় না। মনে হয় আর কতদূর—

বেলা আটটা বাজতে কয়েক মিনিট বাকী। ট্রেন এসে দাঁড়ালো হরিদ্বারে। ঝোলামুলি কাঁধে নিয়ে নেমে পড়ি। অগণিত যাত্রীর ভিড়ে আমিও একজন পথিক—পথ চিনে চিনে এলাম ভোলাগিরির ধর্মশালায়।

যাত্রীর ভিড়ে গম্গম করছে ধর্মশালা। অনেকে ঘরে জায়গা না পেয়ে বারান্দায় আশ্রয় নিয়েছে। সবাই অচেনা, অজানা। তবু চেয়ে চেয়ে দেখি, বদি চেনা মুখ দেখতে পাই।

জিনিষপত্রের ঘরে রেখে এলাম হর-কী-প্যারীতে। প্রাণ-মন ভরে গেল অনির্বচনীয় আনন্দে। সামনে গন্ধার জলধারা, নীল নীল হং। কাঁচের মতো স্বচ্ছ। বয়ে চলেছে অবিরাম ধারায়। বতি নেই—ছেদ নেই।

দেবভূমি হরিদ্বার। হিমালয় কন্তা গঙ্গা এখানে মর্তের মাটি স্পর্শ করেছে। স্বর্গের মন্দাকিনীর অমৃতধারা মর্তকে দিয়েছে তার অমৃত স্পর্শ। তাই পুণ্যভীর্ষ এই হরিদ্বার। লক্ষ যুগের ভীর্ষ-পথিকের চরণ স্পর্শে এখানকার মূলিকণা হয়েছে স্বর্ণরেণু।

নীল ধারার পারে চণ্ডী পাহাড়। শিখরে বসে দেবী চণ্ডীর মন্দির। এদিকে মনসা পাহাড়ের শীর্ষে মনসাদেবীর মন্দির। মনসা পাহাড়ের ওপারে সূর্যকুণ্ড—পাদদেশে বিশেষর মহাদেব। পুণ্য ভীর্ষ হরিদ্বার। হর-কী-প্যারী,

হরি-কী-চরণ, গঙ্গা মন্দির, ব্রহ্মকুণ্ড—যুগ যুগ ধরে তীর্থ-পথিককে হাতছানি দিয়ে ডাকছে।

ইতস্ততঃ ঘুরে ঘুরে ফিরে এসেছি কুশাবর্ত ঘাটে। স্নান, দান, তর্পণ করছে বাতীরা। কানে আসছে হুমধুক মন্ত্র—

ও আত্রক্ষন্তথ পর্য্যন্তং দেবর্ষি পিতৃমানবাঃ।

তৃপ্যন্ত পিতরঃ সর্বে মাতৃমাতা মহাদয়ঃ ॥

অতীতকুলকোটীনাং সপ্তর্ষীপনিবাসিনাম্

আত্রক্ষভুবনোলোকাদিদমন্ত তিলোদকম্ ॥

স্নান করেছে। স্নানীতল গঙ্গার জল। স্নানের সংগে ধূয়ে মুছে গেছে সঞ্চিত অবলাদ। তারপর ফিরে এসেছি ধর্মশালায়।

ভেবেছিলাম, কনখল যাবো। পবিত্র তীর্থ কনখল। যেখানে দক্ষরাজ দুহিতা সতীর সংগে শিবের বিবাহ হয়েছিল। রাজকন্যা সতী আর সন্ত্যাগী শংকর। ষাঁদের কথা অমর হয়ে আছে, পুরাণ-কাব্য-গল্প-কাহিনী আর উপকথায়। কিন্তু এ যাত্রায় হলো না কনখল যাওয়া। বেনা চারটেই আগেই যে রওনা হতে হবে দ্বীপকেশের পথে।

দুপুর থেকে বিকেল। ষেটুকু সময় তাতে ছিল, চূপচাপ এসে রটলাম ধর্মশালার বারান্দায়।

যে পথে যাবো—মনে মনে সে পথের স্বপ্ন-ছবি এঁকে চলেছি। হিমালয়ের দুর্গম পথে এর আগেও পথ হেঁটেছি, এর আগেও গায়ে মেখেছি হিমালয়ের পথের ধূলো, পাথরে পাথরে চূষন দিয়েছি, করণায় করেছি অবগাহন, গুহায় তৃণশযায় রাত কাটিয়েছি—আবার যখনই ফিরে এসেছি সে পথ থেকে, তখনই হিমালয় আমার কাছ থেকে লক্ষ যোজন দূরে সরে গেছে। ফিরে এসেছি নিজের ঠিকানায়, কিন্তু শান্তি পাটনি। চির-বৈরাগী হিমালয়কে যে ভালোবেসেছে, ঘরের ঠিকানায় সে কেমন করে শান্তি পাবে। তাইতো অশান্ত মন বারবার ছুটে যেতে চায় সেই পথে। কতোবার মনে করেছি, হিমালয়ের পথে পথে ঘুরে বেড়াবো সারাটি জীবন—শেষ পর্যন্ত সেই হিমালয়ের পথ থেকে ফিরে আসতে হয়েছে পুরোনো ঠিকানায়।

দুঃখ বলে চিন্তা করার অবসর নেই। বেলা চারটে বাজে। এখনি রওনা না হলে পৌঁছতে সম্ভব হয়ে যাবে।

হরিষার থেকে হুথীকেশ। মাত্র কয়েক মাইল পথ। শহর-শহরতলী পার হয়ে অরণ্যের বুক চিরে গেছে হুথীকেশের পথ।

মাঝপথে বাস দাঁড়ালো। এখানের জঙ্গলের মধ্যে সত্যনারায়ণস্বামী মন্দির আর কালী কমলিওয়ালার ক্ষেত্র। অধিকাংশ যাত্রী নেমে গেল মন্দিরে দেব দর্শন করতে। আমি যেমন ছিলাম, তেমনি বসে রইলাম বাসের এক কোণে।

কয়েক মিনিটের যাত্রা বিরতি। তারপর আবার চলতে আরম্ভ করলো বাস। একভাবে থাকিয়ে আছি অরণ্যের দিকে। গভীর অরণ্য।

সামান্য পথ তুরিয়ে এলো দেখতে দেখতে। হুথীকেশের মাটিতে পা দিয়েই পথের ধূলিকণা মাথায় তুলে নিলাম।

আশ্রয়ের সন্ধানে প্রথমে এলাম কালী কমলিওয়ালার ধর্মশালায়। স্থান নেই। গেলাম গোপাল কুঠিতে। একই অবস্থা। সুনাম, দুটি ঘর খালি আছে, কিন্তু ঘর দুটি তালাবন্ধ রয়েছে উড়িষ্যার কোন এক মহারাণীর জন্তে। মহারাণী আসবেন এক সপ্তাহ পরে, ঘর দুটি তালা বন্ধ রয়েছে পনেরো দিন আগে থেকে। প্রজারাজ্যের ব্যাপারই আলাদা। শেষে এলাম ভগবান আশ্রমে। ঘর খালি আছে, কিন্তু কর্তৃপক্ষ আমার একার জন্তে একটি ঘর দিতে নারাজ। অগত্যা স্থান করে নিলাম নীচের তলার বারান্দায়। যেখানে আরও যাত্রী আশ্রয় নিয়েছে।

সন্ধ্যা হয়েছে। কদল বিছিয়ে নিয়ে আধশোয়া ভঙ্গীতে বসে আছি। দেখছি অল্প যাত্রীদের। শুনছি তাদের কথাবার্তা, হাসি, কলরব।

অহেনা অজানা পরিবেশ। অপরিচিত মানুষের ভিড়। এখানে অস্ত্রের মতো আমিও পথিক। তবে তীর্থ-পথিক হয়ে পুণ্যের নেশায় আমি আসিনি। এসেছি বাউল মনের তাড়নায়। যাযাবরের মতো ছুটে চলবো এই আশায়। অথচ এই মুহূর্তে আমি কেমন যেন ঝিমিয়ে পড়েছি। বুঝতে পারি এ অবসাদ অর্থহীন।

ধর্মশালায় বাইরে এলাম রাত সাড়ে নটার। কিছু না খেলে নয়। কাছেই ছোট একটি হোটেলে রাতের আহাৰ্য গ্রহণ করে আবার ফিরে এসেছি ধর্মশালায়।

স্নাত সাড়ে দশটা হবে, একঘল অবাঙালী যাত্রী এলো কলরব করতে করতে। ঘরে জায়গা নেই। যে যার বৌচকাবুচকি নিয়ে বায়ান্দায় বসে গেল। কথাবার্তায় বুঝতে পারি ওরা আসছে পাটনা থেকে, যাবে কেদার-বত্ৰী দর্শন করতে। ওরা কথা বলছে বলুক, গল্প করছে করুক—আমি আপাদমস্তক কঞ্চল মুড়ি দিয়ে শুয়ে পড়ি।

ঝুম ভাঙলো দিনের আলো স্পষ্ট হয়ে ফুটবার আগে। এর-ই মধ্যে শুরু হয়েছে যাত্রীর কলরব। কোন কোন দলের বিছানা-পত্বর বাধাছাঁদা হয়ে গেছে।

কুহপ্রয়াগের বাস ছাড়বে সওয়া সাড়টায়। গতকাল আসার সময় নাম লিখিয়ে এসেছি বাস কোম্পানীর অফিসে, জানি টিকিট পাওয়ার অসুবিধে হবে না। প্রথমেই বাসট্যাণ্ডে না এসে গেলাম বাজারে, একটা লাঠি সংগ্রহ করতে।

পরনে গেরুয়া আলখাল্লা, মাথায় গেরুয়া রঙিন টুপী, হুকীথে কোলাকুলি, হাতে লাঠি—টিকিট কেটে এসেছি কুহপ্রয়াগগামী বাসে।

‘জয় কেদারনাথ কী জয়—জয় বত্ৰী বিশাল কী জয়’—যাত্রীদের সমবেত জয়ধ্বনির মধ্যে বাস চলতে শুরু করে।

একনাগাড়ে জয়ধ্বনি দিয়ে চলেছে যাত্রীদল। একটি নয়, দুটি নয় পঁচিশটি যাত্রী বোকাই বাস। হৃদকেশের পথে ধুলো উড়িয়ে চলেছে একের পর এক।

আমার সঙ্গে এই জয়ধ্বনির প্রতিধ্বনি জাগলো না। কিন্তু মনের মধ্যে এক বিচিত্র অসুভূতি আর উদ্ভাদন। কোথায় ছিলাম, কোথায় চলেছি, আর কোথায় যাবো! চিন্তায় চেঁদ পড়লো লছমনকোলায় পৌঁছে। একের পর এক বাসগুলো দাঁড়িয়ে গেল সরকারী স্বাস্থ্যবিভাগের টাঁবুর সামনে।

প্রতি যাত্রীকে এখানে দেখাতে হবে কলেরা ও বসন্তের প্রতিষেধক নেওয়ার প্রমাণপত্র। নইলে প্রতিষেধক ইনজেকশন নিতে হবে। যাদের সংগে প্রমাণপত্র আছে তারা নিশ্চিন্ত। নইলে অংগে হুঁচকি ধবেই।

অধঃপাটার ডব্বে বাস দাঁড়ালো। তারপর চলার নির্দেশ পেয়ে একে একে চলতে আরম্ভ করে। জানালায় মুখ বাড়িয়ে দেখলাম লছমনকোলায় বিখ্যাত সুগন্ধ পুল। দেখতে পেলাম স্বর্গপ্রিয়, গীতাভরণ। দূর থেকে দেখা, না দেখার সার্বিল। ইচ্ছে রইলো প্রত্যাবর্তনের পথে দুদিন কাটিয়ে যাবো এখানে।

লছমনঝোলায় গন্ধার সেতু পার হয়ে বাস ছুটে চলেছে। এবারে পার্বত্য পথের সূচনা। পথের ধারে ইংরেজীতে লেখা সতর্কবাণী—‘সাবধান, দুর্গম পার্বত্য পথ তোমার সামনে’।

পাহাড়ের পাদদেশ ধরে প্রশস্ত সড়কের ওপর দিয়ে চলেছি। যে দিকে চাই পাহাড়ের প্রচ্ছদপট। পথের দুধারে ঘন অরণ্য। খর বোশেখের তাপেও সে অরণ্যের ঝামলিমা ম্লান হয়নি। দুচোখ ভরে বায় অরণ্যের সৌন্দর্য স্বপ্নায়। ঘন ভরে বায় বৈচিত্র্যের প্রাবনে।

ক্রমে পাহাড়ের পাদদেশ ছেড়ে পথ চলে গেছে চড়াই-এ। এ চড়াই এমন কিছু নয়। কিন্তু যতো এগিয়ে চলেছি ক্রমেই পথ দুর্গম হয়ে পড়ছে। একদিকে পাহাড়ের দেয়াল, অন্য দিকে গভীর খাদ।

খোলা জানালার ধারে বসে আছি। দুচোখে দেখার নেশা। দেখছি। প্রতি মুহূর্তের সংগে বিশ্বয় জড়ানো। একই পাহাড়, একই অরণ্য—কিন্তু একটি পাখরের হুড়ি, একটি সবুজ তৃণের মধ্যেও জড়িয়ে আছে সে বিশ্বয়।

এবারে কখনো চড়াই, কখনো উৎরাই। কখনো সে পথ সমান্তরাল রেখার মতো চলে গেছে দৃষ্টির অন্তরালে।

দুর্গমকে স্বগম করেছে মানুষ। বিজ্ঞান মানুষকে অনেক সুবিধে দিয়েছে, অনেক সুযোগ। আজ যে পথে বাস ছুটেছে, একদিন এই পথ পায়ে হেঁটে অতিক্রম করতে হতো।

এই পথ আজকের নয়। হাজার হাজার বছর আগেও এই হিমালয়ের বুকে ছিল পথরেখা। পুরোনো দিনের সে পায়ে চলা পথ আজ তার কোলিঙ্গ হারিয়েছে। আজ সে অপাংক্লেয়ের মতো পড়ে আছে পাহাড়ের বুকে। কিন্তু একদিন সেই পথ অতুলন করে স্বর্গের সন্ধানে গিয়েছিলেন মহাতারতের নারক-নারিকা। যুগ যুগ ধরে সেই পথে পায়ের চিহ্ন এঁকে গেছেন কতো মুনি, ঋষি, মহাপুরুষ—আবার গৃহী, মন্স্রাসী, বৈরাগী, ভবঘুরে, বাউতুলের দল সেই পথে গেছে স্বর্গের ঠিকানা খুঁজতে। দুঃখ, কষ্ট, বিপদকে সে মানুষ পরোয়া করেনি, পর্বতের বাধাকে গ্রাস করেনি, জীবনকে মৃত্যুর মুখে ঠেলে দিতেও সে ভয় পায়নি। লক্ষ লক্ষ মানুষের চরণস্পর্শে সে পথ ধস্ত। এই পাহাড়, নদী, অরণ্য, অরণ্য জানে সে পথের ইতিহাস—তার ইতিকথা লেখা আছে পাখরের টুকরোর বুক, বুলিকণার অন্তরে।

বেলা সাড়ে এগারোটা।

দেবপ্রয়াগে বাস দাঁড়ালো। এখানে আধঘণ্টার জন্তে যাত্রা বিরতি।

ভাগীরথী আর অলকানন্দার সঙ্গম তীর্থ এই দেবপ্রয়াগ। পঞ্চ-প্রয়াগের অন্ততম। অযোধ্যার রাজা শ্রীরামচন্দ্র, লক্ষ্মী-যুদ্ধে রাবণকে হত্যা করার পর পাপ মুক্তির জন্তে এখানে কঠোর তপস্তা করেছিলেন। তারই সাক্ষ্য দিচ্ছে ভগবান শ্রীরামচন্দ্রের মন্দির।

কাছেই পাহাড়ের ওপর গভীর জঙ্গলের মধ্যে দেবী মন্দির। দেবী মন্দিরের প্রাক্ষেপে হুবহু ঘণ্টা—বহু যোজন দূর থেকেও যে ঘণ্টাধ্বনি শোনা যায়।

সঙ্গম ক্ষেত্রে পাহাড়ের ওপর শিবলিঙ্গ। মন্দির নেই। অনাবৃত অবস্থায় দেবাদিদেব বিরাজ করছেন।

মনোরম পরিবেশে পাহাড়ের গায়ে সুন্দর এই শহর দেবপ্রয়াগ। মাস্তকের বসতি, দোকানপসার, মন্দির, ধর্মশালা, ডাকঘর, স্বাস্থ্যক্ষেত্র—সবই আছে।

ইচ্ছে থাকলেও উপায় নেই ঘুরে ঘুরে দেখার। সংক্ষিপ্ত অবসর। একটি দোকান থেকে শুকনো কুটি তরকারী খেয়ে পথের ধারে একান্তে এসে দাঁড়িয়েছি। দেখছি, ভাগীরথী আর অলকানন্দার সঙ্গম ক্ষেত্র। তখনই মিলিত জলস্রোতের তীব্র কলোচ্ছাস।

ইতিমধ্যে কিরতি পথের বাসগুলো এসে পৌঁছলো একের পর এক। সামান্য ভ্রমচ জন যাত্রী তামত। এখনও যে তীর্থযাত্রীদের প্রত্যাভর্তনের পালা শুরু হয়নি।

'জয় কেদারনাথ কী জয়—জয় বহু বিশাল কী জয়'—আবার সেই মিলিত কর্ণের জয়ধ্বনি। ক্ষণ-বিরতির পর আবার শুরু হবে যাত্রা।

মুহূর্ত জয়ধ্বনির মধ্যে বাসগুলো চলতে আরম্ভ করলো। মুখর হয়ে উঠলো আমাঘের চলার পথ। শুধু আমি নীরব, এখনও একটি বারের জন্তে আমার কণ্ঠে ওই ধ্বনির প্রতিধ্বনি জাগেনি।

দেবপ্রয়াগ পেছনে পড়ে রইলো। পেছনে চলে গেল হৃৎপথের পথ। চলছি শ্রীনগরের পথে। খোলা রেখেছি দৃষ্টির দর্পণ। বতদূর চাই—শুধু পাহাড় আর পাহাড়। সখ্যা নেই, শেষ নেই।

পাহাড়ের গায়ে কোথাও গভীর অরণ্য, কোথাও ছোট ছোট গ্রাম, কোথাও ঢালু পাহাড়ের গায়ে কসলের জমি। কতো পরিভ্রমে এ-দেশের মানুষ এই অকল্পনীয় দৃষ্টিতে কসল কলার। কতো মেহনত, কতো ব্যয়।

দুর্গম পথ আরও দুর্গম হচ্ছে। খাদের দিকে চাইলে ভয় হয়। নীচে, অনেক নীচে নেমে গেছে খাদ। গভীর খাদ। যেখানে বয়ে চলেছে অলকানন্দার জলধারা।

একদিকে খাদ, অন্যদিকে পাহাড়ের বাধা—তার-ই মধ্যে সংকীর্ণ বহ্নিম পথ। কখনও চড়াই, কখনও উৎরাই। তার ওপর বিপদজনক বাঁক। প্রতি মুহূর্তের চিন্তা—যদি ড্রাইভার এক সেকেন্ডের জন্যে অন্তমনস্ক হয়? যদি কোন কারণে এন্জিন বিকল হয়ে যায়, যদি—

হঠাৎ বমির শব্দে ফিরে তাকাই। আমার পাশে বসে এক রাজস্থানী বৃদ্ধ, জানালা দিয়ে মুখ বাড়িয়ে বমি করছে। বমি করার পর বৃদ্ধ বুক চেপে হাঁপাতে আদস্ত করলো। বলে বোঝাতে চাই—বমি বন্ধের ওষুধ আছে আমার কাছে, খেলে বমি বন্ধ হয়ে যাবে। কিন্তু আমার কথা কিছুতেই বোঝাতে পারি না বৃদ্ধকে। শেষটা মু্লি থেকে ওষুধের বড়ি বার করে ইংগিতে বোঝাই—এটা খেলে বমি বন্ধ হবে। এতোক্ষণে বৃদ্ধ হাত পেতে নিল ওষুধের বড়ি।

ওষুধে কাজ হয়েছে। বমি বন্ধ হয়েছে বৃদ্ধের। ও ওর নিজের ভাষায় আমাকে জানানো, বাবা কেদারনাথ আমার ভালো করবেন। আরও কয়েকটি হাত এগিয়ে এলো। বমি বন্ধের দাওয়াই চাই। কাউকে নিরাশ করি না। কেনই বা করবো? যে ওষুধ আমার সংগে আছে, তাতে অনেকের প্রয়োজন মিটতে পারে।

জ্যোৎস্না থেকে আসছি এই তিরিশ পয়ত্রিশ জন রাজস্থানী নর-নারীর দলটির সংগে। ওদের ধরনধারণ দেখে মনে হয়, রাজস্থানের কোন গ্রামাঞ্চল থেকে ওরা আসছে। দল বেঁধে চলেছে কেদার-বত্ৰী দর্শন করতে।

—মহারাজ, কতপ্রয়াগ আর কতো দূর? রাজস্থানী বৃদ্ধ জিজ্ঞাসা করলে।

মহারাজ! সন্ধ্যোদনে বিস্থিত ছই। পরক্ষণে ভাবি, আমার পরনে গেকরা আলখাল্লা—ওদের চোখে আমি সাধু মহারাজ।

কতপ্রয়াগ এখনও অনেক দূর, পৌছতে সন্ধ্যো হয়ে যাবে—তবে বৃদ্ধ চোখ কপালে তুলে বলে ওঠে—হা ভগবান।

একা ওই বৃদ্ধ নয়, বাসের প্রতিটি যাত্রী যেন পথের ধকলে কাতর হয়ে পড়েছে। সকলের চোখে মুখে ব্যাকুল উৎকর্ষার চিহ্ন। ওইই মধ্যে ক'জন যাত্রী মাঝে মাঝে কেদারনাথের নামে জয়ধ্বনি দিয়ে নিজেদের চাকা করে তুলছে।

চড়াই পেরিয়ে উংরাই পথে নামছে বাস। দূরে উপত্যকা নজরে পড়লো। কীতিনগরের পথে চলেছি। দেখতে দেখতে কীতিনগর পার হয়ে এলাম। চলেছি শ্রীনগরের পথে। স্থানীয় মন্ডপ পথের ওপর দিয়ে বাস ছুটেছে। পথের দু'ধারে গাছের সারি। ছায়া জড়ানো মনোরম পথ। এতোক্ষণে রাজধানী নয়-নারীর দলটি কেন কিছুটা স্বস্তি পেয়েছে।

বেলা আড়াইটে। শ্রীনগরে পৌঁছে বাসগুলো পরপর দাঁড়ালো। কিরতি পথের বাস না আসা পর্যন্ত এখানে অপেক্ষা করতে হবে।

গাড়োয়ালের অন্ততম শহর এই শ্রীনগর। কিংবদন্তী বলে, সত্যযুগে রাজা লভ্যাসক্ত এখানে বহুদিন তপস্বী করেছিলেন। পৌরাণিক ইতিবৃত্ত বাই হোক, শ্রীনগরের ইতিহাস আছে।

প্রাচীন কালের বহু রাজার স্মৃতি বিজড়িত এই শ্রীনগর—অতীতের রাজস্ব-বর্গের রাজধানী শ্রীনগর, বর্তমানে রাজধানী না হলেও গাড়োয়ালের অন্ততম শহর রূপে পরিগণিত।

শ্রীনগরের অন্ততম আকর্ষণ কমলেশ্বর মহাদেবের মন্দির। সেই স্থূর অতীত কাল থেকে কতো রাজার রাজস্বকাল শেষ হয়েছে এই শ্রীনগরে, ঘটেছে কতো পতন-উত্থান, অলকানন্দার স্নীত জলধারায় বারবার প্রাণিত হয়েছে এই শহর, কমলেশ্বর মহাদেব যুগযুগ ধরে তা প্রত্যক্ষ করেছেন মহাকালের মতো।

দাঁড়িয়ে আছি শহরের রাজপথে। দাঁড়িয়ে আছি অচঞ্চল। দেখছি, যে পথ পেছনে রেখে চলে এসেছি, সেই পথের দিকে। এই মুহূর্তে আবার সেই পুরোনো চিন্তা—কোথায় ছিলাম, কোথায় এসেছি, কোথায় যাবো।

কল্পগ্রন্থাগ থেকে কিরতি বাসগুলো সাড়ে তিনটোর পর। একটি বাস বিকল হয়েছিল পথে, তাই এতো দেরী। বিরতির ক্ষণটুকু ফুরালো এতোক্ষণে। আবার শুরু হলো আমাদের চলা। শ্রীনগরের পথ দুখর হয়ে উঠলো রাজার কণ্ঠের মিলিত জয়ধ্বনিতে।

উপত্যকার পথ শেষ হতে শুরু হলো চড়াই। পথও বিস্তীর্ণ ধরনের। যেমন সংকীর্ণ, তেমন অসমতল। এক নাগাড়ে কানুনি খেতে খেতে চড়াই পথে উঠছে বাস। তার ওপর গুলো। নাকে মুখে কাপড় দিয়েও নিষ্কৃতি নেই।

রাজধানী মেয়েরা আচমকা গান গাইতে শুরু করে দেয় সমন্বয়ে। তাতে না-আছে স্বর, না আছে স্বরেলা কণ্ঠের স্পর্শ—তাল-লয়-মাত্রা দূরে থাক। একে এই পথের ধকল, তারপর এট বেহুড়ো গান।

জানালা দিয়ে মুখ বাড়িয়ে খাদের দিকে ফিরে চাই। গভীর খাদ। হারিয়ে গেছে কোন অতলে। অলকানন্দার জলরেখাও হারিয়ে গেছে কোন অন্ধকারে।

এক পাহাড় পার হয়ে আর এক পাহাড়ে। আবার সে পাহাড় ভিড়িয়ে চলেছি অস্ত্র পাহাড়ে। গোলকধাঁধার মতো চলে গেছে এই পথরেখা।

বাসের ক্লিনার নন্দলাল, হুবীকেশ থেকে আমার পাশে বসে আসছে। ওর কাছ থেকে গাড়োয়ালের কথা শুনছিলাম। কথা বলতে বলতে হঠাৎ একটি বাকের কাছে এসে দূরের পাহাড়ের দিকে তাকিয়ে চঞ্চল হয়ে ওঠে। কিছুক্ষণ সেই দূর পাহাড়ের দিকে অপলক দৃষ্টিতে চেয়ে থাকে ও। তারপর চাপা নিঃশ্বাস ভাগ করে বলে, ওই পাহাড় পার হয়ে আমাদের বেতে হবে। আগাগোড়া বালি আর পাথরে গড়া ওই পাহাড়। যখন তখন ধস নামে। গেল বছর ওই পথে ঘটেছিল এক নিধারূপ দুর্ঘটনা। ধস নেমে শাক্তীবাহী বাস পড়েছিল খাদের মধ্যে। বেঁচে থাকা দূরের কথা, একটি দেহও অবিকৃত ছিল না। সৈন্যবাহিনীর লোক চার পাঁচ দিন ধরে খোঁজাখুঁজি করে অলকানন্দার গর্ত থেকে কয়েকটি গণিত শব উদ্ধার করেছিল মাত্র।

সত্যি, এ পাহাড়ের আগাগোড়া বালি আর টুকরো পাথরে গড়া। এখনো জায়গায় জায়গায় ধস নেমে পথ সংকীর্ণ হয়ে রয়েছে। অত্যন্ত সন্তর্পণে বাস চালিয়ে নিয়ে চলেছে ড্রাইভার। ষ্টিয়ারিং একটু এদিক ওদিক হলে আর রকে নেই। তার ওপর একটানা চড়াই আর বিপদজনক বাঁক। প্রতি মুহূর্তে ভয়াবহ শিহরণ জাগে মনে।

যেখানে দুর্ঘটনা ঘটেছিল, নন্দলাল সে জায়গাটি দেখিয়ে বললে, এখানে এলে আমার বুক কেঁপে ওঠে বাবুজী। নন্দলাল বাসের ক্লিনার, আমার দোস্ত।

জিজ্ঞাসা করি—কতো দিন তুমি এ পথে যাওয়াত করছো নন্দলাল।

—তিন বছর। জীবন হাতে করে বাসে চলাফেরা করি। রোজ সকালে যখন কাজে বেরোই, তখন ভাবি আজও কি বেঁচে থাকবো! সন্ধ্যা বেলা ডেরায় পৌঁছে তবে মনে করতে পারি আমি বেঁচে আছি। শংকরজী, আর নারায়ণজী ভরসা—বলে হাত জোড় করে প্রণাম করলো নন্দলাল।

কোথাও জিঁহু নয়, আচমকা বাস দাঁড়ালো। পর পর সব কটি বাস দাঁড়িয়ে গেছে। ঘটনা এই, ধস নেমে পথ বন্ধ হয়েছে। পরিবারের কাজ আরম্ভ হয়েছে। পরিবার হতে কম পকে আধ ঘণ্টা সময় লাগবে।

অধিকাংশ বাত্মী নেমেছে বাস থেকে। দেখছি বাত্মীদের। পা থেকে মাথা
অঙ্গি ধুলোয় ঢাকা। গেরুয়া রং-এর ধুলো।

পথের ধারে গিয়ে দাঁড়াই। অভলম্পর্শী খাদ। অলকানন্দাকে দেখতে
পাচ্ছি না। শুনিছি তার চলার শব্দ। গভীর খাদের মধ্যে দিয়ে উপল খণ্ডের
বাধা অভিক্রম করে ছুটে চলেছে অলকানন্দ।

যেদিকে ডাকাই, শুধু পাহাড় আর পাহাড়। অদূরে পাহাড়ের কোলে
মানুষের বসতি। ছোট ছোট গ্রাম। দূর থেকে ছবির মতো দেখায়। নীচে
পাহাড়ের গায়ে ফসলের ক্ষেত। এখন ফসল নেই। শূন্য ক্ষেত পড়ে রয়েছে।

দেখতে দেখতে পাঁচটা বাজলো। সূর্য মুখ চেকেছে পাহাড়ের আড়ালে।
তবে দিন শেষ হতে এখনো দেরী আছে।

পথ পরিষ্কার হয়েছে। আবার যে যার বাসে উঠলো। এবারেও অজ্ঞ-
কণ্ঠে জাগলো জয়ধ্বনি। ‘জয় কেদারনাথকী জয়’।

আজকের মত চড়াই পথের শেষ। বাস চলেছে উৎরাই পথে। চক্রাকারে
পাহাড়ের গা বেয়ে পথ গেছে নীচে। অনেক নীচে।

তবু যেন পথ ফুরায় না। কতোক্ষেণে পৌঁছবো রুহপ্রয়াগ। হয়তো সন্ধ্যা
হয়ে যাবে।

চঠাং দৃষ্টি নিবদ্ধ হলো দূরে। স্পষ্ট দেখতে পাচ্ছি রুহপ্রয়াগ সঙ্গম।
মন্দাকিনী আর অলকানন্দার দুইধারা এসে মিশেছে।

রুহপ্রয়াগে পৌঁছে আজকের মতো পূর্ণচ্ছেদ পড়লো বাত্মার। নদীর
এপারে বাসগাও। কিন্তু সঙ্গম ক্ষেত্রে যেতে হলে অলকানন্দার পুল পার হয়ে
যেতে হবে ওপারে।

এলাম সঙ্গমের কাছে। দেখলাম অলকানন্দা আর মন্দাকিনীর সঙ্গম
ক্ষেত্র। সঙ্গমের ওপরেই রুহেশ্বর শিবের মন্দির। দর্শনাগীর তিড়ি দেখানে।
সিঁড়ি পথে নামবার মুখেই কবি ঔষধাগর—একটি দাঁতব্যা চিকিৎসাকেন্দ্র।
নামনেই পাহাড়ের ওপর সক্তিদানন্দ আশ্রম। উঠবার সিঁড়ি আছে। শুনলাম,
এ আশ্রমে তীর্থবাত্মীদের থাকার ব্যবস্থাও আছে।

আশ্রমের অধ্যক্ষের সংগে দেখা করলাম। স্বল্পভাষী মানুষ। চলনশই
বাংলা বলতে পারেন। আশ্রমের কথা বলতে স্বাভাবিক না বলতে পারলেন
না। তবে আমি একা এসেছি শুনে একটু ইতস্তত করলেন। এক জনের
জন্তে একটি ঘর ছেড়ে দিলে আর পাঁচজনের অসুবিধে হতে পারে।

বললাম—আমাকে একটি ঘর না দিলেও চলবে। অন্তের সংগে থাকতে আমার আপত্তি নেই।

স্বামীজি যুহু হেসে একটি ঘর দেখিয়ে বললেন—ঠিক আছে, আপনি ওখানে জিনিষপত্র রাখুন। যদি তেমন বুঝি আরও ছ'চারজনকে ওখানে পাঠাতে পারি।

ঝোলাঝুলি ঘরের কোণে রেখে সাবান গামছা নিয়ে কলতলায় এলাম। সর্বাগে ধুলো। গা না-ধুলে নয়। গায়ের জামা খুলেছি এমন সময় স্তনতে পেলাম স্বামীজির কথা—আহা, ও কাজটি করবেন না। হঠাৎ ঠাণ্ডা লেগে যাবে। দেখছেন না, কী রকম ঠাণ্ডা এখানে। তার ওপর ওই কলের জল লাগাবেন না সন্দেহ বেল। এমন মুখহাত ধুয়ে ফেলুন।

মুখ হাত ধুয়ে জিনিষপত্র গোলগাছ করে ঘরে শিকল টেনে বাস কোম্পানীর আফিসে এসেছি। নাম না-লেখালে টিকিট পাওয়া যায় না। নামের তালিকা অস্থায়ী টিকিট দেওয়া হয়।

যাত্রীর অস্থপাতে বাসের সংখ্যা কম। আসছে কাল তো টিকিট পাওয়া যাবে না, এমন কি পরন্তর টিকিটও মিলবে কি-না সন্দেহ! তবে কর্তৃপক্ষ আশা করছেন, কাল থেকে কয়েকটি বেশী বাস চালু করতে পারবেন। এখানেই স্তনলুম্, প্রায় পাঁচ হাজার যাত্রী ইতিমধ্যে ক্রয়প্রয়াগে এসে অপেক্ষা করছে।

—দাদা, আপনার নাম লেখানো হয়ে গেছে? ফিরে দেখে একজন বাঙালী ভদ্র মহিলা। একনজরে দেখে বুঝতে পারিনি, ভালো করে লক্ষ্য করলাম। মহিলা হয়তো বয়সের হিসাবে তরুণ। দেখে মনে হয়, কোনদিন তথী ছিল না। গায়ের রং কালো, পাকানো চেহারা, তার ওপর বিহী রকমের ঢাঙা আর রোগা। পরনে আটপৌরে শাড়ী, গায়ে স্কার্ফ—কমলালেবু রঙের। সিঁথিতে সিঁদুর নেই। কুমারী, কি বিধবা—বুঝতে পারি না।

—বাস জানি কেমন লাগলো বলুন? মহিলা অন্তরংগ করে জিজ্ঞাসা করলে।

—চমৎকার, মনে রাখবার মতো।

—চমৎকার মানে? আমার তো হাড় মাস ব্যথা হয়ে গেছে। কী বলবো দাদা, আগে জানলে আসতুম না। কষ্ট হবে জানি, কিন্তু এমন কষ্ট জানলে—বলতে বলতে মহিলা কথা বন্ধ করলে। পরক্ষণে বললে—না, না, নিশ্চয়ই আসতুম। তবে—না, সে কথা ঠিক বলে বোঝাতে পারবো না দাদা।

মহিলার কথার ধরনে আমি বিম্বিত। কী রকম খাপছাড়া লাগলো প্রথম আলাপে।

—কোথায় উঠেছেন? বাস কোম্পানীর অফিসের বাইরে এসে মহিলা জিজ্ঞাসা করলে।—ধর্মশালায় নিশ্চয়ই।

—না। সচ্চিদানন্দ আশ্রমে।

—আমরা উঠেছি কালী কমলিওয়ালার ধর্মশালায় পাশে একটা চটিতে। কিন্তু কী মুন্সিল বলুন তো, যে রকম শুনাছি তাতে মনে হয় দু'তিন দিন মিছে বসে থাকতে হবে রুদ্রপ্রয়াগে।

—হয় হবে।

—হয় হবে, তার মানে? মহিলা ঠোট চেপে 'চুষ' শব্দ করে বললে—
যেখানে যাবো বলে বেগিয়েছি, সেখানে না পৌঁছনো অজি কি স্বস্তি আছে।

—দু'দিন আগে আর পরে। এইতো কথা।

খানিক পথ এগিয়ে এসে মহিলা জানতে চাইলে, আমার সংগে আর কেউ আছে কি-না। আমি একা এসেছি শুনে ভদ্রমহিলা মুচকি হেসে বললে—
পথের আনন্দ আপনি পুরোপুরি উপভোগ করবেন দেখছি।

মহিলা আমার পেছনেই আসছে। আমার কথা বলার অপেক্ষা না করে নিজের মনে বকেই চলেছে। আর মাঝে মাঝে জানতে চাইছে, আমি তাঁর কথা শুনাছি কি-না।

—এই আমাদের ঘর। ভদ্রমহিলা পাশেই একটি ঘোড়লা বাড়ীর দিকে আঙ্গুল উচিয়ে বললে—আমুন না দাদা। মা-পিসিমার সংগে আলাপ করবেন।

এখন থাক। দেখে তো বাড়ি, পারি যদি পরে এক সময়ে আসবো। বলে লোভা চলতে আরম্ভ করি।

ঘরে ঢুকেই পথকে দাঁড়াই। চারজনকে একটি হল আমার জিনিষপত্রর একান্তে ঠেলে দিয়ে পাকাপাকি হয়ে বসেছেন। হলটি বাড়ালীর। দু'জন পুরুষ, দু'জন নারী। তবে লটবহর দেখে মনে হয়, সংগে আরো মানুষ আছে।

—ওই কোলাখুলিগুলো আপনার? একজন জিজ্ঞাসা করলেন।

—আজ্ঞে হ্যাঁ। দয়া করে শুকনো যদি একটু বস্ত্র করে শুভিয়ে রাখতেন, ভালো হতো।

—ওগুলো নিয়ে যান। সন্ধ্যাসীকে কী ঘরে মানায়? বলে নিজের
রসিকতায় নিজেই হাসলেন ভদ্রলোক।

আমাকে নীরব দেখে ভদ্রলোক একটু মেজাজী ভাবে বললেন—আমরা
ছজন লোক। তারমধ্যে চারজন মেয়েছেলে। আপনি অচেনা অজানা মানুষ—

—ভয় নেই, আমি মানুষ ছাড়া আর কিছু নই। বলে আমার জিনিষপত্র
ভুছিয়ে গেখে, কবল বিছিয়ে দিই।

—আপনি—

—হী, এই ঘরেই থাকবো। যদি অসুবিধে মনে করেন, আপনাদের ওই
ভারী ট্রাকগুলো দিয়ে আড়াল করে নেবেন।

—আপনি ঠাট্টা করছেন?

—আঃ চূপ করোনা রজনী। এতো সময় চূপচাপ বসেছিলেন, আর এক
ভদ্রলোক। বললেন—সামান্য ব্যাপার নিয়ে বাড়াবাড়ি করছো কেন? মনে
করো না, আমরা সাতজন একসঙ্গে এসেছি—

—কিন্তু অচেনা-অজানা মানুষের সংগে—

—দেখুন, রজনীবাবুকে কথা শেষ করতে না দিয়ে বলি, বারবার অচেনা
অজানা বলছেন কেন? মানুষ চিনতে জানলে, চিনতে দেবী হয় না।
আপনাকে দেখে মনে হচ্ছে, এরকম পথে এই প্রথম বেরিয়েছেন।

—আপনি কিছু মনে করবেন না। সংগের ভদ্রমহিলা, বোধহয় রজনীবাবুর
স্ত্রী, বললেন—ওর একটুতে মাথা গরম হয়। ব্রাডপ্রেসারের রোগী কি-না?

—না, না। আমি কিছু মনে করিনি। সামান্য কথায় কিছু মনে করতে
গেলে কি চলে?

চূপচাপ এসে থেকে দেখছি ওঁদের গৃহস্থালী। প্রচুর লটবহর সংগে
এনেছেন। চারপাঁচটা কুলিতেও বইতে পারবে কিনা সন্দেহ।

—বাজারে যাবে, না চূপ করে বসে থাকবে? রজনীবাবুর স্ত্রী আমাকে
উদ্বেষ্ট করে বললেন—কোথায় উত্তন, কোথায় কাঠ—এসব কী আমরা দেখবো।
আর সে মেয়ে দুটোই-বা গেল কোথায়? আমার হয়েছে নানান জালা।—
বাও বাজারে গিয়ে যেন দুশট্টা দেবী করো না।

—না, না। যাবো আর আসবো। খলেটা দাও। এলো পরিতোষ—

সংগের ভদ্রলোকের নাম পরিতোষ। যেখে মনে হয় নিপাট ভালো মানুষ।
কোন কথা না বলে রজনীবাবুর সংগে বেরিয়ে গেলেন।

—ভাখো আমি পই পই করে মানা করেছিলাম, মেয়েদের সংগে এনো না। তুলে না। শ্রীমতী রজনী পরিতোষ বাবুর স্ত্রীকেও হু'কথা শোনাতে ছাড়লেন না—তোমাকেই বা কী বলবো—তুমিতো ওদের বারণ করলে পারতে।

—এসেছে যখন, তখন আর কী করবে বলো। আমার কৰ্ত্তাকে তো জানো, আমি বারণ করে কি আটকাতে পারতাম মেয়েকে। শাস্ত কৰ্ত্তে জবাব দিলেন পরিতোষবাবুর স্ত্রী।

প্রথম দেখাতেই সুন্দর লাগলো পরিতোষবাবুর স্ত্রীকে। বয়সে প্রৌঢ়। মাতৃষের স্বভাৱ জড়ানো মুখে। চোঁটের কোণে হাসির স্পর্শ জড়িয়ে আছে। এঁদের দুজনের কথাবার্তায় মনে হয়, এঁদের পরস্পরের সম্পর্কটা নিবিড়।

চুপচাপ ঘরে বসে না থেকে বাইরে এলাম। আশ্রমের নীচেই সন্ধ্যার ঘাট। কয়েকধাপ নেমে কুঞ্জের শিবের মন্দির। মন্দিরে এলাম। আরতি শেষ হয়েছে। এখনো ধূপের সুরতি হারিয়ে যায়নি। প্রদীপ জ্বলছে মন্দিরের ভিতরে। দেবতাকে দেখলাম। পাথরের দেবতা—মাতৃষের বিশ্বাস ওই দেবতার বৃক্রে প্রাণ প্রতিষ্ঠা করেছে।

কজন তিথাহী বাউল মন্দিরের চরণে বসে। গল্প করছে। একজনের হাতে খড়্গি। ও বোধ হয় গান গাইবে।

সিঁড়ি পথ নেমে গেছে আরো নীচে। দুই নদীর সন্ধ্যা স্থলে। নিজেন ঘাট। বসেছি ঘাটের শেষ ধাপে। পায়ের কাছে জল ফেটে পড়ছে। উদ্যম স্রোতে ছুটে আসতে আসতে দুই নদী মিলেছে এখানে। দুই ধারা একধারায় বয়ে চলেছে।

বসে আছি। দেখছি নিসর্গ শোভা। দূর পাহাড়ের শীর্ষে, আকাশ গলাটে সপ্তমীর চাঁদ। নক্ষত্রের বাসরে জেগে আছে মধ্যমণির মতো। কয়েক টুকরো মেঘ ভাসছে আকাশে। মাঝে মাঝে ঢেকে দিচ্ছে চাঁদের মুখ।

সন্ধ্যার জলে পড়েছে চাঁদের আলো। অলকানন্দা আর মন্দাকিনীর জলধারা ফেটে পড়ছে অজস্র সর্গবিন্দু হয়ে।

মন্দিরের অঙ্গন থেকে সুর ভেসে এলো। উদাস্ত কণ্ঠস্বর। তক্তিরসের সিকনে সে সুর হয়েছে আরো মধুর।

“তু দয়াল, দীন হুঁ, তু দাতা ময় ভিখারী ।

ময় প্রসিদ্ধ পাতকী, তু পাশপুঞ্জহারী” ॥

গান শেষ হলো, কিন্তু স্বরের রেশটুকু কানের কাছে বাজতে লাগলো ।

‘মধুর তোমার শেষ যে না পাই’—। চোখের সামনে অলকানন্দা আর মন্দাকিনীর কলোচ্ছ্বাস, অদূরে পাহাড়ের ছায়া মূর্তি । আকাশ-ললাটে সপ্তমীর চাঁদ । তার ওপর কিকে কুয়াশার গুড়না ।

• এই নিঃসঙ্গ মুহূর্তে কেমন যেন আব্বাসম্মোহিত হয়ে পড়েছি । কতো রাত হয়েছে জানি না । শুধু দেখছি, চাঁদ আরো দূরে সরে গেছে । এক পাহাড় ভিড়িয়ে আর এক পাহাড়ের কাছে ।

ভনভে পাই হাসির শব্দ । নারী কণ্ঠের হাসি । ফিরে চাই । টর্চের আলোয় পথ দেখে দেখে কারা যেন নামছে সিঁড়ি দিয়ে ।

নেমে এলো । পাশাপাশি ছজন । একজন স্পর্শ করলো সঙ্গমের জল । অন্তরঙ্গ দাঁড়িয়ে রইলো ।

—জল মাথায় দিলে না রাঙাদি ?

—না ।

ছোট একটি কথাব জবাব ।

—জানো, এই সঙ্গর তীর্থের মাহাত্ম্য । বলে মেয়েটি একটি বহু প্রচলিত কিংবদন্তীর কথা শোনায় । গয়রাজ্যের যজ্ঞে অসন্তুষ্ট পরশুরামের শাপে দুর্লক্ষ ব্রাহ্মণ ব্রহ্মরাক্ষস বোনি প্রাপ্ত হয়েছিল । রুদ্রপ্রয়াগে তাঁরা মুক্তিলভ করেন ।

—আমার ওপর কোন পরশুরামের অভিশাপ নেই সীমা ।

—কী যে বলো রাঙাদি ।

রাঙাদির মুহূ হাসির আওয়াজ কানে এলো ।

—একটু বসবে না রাঙাদি ?

—বসবো বৈকি । বোস্ ।

—তুবি দাঁড়িয়ে থাকবে ?

—না, ‘বলছি’ ।

পাশাপাশি বসলো ওরা ছজনায় । ওদের চিনি না, জানি না—স্পষ্ট দেখতে পাচ্ছি না । শুধু ফিরে ফিরে দেখার আগ্রহ ।

অলকানন্দা আর মন্দাকিনী আরো উজ্জ্বলিত হয়ে উঠেছে। চাঁদ ঢলে পড়েছে দূরে পাহাড়ের আড়ালে। অন্ধকারের সংগে মেমেছে গাঢ় কুয়াশা।

অশ্রুট দুই ছায়ামূর্তি বসে আছে সিঁড়ির ধাপে। মৌন মূর্তি।

তারপর আবার ওদের কথা কানে এলো।

—আচ্ছা সীমা বলতে পারিস, জীবনের সত্যি মূল্য কী ?

—জীবনকে জানা। বিন্দুমাত্র চিন্তা না করে উত্তর দিল সীমা।

—কিন্তু, জানবো বললেই তো জীবনকে জানা যায় না।

এবারে সীমা নীরব।

—জানিস সীমা, আমি ভাবি অন্তরকম। সহজভাবে জীবনকে গ্রহণ করতে যে পারে, সেই বুঝতে পারে জীবনের মূল্য কী। দৈনন্দিন জীবনে যা আসে আনন্দ, যা হবার হোক, তাতে কিছু যায় আসে না। শুধু ঘটনার আবর্তের সংগে এগিয়ে চলা। এক বিন্দুতে স্থির দাঁড়িয়ে থেকে জীবন বিশ্লেষণ করতে চাওয়া মিছে। বিচিত্র ঘটনার অভিজ্ঞতার মধ্যেই জীবনের স্বরূপ প্রত্যক্ষ করা যায়।

—একি তোমার মনের কথা রাঙাদি ?

—মন বাদ দিয়ে আমি নই। রাঙাদির নিঃবাসের শব্দ শেলাম। অলকানন্দা আর মন্দাকিনীর কলোচ্ছ্বাসে হারিয়ে যায়নি রাঙাদির দীর্ঘ নিঃবাস।

আবার নীরব হলো ওরা দুজনে। ওদের এ নীরবতার মধ্যেও যেন কথা লুকিয়ে আছে। যে কথা—কথা না বলেই শ্রুতি করে বলা যায়।

—তুমি ভুল করেছো রাঙাদি।

—ভুল করাতো মানুষের ধর্ম। আর ভুল করেই তো মানুষ ভুল শোধরায়।

—না, তোমাকে কথায় হারাতে পারবো না।

রাঙাদির হাসির শব্দ কানে এলো। মুহূর্ত হাসি। তারপর অশ্রুত কর্ণের কথা—ভুল আমি করি নি সীমা। এচাড়া আর কী করতে পারতাম, বল ?

সীমা এবার আর কোন কথা বললো না। রাঙাদিও কথা বাড়াতে চায় না। কিছুক্ষণ দুজনে বসে রইলো চুপচাপ। তারপর রাঙাদিকে বলতে শুনি—ওঠ, অনেক রাত হয়েছে।

—আর একটু বোসো রাঙাদি, বেশ লাগছে।

—তাহোক, এখন চল। গেলেই তো দশ কথা শুনেতে হবে তোমার মাঝ কাছে।

চলে গেল রাঙাধি আর সীমা । বাক্ । আমি যেমন ছিলাম, তেমন বলে
রইলাম আলোছায়া জড়ানো দূর পাহাড়ের দিকে তাকিয়ে । যে পথ দিয়ে চাঁদ
চলে গেছে পাহাড়ের আড়ালে, সে পথ থেকে এখনও আলোর রেখাটুকু
নিঃশেষে মুছে যায়নি ।

রাঙাধির কথাগুলো মনের মধ্যে অকারণ গুঞ্জন করছে । জানি না, কে
রাঙাধি—জানি না, কে ওই সীমা । জানবার প্রয়োজন নেই । তবু কোঁতুল—
কী ওদের পরিচয় ।

আর নয় । রাত হয়েছে । অন্ধকারে সিঁড়ি পথে ওঠাই মুশ্বিল । উঠছি
সম্বর্পণে ।

স্বপ্নেশ্বর মন্দিরের প্রদীপ নিভে গেছে । চত্বরে শুয়ে আছে কয়েকজন ।
হয়তো ওরা তীর্থযাত্রী । ধর্মশালায় বা চটিতে জায়গা না পেয়ে এখানে মন্দিরের
চত্বরে ছাউনীর নীচে আশ্রয় নিয়েছে ।

সঙ্গমক্ষেত্র থেকে উঠে এলাম খাবারের দোকানে । পুরি তরকারি আর
দুধ দিয়ে খাওয়ার পাট চুকিয়ে আশ্রমে এসেছি । যাত্রীর ভিড়ে আশ্রম
গুনজার । আশ্রম সংগ্রহ শিব মন্দিরের বারান্দায়, চত্বরে, অশ্বখগাছের নীচে
পাথর দাঁধানো উঠানেও তীর্থ-পথিকের দল আশ্রয় নিয়েছে । রাত কাটানো
নিয়ে কথা । ঘরে ভায়গা নেই বলে কি রাত কাটবে না ? কোথাও তিন
টুকবো পাথরের উত্তনে রান্না চেপেছে, কোথাও চলেছে খাওয়া-দাওয়ার পালা,
কোথাও বসেছে গল্পের আসর, আবার কেউ-বা কখন মুড়ি দিয়ে ঘুমিয়ে
পড়েছে ।

নিজের আস্থানায় ফিরেছি । পরিতোষবাবু গল্প করছেন বজুর সংগে ।
ঘরে আর কেউ নেই ।

—বাপরে কী ধোঁয়া । খিচুড়ির হাঁড়ি ঘরের মেঝের নামিয়ে রেখে
দুহাতের কজি দিয়ে চোখ বগড়াতে লাগলেন রজনীবাবুর স্ত্রী ।—রান্না করা
না তো, জ্বলেপুড়ে মরা ।

পরক্ষণে এলেন ভদ্রমহিলার সই—পরিতোষ বাবুর স্ত্রী । হাতে তরকারির
খালা । পিছু পিছু এলো দুজন তরুণী । স্বেশা স্ত্রী ।

—তোদের কি আকৈলেবে সীমা । সেই সন্ধ্যার পর বেরিয়েছিলি, আর

এই এলি। খিচুড়ি থেকে আলু আলাদা করে রাখতে রাখতে রজনীবাবুর স্ত্রী বললেন—জানিস, এটা বিদেশি বিড়ুই।

সীমা! দুজনের মধ্যে কার নাম সীমা! কৌতূহলী দৃষ্টিতে চেয়ে দেখি। চিনেছি সীমাকে। যে মেয়েটি বয়সে ছোট, সে-ই সীমা। অপরাধে রাঙাদি বলে চিহ্নিত করেছি মনে মনে। দেখছি তাকে। সুন্দরী সে। তবে একটু ক্লশ, একটু নিশ্চল। নয়তো গায়ের রং কাঁচা সোনার মতো, সুন্দর ছুটি চোখ আর বাঁকা ঙ্র। যেন তুলি দিয়ে আঁকা।

একটু আগে এরাই গিয়েছিল সন্ধ্যার ঘাটে! তবু কী আমি এদের কথাই ভনেছি!

রাঙাদি লক্ষ্য করলো আমাকে। আমি কে এবং এখের কেন; এই বোধ হয় ওর দৃষ্টির জিজ্ঞাসা।

—নে তোরা খালাটালোগুলো পেতে দে—রজনীবাবুর স্ত্রী বললেন।

—এর মধ্যে কেন না? সীমা জিজ্ঞাসা করলো।

—খিচুড়ি ছুড়িয়ে বাবে যে। আর কতো রাত হয়েছে, তার ঠিক আছে।

—রাঙাদি, তোমার হাতে তো ঘড়ি আছে। সীমা মুখ টিপে হাসলো।—
জাখো তো কটা বেতেছে।

—দশটা।

—ঠিক দশটা?

—হ্যাঁ, একেবারে কাঁটায় কাঁটায়।

রাঙাদিকে দেখি। সীমার রাঙাদি; যে আমার কাছে এখনো অপরিচিতা। রাঙাদির মাথার স্কাফ জড়ানো। স্ট্রট দেখতে পাচ্ছি না, সীমন্তে রক্ত চিহ্ন আছে, কী নেই। চোখে শব্দবলয়ও দেখছি না, শুধু একগাছি করে সোনার কাঁকন।

চোখের ইসারায় পরিতোষবাবুর স্ত্রী কিছু বললেন আমাকে। খিচুড়ির প্রথম গ্রাস মুখে দেবার আগেই পরিতোষবাবু জানতে চাইলেন আমার আহাবাদি হয়েছে কি না।

—হ্যাঁ, বাইরে দোকান থেকে খেয়ে এসেছি। রাঙ্গাবাড়ার জিনিষপত্র সব এনেছি, কিন্তু ভালো লাগলো না ওসব ঝগাটে। বলে রবীন্দ্রনাথের সঙ্কল্পিতা খুলে বসি।

সীমা বললে—আপনি দেখছি বইপত্র সব পড়েছেন।



—পথে এর চেয়ে বড়ো বন্ধু আর নেই।

—সীমা আর কোন কথা বললে না। রাঙাদি ক্ষণে ক্ষণে আমাকে লক্ষ্য করছে। ওর দৃষ্টিতে অস্পষ্ট কৌতূহল। বুঝতে পারছি, ও কথা বলতে চায়, কিন্তু বলতে পারছে না।

ওদের খাওয়া-দাওয়ার পালা চুকলো। এঁটো বাসন জড়ো করা রইলো ঘরের কোণে। মেঝে পরিষ্কার করলো রাঙাদি। সীমা পরিপাটি করে বিছানা পাতলো।

সকলের শেষে শয্যাগ্রহণ করেছি আমি। পাশেই পরিতোষবাবু। ঘর প্রায় অন্ধকার। শুধু এক কোণে জ্বলছে ছোট একটা লণ্ঠন।

এক সময় পরিতোষবাবু আমাকে ডেকে জিজ্ঞাসা করলেন—আপনি কোথা থেকে আসছেন?

আমার ঠিক-ঠিকানা বললাম। তারপর জানতে চাইলেন, আমি কি করি। বললাম—যা না করার তাই করি।

তুনে পরিতোষবাবু হাসলেন।—তার মানে?

—পরে শুনবেন।

—বাবা, এখন আর গল্প ফেঁদে বোসো না। রাত এগারোটা বাজে। রাঙাদি হাই তুলে অলসকণ্ঠে বললে,—তাছাড়া তোমার গল্পতো দু'কথায় শেষ হবে না।

—আচ্ছা মা শুয়ে পড়ছি। পরিতোষবাবু কবল মুড়ি দিলেন।

লণ্ঠনটা জ্বলছিল মিট মিট করে, আচমকা নিভে গেল। যেটুকু আলো ছিল তাও ফুরোল। অন্ধকার ঘর, অদেখা পাহাড়ী টিক্‌টিকির ডাক শুনতে শুনতে আমিও কখন ঘুমিয়ে পড়ি, জানিনা।

রাত ভোর। ঘুম চোখে বাইরে এলাম। পাহাড়ের মাথায় সূর্যের আলোর রক্তিম স্পর্শ।

কলতলার বেধা পেলাম পরিতোষবাবু। মুখ ধুচ্ছেন।

—বেশ দ্রুতের নীত।—পরিতোষবাবু ক্রমালে মুখ মুছতে মুছতে বললেন,
—চলুন, চা খেয়ে আসি।

বাল ষ্ট্যান্ডের কাছে চায়ের দোকানে বসেছি। পরিতোষবাবু চায়ের কাপে চুমুক দিয়ে সেই যে কথা শুরু কবলেন, সে কথা আর শেষ হয় না। নিজের

প্রসঙ্গে বললেন, উনি শিক্ষকতা করেন কলকাতায়। পৈতৃক বাড়ী আছে বৌবাজারে। কিছু বাড়ী ভাড়াও পান। ছোট সংসার। স্ত্রী শান্তিলতা, আর দুই পুত্র কন্যা—অসিত ও পূরবী। ঐ পূরবীকেই সীমা রাডাদি বলে থাকে। শান্তির সংসার ছিল এতদিন। কিন্তু সে শান্তি আর নেই। পূরবীকে নিয়েই অশান্তি।

কিন্তু পূরবীকে নিয়ে কেন সংসারে অশান্তি, সে সম্পর্কে নীরব রইলেন। আমিও কোন প্রশ্ন তুলিনি।

রজনীবাবু ঠর বালাবন্ধু। ব্যবসা করেন লোহা-লকড়ের। আর্থিক অবস্থা খুবই ভালো। কলকাতায় একাধিক বাড়ী গাড়ী আছে। রজনীবাবু যেমন ঠর বালাবন্ধু, তেমন দুজননের স্ত্রীর মধ্যে একটা সম্পর্ক আছে। দুজনেই শান্তিপূরের মেয়ে। ছোট বেলার সই।

তীর্থে আসা এই প্রথম নয় পরিতোষবাবুর। এর আগে ভারতের বিভিন্ন তীর্থ দর্শন করেছেন, কিন্তু দুর্গম তীর্থপথে এই প্রথম আসা।

আরো অনেক কথাই বললেন পরিতোষবাবু। দর্শন শাস্ত্রের ছাত্র ছিলেন তিনি, এখনও দর্শনের পূজারী। যদিও ঘটনার আবেগে পড়ে ঠর জীবন থেকে দর্শন উষ্ম হতে চলেছে।

চায়ের দোকান থেকে উঠে পরিতোষবাবুর সঙ্গে পথ চলি। মন্ডাকিনীর পুল পার হয়ে বেশ কিছুদূর চলে এসেছি। এক নিম্ন টিলার পাদদেশে বসে পরিতোষবাবুর মুখ থেকে দর্শনের কথা শুন।

সময়ের দিকে কাগের খেয়াল ছিল না। আশ্রমে ফিরেছি যখন, দশটা বাজতে কয়েক মিনিট বাকী। ঐতিমধ্যে রজনীবাবু বাজার করে এনেছেন। রান্না চাশিয়েছেন ঠর স্ত্রী। আর শান্তিলতা ছুরি দিয়ে তরকারি কুটছেন একান্তে বসে।

আমাকেও আজ রান্না করতে হবে। যদিও হোটেল এখানে আছে কিন্তু সে নোংরা হোটেলের ঢুকতে কচি নেই আমার। বাজারে গেলাম—সামান্য তরকারি চাল ডাল আর শুকনো কাঠ নিয়ে এলাম। আশ্রমে পাকশালায় উত্তন পালি নেই। অগত্যা তিনটুকরো পাথর দিয়ে উত্তন বানিয়ে নিই।

কাঠগুলো তেমন শুকনো নয়। জ্বলতে চায় না। ফুঁ দিয়ে বুক বাধা হয়ে গেছে। কখন জানিনা শান্তিলতা আমার পাশে এসে দাঁড়িয়েছেন। ফিরে চাইতে বললেন—তুমি সর বাছা, আমি উত্তন জ্বলে দিচ্ছি। পুরুষ মানুষ কি এসব পারে ?

আরো একবার ফিরে চাই শান্তিলতার দিকে। মাতৃশ্বের মহিমায় গড়া মুখ। মা বলে থাকতে ইচ্ছে করে। লাল কস্তা পেড়ে শাড়ী পরনে, কপালে জল জল করছে সিঁহরের টিপ্। ঠোঁটের কোণে জড়ানো মুহু হাসি। ঠিক যেন দেবীর মত।

অদূরে দাঁড়িয়ে মুখে আঁচল চাপা দিয়ে হাসছে সীমা। কেন, সেই জানে। সীমাকে ভেকে শান্তিলতা জিজ্ঞাসা করলেন—তোর রাঙাদি কোথায় ?

—কী জানি।

—ঐ এক মেয়ে। ওকে নিয়ে আমি আর পারিনা। বলে শান্তিলতা চলে গেলেন।

রান্না খাওয়ার পালা চুকতে বেলা একটা বাজে। তারপর একটু বিশ্রামের আশায় এলাম বাইরে। আশ্রমের চত্বরে ছায়াঘন অশ্বখ। রোদ নেই, কিন্তু রোদের আঁচটুকু আছে সেখানে।

কমল বিছিয়ে অশ্বখের ছায়ায় শুয়ে ছিলাম। ঘুমিয়ে পড়েছি। ঘুম ভাঙলো যখন, তখন দিনের খেয়ায় সূর্য গেছে অন্ধকারের দেশে। সন্ধ্যা নেমেছে। আশ্রমের মন্দিরে শুরু হয়েছে সন্ধ্যারতি।

অব্রতি শেষ হলো। অধ্যক্ষ মহারাজ মন্দির প্রাঙ্গণে বসে গীতাপাঠ শুরু করলেন। ভক্ত নরনারীর ভীড় সেখানে। সবাই একাগ্র চিত্তে শুনছে গীতার অমৃত বাণী। ভিড়ের মধ্যে রাঙাদিকে দেখলাম। এক মনে সেও শুনছে—

উদ্ধরেৎ আশ্বানা আশ্বানং

নাস্বানম্ অবসাদয়েৎ।

আশ্বৈব হি আশ্বানো বন্ধুঃ

আশ্বৈব রিপুর্নাস্বানঃ ॥

বসে থাকতে ভাল লাগলো না। উঠে এলাম—অলকানন্দার পুল পেরিয়ে এপারে। এপারে শহর—দোকান পাট, বাজার, ভাণ্ডার, হাসপাতাল, বাড়ী-ঘর, লোকজন।

হঠাৎ পরিচিত নারী কণ্ঠের ডাকে ফিরে তাকাই।—কী দাদা, কোথায় যাচ্ছেন ?

গড়জাল পাল ট্যাণ্ডে আলাপ হয়েছিল ভদ্রমহিলার সংগে। বললাম—বলে থেকে কী করবো, তাই এদিকটায় একটু ঘুরছি, ফিরছি। আপনি কোথায় চলেছেন ?

—ছাটিকেনের চিম্‌নি কিনতে এসেছি। তারপর, বাস কোম্পানীর অফিসে খোঁজ খবর করলেন কিছু? তখনই কাল থেকে বেশী বাস বাতাসাত করবে।

—আমি খোঁজ খবর কিছু করিনি। নাম যখন পেলানো আছে, সময় মতো টিকিট পাবো।

কথা বলতে বলতে বেশ খানিকটা পথ চলে এসেছি। বসেছি রাস্তার পাশে একটি পাথর খণ্ডের ওপর। তত্ৰমহিলা বড্ড বেশী কথা বলে। একভাবে বকে চলেছে। কী যে বলছে, তার মাখামুণ্ড নেই। অসংলগ্ন কথাবার্তা। সব কথা কানে নিচ্ছি না, শুধু তনতে হয় তনছি। তবে কথাবার্তায় মনে হলো, তত্ৰ মহিলার দেশভ্রমণের নেশা আছে। অনেক বেড়িয়েছেনও।

কথার মধ্যে একসময় জিজ্ঞাসা করলাম—আপনি কি করেন?

অসংকোচে বলে গেল নিজের কথা—কর্পোরেশন ফ্রি গ্রাইমারী স্কুলের শিক্ষয়িত্রী সে। সংসারে মা-পিসিমা ছাড়া আর কেউ নেই। কারবালা ট্যাক্স লেনে জীর্ণ একতলা একটু ছোট বাড়ী আছে ঠাকুরগাঁও আমলের। সেইখানেই থাকে। বাড়ী ভাড়া দিতে হয় না, তাই কোন রকমে দিন চলে যায়।

—রাত হয়েছে। চলুন ওঠা যাক।—বলতে তত্ৰমহিলা ঠোঁটে ‘চুক’ শব্দ করে বগে উঠলো—দেখুন কথায় কথায় একদম ভুলে গিয়েছি। আলোর চিমনি কেনা হয়নি। এতো সময় দোকান-পসার বন্ধ হয়ে গেছে কিনা কী জানি!

রাত নটা বেজে গেছে। এখনো দোকান-পসার খোলা। এ সময়ে রাত বারোটা-একটার আগে দোকান পসার বন্ধ হয় না। এই তো ময়মত।

শুধু চিম্‌নি নয়, আরো কিছু টুকিটাকি জিনিষপত্র কিনলেন তত্ৰমহিলা। তারপর হনহন করে চলতে আরম্ভ করলেন।

—অতো তাড়াতাড়ি চলছেন কেন?

—সাধারণত আমি একটু তাড়াতাড়ি পথ হাটি। বলে তত্ৰমহিলা চলার গতি বদল করলো।

পথে এক সময় জিজ্ঞাসা করি তত্ৰমহিলার নাম। নাম কমলা ঘোষ, ডাক নাম বুর্লি।

—আপনার নাম? কমলা আমার মুখের দিকে তাকিয়ে বললে,—আপনার কোন পারচয় তো জানতে পারি নি।

আমার নাম শুনে কমলা হাসলো। শ্রীমন্ত—নামটা নাকি বড় সেকেন্দ্রে।
হতে পারে, কিন্তু এই নাম নিয়েই তো একালে চলে ফিরে বেড়াচ্ছি।

আজও ওদের বাসার কাছে পৌঁছে কমলা আহ্বান জানালো আমাকে।
কিন্তু গেলাম না। পথের পরিচয় পথেই থাক, নাই-বা পৌঁছলো ঘরের
চৌহদ্দিতে।

আশ্রমে ফিরেছি।

নির্দিষ্ট ঘরের দরজা অন্ধ পৌঁছে থমকে দাঁড়াই। শুনতে পাই রজনীবাবুর
কথা। পারতোষ বাবুকে বলছেন—জাখো পরিতোষ, তোমার মাষ্টারী বুদ্ধিতে
ওসবের মানে বুঝতে পারবে না। কোথাকার কে ঠিক নেই, তার সংগে অতো
আত্মীয়তা কেন? গেরুয়া পরেছে বলে কী সন্ন্যাসী ঠাউরেছো? এ-পথে
অনেক ব্যাক্তীই গেরুয়া পরে। সে যাই হোক, তুমি ওর সংগে বেশী মাখামাখি
না করলেই ভালো করবে।

পরিতোষবাবু বললেন—তোমার সংগে আমি একমত নই রজনী। ছেনেটিকে
আমার বেশ লাগে। যে হাসতে জানে, সে কথানা খারাপ হতে পারে না।

রজনীবাবু কিছু সময় চুপ করে থেকে বললেন—ভুলো না, আমাদের সংগে
দুট মেয়ে আছে।

পরিতোষবাবু নিরন্তর। এবারে কানে এলো শ্রীমন্তী রজনীর কথা।—ওর
চোখের চাউনি দেখেছো? ড্যাভ ড্যাভ করে চার মেয়ে দুটোর দিকে।
কোথাকার কে, শাস্তির চোখ ছল ছল করে উঠলো তার খাবার কষ্ট দেখে।

নিজের মনে হাসি। ভাব, কতো রকমের মন নিয়ে মানুষ এই পৃথিবীতে
আসে। চুপচাপ দাঁড়িয়ে না থেকে ঘরে ঢুকি। ফিরেও চাইনা কারো মুখের
দিকে।

দ্রীর পাশে বসে ভালের কাকর বাছছিলেন রজনীবাবু। আমাকে দেখেই
বলে উঠলেন—এই যে এসে গেছেন সাধু মহারাজ। আপনার কথাই হচ্ছিল।
বাচবেন অনেক দিন।

রজনীবাবুর কথার স্বরে মুহূ স্নেহ বেশানো ছিল। হেসে বললাম—
কতোদিন বেঁচে থাকবো জানি না, তবে আমি বেঁচে থাকতে চাই অনেক দিন।

পরিতোষবাবু সায় দিলেন আমার কথায়।—এই পৃথিবীতে যারা মৃত্যু
চিন্তা করে তারা তো অন্ধকারের জীব।

রজনীবাবু বললেন—তোমার ওসব দর্শনশাস্ত্রের বাধা বুলি আমাকে
তুনিও না।

পরিতোষবাবু ঠাণ্ডা মেজাজের মাছব। বললেন—তুমিও তো আমাকে
অনেক সময় লোহালকড়ের দায় শোনাও রজনী। তুমিতো জানো ব্যবসা
আমার মাথায় ঢোকে না। ভারপর নিরেট লোহার ব্যবসা।

—জাখো পরিতোষ, তোমার মগজে—

পূরবী আর সীমাকে ঘরে ঢুকতে দেখে রজনীবাবু চূপ করে গেলেন।

কিছুক্ষণ ধমধমে হয়ে রইলো ঘরের আবহাওয়া। শুধু লক্ষ্য করলাম শ্রীমতী
রজনী মাঝে মাঝে বক্র কটাক্ষে আমার দিকে তাকিয়ে মনে মনে কিছু বলছেন।

এক সময় পরিতোষবাবু বললেন—চলুন বেড়িয়ে আসি।

—চলুন।

পরিতোষবাবুর সংগে এলাম সঙ্গম ক্ষেত্রে। ঘাটের সিঁড়িতে বসে
পরিতোষবাবু নিজে থেকেই কথা আরম্ভ করলেন। সাধারণ গল্পকথা থেকে
আরম্ভ হলো দর্শনের তত্ত্বকথা। এমন হৃদয় বাচনভাঙ্গী, সত্যি মুগ্ধ হয়ে যেতে
হয়। একটানা বলে চলেছেন পরিতোষবাবু। কোন দিকে ক্রক্ষেপ নেই।

—মাষ্টার মশায়।

—কী শ্রীমন্ত ?

—বোধহয় অনেক রাত হয়েছে।

—রাত হয়েছে বলছো, তা হবে। বলে মাষ্টারমশায় চূপচাপ বসে রইলেন।
সঙ্গমক্ষেত্রে নিবদ্ধ তাঁর দৃষ্টি।

—দেখেছো, দুই নদীর জলধারা কি আনন্দে ফেটে পড়ছে। এ আনন্দ,
মিলনের আনন্দ। বিরহে কী এ আনন্দের স্পর্শ আছে শ্রীমন্ত ?

—না।

—না! ক্ষণমাত্র নীরব থেকে মুহূর্ত্ত ভাবলেন মাষ্টারমশায়।—বিরহের মধোও
ঠিক এমনি আনন্দ আছে। যে আনন্দের নেণা আরও তীব্র। বলে মাষ্টারমশায়
আবার ফিরে তাকালেন সঙ্গমক্ষেত্রের দিকে। যেখানে জলকানন্দা আর
বন্দানদীর জলধারা বিপুল উজ্জ্বাসে ফেটে পড়ছে।

সঙ্গমক্ষেত্রে এসেচিলাম বলেই আজ মাষ্টারমশায়কে এতো কাছে পেয়েছি।
আমাকে সম্বোধে ‘তুমি’ সম্বোধন করেছেন মাষ্টারমশায়। মাছব বখন পরস্পরের
কাছে আসে, বোধ হয় এমনি করেই আসে।

—বাবা। কঠোর পূরবীর। 'ওপরে কল্লেশ্বর মন্দিরের চত্বরে দাঁড়িয়ে
টর্চের আলো ফেলে বলছে—বাবা, এই রাত অলি ঠাণ্ডায় বসে আছে।

—এক পাগল আর এক ক্যাপাকে খুঁজে পেয়েছে। মাষ্টারমশায় ডাকলেন,
আম পূরবী।

—না, এগারোটা বেজে গেছে। জ্যাঠামণি খুব রাগ করছেন। বলতে
বলতে পূরবী নেমে এলো সিঁড়ি পথে।—একটা টর্চ সংগে নিয়ে বেরোতে কী
হয়েছিল?

—আকাশে ঠান্ড ছিল বলে টর্চ আনি নি মা-মণি। তাছাড়া টর্চ সংগে
থাকলে তুইতো আলো দেখাতে আসতিস নে। বোস—সীমা আসে নি?

—না। জ্যাঠামণি আসতে দিলেন না।

মাষ্টারমশায় নিজের মনে হাসলেন। যার মনে সমুদ্রের ঢেউ সেখানে
খোলামকুচি ফেলে কী হবে।

আরও দুকণ্ড বসে থাকার ইচ্ছে ছিল মাষ্টার মশায়ের। কিন্তু পূরবীর
তাড়াতে ফিরতে হলো।

ঘরের কোণে গুম হয়ে বসেছিলেন রজনীবাবু, মাষ্টারমশায় দরজা পেরিয়ে
ঘরে ঢুকতেই স্ত্রীকে উদ্বেগ করে বলে উঠলেন—দাও, আমাদের খেতে দাও।
দার্শনিক প্রবর এসে গেছেন।

—লোহার ব্যবসায়েও তো দর্শন আছে রজনী। মাষ্টারমশায় পরিহাসের
স্বরে বললেন,—লৌহ দর্শন নিয়েই তো জীবন কাটালে।

রসিকতা বোঝেন না রজনীবাবু। বিরক্তি প্রকাশ করে বলে উঠলেন,
—রাত সাড়ে এগারোটা বাজে, রান্না হয়েছে দুঘণ্টা আগে। এখন তোমার
দর্শনের উত্তাপে গরম করে নাও ঠাণ্ডা খাবার।

ওদিকে তুরি ভোজনের ব্যবস্থা। ভাল ভাত পাপরের ভালনা আর
টম্যাটোর চাটনি—স্রীমতী রজনী নিজে থেকেই বলছেন রান্নার ফর্দ। এদিকে
আমি কখন বিছিয়ে বসেছি, খরমুজা আর আপেল নিয়ে।

—তুধু ওই খেয়েই রাত কাটাবেন? সীমা জিজ্ঞাসা করলো।

—খাওয়াপ এত কম নয়। খরমুজার ওপর ছুরি চালাতে চালাতে বলি,
—তাছাড়া পথের দিনগুলো কোন মতে কাটিয়ে দেওয়া বৈতো আর কিছু নয়।

পরদিন ।

সকালে বাস কোম্পানির অফিসে খোজ নিয়ে জানলাম, আজ দুপুরে টিকিট পাওয়া বাবে । তবে বেলা দুটোর আগে নয় ।

কুলি ইউনিয়নের অফিসে গেলাম । একজন কুলির প্রয়োজন । এখানে কুলিদের অন্ত্রে নির্দিষ্ট হার, সেরপিছু ছুটাকা । একজন কুলি বেত্মরণ পর্বন্ত মাল নিতে পারে ।

আমার জিনিষপত্রের গুজন বেশী নয়, বড়ো জোড় আধমণ হবে । সুতরাং একজন কুলি আমার একার অন্ত্রে সংগ্রহ করা মুশ্কিল । অনেক চিন্তা করে কুলি ইউনিয়নের কর্মকর্তা জানালে, একজন কুলিই সে আমাকে দেবে । তবে সে বয়সে কিশোর । বা মাল আছে, তার হিস্তা, আর কিছু বখশিস দিলেই সে বাবে ।

বেলা একটায় বাসের টিকিট পেলাম । কুলির অন্ত্রেও টিকিট নিয়েছি ! সে এলো আমার সংগে । গাড়োয়ালী কিশোর । ফুটফুটে চেহারা । কচিকচি মুখ । নাম লালসিং । বাড়ী গুপ্তকানীতে ।

লালসিং বেঁধে নিয়েছে মোটবাট । বেলা আড়াইটের বাস ছাড়বে । লালসিং মোট নিয়ে আগেই গেল বাসষ্ট্যাণ্ডে । আগে গিয়ে আমার অন্ত্রে ভালো জায়গা রাখবে সে ।

সওয়া দুটো আন্দাজ বাস ষ্ট্যাণ্ডে এলাম । টিকিটে বাসের নম্বর দেওয়া আছে, সেই মতো উঠতে হবে ।

পরিতোষবাবুকে দেখলাম অন্ত্র একটি গাড়ীতে । রজনীবাবুকেও দেখতে পাই, নীচে দাঁড়িয়ে সীমাকে কী বেন বলছেন হাতমুখ নেড়ে । রাঙাঘিকে দেখতে পাচ্ছি না । হয়তো আড়ালে বসেছে ।

—কী দাঁদা, আগেভাগে বেশ জায়গাটি নিয়ে বসে পড়েছেন দেখছি ।—
মা-পিসিকে নিয়ে বাসে উঠছে কমলা ঘোষ ।

—কী করি বলুন । তবে চিন্তা নেই, এখনো জায়গা রয়েছে ।

বেলা আড়াইটের বাস ছাড়ার কথা । তিনটে বাজে, এখনো বাস ছাড়ার কোনো লক্ষণ নেই । কিরতি পথের বাস না আসা পর্বন্ত আমাদের বাস ছাড়বে না ।

কিরতি বাস এলো সওয়া তিনটের । তারপর দ্বিতীয় বোকাই বাসগুলো এক

এক করে চলতে শুরু করে। অগণিত যাত্রীর কণ্ঠে আগে জয়ধ্বনি।—‘জয় কেদারনাথ কী জয়’।

গেকরা বড়িন ধুলো উড়িয়ে একটির পর একটি সারি বেধে বাস ছুটে চলেছে পাহাড়ের গা বেয়ে সর্পিলা পথ ধরে। এ পথের ধারে পাহাড়গুলো কেমন বেন রুক্ষ। সে অরণ্যের শ্রামলিমা আর নেই।

সংকীর্ণ পথ। একেবারে খাদের গা ঘেঁষে চলেছি আমরা। নীচে মন্দাকিনীর জলধারা। উপলব্ধের বাধা পেরিয়ে ছুটে চলেছে।

পায়ে হাঁটা যাত্রীদের দেখছি। কতো নর-নারী চলেছে পথের ধুলো গায়ে মাথতে মাথতে। সকলের কণ্ঠে কেদারনাথের নাম। এ পথে নামই সঞ্চল। নাম ছাড়া গতি নেই। নামেই গতি।

কেন জানি না, নাম নিতে আমার দ্বিধা। শুধু নাম নিয়ে কী করবো, যদি তাঁকে আপন করে না পাই। তিনি কে, তাঁর ঠিকানা জানিনা, জানিনা তিনি কেমন, কেমন তাঁর রূপ। শুনেছি তিনি ছড়িয়ে আছেন বিশ্ব-ব্রহ্মাণ্ডের অণু-পরমাণুতে। তা যদি হয়, তবে নির্দিষ্ট ঠিকানায় কেন তাঁকে খুঁজতে চলেছে মানুষ ?

এক প্রহর থেকে আর এক প্রহর। এক চিন্তা থেকে আর এক চিন্তা। মনের মধ্যে নানা কথার জটলা। আসল কথা হারিয়ে যাচ্ছে অনেক কথার আবর্জনায়।

ভেরো মাইল পথ পেরিয়ে এসেছি। বাস খেমেছে অগস্ত্যমুনিতে। দশ পনেরো মিনিট দাঁড়াবে। নেমে এলাম লালসিং-এর সংগে। কাছেই অগস্ত্য মন্দির। দেখে এলাম। প্রাচীন মন্দির। মন্দিরের কাছে কয়েকটি ধর্মশালা, চটি ও কিছু দোকান পলার। আশপাশে জনপদ—গ্রাম।

সামান্ত সময় হাতে, তারই মধ্যে চারদিকে চোখ বুলিয়ে নেওয়া। লালসিং বললে, যখন বাসের পথ হয়নি, তখন এ-সব জায়গা সারো স্থল্য ছিল। ওই চটিগুলোর তখন এমন জীর্ণ দশা ছিলনা। তখন পায়ে হেঁটে যাতায়াত করতে হতো। তীর্থ যাত্রীদের। দুপুড়ে বা রাতে এই সব চটিতে, ধর্মশালায় যাত্রীরা আশ্রয় গ্রহণ করতো। বাস হবার পর থেকে এসব জায়গার দুর্দশার অন্ত নেই। আজ যে আমরা দেখছি, পাঁচবছর পরে হয়তো এ অবস্থাও দেখতে পাবো না।

সামান্য সময় হুড়িয়ে গেল। আবার শুক হলো আমাদের চলা। বাসের আনালা দিয়ে আঙুলের নিশানা করে লালসিং বলে, মন্দাকিনীর ওপারে রক্তাক্তের গাছ আছে। সাধু মোহন্তরা যায় রক্তাক্ত সংগ্রহ করতে।

সেঁয়ী চটি পার হয়েছি। চন্দ্রাপুরীও দেখলাম চলতি বাস থেকে। চন্দ্র-মন্দাকিনী সংগমে শিব-দুর্গার মন্দির। দূর থেকে দেখি।

আরও কিছু পথ অতিক্রম করে একটা বাক ঘুরতেই হঠাৎ দৃষ্টি নিবদ্ধ হয় দূরে। যেখানে হিমালয়ের বরফাচ্ছাদিত শৃঙ্গ অপরাহ্নের আলোর রূপের মতো জলজল করছে। অবাক হয়ে দেখি। শুধু ছ'চোখে নয়, মনেও অফুরন্ত বিশ্বয়।

দিনের আলো নিভবার আগেই বাস থামলো কুণ্ড চটিতে। এইখানেই বাসের পথ শেষ। পায়ে হাঁটা পথ আরম্ভ।

সময় নেই। এখনই রওনা না হলে গুপ্তকানী পৌঁছতে রাত হয়ে যাবে। সময় নষ্ট না করে লালসিংকে অহুসরণ করে পায়ে পায়ে এগিয়ে চলি।

মন্দাকিনীর সেতুর ওপর দেখা হলো রাঙাদিগির সংগে।

—চলুন এক সংগে যাই। এই প্রথম কথা বললে রাঙাদিগির।

—আর সকলে কোথায়?

—পেছনে আসছে।

ওপার থেকে মন্দাকিনীর এপারে এসেছি। পাহাড়ের পাদদেশ দিয়ে মন্দাকিনীর তীর ঘেঁষে পথ চলেছে এঁকে বেকে। অসমতল পথ। পথের ধারে কুঠরোগীদের ডেরা। ছোট ছোট খুশির মধ্যে বসে ভিক্ষা চাইছে করুণকণ্ঠে। কারো হাত-পায়ের আঙুল খসে গেছে। অতিকষ্টে যাত্রীদের কাছে প্রার্থনা করছে—বাবুজী, এক পাই দে বাবুজী, রাণীমা—।

থমকে দাঁড়িয়ে রাঙাদিগির বললে—ওরাও মানুষ, ওদেরও জীবন আছে, আছে মানুষের মত মন। হয়তো ওদের পৃথিবী থেকে এখনো রূপ, রস, বর্ণ, গন্ধ হারিয়ে যায়নি। কিন্তু এই পৃথিবীতে ওরা কত অসহায়!

দীর্ঘনিশ্বাস ত্যাগ করে রাঙাদিগির আবার পথ হাঁটে। পথের পাশে যতো কুঠরোগী তির্যাকী, সকলকেই কিছু না কিছু দিচ্ছে ও। থমকে দাঁড়াচ্ছে মাঝে মাঝে। পরক্ষণে আবার পথ হাঁটছে।

সামনে চড়াই। ঘোড়াওয়ালারা দাঁড়িয়ে আছে চড়াই-এর মুখে। বলছে ভাঙা হিন্দীতে, এই চড়াই ওঠা খুবই কঠিন। সময় থাকতে ঘোড়ায় চেপে চড়াই পার হওয়া ভালো। পরে আর ঘোড়া মিলবে না। এখান থেকে গুলুকাশী পৌছে দেবে ছুটাকার বিনিময়ে।

—আপনি কি সন্ন্যাসী? চড়াই-এ উঠতে উঠতে রাঙাদি জিজ্ঞাসা করলো। সে কথার উত্তর না দিয়ে বললাম—আপনি তো বেশ হাঁটতে পারেন।

—পারি বৈকি। রাঙাদি আমার মুখের দিকে চেয়ে বললে,—কিন্তু আমার জিজ্ঞাসার উত্তর দিলেন না যে?

—উত্তর দেবার মতো কিছু নেই। বলে রাঙাদির মুখের দিকে ফিরে চাই,
—আমার সংগে চলে এলেন, কেউ কিছু মনে করবেন না তো?

—এটা পথ, ঘর নয়। পথের স্বাধীনতা ঘরে নাই।

চড়াই-এ উঠে আরাম চটি। পথশ্রমে ক্লান্ত হয়ে পঞ্চপাণ্ডব এখানে বিশ্রাম গ্রহণ করেছিলেন। তীর্থ-পথিকদের এখানে ক্ষণকাল বিশ্রাম করা বিধি।

একটি দোকানের সামনে বসেছি। লালসিং পিঠের বোকা নামিয়ে আরো দুজন মালবাহক কুলির সংগে গল্প করছে। রাঙাদি বসেনি। দাঁড়িয়ে আছে। দৃষ্টি তার দূর পাহাড়ের শীর্ষে। যেখানে অন্ত পথের সূর্যের আবার ন্মশ্ব।

—রাঙাদি, তোমাকে নমস্কার করতে ইচ্ছে করছে। সীমার কথায় ফিরে তাকালো রাঙাদি।—কেন রে?

—এই চড়াই এতো শীগগির উঠলে কী করে? বলে সীমা বসে পড়লো পথের পাশে খুলো-বালির ওপর।

শ্রীমতী রজনীর অবস্থা কাহিল। হাস-ফাঁস করছেন এই চড়াই পথে উঠে। দেখে মনে হয়, রজনীবাবুও রীতিমতো ক্লান্ত হয়ে পড়েছেন। কিন্তু শান্তিলতার কোন কষ্ট হয়েছে বলে মনে হয় না।

সবশেষে এলেন মাটিরমশায়। সংগে বিচিত্র চেহারার এক যদাবয়লী ভহ্লোক।

—শ্রীমন্ত, এই জ্ঞার এক রত্ন যোগাড় করেছি। এসো পরিচয় করিয়ে দিই।

—জয় কেদার। বলে ভহ্লোক আচমকা আমাকে বৃকে জড়িয়ে ধরলেন।

পরিচয় শুনলাম। নাম প্রসাদ ভট্টাচার্য। চাকরি করেন কলকাতার এক ইংরেজী দৈনিকে। ব্যক্তিগত জীবনে পরম বৈষ্ণব। প্রভুপাদ বিজয়দাস গোস্বামীর শিষ্য।

শীর্ণ চেহারার মানুষ প্রসাদ ভট্টাচার্য। খর্বকায়। গায়ের রং কালো, মাথায় প্রশস্ত টাক। দাঁতগুলো বিস্মী ধরনের উচু। গলায় একরাশ নানা ধাঁচের মালা। কোনটি তুলসী কাঠের, কোনোটো কুহ্মারের। সংগে কুলি থাকা সত্ত্বেও হু কীধে ভারী সোলা।

—ভালোই হলো প্রসাদবাবু, আপনাকে পেলাম।

—বাবু নয় তাই, বলো প্রসাদদা। আপনি নয়, তুমি। একগাল হেসে প্রসাদদা বললে,—এখন থেকে আমরা তো সবাই আপন জন।

অবাক হয়ে চেয়ে থাকি প্রসাদদার মুখের দিকে। অচেনা-অজানা মানুষ, অথচ কতো সহজে দূরের মানুষকে কাছে টানতে পারে।

—কী দেখছো! আমাকে? দূর, আমাকে দেখবে কি। আমি কী দেখার মতো কিছু? প্রসাদদা আমার কাঁধে হাত রেখে বললে,—চলো, সন্ধ্যা হয়ে আসছে। জয় কেদার।

—একটু বোসো পরিতোষ। রজনীবাবু সিগারেটের ধোঁয়া ছাড়লেন,—পা দুটোকে একটু বিশ্রাম দিই।

—এইটুকু হেঁটেই কাহিল হয়ে পড়লে? পরিতোষবাবু বললেন,—কাল থেকে দিনে কতো মাইল হাঁটতে হবে জানো?

—তাই তো ভাবছি। বলে স্ত্রীর মুখের দিকে ফিরে চাইলেন রজনীবাবু। শ্রীমতী রজনী পায়ের গোড়ালি টিপতে টিপতে সুর টেনে বললেন,—আমিও তো তাই ভাবছি।

—তোমরা বসে বসে ভাবো—নীমা দূরে লক্ষ্য রেখে বললে,—ওই জ্ঞাথো, রাঙাদি একা কতদূর চলে গেছে।

—চলো। শাস্তিস্ততা গায়ে আলোয়ান জড়াতে জড়াতে বললেন,—যতো বসবে, বসবার ইচ্ছে ততো পেয়ে বসবে।

গুপ্তকানীতে পৌঁছে রাজকের মত যাত্রা বিরতি।

কেদারনাথের পাণ্ডা পান্নালাল গুরুর লোক অপেক্ষা করছিল, সে আমাদের নিয়ে গেল তার বাড়ীতে।

পাহাড়ের গারে রাস্তার ধারেই দোতলা বাড়ী। ওপরের ছোটো ছুটি ঘর আমরা পেলাম। এখানেও লক্ষ্য করলাম, আমাদের নিয়ে শ্রীমতী রজনীর মনের খুঁতখুঁতনি এখনো যায়নি। মুখে কিছু না বললেও চোখ মুখের ভাব দেখে তা অনুমান করা যায়।

লালসিং-এর বাড়ী এখান থেকে দু মাইল দূরে। চলে গেল সে। বলে গেল, ভোর পাঁচটার আগেই সে আসবে। আমাদেরও বলেছিল, ওর বাড়ী যাওয়ার জন্তে। কিন্তু যাওয়া হলো না।

আজ পথশ্রমে সবাই ক্লান্ত। রাত নটা না বাজতে বাইরের হোটেল থেকে খাওয়া দাওয়া চুকিয়ে যে ঘর মতো শয্যা গ্রহণ করেছে। পাশাপাশি ছুটি ঘর। একটিতে আমি আর প্রসাদদা। অগ্নটিতে আর সকলে। খানিক বাদে কখন বালিশ নিয়ে মাষ্টারমশায় এলেন এঘরে।

মাষ্টারমশায় ঘুমিয়ে পড়েছেন। আমি জেগে আছি তন্দ্রাচ্ছন্ন অবস্থায়। ঘুম ঘুম তন্দ্রা। নেশার মতো? প্রসাদদা তখনো বসে কোলকুঁজো হয়ে। ছুটি হাত বৃকের কাছে। বোধ হয় জপ করছে।

কখন ঘুমিয়ে পড়েছিলাম জানি না। নিশ্চিতি রাতে ঘুম ভেঙে গেল কুকুরের ডাকে। আলো জ্বলছে ঘরে। লঠনের মিটমিটে আলো। দেখি, প্রসাদদা তখনো তেমনি ভাবে আছে। বরং আরো একটু ঝুঁকে পড়েছে সামনের দিকে।

—প্রসাদদা।

—কী ভাই।

—আপনি এখনো জেগে আছেন?

—আবার আপনি? বলেছি না তুমি বলতে।

—সে না হয় বলছি। কিন্তু এখনো জেগে আছো কেন?

—জেগে আছি কেন?—প্রসাদদা এরপর যা বললে, শুনে অবাক হই।

ভাবি এও কী সম্ভব!

আঠারো বছর হলো, দিনে রাতে দুঘণ্টার বেশী ঘুমোয় না প্রসাদদা। সারারাত কেটে যায় বসে বসে। মাঝ রাতে দুঘণ্টার জন্তে ঘুম যদি আসে, ভালো নয়তো লাঠা রাত এমনি ভাবে বসে থাকে।

তুধু ভাই নয়, জীবনকে সর্ব রকমে সহজ করেছে প্রসাদদা। আহা! বলতে দিনের বেলা আতপ চালের ভাত আর একটু তরকারি, রাতে খানকয়েক লুচি,

ভরকারি আর সামান্ত দুধ। সাজ পোষাকেও কোন আড়ম্বর নেই। মোটা জামা কাপড় আর কেউলের জুতো। ঘরে বাইরে লবঙ্গ এক।

জিজ্ঞাসা করি প্রসাদদ্বাকে, বিয়ে করেছে কিনা। না সে দিক থেকেও কোন বন্ধন নেই। তবে সংসার আছে। মা, ভাই, বোন, ভাইবোঁ-এর সংসার।

প্রসাদদ্বার কথা শুনে শুনে ঘুমিয়ে পড়ি। শেষ রাতে ঘুম ভাঙে প্রসাদদ্বার ডাকে। মাষ্টার মশায়ও উঠেছেন। ব্রাহ্মমূর্ত্তে গোমুখী ধারা ও মণিকণিকা কুণ্ডে স্নান করে শ্রীবিবেকর ও অর্ধনারায়ণর মন্দিরে বিগ্রহ দর্শন করা এখানকার বিধি। মাষ্টারমশায় জিজ্ঞাসা করলেন, আমি যাবো কিনা।

—যাবো।

—চুপি চুপি এসো। মাষ্টারমশায় অহুচ্চ কণ্ঠে বললেন,—পূর্ববী জানতে পারলে রকে নেই। সে ঠিক আসবে।

চুপিসারে নীচে নেমেছি। শুনে পাই পায়ের শব্দ। সিঁড়ির মুখে মেয়েকে দেখতে পেয়ে মাষ্টার মশায় বললেন—ওই ছাখো, ও ঠিক আসছে।

নীচে নেমেই পূর্ববী বলে,—আমাকে না ডেকেই চলে যাচ্ছিলে বাবা?

—না ভাকতেই তো এসেছিস মা। মাষ্টারমশায় সন্তোষে বললেন,—আয়। তোর মার ঘুম ভেঙেছে?

—না।

প্রথমে গোমুখী ধারা, পরে মণিকণিকা কুণ্ডে স্নান করে বিবেকর ও অর্ধনারায়ণর দর্শন করে বখন বাসায় ফিরেছি তখনো দিনের আলো স্পষ্ট হয়ে ফোটেনি। লালসিং ইতিমধ্যে এসে গেছে। জিনিষপত্র গুছিয়ে নিয়ে বসে আছে চলার অপেক্ষায়।

রজনীবাবু তৈরী হয়ে বসে আছেন বারান্দায়। সীমা একান্তে দাঁড়িয়ে দাঁতে ত্রাশ ঘষছে। কী জানি কেন, সাত সকালে মুখ ভার করে বসে আছেন শ্রীবতী রজনী। শান্তিলতা রাস্তার দাঁড়িয়ে একটি পাহাড়ী কুকুরের বাচ্চাকে আদর করছেন।

‘অন্ন কেদারনাথ কী ভয়’। প্রসাদদ্বা সোজায়ে জরথনি দিল।

আমাদের চলার আয়োজন সম্পূর্ণ।

তুখু আবরা নই, আরো হাজার হাজার বাতী, কেদারনাথের নাম নিয়ে
বাতী শুরু করলো। না জানি কী বাতু আছে ওই নামে, যে নামের আকর্ষণে
হাজার নর-নারী চলেছে পথ হেঁটে।

বিচিত্র এই মিছিলের চরিত্র, কারো সঙ্গে মিল নেই, অথচ চলার পথে এরা
এক স্রোতের গাঁথা। সাধু, সন্ন্যাসী, গৃহী, অবধূত, ভিখারী, বাউল—কতো
রকমের মানুষ চলেছে। অন্ধ—যে জানে না আলোর ঠিকানা, সেও চলেছে
অন্ধের হাত ধরে। মুখে তার কেদারনাথের নাম। খণ্ড চলেছে ক্র্যাচে ভর
করে। পথ চলতে তার কষ্ট, তবুও যাচ্ছে।

নালা চটি পার হয়ে একজনকে দেখলাম। একটি পা নেই। পথের ধারে
বসে বিশ্রাম করছে। পাশে পড়ে রয়েছে দুটি ক্র্যাচ। বিশ্রামের অবসরে ছেনি
দিয়ে কেটে কেটে পাখরের মূর্তি তৈরী করছে। নারায়ণের চতুর্ভুজ মূর্তি। এখনো
অসম্পূর্ণ। লোকটিকে দেখছিলাম, কাছে দাঁড়িয়ে। হঠাৎ কি জানি কী খেয়ালে
দু'আনা পয়সা চাইলো। চা খাবে। পয়সা নিয়ে দুহাত তুলে বললে, 'জয় কেদার,
জয় নারায়ণ'। এ পথে অভিষেকের ভাষা এই, সম্বোধনের ভাষা এই। চেনা-
অচেনা নেই, পরস্পরের দেখা হলেই তুখু ওই দুটি কথা 'জয় কেদার, জয় নারায়ণ'।

প্রসাদদা হাঁটছে। যেন লাফিয়ে লাফিয়ে চলেছে। কাঁধের ঝোলা দুটি
ঠিকই আছে, হাতের লাঠি ঠুকতে ঠুকতে এগিয়ে চলেছে। মুখে ভগবানের নাম।

পাহাড়ের গা বেয়ে চলেছে পথ। কোথাও চড়াই, কোথাও উৎরাই।
কখনো বা সমান্তরাল রেখার মতো।

তীর্থ-পথিকের মিছিল চলেছে। বিচিত্র সে মিছিল। অধিকাংশ বাতী
চলেছে পায়ে হেঁটে, যারা এ চড়াই উৎরাই পথ হাঁটতে অসমর্থ—ষোড়া, ডাণ্ডি
বা কাণ্ডি তাদেরই জন্তে।

এক নুলাঙ্গী ভদ্রমহিলাকে দেখতে পেলাম, যিনি রুদ্রপ্রয়াগে একটি
দোকানের সামনে পথ হাঁটা ব্যাপারে লম্বা-চওড়া বক্তৃতা দিচ্ছিলেন—তিনিও
চলেছেন একটি শীর্ণকায় ষোড়ার শিঁটে বসে। ভয়ে ভয়ে অনবরত খাদের দিকে
তাকাচ্ছেন। আমাদের পাশ কাটিয়ে যাবার সময় ভদ্রমহিলা একটু হেসে
'জয় কেদার' বলে ক্রীতি সম্ভাষণ জানানলেন।

প্রসাদদা বলে ওঠে অহুচ্চকণ্ঠে—বেচারি ষোড়া, ওই মালাই সমেত কী
করে যে চড়াই উঠবে!

—মালাই মানে!

—ওইতো অধপৃষ্ঠে চলেছেন বিপ্লবী—

প্রসাদার রসিকতায় না হেসে পারি না।

কথায় কথায় নারায়ণ চটিতে এসে পৌঁছেচি। এখানে ভদ্রেশ্বরের প্রাচীন মন্দির আছে। প্রসাদদ্বার ইচ্ছে ছিল বাবার, কিন্তু আমার অনিচ্ছায় মন্দিরে বাওয়া হলো না।

নারায়ণ চটি পিছনে রেখে পায়ে পায়ে এগিয়ে চলেছি। চলার পথে সকলের মনেই বিচিত্র এক উদ্ভাটনা। পিছনে কিরে চাইবার অবকাশ নেই, শুধু হৃদয়ে দৃষ্টি রেখে এগিয়ে চলা।

এক চড়াই শেষ না হতে নতুন চড়াই এগিয়ে আসে। মুহূর্তের জন্তে থমকে দাঁড়ায় বাত্মন। চড়াই পথের দিকে তাকিয়ে দীর্ঘনিঃশ্বাস ত্যাগ করে। তারপর কেদারনাথের নাম নিয়ে আবার আরম্ভ হয় পথ চলা।

ওপরে নীল আকাশ। দূরে পাহাড়ের ওপারে আরও কতো গিরিশঙ্কর। কোথাও পাহাড়ের কোলে সবুজ একটু উপত্যকা। যেখানে—কয়েকঘর বাসিন্দা নিয়ে ছোট একটি পাহাড়ী গ্রাম। কোথাও পথের দুধারে পাহাড়ের ঢালুতে কসলের ক্ষেত। কাজ করছে গাডোয়ালী মেয়েপুরুষ। কাজের ফাঁকে কৌতুহলী দৃষ্টিতে তাকিয়ে থাকছে তীর্থযাত্রীদের দিকে।

আবার কোথাও-বা পথের দুধারে গভীর অরণ্য। হৃদয়ের আলোটুকুও পৌঁছয় না। গাছের শাখায় শাখায় অজস্র পাখীর কাকলি। কোথাও বা বিচিত্র বর্ণাঢ্য ফুলের সমারোহ। গাছের পল্লবে পল্লবে, লতায়, গুল্মে, কোপে কাড়ে ফুটে আছে কতো রকমের নাম না-জানা ফুল। ফুলের বাসরে মৌ-পানের নেশায় মাতাল ভ্রমরের গুণন।

কোথাও খাদের গভীরে অরণ্যের মধ্যে ঝর্ণার কুলকুল শব্দ। অরণ্যের আড়ালে কোন অন্ধকারের মধ্যে ঝর্ণা ধারা নেমেছে—দৃষ্টি সেখানে পৌঁছয় না, শুধু কানে আসে ঝর ঝর, ছল ছল শব্দ।

যতো দেখি নৃন্দ হয়ে বাই। তবু না মেটে চোখের নেশা, মনের আশা। ভাবি, না জানি আরও কী দেখবো, আরও কতো সৌন্দর্য অপেক্ষা করছে আমাদের জন্তে। যতো ভাবি মনটা ততো হালকা হয়ে যায়। মনে হয় এ সৌন্দর্যের ঝাটুকু গ্রহণ করার মতো মন আমার কেন, কোন মানুষেরই নেই।

যখনই একথা ভাবি তখনই কেমন যেন অবসন্ন হয়ে পড়ি। পরক্ষণে মনকে বোকাই—মানুষের মন, কতটুকু তার ব্যাপ্তি, কতটুকু তার শক্তি। সীমা যেখানে সীমার বাইরে, মানুষ সেখানে অভাজন।

পথ চলতে বসে পড়েছিলাম পথের ধারে একটি পাথর খণ্ডের ওপর। কয়েকটি মুহূর্তের জন্তে। কিন্তু সেই কয়েকটি মুহূর্তের চিন্তা-বৈচিত্র্যে কেমন যেন আচ্ছন্ন হয়ে পড়ি। মনে হয়, এ পথে চলবার ছাড়পত্র পাওয়ার অধিকার আমার এখনও আসেনি। এখনও আমাকে অনেক দিন অপেক্ষা করতে হবে হিমালয়ের অন্তহীন বৈচিত্র্যের সংগে নিজেকে মিশিয়ে দেবার জন্তে।

মনে হয়—যে পর্যন্ত এসেছি, এখানেই পথের ধূলোর ওপর দাগ এঁকে এবারের মতো পূর্ণচ্ছেদ টেনে দিই। ফিরে যাই পুরোনো ঠিকানায়—জীবন যেখানে সীমার বন্ধনীর মধ্যে পূর্ণ।

—ঈশ্বর।

প্রসাদদার কণ্ঠস্বর শুনে সচকিত হয়ে উঠি। লাঠি ঠুকে ঠুকে কাছে এগিয়ে এলো প্রসাদদা।—খানিক এগিয়ে গিয়ে আবার ফিরে এলাম তোমার জন্তে। ওঠো।

—প্রসাদদা।

—কী ভাই।

—ভালো লাগছে না। হঠাৎ কী ঘে হলো, মনের সব আগ্রহ উবে গেল।

—ও কিছু না। এসো। বলে প্রসাদদা সোম্মাসে জয়ধ্বনি দেয়—‘জয় কেদারনাথ কী জয়’।

আবার শুরু করি পথ চলা। কয়েক পা চলতেই আবার আমার অবসন্ন মন চান্দা হয়ে ওঠে। শুনতে পাই আমার মনের মধ্যে থেকে কে যেন বলছে—চলো মুসাফির, আরও এগিয়ে চলো।

চড়াই পথে উঠছি লাঠি ঠুকে ঠুকে। প্রসাদদা চলেছে আগে আগে। পথ চলার জুড়ি নেই প্রসাদদার। ওই লীর্ণ দেহ, সৰু লিকলিকে দুখানি পা—অথচ কেমন স্বচ্ছন্দ ভঙ্গীতে উঠছে চড়াই পথে।

কিছু পথ এসেই প্রসাদদা আবার মনের আনন্দে জয়ধ্বনি দিতে আরম্ভ করলো। তারপর গান ধরলো উদাত্ত কণ্ঠে—

‘ও তুই বাবি পরপার,
এ ঘাটে নিতাই কর্ণধার।’

কতো যাত্রীকে দেখছি, ক্লান্ত হয়ে বিশ্রাম করছে পথের ধারে বসে। কারও কারও মুখে চিন্তার রেখা। এই পথ অভিক্রম করবে কেমন করে। যদিও মুখে বলছে অভয় বাণী—‘জয় কেদার’, তবু চোখে মুখে ভয়ের চিহ্ন স্পষ্ট।

পথ ছাড়া এখানে কেউ আপন নয়। পথই বন্ধ, আত্মীয়। নয়তো একই সঙ্গের বেরিয়ে একজনকে পেছনে রেখে আর পাঁচজন এগিয়ে চলেছে। পেছনে যে পড়ে রইলো, তার দিকে একবার কেউ ফিরেও দেখছে না।

—ও নলি, একটু দাঁড়া মা, আমাকে ফেলে রেখে চলে যাননে। পথের ধারে গুলোর ওপর বসে এক বৃদ্ধা হাঁপাচ্ছেন। নলির দল শুধু একবার ফিরে দেখলো।

—তোরা চলে যাচ্ছিস? আত্মনাদের মতো শোনালো বৃদ্ধার কণ্ঠস্বর।

—তুমি আস্তে আস্তে এসো মাসি। বোধহয় নলিই উত্তর দিলে।

—আমি বাবো কেমন করে? বৃদ্ধা আকুল নয়নে দেখছেন চলমান যাত্রীদের।

—ভগবানের নাম করে এগিয়ে চলুন। প্রসাদদা বললে,—ভয় পাচ্ছেন কেন, ঠিকই পৌঁছে যাবেন। আর না যদি হাটতে পারেন, তাহলে ডাণ্ডি বা কাণ্ডি চেপে যান।

—পরশা কোথায় পাবো বাবা? বৃদ্ধার দুটি চোখ ছল ছল করে ওঠে,—কী করে যে যাচ্ছি, তা দ্বায়স্রই জানেন। ওরা তরসা দিলে, তাই এলায়। নয়তো কী আর আসি। বাবা, তোমাদের ওই গলায় কোলানো পান্ডরে জল আছে? দাঁওনা—গলা শুকিয়ে উঠেছে। আমার কাছে বটি আছে।

জলপাত্র থেকে বৃদ্ধার বটিতে জল ঢালতে ঢালতে প্রসাদদা ভিজালো করলে—সকালে কিছু খেয়েছেন তো?

—না। একবেলা দুটো ভাত, আর রাতে এক চুমুক দুধ—তাই ভাবছি পরশার কুলোবে কিনা। কাপড়ের খুঁটে চোখ মুছে বৃদ্ধা বললেন,—আমার কথা আর শুনো না বাবা।

মিছরী আর কিসমিস সঙ্গের আছে। তাই থেকে বৃদ্ধার হাতে খানিক দেওয়া হলো। মিছরীর টুকরো ঝাঁচলে বোধ রেখে শুধু কটি কিসমিস মুখে দিয়ে বৃদ্ধা একঘটি জল পান করলেন। তারপর লাঠি হাতে উঠে দাঁড়িয়ে বললেন,—বৈচে থাকো বাবা, কেদারনাথ তোমাদের সুখে রাখুন।

লাঠি ঠুকতে ঠুকতে এগিয়ে চললেন বৃদ্ধা। এর মধ্যে কখন হাঙাদি এসে পেছনে দাঁড়িয়েছে, লক্ষ্য করিনি। ওদিকে হাস্টারমশায় হাঁকছেন—শ্রীমন্ত দাঁড়াও, একসঙ্গে বাবো।

—আপনাদের আর সকলে কই? রাঙাদিকে জিজ্ঞাসা করি।

—পেছনে আসছে। রাঙাদি মুখ টিপে হেসে উত্তর দেয়,—সকলের পা তো পক্ষীরাজ ঘোড়ার মতো নয়।

—আপনার পা-ও তো কম চলে না।

—চলে, তবে একটু ধীরে। রাঙাদি হঠাৎ সামনের চড়াই পথের দিকে আঙুল উচিয়ে বললে,—দেখছেন কতো ওপরে উঠেছে পথ। ওইখানে আমরা উঠবো। সত্যি, ভারী সুন্দর লাগছে, না?

—হাঁ, সুন্দরই বটে। এর তুলনা নেই। বলে ফিরে চাই রাঙাদির মুখের দিকে।

রাঙাদির দৃষ্টি উদ্ভাস। ওর চোখের তারায় দূর পাহাড়ের প্রতিবিম্ব। জিজ্ঞাসা করি—কী দেখছেন?

—যা দেখতে পাচ্ছি। মুহূর্তে রাঙাদি সহজ হয়ে ওঠে,—এখনো আপনি বলা অভ্যেসটা ছাড়তে পারলেন না?

—সবে তো পরিচয় হয়েছে। অপরিচয়ের দেয়াল ভাঙতে সময় লাগে।

—তা হোক, আমাকে আর আপনি বলে বিভ্রত করবেন না। বলে মাথা নীচু করলো রাঙাদি।—এটা আমার অসুযোগ।

—বেশ তাই হবে। আশা করি তুমিও আমাকে—

—হাঁ, তুমিই বলবো।

আমাদের কথার মধ্যে মাটিরমশায় এসে পৌঁছলেন। একটু পরেই শান্তিলতা। মাটিরমশায় ক্লান্ত হয়ে পড়েছেন। একটু বিশ্রামের জন্তে পথের ধারে পাথরের ওপর বসে গা এলিয়ে দিলেন। স্বামীকে বসতে দেখে শান্তিলতা বললেন—বসলে কেন?

—একটু বোসোই না। রজনী আনুক—একসঙ্গে বাবো।

—জ্যাঠামণি আসছেন ঘোড়ায়, পূরবী বলে, তাঁর জন্তে দাঁড়িয়ে থাক। মিছে। চলো আমরা এগিয়ে বাই।

একই সংগে চলতে আরম্ভ করে কখন যেন মনের ভূলে আমি আর প্রসাদদাস সকলকে পেছনে রেখে এগিয়ে এসেছি। চড়াই পথ পার হয়ে নামছি উৎরাই পথে। দূরে একটি পাহাড়ের পাদদেশে বিউল চটি স্পষ্ট দেখা যাচ্ছে। মনে হয়, ও আর এমন কিছু বেশী দূরে নয়। কিন্তু একঘণ্টা পথ চলেও বিউল চটিতে পৌঁছতে পারি নি।

ইচ্ছে ছিল বিউজ চটিতে কণকাল বিজ্রাম করবো। কিন্তু প্রসাদদা থামতে নারাজ। বলে, বিজ্রাম নিলে চলতে আরও কষ্ট হবে। এখনও যে চড়াই পথ সামনে।

বিউজ থেকে মৈথুণ। দূরত্ব এমন কিছু বেশী নয়। যদিও চড়াই অতিক্রম করতে হয়েছে, তবু এ-পথটুকু এসেছি অন্যায়সে।

মৈথুণায় পৌঁছেই দেখি একটি চায়ের দোকানের সামনে ভিড়। একজন প্রৌঢ়া পাণ্ডাবী মহিলা অজ্ঞান হয়ে পড়েছে। দাঁতে দাঁত চেপে আছে—অকুট গোড়ানি ছাড়া কোনও সাড়া শব্দ নেই। কোন পুরুষ নেই সঙ্গে। শুধু দুটি মেয়ে। এরা তিনজনেই ঘোড়ায় চেপে আসছিল। সারাটি পথ খাদের দিকে তাকাতে তাকাতে এসেছে ওই প্রৌঢ়া। ঘোড়ার সহিল বারবার নিষেধ করেছে। শোনেনি। এখানে পৌঁছেই প্রৌঢ়া বুক হাত চেপে ঘোড়ার পিঠে ঢলে পড়ে। মাটিতে পড়ে ব্যয়নি—তাই রক্ত।

একটি মেয়ে প্রৌঢ়ার মাথায় জল দিচ্ছে, অন্য জন চামচ দিয়ে দাঁত ঝাঁক করে কিসমিস দিচ্ছে মুখে।

ভিড় ঠেলে তাড়াতাড়ি এগিয়ে যায় প্রসাদদা—আহা করছো কী, এখন কি জান আছে যে চিবিয়ে থাকে?

ওষুধের ব্যাগ সংগেই ছিল। তাড়াতাড়ি কয়েক ফোটা কোরাহিন জল মিশিয়ে দিই প্রসাদদার হাতে। কোনমতে চামচ দিয়ে দাঁত ঝাঁক করে ওষুটুকু মুখের মধ্যে ঢেলে দেয় প্রসাদদা।

কিছুক্ষণের মধ্যেই চেতনা ফিরে এলো মহিলার। মেয়ে দুটি বেন হারানো চাদ হাতে পেয়েছে। দুজনেই মহিলার বুক মাথা গুঁজে সম্বরে বলে ওঠে, মেরে চাটী।

প্রসাদদা এবারে নির্দেশ দিলে গরম দুধের সংগে একটু মৃকোজ খাওয়ানোর জন্তে। কিন্তু কোথায় পাবে মৃকোজ? অগত্যা প্রসাদদা নিজেই গেল ভালমিছরি দিয়ে দুধ গরম করতে।

আরও কিছুক্ষণ বাদে মহিলা উঠে বসলো। কথা বললো স্বাভাবিক ভাবে। তারপর জানালে, যতো কষ্টই হোক, বাকী পথ সে হেটেই যাবে। ঘোড়ার তো নয়ই, ডাণ্ডি-কাণ্ডিতেও চাপবে না।

ইতিমধ্যে মাটার মশার এলেন। পেছনে মা ও মেয়ে। রজনীবাবুকে নিয়ে

সেই আধমরা বোড়াটাও এলো। শ্রীমতী রজনীও আসছেন ভাণ্ডি চেপে। সব শেষে ক্লান্ত চরণে আসছে সীমা।

শ্রীমতী রজনীর মুখ থম থম করছে। ভাণ্ডি থেকে নেমে একটা গাছের ছায়ায় গিয়ে দাঁড়ালেন। রজনীবাবুর মুখখানাও মেঘলা আকাশের মতো। কারও সংগে কথা না বলে শুধু একবার পেছন ফিরে সীমার মুখের দিকে তাকালেন। যে সীমা যখন তখন নিজের মনে হাসে, কথা বলে—সেও কেমন যেন গভীর হয়ে আছে। নিশ্চয়ই কিছু হয়েছে। হয় স্বামী-স্ত্রীতে কথা কাটাকাটি, না হয় আর কিছু।

ভালো মন্দ কোন কথা না বলে আবার চলতে শুরু করি প্রসাদদ্বার সংগে।

মৈথগা থেকে ফাটা সামান্য পথ। কিন্তু এই পথটুকু পার হওয়া দায়। আকাশে জলছে সূর্য। শীতের আমেজটুকুও আর নেই। পাহাড় ভেঙে উঠেছে। সর্বাসংগে বিন্দু বিন্দু ঘাম চিট্ চিট্ করছে। অথচ গরম পোষাকও খুলতে পারছি না। হঠাৎ ঠাণ্ডা লেগে যেতে পারে।

পায়ে পায়ে এগিয়ে চলেছি। সামনে পেছনে আরো কতো যাত্রী। সকলেই ক্লান্ত পায়ে এগিয়ে চলেছে। অক্লান্ত আনন্দের উৎস শুধু প্রসাদদ্বা। একটানা বকে চলেছে। নানা রকমের কথা শুনে হাসি পায়। এমন রসিয়ে কথা বলতে প্রসাদদ্বার জুড়ি বেধিনি।

প্রসাদদ্বা ছিল বলেই এ পথটুকু এতো সহজে অতিক্রম করে এলাম। মৈথগা থেকে বেড়িয়েছি সওয়া দশটায়। ফাটা পৌছতে লাড়ে এগারোটা বাজলো।

লালসিং আগেই পৌছেচে। বিশ্রাম নিচ্ছে পথের ধারে একটি দোকানে। কিছু বলে দিই নি, তবু আগেভাগে এসে চটিতে একটি ঘর ঠিক করে রেখেছে।

আজ থেকে আমার সব ভার লালসিং-এর ওপর। ও তা জানে। যাত্রাবাড়ী সবই করবে ও। সেই মতো কথা হয়েছে।

যাত্রীর ভিড়ে গম গম করছে ফাটা। দুপুরে কয়েক ঘণ্টার জন্তে এখানে বিশ্রাম করবে যাত্রীদল। তারপর বেলা তিনটে না বাজতে আবার যে ধার পথে চলে যাবে। এখন কোন চটিতে জায়গা নেই, তখন শূন্য চটিগুলো থা থা করবে। এখনো তীর্থ-পথিকের প্রত্যাবর্তনের পালা শুরু হয়নি। এখনো কেদারনাথের মন্দিরের দরজা উন্মুক্ত হয়নি। আগামী কাল দরজা উন্মুক্ত হবে।

বে ঘর ঠিক করেছে লালসিং, সে ঘরে উঠতে শ্রীমতী রজনীর আপত্তি। কিন্তু খোজাখুঁজি করেও কোন চটি খালি পেলেন না রজনীবাবু। নিরাশ হচ্ছে কিয়ে এলেন। শ্রীমতী রজনী দোকানের সামনে দাঁড়িয়ে গরম পকোড়ি খাচ্ছিলেন, ঘর পাওয়া গেলনা শুনে বলে উঠলেন—তুমি পুরুষ মানুষ না-কী ? সর্বাঙ্গ ঘর খুঁজে পেলো আর তুমি পেলো না। কাল থেকে কুলিদের আগে পাঠিয়ে দিও।

—তুমিই তো বলেছো কুলিয়া সংগে সংগে থাকবে। অতো জিনিষ-পত্তর দিয়ে তুমিই তো ওদের বিশ্বাস করতে পারো না। ওভারকোটের খুলো কাড়তে কাড়তে রজনী বাবু বললেন,—তোমার মন না মতি। কী ভুল বে করেছে, তোমায় সংগে এনে—

—ভুল করেছো ? শ্রীমতী রজনী বলে উঠলেন,—বেশ আমি না হয় সীমাকে নিয়ে চলে যাচ্ছি।

—ছিঃ ছিঃ, কী আরম্ভ করলে রজনী। মাঠার মশায় য়ুহু তিরঝারের মূরে বললেন,—তোমরা তো ছেলেমানুষ নও। একটা ঘর বখন ঠিক হয়েছে, আবার ঘরের কী দরকার। আরোটা বাজতে চললো, আর তো দু তিন ঘণ্টার ব্যাপার।

অগত্যা একই ঘরে ছুপুরটা কাটানো সার্বান্ত হলো।

স্নানাহার চুকতে বেলা ছটো বাজে। ছদও নিশ্চিন্তে বিশ্রাম নেবো, ভাত উপায় নেই। বিক্রী রকমের মাছির উৎপাত। শুয়ে বসে স্বস্তি নেই।

মাঠারমশায় জিজ্ঞাসা করলেন,—এবেলা ক মাইল হাঁটতে হবে প্রসাদ ?

নোটবুকে পথের সকল বিবরণ লিখে এনেছে প্রসাদদা। বললে,—পাঁচ মাইল। রাসপুরে পৌঁছে রাত কাটাতে হবে।

—তবে আর দেয়ী করা কেন ? মাঠার মশায় বললেন,—হাঁটতে আরম্ভ করা যাক।

—তাই চলুন। কোলাকুলি কাঁধে নিয়ে প্রসাদদা উঠে দাঁড়ায়।—জয় কেদার।

শ্রীমতী রজনীর সব কিছুতেই বিরক্তি। বলেন—আমি বাপু এখন যেতে পারবো না।

ভাড়াভাড়ি করেও চটি ছেড়ে বেরোতে ভিনটে বাজলো। রজনীবাবু চললেন ঘোড়ায় চেপে, আর শ্রীমতী রজনী ভাঙিতে। সীমা রইলো আমাদের সংগে।

কিছুদূর এগিয়ে ডাক শুনে পাই—ও দাদা শুনেছেন? ফিরে দেখি হন্ হন্ করে আসছে কমলা ঘোষ।

প্রসাদদা বললে,—এইরে, লাট্টু এসে গেছে।

—কাকে কি বলছো প্রসাদদা?

—কাকে আবার, ওই মেয়েটিকে। হারিয়ার থেকে দেখছি ওকে। দেখা হলেই হচ্‌পচ্‌ বকতে আরম্ভ করবে। গুপ্তকানীর পর আর দেখা হয়নি—ভেবেছিলাম হয় এগিয়ে গেছে, না হয় পিছিয়ে পড়েছে।

—ওকে আমিও চিনি। কিন্তু নাম তো লাট্টু নয় কমলা।

—আমি ছাই নামটাম জানিনে। লাট্টুর মতো ফর ফর করে, তাই নিজে থেকেই নাম রেখেছি লাট্টু।

আশ্চর্য মেয়ে কমলা। চলনে-বলনে এতটুকু জড়তা নেই। কাছে এসেই বললে—আপনাদের দুজনকে নমস্কার। তারপর আপনারা এক সংগে মিললেন কোথায়?

—পথে। গুপ্তকানীর পথে। প্রসাদদা জিজ্ঞাসা করলে,—আপনার মাপিসি কই?

—ভীষণ ঠিক আসছেন। আমি যাচ্ছি আমার মতো। প্রসাদদার পাশাপাশি চলতে চলতে কমলা বলে,—পথ তো একটি, হারিয়ে যাবার ভয় নেই। কী, কিছু বলুন শ্রীমন্তদা।

—কী আর বলবো?

—তার মানে, কিছু বদলার নেই?

—না। একটু ইতস্ততঃ করে বলি,—দেখুন কিছু যদি মনে না করেন, তাহলে একটা কথা বলি।

—একটা কেন, দশটা কথা বলুন না।

—দেখুন, আমরা এক গোপন বিষয় আলোচনা করতে করতে যাচ্ছিলাম তাই—

—কীক আর বলতে হবে না। বাক্যে এপথেও গোপন বিষয়—বলে দ্রুত এগিয়ে যায় কমলা।

—ভগবান খুব রক্ষে করেছেন শ্রীমন্ত । প্রসাদদ্বা দুহাত কপালে ঠেকালো ।
—এখন ও গরমে গরমে এগিয়ে বাক ।

রাঙাধি হাসছিল । বোধ হয় ধরনধারণ দেখে । বললো,—এ আপনার ভাবি অন্তায় । মেয়েটি কি ভাবলো বলুনতো !

—ওসব মেয়ে বেশী ভাবে না । বলে, প্রসাদদ্বা মূখ টিপে হাসে ।

—প্রসাদ আছে বেশ । মাটারমশায় কখন যে পেছনে এসে দাঁড়িয়েছেন, কেউ তা লক্ষ্য করি নি ।

—হাঁ, সব সময়ে যেতেই আছি । বর্ষাকালের আখের গুড়ের মতো । বলে প্রসাদদ্বা দুহাত ভুলে চীৎকার করে ওঠে—জয় কেদারনাথকী জয় ।

শুধু আমরা নই, সামনে পিছনে ব্যাক্তীয় মিছিল । চেনা-অচেনা কতো মূখ দেখছি । যে হলটির সংগে জুবাকেশ থেকে বাসে উঠেছিলাম, তাদের সংগেও দেখা হলো । আপন-আপন গাঁটরি-বোঁচকা মাখায় নিয়ে দল বেঁধে চলেছে কেদারনাথের নাম উচ্চারণ করতে করতে । পশ্চিমদ্যে দেখা হলো সেই বৃদ্ধার সংগে, যিনি তুষ্কার জল চেয়েছিলেন আমাদের কাছে—লাঠি ঠুকতে ঠুকতে এগিয়ে চলেছেন । দেখা হতে জিজ্ঞাসা করলেন—তার কাছে পৌঁছতে পারবো তো বারা ?

—নিশ্চয়ই পারবেন ।

—কী জানি, আমার তো মনে হয় না—পারবো । তারপর জুতো পায়ে দিয়ে কোঁকা পড়েছে । বলে বৃদ্ধা পা দেখালেন । কোঁকা গলে গেছে । বিধিয়ে না ওঠে । তবুও বললাম—না না ও কিছু না, সেরে যাবে ।

বৃদ্ধাকে পিছনে রেখে এগিয়ে চলি ।

নিবিড় ছায়া জড়ানে মনোরম পথ । যেন চলে গেছে স্বপ্নলোকের পথে । জংগলাকীর্ণ এ পাহাড় । বড়ো বড়ো গাছের অবিস্তৃত সমারোহ । এক-দিকে হুউচ্চ শিখর, অন্যদিকে গভীর অন্ধকারাচ্ছন্ন খাদ । খাদের গভীরে বয়ে চলেছে মন্ডাকিনীর জলধারা । দেখতে পাচ্ছি না, শুধু কানে আসছে মন্ডাকিনীর ছুটে চলার শব্দ । ছোট বড়ো কতো কর্ণা দেখছি পথের পাশে । পাহাড়ের কোন অন্ধকার রক্তপথে নেমে আসছে জলধারা ।

জানিনা, কখন চলতে চলতে দল ছাড়া হয়ে পড়োঁছ । সামনের দিকে কিরে চাই, দেখি অনেক দূরে এগিয়ে গেছে সবাই । শুধু রাঙাধিকে দেখছি না, হয়তো সে আঁকুও এগিয়ে গেছে, না হয় পিছিয়ে পড়ছে ।

আমাকে পিছনে রেখে কতোজন এগিয়ে যাচ্ছে কেদারনাথের নামে জয়ধ্বনি দিতে দিতে। যাক। আমিও যাবো। তবে পথকে বিন্দুত হয়ে পথ চলতে পারবো না। পথের দু ধারে সজ্জিত রয়েছে যে সৌন্দর্য স্থা—আমি সে স্থা আকর্ষণ পান করবো।

‘জয় কেদার, জয় কেদার’—না জানি কী যাহু আছে ওই নামে, যে নাম উচ্চারণ করতে করতে কাতারে কাতারে নর-নারী চলেছে পথ হেঁটে। কতো আশা নিয়ে চলেছে এই সব নর-নারী। সে আশা কী শুধু কেদারনাথকে দর্শন করা, স্পর্শ করা—না আরো কিছু!

পথের পাশেই ছোট একটি ঝর্ণা। পাশেই পড়ে রয়েছে বিরাট এক খণ্ড পাথর। এখানে ঋণকাল বসবার বাসনা হলো। বসেছি। দেখছি চারদিকে চেয়ে। তাবছি, পুণ্যের প্রত্যাশা নিয়ে এই সব নর-নারী চলেছে এই পথে, সে পুণ্য কী এতোই স্থলভ? না, সে পুণ্য চির-স্থলভ?

পাপ-পুণ্য, স্নায়-অস্নায়—মাতৃষের অভিধানে তার যে অর্থ লেখা থাক না কেন, আমার কাছে তা অর্থহীন মনে হয়। তবুও মনের মধ্যে জিজ্ঞাসা, এই যে দেশ-বিদেশ থেকে ছুটে এসেছে অগণিত মাতৃষ, দুর্গম তীর্থপথে—সে কী শুধু পুণ্যের প্রয়োজনে? না, এর পিছনে আর কোন অব্যক্ত আকাঙ্ক্ষাও আছে?

—ঐশ্বর্য।

উন্নয়ন হয়ে পড়েছিলাম। চমক ভাঙে ডাক শুনে। রাঙাদি ডাকছে। এগিয়ে যায় নি রাঙাদি। পিছনে ছিল।

—কী করেছে ওখানে বসে? রাঙাদি জিজ্ঞাসা করলে।

—কিছু না। হঠাৎ কী খেয়াল হলো। বসে পড়লাম। বলে পাথরের থেকে নেমে আসি।

—কিছু তাবছিলে বোধ হয়? তোমার মূখের রেখা দেখে তাই তো মনে হচ্ছে।

—হয়তো তাবছিলাম। জানো রাঙাদি, আমি যে কখন কী ভাবি—নিজেই জানি না।

—আমার নাম তো রাঙাদি নয়। কতো সহজে আমি তোমার নাম ধরে ডাকতে পারলাম, আর তুমি পারলে না?

—সীমা তোমাকে রাঙাদি বলে, তাই বললাম। তাছাড়া রাঙাদি কথাটিও

বেশ। মনে করো আমি তোমার নাম রাখলাম রাঙাদি কেমন খুলী তো? বলে রাঙাদির মুখের দিকে ফিরে চাই।

কদিন দেখছি—সব সময়ে কেমন বেন চিন্তাকাতর মনে হয় ওকে। কীলের চিন্তা!

সেদিন রাতের কথা মনে পড়ে। রুজপ্রয়াগে সন্ধ্যার ঘাটে ওদের কথা শুনেছিলাম। সীমা আর রাঙাদি, দুজনের যুহু তর্কের কথাগুলো এখনো স্পষ্ট মনে আছে। থাকবে।

—কী দেখছো?

—তোমাকে।

—থাক, আমাকে দেখে সময় নষ্ট করোনা। চলো, সবাই এগিয়ে যাচ্ছে।

পাশাপাশি পথ চলি। আমি আর রাঙাদি।

রাঙাদি নীরব। আমার মুখেও কথা নেই। নীরবে নামছি।

এখন আর পথের দুধারে ঘন অরণ্য নয়। পাহাড়ী গ্রাম দেখছি, দেখছি কসলের ক্ষেত। কসলের ক্ষেতে কাজ করছে মেয়েরা। তাদের শিশুপুত্র পিঠে বাঁধা, অথবা কেউ বা শিশুদের ছেড়ে রেখেছে ক্ষেতের মধ্যে। কেমন অনায়াসে পাহাড়ের ঢালুতে খেলছে, ছুটোছুটি করছে তারা।

—এক পাই দে রাগীমা, একপাই দে শেঠজী। ছোট ছেলেমেয়েরা দল বেঁধে দাঁড়িয়ে আছে পথের ধারে। কোনো দলের সঙ্গে তাদের মায়েরাও রয়েছে। স্বামীর কাছে একটি কি দুটি পয়সা পাবে বলে দুহাত প্রসারিত করছে। হৃন্দর ফুট ফুটে ছেলেমেয়ে। শতছিন্ন ময়লা জবরজড় পোষাক পরনে, খালি পা, শনের মতো অবিকৃত চুল, ঢল ঢলে মুখ। কাঁচা সোনার মতো রং, গালহুটি আপেলের মতো রাঙা।

যেমন ছেলেরা, তেমন মেয়েরা। দেখলে চোখ জুড়িয়ে যায়। সবচেয়ে হৃন্দর ওদের সরল চাউনি। কিশোর-কিশোরী, তরুণ-তরুণীদেরও দেখছি। কসলের ক্ষেতে কাজ করছে কেউ, কেউ মাথায় বোকা নিয়ে চলেছে, কেউ গরু তেড়া ছাগলের দল নিয়ে চলেছে।

একটি হৃন্দর ফুটফুটে শিশু কোলে পথের ধারে দাঁড়িয়ে আছে মা। পুরবীর কাছে হুঁচনুতো তাকে চাইলো সে। হুঁচ আর হুতো সংগে এনেছে পুরবী। সে জানে এ পথের রেকরাজ। হুঁচনুতো পেয়ে পাহাড়ী রমণীটির বেন আনন্দ

ধরে না। তার ভাবায় সে কতো কী বলে গেল, যে কথার মানে বুঝতে পারলাম না।

—সত্যি, এগা কতো সহজ সরল আর সুন্দর—বলে পূরবী মায়ের কোল থেকে শিশুটিকে বুকে তুলে নিলো। শিশুটিকে বুকে জড়িয়ে আদর করছে পূরবী। শিশুটিও তেমনি, পূরবীর গলা জড়িয়ে হাসছে। শিশুকে চুষন দেবার লোভ সংবরণ করতে পারলো না সে।

মুদ্র কণ্ঠে বললাম,—মা হলে তোমাকে সুন্দর মানাবে পূরবী।

একটি মুহূর্ত মাত্র। তার মধ্যে সবকিছু ওলট পালট হয়ে যায়। মায়ের কোলে শিশুকে তুলে দিয়ে পূরবী দ্রুত চলতে আরম্ভ করে।

কী হলো পূরবীর! অমন করে চলে যাচ্ছে কেন! তবে কি আমার কথায় আঘাত পেয়েছে? কিন্তু আমি এমন কী বলেছি।

—পূরবী, পূরবী দাঁড়াও। আমার আরো কথা আছে, শুনে যাও। বার বার ডাকি ওর নাম ধরে। সাড়া দেওয়া দূরে থাক, একবার ফিরেও তাকালো না। ইচ্ছে হলো, ছুটে গিয়ে ওর পথরোধ করি। কিন্তু—না থাক।

অদূরে বদলপুর চটি। দেখতে পাচ্ছি কতকগুলো ঘর-বাড়ী। পূরবী অনেক দূর এগিয়ে গেছে। একটু আগেও তাকে দেখতে পাচ্ছিলাম। এখন আর দেখছি না। পথের বাকের হারিয়ে গেছে সে।

তুলে গিয়েছি পথের বার্তা। যন্ত্রচালিতের মতো পায়ে পায়ে এগিয়ে চলেছি পূরবীর কথা ভাবতে ভাবতে। অবশেষে বদলপুর এলো। চা-পানের আশায় বসেছি একটি দোকানে। আরো কয়েকজন অপরিচিত যাত্রী সেখানে।

চা পান করছি। ভাবছি পূরবীর কথা। অল্প ভাবনা মুছে গেছে মন থেকে।

—বাবুজী। ক্রাচে ভর দিয়ে দাঁড়িয়ে আছে সেই খণ্ড লোকটি।

—কিছু বলবে?

একটু চা খেতে চায় লোকটি। আর কিছু নয়। দোকানীকে চা দিতে বলে, লোকটিকে জিজ্ঞাসা করি তার নাম।

নাম তুলসী দাস। বাড়ী ছিল বিহারের এক গ্রামে। শুধু নাম জিজ্ঞাসা করেছিলাম; কিন্তু তুলসী দাস বলে গেল ওর জীবনের সংক্ষিপ্ত কথা।

এক কালে বাড়ী-ঘর, সংসার সবই ছিল ওর। এখন আর কিছুই নেই। শুধু শূন্য ভিটে পড়ে আছে। মাঝে মাঝে মন ব্যাকুল হলে তখন ও দেশে যায়।

নয় তো সারা বছর এমনি করে পথে পথে ঘুরে বেড়ায়। অবসর সময়ে পাখিরেং
টুকরো কুঁড়ে কুঁড়ে মূর্তি গড়ে।

আগে ও ছিল ড্রাইভার। লরি চালাতো। দুর্ঘটনায় ওর একটি পা নষ্ট
হয়ে যায়। সেই থেকে বেকার। ভিখাই জীবিকা। বোঁ ছিল, পালিয়ে
গেছে পরপুরুষের সঙ্গে। পুরুষটি ওর চেনা জানা। আত্মীয়ের মতো। একটি
ছেলেও ছিল, তাকে নিয়ে বাঁচতে পারতো তুলসী, কিন্তু অদৃষ্ট মন্দ, ছেলেটি দশ
বছর বয়সে মারা গেল। এসব আত্মকের কথা নয়। সন্তের বছর আগেকার
কথা। তখন তুলসী দাসের বয়স সাতাশ বছর। বোঁ গেল, ছেলে গেল—
তার ওপর নিজেও খোঁড়া মাহুয, ভিটে কামড়ে পড়ে না থেকে বেরিয়ে পড়লো
উদ্দেশ্যহীন পথে। এই সন্তের বছর পথে পথে ঘুরছে ও।

পুত্রো নো কথা নতুন করে শ্রবণ করতে তুলসীর ছুটি চোখ জলে ভরে যায়,
এমনি করে কাদতে হয় বলেই ও ফেলে আসা দিনের কথা মনে করে না।
একদিন ও ছিল কর্মঠ বৃক। ঘরে ছিল সুন্দরী স্ত্রী সত্যী, আর পুত্র সুন্দরলাল।
আজ ওর সে পরিচয় নেই—এখন ও একজন খঞ্জ ভিক্ষুক। ছুটি ক্রাচে শুর দিয়ে
অক্ষয় দেহটা টেনে নিয়ে বেড়ায়, প্রাণটাকে বাঁচিয়ে রাখবার জন্তে।

তুলসী দাসের কথা শেষ হলো। আর নয়, আবার পথ চলা শুরু করতে
হবে। বদলপুর থেকে রামপুর। সামান্য পথ—দেড় মাইল। সন্ধ্যার আগে
নিশ্চিত পৌঁছনো যাবে।

কিন্তু সন্ধ্যা হলো রামপুর পৌঁছতে। লালসিং অপেক্ষা করছিল চটির
সামনে। আমাকে দেখেই তার প্রথম প্রশ্ন—এতো দেবী হলো কেন? তারপর
সামনের চটির দোতলার একটি ঘর দেখিয়ে দিলে। যেখানে রাতে থাকবার
ব্যবস্থা হয়েছে।

ঘর নয় তো, দরওয়ান। ইতিমধ্যে জনপকাকশেক নরনারী আশ্রয় নিয়েছে।
চালাও শতরঞ্জি বিছিয়ে দিয়েছে চটিওয়ালা। মাথা পিছু ছ-আনা ভাড়া।

রজনীবাবুয়া বোধহয় মস্ত কোথাও উঠেছেন। তাঁদের কাউকে দেখতে
পেলাম না। প্রসাদদার মালপত্রর রয়েছে, কিন্তু মাহুযটি নেই। হয়তো
বাইরে কোথাও গেছে।

রাঙাদির কথা মনে হলো। কী করছে রাঙাদি। এখনো কী তার
অভিমান আছে আমার ওপর। হয়তো আছে। থাকবে। মেয়েদের মন
শরৎকালের আকাশের মতো। এই মেঘ, এই বোদর।

—শ্রীমত, শ্রীমত কোথায় ? ব্যস্তভাবে ঘরে ঢুকলেন মাষ্টারমশায়। চোখে মুখে দারুণ উৎকর্ষীয় চিহ্ন।

—কী হয়েছে মাষ্টার মশায় ?

—মা-মনি অজ্ঞান হয়ে পড়েছে।

পূরবী।—পূরবী জ্ঞান হারিয়েছে !

পাশের চটিতে এলাম। পূরবী শুয়ে আছে শতরঞ্জির ওপর। শান্তিলতা মাথার কাছে বসে। প্রসাদদা নাড়ী দেখছে। আর শ্রীমতী রজনী নির্বিকার, ছুরি দিয়ে আলুর খোসা ছাড়াচ্ছেন। সীমা দাঁড়িয়ে আছে ছল ছল চোখে।

মাষ্টারমশায় বলতে লাগলেন, আগে মাঝে মাঝে এমন হতো মেয়ের, অনেক ভাক্তার কবিরাজ দেখিয়েও কিছু হয়নি। তারপর আপনা হতেই সেরে যায়। বছর তিনেক হলো ভালোই ছিল। আজ হঠাৎ কেন এমন হলো, বুঝতে পারছেন না। স্বস্থ মেয়ে পথ হেঁটে এলো। এসেই জল খাবে বললে। শান্তিলতা বারণ করলেন, পথ হেঁটে এসেই জল খেতে নেই। তবুও জল চাইলে। বললে কষ্ট হচ্ছে। তারপর এই। লুটিয়ে পড়ল শতরঞ্জির ওপর।

—তোমার কাছে ওষুধ থাকে তো, দাও বাবা। শান্তিলতা আঁচলের খুঁটে চোখ মুছলেন,—কেদারনাথের কী ইচ্ছে জানি না। স্বস্থ মেয়ে কেন যে এমন হলো।

কী ওষুধ দেব ! আমি তো ভাক্তার নই যে রোগের চিকিৎসা করবো। শুধু সাধারণভাবে কিছু ওষুধ সংগে এনেছি মাত্র। হোমিওপ্যাথিকের বাক্স আছে, আর রয়েছে একখানি বই। সংগে আমি নি, ওষুধ পত্তর সবই ও ঘরে রয়েছে—আচ্ছা আমি ওষুধ নিয়ে আসছি—বলে আমাদের চটিতে এলাম। বই খুলে দেখি, মুছাঁ রোগের লক্ষণ ও চিকিৎসা-বিধি। সেই মতো ওষুধও নিলাম সংগে।

এখনো চোয়াল চেপে আছে পূরবীর। শান্তিলতা চামচ দিয়ে দাঁত ঝাঁক করতে ওষুধ ঢেলে দিলাম মুখে।

কী আশ্চর্য ! দশমিনিট সময়ও লাগলো না। জ্ঞান ফিরলো পূরবীর। সীমা মুখের কাছে হুঁকে পড়তে কীণকণ্ঠে বললে—আমার কী হয়েছে সীমা ?

—কী আবার হবে। শান্তিলতা মেয়ের মাথায় আলতোভাবে হাত বুলিয়ে দিয়ে বললেন,—কিছুই হয়নি।

পূরবী চোখ বন্ধ করলো। তারপর আবার চোখ মেলে চাইলো।
ডাকলো—বাবা।

—কী? কিছু বলবি?

—দেহটা এত হালকা মনে হচ্ছে কেন?

—কিছু না, অনেকটা পথ হেঁটে এসেছিল তাই এমন হচ্ছে।

—তোমরা ভাবছো আমি কিছু বুঝতে পারছি না। পূরবীর মুখে ফুটে
ওঠে হাসির রেখা,—আমি সব বুঝতে পারছি।

আরো কিছুক্ষণ শুয়ে রইলো পূরবী। তারপর উঠে বসে সীমাকে কাছে
ডাকলো। সীমার সঙ্গে কথা বলছে দেখে আমি বাইরে এলাম।

হাজার হাজার বাতীর কলরবে মুখর রামপুর চটি। মোট বোলটি চটি
এখানে, প্রতিটি চটি বাতীর ভেঁড়ে ঠালা। অনেকে চটিতে জায়গা না পেয়ে
দোকানের সামনে মালপত্র নিয়ে অপেক্ষা করছে। রাতে দোকানের
বেচাকেনা শেষ হলে তখন এরা আশ্রয় নেবে ভিতরে। এমনও বাতী আছে
যারা বাইরে কোনও আচ্ছাদনের নীচে লেপ-কবল মুড়ি দিয়ে পড়ে থাকবে।

সন্ধ্যা উত্তীর্ণ হয়েছে অনেকক্ষণ। দোকানে দোকানে জ্বলছে হাজার।
খরিদারের ভিড়ে চা-খাবারের দোকানগুলো গুলজার। কতো রকমের নবন্যতা—
কারো সংগে কারো মিল নেই, সামঞ্জস্য নেই। তবু অমিল থেকে সবাই
মিলেছে এখানে।

একটি দলকে রুড্রপ্রয়াগ থেকে লক্ষ্য করছি। বোধহয় তারা দক্ষিণ ভারত
থেকে আসছে। পঁচিশ তিরিশ জন মেয়ে পুরুষের দল। ওই দলেরই একটি
তরুণী, বিষ্টক চটি পেগিয়ে থাকে দেখেছিলাম পথে—বনফুল তুলে খোঁপায়
গুঁজছে। মুহূর্তের দেখা। তবু তুলে বাইনি।

তরুণীকে দেখেছি। উজ্জল কালো গায়ের রং। রবীন্দ্রনাথের ভাষায় ওকে
কুক্কলি বলবো না। এমন কথাও বলবো না যে, কালো মেয়ের কালো হরিণ
চোখ দেখে মুগ্ধ হয়েছি। তবু মুহূর্তের দেখায় তাকে চিনে নিয়েছি। তাকে
দেখেছিলাম খাদের ধারে দাঁড়িয়ে ফুল তুলতে। শাদা শাদা এক এক গোছা ফুল
তুলে খোঁপায় গুঁজছিল। তধু তাই নয়, সে চলেছিল আমার আগে আগে।
ললিত লবঙ্গলতার মতো। পাখীর কাকলী শুনে কখনো থমকে দাঁড়াছিল সে,
কখনো খাদের নীচে ফুল কোটা কোনো গাছের দিকে চেয়ে কিছু দেখছিল।

তাকে আবার দেখলাম। জন-কোলাহলের বাইরে পথের ধারে একটি পাথর খণ্ডের ওপর বসে আছে, দূর পাহাড়ের দিকে তাকিয়ে।

এখনো রাতের প্রথম প্রহর শেষ হয়নি। চাঁদ উঠেছে। বৃষ্টিও কিকে কুয়াশা নেমেছে, তবু চাঁদের আলো বাধা পায়নি। দূরের পাহাড়গুলো কেমন যেন ছায়া-ছায়া দেখে দাঁড়িয়ে রয়েছে। ক্যানভাসে আঁকা জলরং ছবির মতো। নীচে, অনেক নীচে খাদের গভীরে বয়ে চলেছে মন্দাকিনী। বৃষ্টিও মন্দাকিনী চোখের আড়ালে, তবু কানে আসছে তার চলার ছন্দ। তার ছন্দে যে স্বর জেগেছে—সংগীতের মতো।

এদিকে লোকালয় নেই। পথিকও বিরল। হয়তো রাত হয়েছে বলে। কিন্তু ওই তরুণী, একা নির্জনে বসে আছে কেন?

থাক। ও একা বসে থাকুক এখানে। নির্জনে ও উপলব্ধি করুক, এই রাতের প্রথম প্রহরে দেখা হিমালয়কে।

দাঁড়িয়ে না থেকে এগিয়ে চললাম। বনছায়া জড়ানো সংকীর্ণ পথ। কোথাও বা অসমতল। চলেছি সন্তর্পণে।

বেশ কিছু পথ চলে এসেছি। তারপর কণিকের জন্তে বসে থাকি পথের ধারে একটি মন্থণ পাথরের ওপর। পাশেই কয়েকটি ঝোপছাড়। ফুল ফুটেছে তার পল্লবে পল্লবে। শাদা ফুল। মিষ্টি গন্ধ পাচ্ছি। নাম জানি না ওই বনফুলের, জানিনা ওর প্রাণের খবর। শুধু এইটুকু জানি—ফুল ফুটেছে।

উঃ?—ফুল তুলতে গিয়েছিলাম। কী যেন ফুটলো হাতে। কাঁটা। কাঁটার আলাতেই উপভোগ করি ফুল তোলার আনন্দ।

যাহু জানে এই মায়াবী রাত। ভুলে গিয়েছি যে আমার কিরতে হবে চটিতে। রাত কাটাতে হবে সেখানে। এই মায়াবী রাত আমাকে সম্বোধিত করেছে। পায়ে পায়ে এগিয়ে চলেছি সম্বোধিতের মতো।

দূর পাহাড়ের কোলে জেগে আছে চাঁদ। আজ কোন ভিষি মনে নেই, তবে চাঁদের চেহারা থেকে বুঝি বোলকলার পূর্ণ হতে এখনো কয়েকদিন দেরী আছে। এখনো প্রয়োজন আরো কয়েকটা রাত্রির তপস্য়া।

জ্যোৎস্নার চন্দন মেখে রাত হয়েছে রূপসী। দিনের আলোর অংগনে বাবে বলে তার এতো সাজ, এতো ভাবন।

আত্মসম্বোধিত আমি। কী দেখছি, কী ভাবছি, তা স্মৃতি করে বোঝাতে পারবো না। বলতে পারবো না মনের কথা। এই মুহূর্তে মনে হচ্ছে, যেন কোন

বনের পৃথিবী পথে চলেছি। যেখানে দ্বিতীয় প্রাণীর অস্তিত্ব নেই। শুধু আকাশ আছে, চাঁদ আছে, আছে নক্ষত্রেরা। পাহাড় আছে, অরণ্য আছে, আছে অজস্র ফুল—আর তার মিষ্টি স্মৃতি।

চাঁদের আলোর পথ চিনে চিনে আরও কিছুপথ এসে তখনতে পেলায় স্বর্গীয় স্বর স্বর শব্দ। ফিরে ফিরে দেখি, কিন্তু কিছুই দেখতে পাই না।

পথের ধারে অমল্য শিলাখণ্ড। তারই ওপর বসে থাকি অলস ভঙ্গীতে। কান পেতে শুনি অদেখা স্বর্ণা-ধারার নূপুর ধ্বনি।

এখানে প্রকৃতির অবগুষ্ঠন খোলা। সৌন্দর্যের দূতী দাঁড়িয়ে আছে পথের ধারে। পথিকের অপেক্ষায়। আসবে সে দূরদেশী পথিক—তারই জন্তে তার ব্যাকুল প্রতীক্ষা।

স্বপ্ন নয়—সত্যি। স্পষ্ট দেখতে পাচ্ছি সৌন্দর্যের দূতী আমাকে হাতছানি দিয়ে ডাকছে। মৌন ভাষায় সে বলছে, ‘এই পথে এসো—এই পথে এসো—এই পথে এসো—আমাকে অনুসরণ কর’।

ওই পথ—জানি, ওপথে চলতে পাথরে পাথরে আহত হতে হবে আমার, জানি কাঁটার আঁচড়ে ক্ষত-বিক্ষত হবে অঙ্গ, তবু যেতে হবে আমার। আমি যাবো।

চলেছি। পাথরে পাথরে পা রেখে, গাছের গুঁড়ি ধরে, লতার অবলম্বন আঁকড়ে—এগিয়ে চলেছি। আলো হারিয়ে গেছে—অন্ধকার বন পথ। তবু স্পষ্ট দেখতে পাচ্ছি সে আমার হাতছানি দিয়ে ডাকছে। ইশারায় বলছে, —এসো—এসো। ওইতো তার বৃকের আরাধনা সরে গেল, ওই তো অবগুষ্ঠনের আড়ালে তার বিলোল কটাক্ষ। ও আমাকে নিয়ে যাবে আমার অদেখা দ্বিভার অঙ্গনে।

দ্বিভারকে শোনাবে বলে আমার বাউল মন একতারার সুর বেঁধেছে। দ্বিভারকে পরাবে বলে মালা গেঁধেছে বনফুলের। কিন্তু, কোথায় সেই অদেখা দ্বিভার আলপনা আঁকা অঙ্গন। আর কত দূরে?

আচমকা বেজে ওঠে একতারার তার। বাউল মন উল্লাসে নেচে ওঠে। ওইতো তার অদেখা দ্বিভার অঙ্গন। ওইতো—

‘বলয় নূপুর যপি কিস্কনি কলনে

মুজ্জু কপুৰুণু বাজত চরণে ॥’

—হঁসিয়ার হো, হঁসিয়ার। অপরিচিত কণ্ঠের চীৎকার আর টেঁচের আলো এসে আমাকে মুহূর্তে সচকিত করে তোলে।

বপ্ন জাল ছিন্ন হয়ে যায়। চোখের সামনে ভেসে ওঠে অন্ধকার খাদ। পাহাড়ের বক্র পথে বর্ণার জলধারা ঝরে পড়ছে খাদের অসীমে। বনের আড়াল থেকে টাদের আবহা আলো চিক্ চিক্ করছে জলধারার ওপর। তাই বুঝি অমন দৃষ্টবিশ্রম হয়েছিল।

কিন্তু আমি এখানে এলাম কেন? কেন আমি এই বনের মধ্যে এসে পৌঁছলাম। নিশির ডাকের কথা শুনেছি, তবে কি সেই নিশির ডাক শুনে আমি—

আবার টর্চের আলো পড়ল মুখে। সেই সংগে এগিয়ে এলো মাহুবা পায়ের শব্দ। দেখলাম দুজন লোক উঠে আসছে বনের মধ্যে দিয়ে। কিছুক্ষণের মধ্যেই কাছে এলো তারা। পোষাক দেখে অস্বস্তি করি, এরা বনবিভাগের লোক। টহল দিতে বেরিয়েছে।

এসেই একজন আমাকে কক্ষকণ্ঠে জিজ্ঞাসা করলে, আমি এখানে কেন।

রাতের সৌন্দর্য দেখতে এসেছি শুনে ওরা কেমন তাক্সব বনে গেল। তারপর আমার আপাদমস্তক নিরীক্ষণ করে নিজেদের মধ্যে গাড়োয়ালী ভাষায় কি বেন বলাবলি করলে। শেষটা আমার হাত ধরে নামিয়ে আনলো নিচে। রামপুর চটির কাছে পৌঁছে দিয়ে ওরা চলে গেল। বলে গেল, রাতের সৌন্দর্য যদি দেখতে হয়, বেন ঘরে বসে দেখি। রাতে এখানে বাইরে বেরোনো মোটেই নিরাপদ নয়। এখানকার জঙ্গলে হিংস্র জন্তু আনোয়ারের অভাব নেই। বিপদ ঘটতে বেশী সময় লাগে না।

ওরা চলে গেল অন্তর্গত। আমি ফিরে এলাম চটিতে। রাত সাড়ে নটা বেজেছে, এখনো রামপুর গুলজার হয়ে আছে তীর্থ-পন্থিকের কলরবে।

যে ঘরে আমরা আশ্রয় নিয়েছি, সে ঘরে এখন আর ভিল ফেলার জারগা নেই। সাকুল্যে প্রায় সত্তর আশী জন নর-নারী এই এক ঘরে। প্রসাদদ্বা বেশ আসর জমিয়ে বসেছে। স্বর করে পাঠ করছে চৈতন্ত-চরিতামৃত। তখনে পটিন-তিরিশজন নারী-পুরুষ। হলের মধ্যে প্রসাদদ্বার লাটুও আছে। মা-পিসির মাঝখানে বসে শুনেছে চৈতন্ত-চরিতামৃতির কথা।

এই একটি ঘরে সত্তর আশীজন মাহুব আর তাদের লটবহর। সেই সংগে তিরিশ চার্লিটি উছন জলছে ঘরে, না হয় পিছনের বারান্দার—খোঁয়ান দ্বার নিতেও কষ্ট খোঁষ হয়। তাই ঘরে না বসে সামনের বারান্দার এসে বসি কিছুক্ষণ। পরে প্রসাদদ্বা এসে বসলো আমার পাশে।

রাত তখনো শেষ হয়নি। রাজীর কলরবে ঘুম ভেঙে গেল। এরই মধ্যে শুরু হয়েছে পথ চলার তোড় জোড়। দু'একটি দল ইতিমধ্যে কেদারনাথের নামে জয়ধ্বনি দিয়ে পথ চলতে আরম্ভ করেছে।

সরভূমির সময়। দোকানীদের চোখেও ঘুম নেই, এরই মধ্যে চায়ের দোকানগুলো খুলেছে। জল ফুটছে বড়োবড়ো কেটলি না হয় হাঁড়িতে। আচের পাশে বসে দোকানী দু'হাতে চা করে চলেছে, আর মুখে বলছে—শেষজী গরম চায় পিও।

এই দুর্গম পথে, শীতের মধ্যে চা যেন অব্যত। পথ চলার আগে আর কিছু না হোক, একটু গরম চা চাই।

ঘিনের আলো স্টে হয়ে ফুটবার আগেই শুরু হলো আমাদের পথ চলা। আজকের পথ দারুণ চড়াই। তিন মাইল চড়াই পথে উঠে তবে এ পথের অন্ততম তীর্থ ত্রিযুগীনারায়ণ।

পথে সূর্য ওঠা দেখলাম। পাহাড় ডিঙিয়ে সূর্য উঠলো।

স্বপ্নের মতো পায়ে পায়ে চলেছে তীর্থ-পথিকের দল। চলার পথ মূখর হয়ে উঠেছে 'জয় কেদারনাথ কী জয়' ধ্বনিতে।

আজ প্রসাদদা যেন স্বেপ্নে গেছে। একনাগাড়ে গেয়ে চলেছে তাঁর প্রিয় গানের সেই দুই কলি—‘ও তুই বাঁবি পর পার, এ ঘাটে নিতাই কর্ণধার’।

চড়াই পথ শুরু হলো। দারুণ চড়াই। তার ওপর সরাসরি রোদ এসে বিঁধছে গায়ে। অন্তর্দিনের চেয়ে আজ রোদের তেজ যেন বেশী মনে হচ্ছে। হয়তো এ পথে ছায়া নেই, তাই।

শেষ নেই এ পথের। মতো এগিয়ে চলেছি, পথ যেন ততো দীর্ঘ হচ্ছে। কতো রাজীর সঙ্গে দেখা হলো, কাল যারা হেঁটে এসেছে, আজ তারা চলেছে ষোড়ায়।

তুলসীদাসকে দেখলাম, পথের ধুলোর ওপর বসে পড়েছে। বেচারি রাত সিনটের বেরিয়েছিল। একটানা ক্রাচে তর দিয়ে পথ হেঁটে ক্লান্ত হয়ে পড়েছে। একটি মাত্র পা নিয়ে চড়াই উঠতে যে কী কষ্ট, তা ওই জানে। জানতে চাইলো, ত্রিযুগীনারায়ণ এখনো কতো দূর। এখনো আড়াই মাইল। শুনে তুলসীদাস গভীর নিঃশ্বাস ত্যাগ করে কেদারনাথের নাম উচ্চারণ করে।

‘জয় কেদার’।—এ পথে কেউ কারো অস্ত্রে হু হুও অপেক্ষা করে না। শুধু

পরশ্বরের দেখা হলে ওই একটি কথা ‘জয় কেদার’। হৃৎকম্প দিয়ে যতো বাজী
চলেছে, সকলের উদ্দেশে তুলসীদাস হাত তুলে বলছে ‘জয় কেদার’।

দাঁড়াবার সময় নেই। প্রসাদদার সংগে চলেছি লাঠি ঠুকে ঠুকে এগিয়ে।
সকাল থেকে আজ রজনীবাবুদের দলের কারো সংগে দেখা হয় নি। হয়তো
তারা এগিয়ে গেছেন, না হয় পিছনে আসছেন।

আরো কিছু পথ হেঁটে বসে পড়তে হলো। আর পারছি না। পা দুটো
টন টন করছে। খানিক বিশ্রাম না নিলে নয়।

—কী হলো? বসে পড়লে কেন? প্রসাদদার জিজ্ঞাসার উত্তরে বলি,—
একটু বোসো দাদা। দশ মিনিট। পায়ের শিরাগুলো টেনে ধরেছে।

—তবে আমিও বসি। প্রসাদদা বসে পড়ে আমার পাশেই।—আমারো
একটু বিশ্রাম দরকার শ্রীমন্ত।

নীচের দিকে ফিরে চাই। চড়াই পথে উঠছে তীর্থ-পথিক নর-নারী। দু
পা চলছে আর থমকে দাঁড়াচ্ছে। আবার চলছে, আবার দু হাতে লাঠি চেপে
ধরে থমকে দাঁড়িয়ে দেখছে সামনের দিকে। সামনে চড়াই।

দক্ষিণ ভারতের সেই তরুণীটি আসছে খুঁড়িয়ে খুঁড়িয়ে। দেহে মুখে ক্লান্তির
ছাপ, চড়াই উঠতে কষ্ট পাচ্ছে, তবু উঠছে।

—জয় কেদার।

জয় কেদার, বলে তরুণী দাঁড়ানো আমার মুখের দিকে চেয়ে। তার পর
বার কয়েক সঙ্কোচে নিঃশ্বাস ত্যাগ করে পরিষ্কার ইংরেজীতে বললে—বসে
পড়েছেন কেন, চলুন। ক্লান্তিকে প্রশ্রয় দেবেন না, পেয়ে বসবে। আমার
পায়ে চোট লেগেছে, হাঁটুতে ব্যথা হচ্ছে তবু বসিনি। কষ্ট হচ্ছে হোক, তাই
বলে চলার আনন্দটা নষ্ট করবো কেন।

—এ পথ কেমন লাগছে বলুন? বলে উঠে দাঁড়াই।

—চমৎকার। অদ্ভুত চমৎকার। না জানি আরো কতো বৈচিত্র্য আমাদের
জন্তে অপেক্ষা করছে।

—মতি, আমিও তাই মনে করছি। না জানি আরো কি দেখবো।—
কয়েক পা এগিয়ে জিজ্ঞাসা করি,—আপনার পায়ে চোট লাগলো কি করে?

—ক’ন দ্বাংস চটির দোড়লার পা পিছলে পড়ে গিয়েছিলাম। তবে এমন
কিছু লাগেনি, শীতের দেশে বলে একটু ব্যথাবোধ হচ্ছে।

তরুণীকে বেশ সপ্রতিভ বলে মনে হয়। চলা-বলার তৎপরিণীত স্বচ্ছন্দ।

হিমালয়ের তীর্থ প্রসঙ্গে ওর কথা হলো, এমনটি আর ভুতায়তে নেই। হিমালয় শুধু বিরাট নদ, মহৎ। বার মহত্বের কাছে আর কিছু স্থান পায় না। ওর মনের বাসনা, এখানে কোথাও নির্জন পাহাড়ের কোলে জীবন কাটায়। আর কিছু না হোক, হয়তো জীবনের প্রতিটি মুহূর্ত তাতে পূর্ণ হবে।

—বা ভাবছেন তা কোনদিন আমার আপনার জীবনে সম্ভব হবে না। বলে তরুণীর মুখের দিকে ফিরে চাই।

—কেন হবে না। দৃঢ় আত্মপ্রত্যয়ের স্বরে তরুণী বলে—তার সঙ্গে মনের পূর্ণ প্রসঙ্গি চাই।

—কিন্তু কেন আপনি এখানে থাকবেন, কী প্রয়োজন ? বাড়ী-ঘর, বন্ধু-বান্ধব, সমাজ—এসবের বাইরে এসে এখানে কী পাবেন, যা নিয়ে দিন কাটাবেন ?

—না হয় কিছু না-ই পাবো। তাতে পাওয়ার ইচ্ছেটা তো যাবে।

—ঠিক বলেছেন। প্রসাদদা এতোক্ষণে কথা বললে,—পাওয়ার ইচ্ছেটা যদি না থাকে, তবে তো নিজেকে নিয়ে আর কোন দুঃখই থাকে না। আপনি ঠিক বলেছেন। অনেক কিছু পেতে চাই বলেই তো আমাদের জীবনে এতো বিড়ম্বনা।

চলতি পথে নানা কথার মধ্যে এক সময় তরুণীর পরিচয় জিজ্ঞাসা করি। ও অসংকোচে বলে যায় ওর কথা। নাম শুভলক্ষ্মী পিল্লাই। কেরালায় রাজধানী ত্রিবেন্দ্রামের কাছে বাড়ী। বাবা-মা আছেন। এ ছাড়া দুই বোন আর একভাই। কেরালায় বাড়ী হলেও ওর শৈশব কেটেছে বোম্বাই-এ। তারপর দিল্লীতে। চাকুরী থেকে অবসর গ্রহণ করে ওর বাবা দেশে ফিরে যান। দিল্লীতে থাকতে এক বিশিষ্ট বাকালী—অধ্যাপক মুখার্জির সংস্পর্শে আসে শুভলক্ষ্মী। অধ্যাপক মুখার্জির সংস্পর্শে এসেই ও রবীন্দ্রনাথের স্তব্ধ হয়ে পড়ে। তারপর ওর মনে আগে রবীন্দ্রনাথের শাস্তি নিকেতনে শিক্ষা লাভের বাসনা। ওর বাবাও ছিলেন রবীন্দ্রনাথের একান্ত অনুরাগী। আপত্তি করেন নি মেয়ের ইচ্ছার বিরুদ্ধে। তারপর শান্তিনিকেতনে এসে ভর্তি হয় শুভলক্ষ্মী। সেইখানেই বাঙলা ভাষা শেখে। রবীন্দ্রসংস্পর্শেও ওর দখল আছে। ওর ধারণা রবীন্দ্রনাথের সত্য পরিচয় তাঁর গানে। একটি গানের মধ্যে রবীন্দ্রনাথের জীবনের মূলস্বর যেমন সহজে খুঁজে পাওয়া যায়, দশটি নাটক, কি দশটি গল্পে তেমন পাওয়া যায় না। শান্তিনিকেতনের শিক্ষা শেষ করে ও দেশে ফিরেছে। এখন ও ত্রিবেন্দ্রামের একটি স্কুলের শিক্ষয়িত্রী।

সব কথা ও বলে গেল ইংরেজীতে । শেষে পরিষ্কার বাংলায় বললে,—এবারে আপনাদের কথা বলুন ।

এতো সময় লক্ষ্য করিনি কখন এগিয়ে গেছে প্রসাদদ্বা । উচ্চকণ্ঠে ডাকি প্রসাদদ্বার নাম ধরে । স্তনতে পাই প্রসাদদ্বার কথা । চীৎকার করে বলছে—
তোমরা এসো, আমি ততোক্ষণে এগোচ্ছি ।

কখনো কথা বলতে বলতে, কখনো নীরবে পথ হেঁটে চলেছি । এরমধ্যে আমার কথাও ওকে বলেছি ।

কিছু পথ এসেই শাকস্বরী দেবীর মন্দির । একটু ঘুরে ওপরে উঠলে তবে মন্দিরে পৌঁছনো যায় । শুভলক্ষ্মী একা গেল মন্দিরে, আমি পথের ধারে বসে রইলাম তার ফিরে আসার অপেক্ষায় ।

—তুমি কেমন লোক হে শ্রীমন্ত ? দেখি চড়াই ঠেলে উঠছেন মাষ্টার মশায় । পেছনে পূরবী আর সীমা । কাছে এসে বসলেন,—আসবার সময় একবার ডাকবে তো । তারপর, কতোক্ষণ এলে ? প্রসাদ কই ?

—এই আসছি । প্রসাদদ্বা এগিয়ে গেছে । বলে জিজ্ঞাসা করি,—শাকস্বরী দেবীর মন্দিরে যাবেন না ?

—যাবো বৈকি । তুমি যাবে না ?

—না । বলে পূরবীকে জিজ্ঞাসা করি,—রাঙাদি কেমন আছো ?

—আপনিও কী রাঙাদি বলে ডাকবেন ? বলে সীমা সম্বন্ধে হেসে উঠলো—
রাঙাদি ।

—আমি তোমার রাঙাদি হতে যাবো কোন দুঃখে ? না, ও নামে আমাকে ডেকো না । কৃত্রিম অভিযানে মুখ ফেরালো পূরবী ।

মাষ্টার মশায় একাই গেলেন মন্দিরে । সীমা আর পূরবী দাঁড়িয়ে রইলো এখানে, পথের ধারে ।

মিনিট পাঁচ সাত বাঘেই শুভলক্ষ্মী ফিরে এলো : এসেই বললো—চলুন শ্রীমন্তজী ।

—দাঁড়ান, এদের সংগে আলাপ করিয়ে দিই । সংক্ষেপে পরিচয়ের পালা শেষ করে ফলস্বরূপ,—একটু অপেক্ষা করুন, মাষ্টারমশায় গেছেন মন্দিরে । তিনি আছেন, দেখবেন কী সুন্দর মানুষ তিনি । আলাপ করে আনন্দ পাবেন । তারপর একসঙ্গেই যাবো ।

মাষ্টারমশায় এলেন দেবীর প্রসাদ হাতে। প্রত্যেকের হাতে তুলে দিলেন প্রসাদ কপিকা।

আমাকে কিছু বলতে হলো না। উনি নিজেই জিজ্ঞাসা করলেন শুভ-লক্ষীর পরিচয়।

পরিষ্কার বাংলাতেই কথা বললো শুভলক্ষী। আমি শুধু জানিয়ে দিলাম, রবীন্দ্রনাথের গান গাইতে পারে সে।

—তোমার গান কিন্তু আমাকে শোনাতে হবে না। মাষ্টারমশায় বললেন।

—নিশ্চয়ই শোনবো। গান শুনিয়ে যদি আপনাকে আনন্দ দিতে পারি, সেতো আমার সৌভাগ্য।

মাষ্টারমশায় মুহূ হাসেন শুভলক্ষীর মুখের দিকে চেয়ে, তারপর—চল, যেতে যেতে তোমার কথা শুনবো। বলে চলতে আরম্ভ করেন।

একটানা চড়াই পথ।

ত্রিযুগীনারায়ণ পর্বন্ত এমনই পথ। এই পথটুকু পার হওয়া দায়। প্রতিটি বাজী বারে বারে থমকে দাঁড়ায়, ফিরে চায় সামনে চড়াই পথের দিকে।

শুধু ফিরে চাওয়া আর গভীর নিঃশ্বাস ত্যাগ করা—তারপর ‘ভয় কেদার’ বলে আবার পায়ে পায়ে এগিয়ে চলতে হয়।

চলতি পথে পথ ছাড়া আর সব কিছুই যেন গোঁণ হয়ে যায়। শাকদ্বী দেবীর মন্দিরের কাছ থেকে একই সঙ্গে চলতে শুরু করেছিলাম, কিন্তু চলতি পথে কখন যেন পরস্পরের কাছ থেকে বিচ্ছিন্ন হয়ে পড়েছি।

সামনে পেছনে পথ হারিয়ে গেছে বাকের আড়ালে। যে পথটুকু চোখের সামনে, সেখানে কোন পরিচিত মানুষকে দেখতে পাই না—তবু দাঁড়িয়ে থাকি অন্তের প্রতীকার।

কিছুক্ষণের মধ্যে সীমার দেখা পেলাম। মাথায় স্বাক্ষর ভড়িয়ে সীমা আসছে। এক।

কাছে এসে বসে পড়লো সীমা একটা পাথরখণ্ডের ওপর। বললে,—ত্রিযুগী-নারায়ণ আর কত দূরে ত্রীমন্তজী।

—আর বেশী দূরে নয়। ওঠো, বসে থাকলে পা ছুটো ভারি হয়ে যাবে। আর সবাই কোথায়?

—পেছনে আসছে।

—রাঙাদি ভালো আছে তো ?

—হাঁ, আপনার ওরুখে সতিাই কাজ হয়েছে। আজ রাঙাদিকে দেখে কে বলবে কালরাতে সে মুঁহা গিয়েছিল। আমি তো ভাবছি—আপনার কাছ থেকে একটু দাঁওয়াই চেয়ে নেব—

সীমা মুখ টিপে হাসলো আমার মুখের দিকে চেয়ে। তারপর লাঠি ভর করে উঠে দাঁড়িয়ে পা বাড়ালো।

পাশাপাশি হেঁটে চলেছি দুজনে। সীমা আর আমি।

বাইরে থেকে সীমাকে বত চঞ্চল মনে হয়, আসলে তা নয়। ওর কয়েকটা কথাতেই তা বুঝতে পারি। এক সময় ও জিজ্ঞাসা করে,—আচ্ছা শ্রীমন্তজী, আপনি বলতে পারেন কেন মাহুব হিমালয়ের এই সব পথে এসে সব ভুলে যেতে চায় ?

—হঠাৎ একথা কেন সীমা ?

—মনে এলো, তাই জিজ্ঞাসা করলাম। কদিন ধরে আমার মধ্যে এ-প্রশ্নটা বার বার এসেছে। রাঙাদিকে জিজ্ঞাসা করবো ভেবেছিলাম, কিন্তু পারি নি।

—কেন ?

—রাঙাদিকে তো জানি, অনেক সময় সহজ কথার সহজ অর্থকেও সে দুর্বোধ্য করে তোলে।

রাঙাদির সম্পর্কে সীমা নিজে থেকে যা বলে, নয়তো কোন কৌতূহল করে ওকে বিব্রত করি না। তা ছাড়া প্রয়োজনই বা কী। এই তো দুদিনের পরিচয়, দুদিন পরে তো আর এ-পথের দিনগুলো থাকবে না—মিছে পরিচয়ের গোলকধাঁধায় জড়িয়ে লাভ কী ?

রাঙাদির প্রসঙ্গ ছেড়ে সীমা অল্প কথা বলে। পথের কথা। কেমন লাগছে এই পথ—পথের মাহুব—সেই সব। কথার মধ্যেও সীমা মাঝে মাঝে দু হাতে লাঠি আঁকড়ে ধরে সামনের চড়াই পথের দিকে চেয়ে দীর্ঘনিঃশ্বাস ত্যাগ করে। বলে,—আর যে পারি না—কতক্ষণে শেষ হবে এ চড়াই।

—আর শেষ হয়ে এসেছে পথ।

—শেষের কথা কী বলছেন, আজই তো শেষ নয়। জিহুগী-নারায়ণ পৌঁছে দু-বণ্ডের অন্তে নিশ্চিন্তি—তারপর আবার তো হাঁটতে হবে। সীমা আবার চলতে আরম্ভ করে বলে,—কষ্ট হচ্ছে সত্যি কথা—কিন্তু এ-পথ সব কষ্ট তুলিয়ে দেয়।

—ঠিক বলেছা? এ-পথ যে আনন্দের পথ। এ পথের সর্বত্রই জড়িয়ে আছে আনন্দ—যতো পারো লুটে নাও—

—সত্যি! বলে সীমা দূর পাহাড়ের দিকে কিরে চার।—কী হৃদয়! হৃদয়কে কাছে পেয়েছি—এই আনন্দ। কিন্তু কী জানেন, পথের বা কিছু আনন্দ সবই রেখে যেতে হবে পথে।

সীমার কথায় মুগ্ধ হয়ে বাই। এমন হৃদয় করে কথা বলতে পারে ও। নতুন করে দেখবো বলে কিরে চাই সীমার মুখের দিকে।

সীমার দৃষ্টি সামনে চড়াই পথের দিকে। সত্যি, সামনে অপেক্ষা করছে উত্তম চড়াই পথ। যে পথে লাঠি ভর করে কায়ক্লেশে এগিয়ে চলেছে যাত্রীর মিছিল।

চড়াই পথের দিকে দৃষ্টি রেখে সীমা বলে,—দেখছেন—ওই পথ পেরিয়ে আমাদের যেতে হবে।

—নিশ্চয় বাবো। এবারে আর কোন কথা নয় সীমা—চলো, কে কত তাড়াতাড়ি হাঁটতে পারে, দেখি।

পাশাপাশি পথ চলি দুজনে! কারো মুখে কোন কথা নেই—সামনের দিকে দৃষ্টি রেখে শুধু পায়ে পায়ে চড়াই পথ অতিক্রম করা।

চড়াই পথ শেষ হলো। এতোক্ষণে দৃষ্টিগোচর হলো ত্রিমূর্তিনারায়ণের মন্দির চূড়া। একটি লাল নিশান পত্ পত্ করে উড়ছে মন্দির শীর্ষে।

কেদার ক্ষেত্রের অন্তর্গত এই তীর্থ—গৌরী শংকরের মিলন স্থান। তিন মূর্তি ধরে এখানে হোমানল প্রজ্জলিত রয়েছে। যে হোমানলে তীর্থ-পথিকের দল কাঠখণ্ড প্রদান করে অক্ষয় পুণ্যের প্রত্যাশায়। লক্ষ্মী-নারায়ণের প্রাচীন মন্দির এখানকার অন্ততম আকর্ষণ। মন্দির প্রাঙ্গণে রয়েছে পাঁচটি কুণ্ড। সরস্বতী কুণ্ডের ধারাটি ত্রিমূর্তিনারায়ণের নাভিকমল হতে নিঃসৃত। পাঁচটি কুণ্ডের মধ্যে তিনটি কুণ্ডে স্নানের বিধি আছে। ব্রহ্মকুণ্ডের জল হরিজ্ঞানবর্ণ। এই কুণ্ডে নাকি মাঝে মাঝে ছোট ছোট সাপ দেখা যায়। পাপী মনে ভীতি লঙ্কারের জন্তে এই সব সাপ। কেদার নাথের পথে ত্রিমূর্তিনারায়ণকে দর্শন করে অগ্রসর হওয়া বিধি। যে পর্বতের ওপর ত্রিমূর্তিনারায়ণ মন্দির, সে পর্বত, বজ্র পর্বত নামে অভিহিত। ত্রিবিক্রম নদীর পশ্চিমে এই পবিত্র তীর্থভূমি ত্রিমূর্তিনারায়ণ।

মন্দির প্রাঙ্গণে পুষ্যার্খী নর-নারীর ভিড়। স্নান করছে কেউ; কেউ কুণ্ডের কিনারায় বসে নারায়ণ মন্ত্র জপ করছে। পাণ্ডা ও পূজারী ব্রাহ্মণের দল তীর্থ মাহাত্ম্য শোনাচ্ছে বাজীদের। ত্রিযুগধ্বনিতে কাঠখণ্ড প্রদান করে আগুনের তাপ গ্রহণ করছে বাজীদল। তারপর ললাটে ভস্মভিলক এঁকে ফিরে যাচ্ছে।

প্রসাদলা বথার্ঘ্য ভক্ত জন। স্নান-পূজা শেষ করে মন্দির চত্বরে বসে নারায়ণ মন্ত্র জপ করছে। কোন দিকে ক্রক্ষেপ নেই, এক মনে জপ করে চলেছে।

আরও কত নর-নারী, তাঁরা লক্ষ্মী-নারায়ণের মন্দিরের পাথরে মাথা কুটছে। ভিড়ের মধ্যে শুভলক্ষ্মীকে দেখলাম। সেও সাষ্টাংগে প্রণাম করছে লক্ষ্মী-নারায়ণকে।

সময় সংক্ষিপ্ত। বেলা বারোটার মধ্যে রওনা হতে হবে। নয়তো গৌরীকুণ্ডে পৌঁছতে সঙ্কো হয়ে যাবে। এরই মধ্যে কয়েকটি দল ত্রিযুগীনারায়ণ থেকে যাত্রা শুরু করেছে।

বারোটা দূরের কথা, তাড়াতাড়ি করেও ত্রিযুগীনারায়ণ থেকে রওনা হতে বেলা একটা বেজে গেল।

এবারের পথ, উৎরাই। যতোখানি উঠেছিলাম, আবার ততোখানি নেমে এলাম পাক দণ্ডী পথে।

সম্ভরণে নামছে বাজীদল। একটু অসতর্ক হলে রক্ষে নেই! পা যদি সরে যায়, গড়িয়ে পড়তে হবে অভলে।

বার বার বলছি পূরবীকে—সাবধানে চলো। তবু শুনছে না পূরবী। মনের আনন্দে নামছে উৎরাই পথে।

—উঃ! পাথরের হুড়িতে পা হড়কে পথের ওপর হুমড়ি খেয়ে পড়েছে পূরবী। এগিয়ে যাই, তুলে ধরি হু' হাতে। হালকা শরীর ওর, পেঁজা তুলোয় মতো।

—লাগে নি তো?

—একটু লেগেছে বৈকি। যন্ত্রণাকাতর কণ্ঠে পূরবী বললে,—হাঁটু জালা করছে।

শাড়ীতে রক্তের দাগ। শাড়ী তুলে ধরে পূরবী। সত্যি, হু' পায়ের হাঁটু বেশ জখম হয়েছে। তান পায়ের হাঁটুতে দস্তুর মতো রক্ত করছে।

ওষুধপত্র; আমার সংগেই থাকে। যতো অস্থিবিধে হোক, ওষুধের ঝোলাটি কাছ ছাড়া করি না। আয়োজিন তুলো প্রভৃতি বার করে পূরবীর হু' হাঁটুতে

ব্যাণ্ডেজ করে দিই। পূরবী অস্থচকর্থে জিজ্ঞাসা করে,—আমি চলতে পারবো তো স্রীমন্ত ?

—পারবে। আমি তো সংগে আছি, ভয় কী !

—সামান্ত দুর্ঘটনা, পূরবী করেক ধাপ এগিয়ে বলে,—ঘটলো বলেই আমরা দু'জন, দু'জনকে আরো কাছে পেলাম, না ?

মুখে কিছু না বললেও মনে মনে বললাম, হয়তো তাই।

পূরবীকে নিয়ে সন্তর্পণে নামছি উৎরাই পথে। খুঁড়িয়ে খুঁড়িয়ে চলছে পূরবী। কখনো বা আমার হাত ধরে নামছে !

আগে চলে গেছে আমাদের দল। বতদূর দৃষ্টি যায়, খুঁজে দেখি। কাউকে দেখতে পাচ্ছি না। হয়তো আমাদের দল এতোকক্ষে শোন গ্রায়ে পৌঁছে বিশ্রাম নিচ্ছে।

নেমে এসেছি বঙ্গ পর্বতের পাৰ্ব্বদেশে। মন্ডাকিনীকে দেখতে পাচ্ছি না, তার কলোচ্ছ্বাস শুনিছি।

—ওই ছাশো, দেখেছো। বাকের মুখে দাঁড়িয়ে পূরবী আঙুলের নিশানায় দেখালো শোনগ্রায়াগ—বাহুকী-মন্ডাকিনী সংগম।

সংগমের কাছে পৌঁছেছি। মন্ডাকিনীর জলধারার সঙ্গে মিশেছে বাহুকী। মন্ডাকিনীতে ঝাঁপিয়ে পড়ছে বাহুকীর উন্নাদ জলধারা চল্লিশ পঞ্চাশ ফুট ওপর থেকে। পাহাড়ের কোন অস্থ গহ্বর থেকে বাহুকীর ধারা নেমে আসছে, হয়তো কেউ জানে না তার ঠিকানা।

সংগমক্ষেত্রে ক্ষণিকের অন্ত্রে বিশ্রামের বাসনা আগে ! চারিদিকের নয়নাভিরাম দৃশ্য, আর এই মন্ডাকিনী-বাহুকী সংগম—শুধু দু'টি চোখ নয়, মনও ভরে যায়।

সংগম ক্ষেত্রে মন্ডাকিনীর ওপর স্নানস্ত লেতু। নীচে কোনো সাধুর আশ্রম। আশ্রমের কোল ধেঁবে মন্ডাকিনীর প্রবহমান ধারা।

পূরবীকে নিয়ে নেমে আসি মন্ডাকিনীর তটে, নিভৃত আশ্রমে। তৃতীয় কেউ নেই এখানে। শুধু আমরা দু'জন।

—কতোকক্ষ বসবে এখানে ?—পূরবী জিজ্ঞাসা করে।

—বতোকক্ষ ভালো লাগে।

—ভালো লাগার কী শেব আছে !

মন্ডাকিনীর সেতু পার হয়ে তীর্থ-পথিকের দল চলেছে, নতুন চড়াই পথে।

চলমান মিছিলের দিকে লক্ষ্য রেখে পূর্ববী বলে,—চলো—এখানে নাই-বা
বসলে আর । এ বেলা বে অনেকদূর যেতে হবে এখনও ।

নতুন করে আবার চড়াই পথ আরম্ভ হলো ।

এবারের পথ যেমন খাড়াই তেমনই সংকীর্ণ, অসমতল । তবে এ পাহাড়
বারপন্নাই মনোরম । পাহাড়ের গায়ে ঘন অরণ্য । ছায়া জড়ানো পথ । তীর্থ
পথিকের দল চড়াই ঠেলে উঠছে, আর মুখে বলছে, জয় কেদার ।

একটু আগেও আকাশ ছিল নীল । মেঘের রেখা মাত্র ছিল না । হঠাৎ
কোথা থেকে ধেয়ে এলো ধূসর বর্ণের মেঘ । কয়েক মুহূর্তের মধ্যে সে মেঘ
ছড়িয়ে পড়লো সারা আকাশে । পাহাড়ের পথে নামলো আবছা অন্ধকার ।

কাছে কোথাও চটি নেই, নেই নিরাপদ আশ্রয় । যদি বৃষ্টি নামে, যদি ঝড়
ওঠে—এই আশংকা সকলের মনে । হোক চড়াই, তবু পড়ি কি মরি, দ্রুত
হেঁটে চলেছে স্বাক্ষরীদল । সব চেয়ে মুন্সিল পূর্ববীকে নিয়ে । জোরে হাঁটতে
পারছে না, আহত পা নিয়ে । কিন্তু আকাশের যে রকম অবস্থা তাতে যে কোন
মুহূর্তে ঝড়বৃষ্টি আরম্ভ হতে পারে । কোন মতে মাইল খানেক পথ যেতে পারলে
মুণ্ডকাটা গণেশে পৌঁছনো যাবে । সেখানে আর কিছু না হোক, হয়তো
নিরাপদ আশ্রয় আছে, দু'দণ্ড অপেক্ষা করার মতো ।

পথ ক্রমেই সংকীর্ণ হচ্ছে । কোন মতে দুটি মানুষ পাশাপাশি যেতে
পারে ।

একদিকে পাহাড়, অন্যদিকে সুগভীর খাদ । এতো গভীর যে মন্দাকিনী
স্রষ্ট দেখা যায় না । খাদের দিকে ফিরে তাকলে বুক ছাঁৎ করে উঠে, মাথা
ঘুরে যায় ।

পেছনে থেকে ভাঙি, কাঙি, ঘোড়া আসছে—পাহাড়ের গা বেঁধে দাঁড়াতে
হচ্ছে । খাদের দিকে দাঁড়ানো নিষেধ । কখনো মালবাহী ভেড়া, ছাগল,
ঘোড়া ইত্যাদি চলেছে দল বেঁধে, তাদের অন্তে পথ ছেড়ে দিয়ে দাঁড়াতে
হচ্ছে ।

—গোয়ী কুণ্ডে পৌঁছতে পারবো তো শ্রীমন্ত ? আমার কিছু ভয় করছে ।
পূর্ববী থমকে দাঁড়ায় । বলে,—হাঁটুর ব্যাণ্ডেল খুলে যাচ্ছে । থাক গে ।

—বেঁধে দিচ্ছি ঠিক করে ।

—থাক, বার বার তুমি আমার পায়ে হাত দেবে কেন ?

পুরবীর কথার উত্তর না দিয়ে হাঁটু গেড়ে বসে ওর পারের চিলে ব্যাণ্ডেল খাট করে বেঁধে দিই।

এ দিকে মেঘ জমাট বেঁধে এসেছে। এখন ভরা হুপু, ভবু কেমন যেন গা ছয় ছয় অঙ্ককার নেমেছে বনভূমিতে।

শৌ শৌ শব্দ আসছে। অস্পষ্ট গৌড়ানীর মতো। বুঝি ঝড় এলো। কাছে পিঠে কোন নিরাপদ আশ্রয় নেই যেখানো দাঁড়াবো। এবারে সত্যি ভয় পেয়েছে পুরবী, আহত হাঁটু নিয়ে দ্রুত হাঁটছে। শত অস্থবিধে সঙ্গেও বার বার স্মরণ করিয়ে দিচ্ছি, পাহাড়ের গা বেঁধে চলতে। খাদের দিকে তাকাতে বায়ণ করছি, তবু মাঝে মাঝে খাদের দিকে ফিরে চাইছে ও।

সমনে পেছেন কোন বাজীকে দেখছি না। কোথাও কোন মাহুঘের সাড়া নেই। আমরা দুজন যেন পথ হারিয়ে নিরুদ্ভিষ্ট ঠিকানায় এসে পৌঁচেছি। যে দিকে তাকাই, শুধু পাহাড় আর পাহাড়, বন আর বন।

অকস্মাৎ বনভূমি আন্দোলিত হলো। ঝড় এলো। শুকনো পাতা ঝড়ে পড়লো ঝর ঝর করে, ধুলো উড়লো।

—হঁশিয়ার, হঁশিয়ার। এক বৃদ্ধকে নিয়ে চার জন ডাঙিওয়ালা চড়াই পথে উঠে আসছে হন্ হন্ করে। খাদের দিকে দাঁড়াতে গেল পুরবী, টেনে ধরি তার শাড়ীর আঁচল।—করছো কী, এদিকে এসো। ঠিক এই সময় একদল ডাঙিওয়ালা চলে গেল আমাদের পেছনে রেখে।

পথের পাশে প্রকাণ্ড এক পাথর। তার নীচে একটি গহ্বর। গুহার মতো। ভিতরে একরাশ আধপোড়া কাঠ, ছাই আর আবর্জনা। কোন সন্ধানী হয়তো এখানে আগুন জালিয়েছিল, না হয় পাহাড়ীরা গরু, বোড়া, ছাগলের পিঠে কেদারের পথে মাল নিয়ে যেতে এখানে রাত কাটিয়েছিল।

গুহার বসেছি শুকনো পাতা বিছিয়ে। এই ঝড়ের মধ্যে পথ চলা দায়। পুরবীর চোখে মুখে চিন্তার ছায়া। অথচ কিছু বলতে পারছে না। কী বলবে! বাক্য বলার, তার মনেও তো চিন্তা।

দুইশত ঝড়ের সংগে নামলো বৃষ্টি। ঝড়োবাতাসে উড়ছে শুকনো পাতা-পাতা। গুহার ভিতর থেকে দেখছি অন্ধরের পাহাড়টাকে। মেঘ জমেছে পাহাড়ের মাথায়। ধূসর রঙের মেঘ। পাহাড়ের গায়ে অরণ্য আন্দোলিত হচ্ছে দুইশত ঝড়ের বেগে।

বাতাসে ঠাণ্ডার আমেজ। সেই সংগে বৃষ্টির ঝাপটা এসে ঢুকছে গুহার

ভিতরে। জামাকাপড় বুঝি ভিজে যায়। পাহাড়ের রাজ্যে আবহাওয়ার মতিগতি ঠিক থাকে না একথা জানা সত্ত্বেও ছাতা বা বর্ষাতি সংগে রাখিনি, লালসিং এর কাছে রয়েছে। তবে পূরবীর কাছে আছে তার প্রাষ্টিকের ওয়াটারপ্রুফ।

‘জয় কেশারনাথকী জয়’। একদল যাত্রী ঝড় বৃষ্টির মধ্যেও এগিয়ে যাচ্ছে। পূরবী বললে,—আমরাও যাবো ওই সংগে। ঝড় হোক, বৃষ্টি হোক—বসে থাকবো না। বলে প্রাষ্টিকের ওয়াটারপ্রুফ গায়ে দিয়ে, ব্যাগ থেকে তোয়ালে বার করে মাথায় বাঁধলো। জিজ্ঞাসা করলে,—তুমি কি করবে?

—যা হোক হবে, চলো।

পথ চলি। কী আশ্চর্য—দুর্ধোগের মধ্যে পথ চলতে এক অদ্ভুত উন্নাদনা এলো মনে। আলোয়ান সঙ্গে ছিল, ওভারকোটের ওপর সেটি জড়িয়ে দিয়েছি। ঝোলা থেকে গামছা বার করে মাথায় বেঁধেছি। পূরবীর হাঁটুর ব্যথাও যেন কমে গেছে। সমান তালে পা ফেলে সে পথ হেঁটে চলেছে।

শুধু একদল নয়, আরো যাত্রী আসছে জল ঝড়ের মধ্যে। সকলের কর্ণেই কেশারনাথের নামে জয়ধ্বনি। তবে কণ্ঠস্বর তেমন উচ্চগ্রামে বাধা নয়। কয়েকজন বৃদ্ধা, ঔরাও ভীত নন এই দুর্ধোগে। পথের দেবতা তাঁদের অভয় দিয়েছেন।

যেতে যেতে পূরবী বললে,—এও একরকম আনন্দ, না?

—হাঁ। এই আনন্দের স্বাদই তো অমৃতের নামাস্তর। আর এই আনন্দের নেশা স্তরার চেয়ে তীব্র। একবার পেয়ে বসলে আর রক্ষে নেই।

—জগতে এতো আনন্দ আছে, মাহুষ তবু দুঃখ পায় কেন?

—তুমি কী বলতে চাও, মাহুষ এই পৃথিবীর দুঃখের অংশীদার হবে না। দুঃখ পেতেই হবে। চরম দুঃখের মূল্যেই তো আনন্দকে পাওয়া যায়। এই ঝড়, এই বৃষ্টি আর এই বিপদের ঝুঁকি নিয়ে পথ চলছি বলেই তো পথ চলতে এতো আনন্দ আসছে। আনন্দের কাঁপি মাথায় নিয়ে কেউতো পথে পথে ফেরি করে বেড়ায় না যে সামান্য দাম দিয়ে সহজে তা পাবে। আনন্দ স্থলভ নয়, দূর্লভ।

দূরে আশ্রয় দেখা যাচ্ছে। কতকগুলি চালাঘর পাহাড়ের বৃকে। ওই হয়তো মৃণালীটা গণেশ। শনির কোপ দৃষ্টিতে যেখানে গণেশের দেহ থেকে মস্তক বিচ্যুত হয়েছিল। তাই জায়গাটির নাম মৃণালীটা গণেশ।

ঝড়ঝুটি যেন ছুটিয়ে নিয়ে চলেছে বাজীদের। ‘অর কেদার, অর কেদার’—
বলতে বগতে বাজীদল চলেছে সংকীর্ণ পথ ধরে। একে কুটিতে ভিজে পিছল
হয়েছে পথ, তার ওপর মাঝে মাঝে গাছের ভালপালা ভেঙে পথ প্রায়
অবরুদ্ধ। একপাশে অভলম্পর্শ খাদ। খাদের দিকে কিংবা চাইতেই বুক ছক ছক
করে ওঠে।

অবশেষে মুণ্ডকাটা গণেশে এসে পৌঁছলাম।

অতি সাধারণ চটি। গণেশের মন্দিরের আশেপাশে কয়েকটি ছোটছোট
দোকান ছাড়া আর কিছু নেই। তার-ই মধ্যে ভিড় করেছে অগণিত নর-নারী।
আগে আগে বারা পৌঁছেতে তারাই বা জায়গা পেয়েছে দাঁড়াবার-বসবার, এখন
বারা এসে পৌঁছেছে, তাদের দাঁড়িয়ে ভেজা ছাড়া উপায় নেই।

প্রথমেই দেখা হলো প্রসাদদা আর মাঠারমশায়ের সংগে। একটি
দোকানের বাইরের ছাউনীর নীচে বেকির ওপর বসে আছেন।

আমাদের দেখতে পেয়ে মাঠারমশায় স্ত্রীকে ডেকে বললেন—ওইতো ওরা
পৌঁছেছে।

—কই! শান্তিলতা দোকানের ভিতরে ভিড়ের মধ্যে বসেছিলেন, উঠে
দাঁড়িয়ে আমাদের দুজনকে দেখে বলে উঠলেন,—আমার যা ভয় করছিল।
তারপর তখনাম, আসতে আসতে কার মাথায় পাখর পরে পড়েছে।

—পাখর আমার মাথায় পড়েনি, তবে আমি পা পিছলে পড়ে গিয়েছিলাম।
বলে পূর্ববী পায়ের কাপড় তুলে আহত ঠাঁটু দুটি দেখানো।—খুব রক্ষে এই
সন্ন্যাসী ঠাকুর সংগে ছিল, নয়তো—

—খুব বেশী লাগেনি তো। শান্তিলতা ব্যস্ত হয়ে উঠলেন,—কই দোঁখ ?

—ব্যাওজ নাই-বা খুললাম মা। তবে লেগেছিল খুব, পাখর তো তুলোর
মতো নরম নয়। বলে, পূর্ববী কোনমতে ভিড় ঠেলে দোকানের মধ্যে ঢুকে
যায়। তখনতে পাই, মাকে সে বলছে,—রাগ করোনি তো, আমি আচমকা পড়ে
গিয়েছিলাম।

—পাগলী মেয়ে, রাগ করবো কেন ? শান্তিলতা মেয়ের মাথায় হাত
বুলিয়ে বলেন,—রাগ করিনি, তবে চিন্তা হচ্ছিল। এ পথে তো বিপদ আসতে
সেবী হয় না।

—ইস, আপনি যে একেবারে ভিজে গেছেন। কাছেই কোথাও ছিল

শুভলক্ষ্মী, কাছে এসে গায়ের আলোয়ান আর ওতার কোটে হাত দিয়ে বললে,
—শিগগির এগুলো বদলে ফেলুন, দাঁড়িয়ে কাঁপছেন—অথচ হাঁশ নেই।

অল্প একটি দোকানে ছিল লালসিং। আমাকে দেখে সেও মালপত্তর নিয়ে
এ-দোকানে এলো। বার করে দিলে শুকনো পোবাক। ভিজ়ে পোবাক একটা
আগাদা পুঁটলি করে রাখলো।

স্বস্থ হয়ে বসেছি কোন মতে। শুভলক্ষ্মী আমার পাশেই। বলছে,—এখরনের
গোয়াজুঁমি যেন না করি। এই ঠাণ্ডায় বৃষ্টিতে ভেজা মোটেই উচিত নয়।
সর্দি লেগে বেয়াড়া কিছু হতে পারে।

—জয় কেদার, জয় কেদার। ক্র্যাচে ভর দিয়ে আসছে তুলসীদাস।
সর্বাগ ভিজে গেছে বৃষ্টিতে। সংগে না আছে ছাতা, না আছে বর্ষাতি। কখন
গায়ে জড়িয়ে এক অদ্ভুত কায়দায় কোমরের সংগে গায়ছা দিয়ে বেঁধেছে।
ভিজে গেছে সে কখন। পিঠের সংগে বাঁধা একটি ঝোলা, সেটিও সম্পূর্ণ ভিজে
গেছে। ঠক ঠক করে কাঁপছে তুলসীদাস। ‘জয় কেদার, জয় কেদার’
মুখে বলছে, আর করণ দৃষ্টিতে দেখছে এদিক-ওদিক। যদি দাঁড়াবার জায়গা
পাওয়া যায় কোথাও।

তুলসীদাসের নাম ধরে ডাকি। ফিরে চায়। আমাকে দেখে ওর চোখে
খুলীর চিহ্ন ফুটে ওঠে।

—ওকে এখানে ডাকছো কেন শ্রীমন্ত ? শ্রীমতী রজনী কক্ষ বঠে বলে
ওঠেন,—ওকে কোথায় বসাবে এর মধ্যে ?

উত্তর দিইনা শ্রীমতী রজনীর কথার। শুভলক্ষ্মী একটু চেনে বসলো,
মাষ্টারমশায়ও আরো সংকুচিত হয়ে বসলেন। তুলসীদাস এসে দাঁড়াল দোকানের
ছাউনীর নীচে। হাত-পা ওর চূপসে গেছে জলে ভিজে, গায়ের কখন, জামা
খুলতে ঠক ঠক করে কাঁপছে। গাছিটাও শুকনো নেই। পিঠের ঝোলা
খুললো, একটি ছেঁড়া কখন আর এক চিলতে কাপড়—তাও ভিজে গেছে। এখন
উপায় ? কী পরবে ও। করণ দৃষ্টিতে ফিরে চায় এর-ওর মুখের দিকে।

ওর অসহায় মনের কথা প্রসাদদা বুঝতে পেরেছে। কিছু না বলতেই কুলি
শের বাহাদুরকে ডেকে বাস্র থেকে বার করে দিলে একটি তুলট কখন, আর
একটি খদ্দর লুঙ্গি। সে ছুটি হাতে নিয়ে তুলসীদাস শিশুর মতো কৈদে
ওঠে প্রসাদদার হাঁটু জড়িয়ে। প্রসাদদার চোখেও জল। চিবুক বেয়ে গড়িয়ে
পড়লো জলের ধারা।

—তুমি কীভাবে কেন প্রসাদদা ? জিজ্ঞাসা করি।

—ওর কারা দেখে। বলে প্রসাদদা চোখের জল মোছে।

বৃষ্টির বেগ কমে এলো এতক্ষণে। আকাশও অনেক পরিষ্কার হয়েছে। কিন্তু ঝড়ের বিরাম নেই। হয়তো আরো কিছুক্ষণের মধ্যে বৃষ্টি বন্ধ হবে।

কিন্তু সেটুকু অপেক্ষা করার মতো ধৈর্য্য কারো নেই। বেলা চারটে বাজে। এখনি রওনা না হলে সন্ধ্যার মধ্যে গৌরীকুণ্ডে পৌঁছানো যাবে না।

হু একটি দল এত-ই মধ্যে ‘জয় কেদার’ বলে যাত্রা শুরু করেছে। রজনী বাবুর ইচ্ছে, আমরাও বেরিয়ে পড়ি। কিন্তু মাঠায়মশায় আরও কিছু সময় অপেক্ষা করার পক্ষপাতী। আকাশ যে রকম পরিষ্কার হয়ে আসছে, হয়তো দশ-বিশ মিনিটের মধ্যে বৃষ্টি একেবারে থেমে যাবে।

তবু অপেক্ষা করা হলো না। সামান্য বৃষ্টি পড়ছে, পড়ুক—তারই মধ্যে আরো যাত্রীর সঙ্গে আমরাও পথ চলতে আরম্ভ করি।

পথে বেরিয়ে কেউ কারো নয়, যে যেমন পারে তেমন চলে। এ পথের রীতিই এই।

যে যেমন পারে তেমন চলছে। আমি ইচ্ছে করে সকলের পেছনে রয়েছি।

তধু আমাদের দল নয়, আরো কতো দল আমাদের পেছনে রেখে চলে গেল। বাক্য।— আমিও যাবো। একটু আগে আর পিছে।

বৃষ্টি করা বন্ধিও বন্ধ হয়েছে, তবু আকাশে এখনো মেঘ। বাতাসের গতিবেগ কমেছে, তবে থামে নি। এখনো বাতাস বইছে। তবে সে তীব্র আর নেই।

নূর্ব্বের আলোয় দেখা পাহাড়, আর মেঘের অন্ধকারে দেখা পাহাড়—দূরের মধ্যে অনেক তফাত। যতদূর চোপ যায় ভূষিত নয়নে দেখি। যেন এক রূপকথার দেশ। যার বৈচিত্র্যের অন্ত নেই।

দূরে—বহুদূরে হুবার মৌলী হিমালয়ের শিখর দেশ—কেমন যেন অস্পষ্ট মনে হয়। অস্পষ্ট, তবু স্পষ্ট।

উৎরাই পথে নামছি। দূরের সে বরফাচ্ছাদিত শৃঙ্গ হাতিয়ে গেছে সামনের পাহাড়ের আড়ালে, যে পাহাড়ের পথ ধরে আমাদের যেতে হবে।

এঁকেবেঁকে পথ নেমে গেছে পাহাড়ের গা-বেয়ে। সন্তর্পণে নামতে হচ্ছে লাঠি ঝুঁকে ঝুঁকে। একটু অসতর্ক হলে পা পিছনে পড়তে হবে। বৃষ্টিতে পথ হয়েছে পিছল।

কিছু পথ নেমে এসে দেখা হলো পূরবী আর শুভলক্ষ্মীর সংগে। পথের ধারে পাথরের ওপর বসে গল্প করছে দুজনে। আমাকে দেখে ওরা উঠে দাঁড়ালো।

—উঠলে যে? জিজ্ঞাসা করলাম। উত্তর দিলে পূরবী।—পা ছটোকে বিশ্রাম দিলাম। এবারে তুমি না হয় বোসো। আমরা চলি।

—যাও।

—আপনিও আহ্নান না আমাদের সংগে। শুভলক্ষ্মী বলে,—গল্প করতে করতে বাওয়া যাবে।

—না, আমি খানিক বিশ্রাম নিই। আপনারা এগোন, পথে আবার দেখা হবে।

আবার ওদের সঙ্গে দেখা হলো পথে।

তখন সন্ধ্যা নেমেছে পাহাড়ের দেশে। ঝুম্‌ঝমে অন্ধকারে ঢাকা পাহাড়—পাহাড়তলী। জনবিরল পথ। সামনে পেছনে দ্বিতীয় কাউকে দেখতে পাচ্ছি না। কেমন যেন গা ছম্‌ ছম্‌ করছে। ভয় পেয়েছি এমন নয়, তবু যেন অজানা শংকা আমাকে আচ্ছন্ন করে তুলেছে।

গৌরীকুণ্ড আর কতদূর? হয়তো কাছে, হয়তো এখনো অনেক দূরে। এইসব চিন্তা নিয়ে পথ চলছি, হঠাৎ চাপা হাসির শব্দে চমকে উঠি। পরক্ষণে চমক ভাঙে—একটা ঝোপের আড়ালে বসে আছে শুভলক্ষ্মী আর পূরবী।

আমাকে দেখতে পেয়ে ওরা উঠে দাঁড়ায়। কোন কথা বলার আগে শুভলক্ষ্মী বলে,—আর একটু আগে এলে এক বিচিত্র মাহুয দেখতে পেতেন। চলুন, যেতে যেতে সে মাহুযের কথা বলছি।

জিজ্ঞাসা করি,—কে সে মাহুয?

—জানি না, চিনি না। কয়েক মিনিটের জন্তে তাঁকে দেখতে পেলাম, তারপর আচমকা কোথায় যেন হারিয়ে গেল।

—কী দেখলেন?

—বলছি।

শুভলক্ষ্মী বলে যায় এক অলৌকিক কাহিনী।

একা-বারছিল শুভলক্ষ্মী। সামনে পেছনে কাছাকাছি কেউ ছিল না। পূরবীও এসে পৌঁছয়নি তখন।

একটানা পথ হেঁটে তৃষ্ণা পেয়েছিল শুভলক্ষ্মীর। অল্পদিন জলপাত্র সঙ্গে থাকে। আজ তুলে সে জলপাত্র কুলির কাছেই রেখেছে।

বাই হোক তৃষ্ণার্ত শুভলক্ষ্মী চলতিপথে ঝর্ণা দেখতে পায় একটা। এ-পথে তো ঝর্ণার অভাব নেই। এগিয়ে যায় ঝর্ণার দিকে। আজলা ভরে জল নিয়ে সব পান করবে এমন সময় স্তনতে পায় নিষেধ বাণী।—ও জল পান কোরো না।

সচকিত হয়ে ফিরে তাকায় শুভলক্ষ্মী। দেখতে পায় ছায়া-ছায়া দেহ নিয়ে একজন শ্রোঁচ মানুষ নেমে আসছে ঝর্ণার পাশ দিয়ে।

অপলক দৃষ্টিতে লক্ষ্য করে শুভলক্ষ্মী। মানুষটির পদে সাধারণ শাদামাটা পোষাক। কিন্তু লক্ষ্য করেও তার স্পষ্ট অবয়ব দেখতে পায় না সে। যেন স্বপ্নের মত মনে হয়। অথচ শুভলক্ষ্মী স্পষ্ট বুঝতে পারে এই মুহূর্তে যা সে প্রত্যক্ষ করেছে, তা স্বপ্ন নয়। দিনের আলোর মত সত্য।

আশ্চর্য, লোকটি কাছে এলো অথচ তার অবয়ব তেমনি অস্পষ্ট হয়ে রইলো।

লোকটির হাতে লোটা, ইশারায় সে শুভলক্ষ্মীকে জলপান করতে বললে। ময়মূর্ছের মত আজলা প্রসারিত করলো শুভলক্ষ্মী। লোকটি তাঁর লোটা থেকে জল ঢেলে দিল শুভলক্ষ্মীর হাতে। জলপান করে তৃষ্ণার নিঃশ্বাস ত্যাগ করে যেই মাত্র মুখ তুলে তাকালো, দেখলো—কেউ নেই। আশপাশে জনপ্রাণীর কোন চিহ্নমাত্র নেই।

কী জানি কেন, সেই মুহূর্তে কেমন যেন বোম্বাক জাগলো শুভলক্ষ্মীর নেত্র-মনে। ফিরে তাকালো চারদিকে। সে মানুষের কোন চিহ্ন দেখতে পেল না। কিন্তু তার নিজের হাত ছুটি ভখনো ভিলে। পায়ের কাছে মাটিতে জনের চিহ্ন।

দঠাৎ সে সচকিত হয়ে উঠলো এক গাছের ডাল নড়ে ওঠার সঙ্গে। দেখতে পেল ঝর্ণার ওপরে একটা গাছের ডাল নড়ে উঠছে চোখের সামনে।

তারপর আর কিছু নয়। কিছু যাত্রী ‘জয় কেদার’ ধ্বনি তুলে চলে গেল পাশ কাটিয়ে। তার মধ্যে পূর্ববীণ ছিল। পূর্ববীণে না, শুভলক্ষ্মীকে দেখে সেও দাঁড়ালো।

এই ঘটনা ঘটেছে প্রায় আধ ঘণ্টা আগে। সেই থেকে শুভলক্ষ্মী আর পূর্ববীণে এসে আছে এখানে।

শুভলক্ষ্মী কথা শেষ করে জিজ্ঞাসা করে,—আপনি এ-ঘটনাকে কী বলবেন শ্রীমন্তজী?

বললাম,—কিছুই বলতে চাই না আমি। বুদ্ধি দিয়ে ব্যাখ্যা করা যায় না

এমন ঘটনা অহরহ ঘটছে আমাদের পৃথিবীতে। তবে আপনি যে ঘটনার কথা বললেন, এমন ঘটনা আমিও প্রত্যক্ষ করেছি শুভলক্ষ্মী দেবী। বাকু, ওসব কথা নিয়ে আলোচনা না করাই ভালো। এখন চলুন পথের দিকে নজর রেখে।

বাকী পথটুকু একসংগেই এলাম। বোধহয় আমরা তিনজনেই আজ সব শেষের পক্ষিক। আমাদের পেছনে হয়তো আর কোনও বাত্মী নেই।

গৌরীকুণ্ডে পৌঁছে স্বস্তির নিঃশ্বাস ত্যাগ করি। লালসিং আগেভাগে পৌঁছে চটি ঠিক করে রেখেছে। আমার অপেক্ষায় ও দাঁড়িয়ে ছিল চটির দোতলার বারান্দায়। দেখতে পেয়ে নেমে এলো। এই চটির দোতলার ঘরে আমার আর প্রসাদদার রাতের আশ্রয়। আর বাবুয়া, অর্থাৎ রজনী বাবুয়া অস্ত্র চটিতে উঠেছেন।

পূরবীকে দেখিয়ে বললাম,—তুমি এই দ্বিদিমণিকে ঠুঁদের চটিতে পৌঁছে দিয়ে এসো লালসিং।

—তুমি যাবে না? পূরবী জিজ্ঞাসা করলো।

—না। তুমি যাও লালসিং-এর সঙ্গে। হয়তো তোমার জন্তে সবাই ভাবছেন।

পূরবী চলে গেল। বাওয়ার সময় নিশ্চিন্ত দৃষ্টির ভাবায় ওর না-বলা কথা বলে গেল। সে-কথা নাই-বা বললাম। কিন্তু মুন্সি হলো শুভলক্ষ্মীকে নিয়ে। ওর দলের লোক কোন চটিতে উঠেছে, কে জানে! নিশ্চয়ই এখানে কোন-না-কোন চটিতে দেখা দিলবে। শুভলক্ষ্মীকে নিয়ে গৌরীকুণ্ডের সব কটি চটি, দোকান, ডাকবাংলা খুঁজে এলাম। কোথাও পাওয়া গেল না ওদের দলের কোন একজনকেও।

এদিক-ওদিক খোঁজাখুঁজি করছি শুভলক্ষ্মীকে সংগে নিয়ে। হঠাৎ ডাক শুনে পাই। শুভলক্ষ্মীর নাম ধরে একটি মেয়ে ডাকছে আমাদের চটি থেকে। নিজের মনে হেসে উঠি, আমাদের চটি না দেখেই এতো সময় মিছে ঘুরে ঘুরে বেড়ালাম।

চটির দোতলায় উঠেছি। একদিকে শুভলক্ষ্মীদের দল, অস্ত্র দিকে আমি আর প্রসাদদা, এছাড়া আরো পাঁচ-ছজন মেয়ে পুরুষের আর একটি দল। এ ঘরে বাড়ালী বলতে শুধু আমরা দু'জন। প্রসাদদা আর আমি।

প্রসাদদা জপে বসবার উদ্যোগ করছে। লালসিং ব্যস্ত উত্থান জানাতে। পাথরের টুকরো দিয়ে উত্থান তৈরী করেছে। কিন্তু আধতকনো কাঠ কিছুতেই

জালাতে পারছে না ! শুভলক্ষ্মীদের দলে চার পাঁচটি উল্লস জ্বলছে । ধোঁয়ার
ভরে গেছে ঘর । চোখ জালা করছে, শ্বাস নিতেও অসম্ভব ।

—বাও, গরম জলে স্নান করে এসো । দেখবে কী আরাম । জপের
আসনে বসে প্রসাদনা বললে,—একবারে প্রেমলে স্নান করো । আমি তো
আধঘণ্টা ধরে জলে পড়েছিলাম ।

—বাবেন আপনি, আহ্নান না । শুভলক্ষ্মীকে বলি,—চলুন স্নান করে আসি ।

—চলুন ।

গৌরীকুণ্ডের আর একনাম গৌরীতীর্থ । এখানে গৌরী দেবীর প্রাচীন
মন্দির আছে । দেবী পার্বতী এখানে ঋতুস্নান করেছিলেন । ধ্যানমগ্ন শিবের
দেহ থেকে যে শ্বেদ নির্গত হয়েছিল, সেই শ্বেদবিন্দু থেকে এখানকার তপ্তকুণ্ডের
উদ্ভব । শুধু তপ্তকুণ্ড নয়, এখানে একটি শীতল জলের কুণ্ডও আছে । উভয়কুণ্ডে
স্নান করে স্নান করা গৌরীতীর্থের বিধি । গণেশের জন্মস্থান রূপেও এই
তীর্থের প্রসিদ্ধি । শিব-গৌরী ও গণেশ ভক্তগণের কাছে গৌরীতীর্থ অতি প্রিয় ।

গহ্বরের ছুটি মুখ থেকে তপ্ত জলধারা অবিরাম ধারায় কুণ্ডের মধ্যে পড়ছে ।
অন্ত পথে এই তপ্তকুণ্ডের জলধারা মন্দাকিনীর জলধারার সংগে মিশছে । গৌরী-
তীর্থের কাছ দিয়েই মন্দাকিনী প্রবাহিত ।

চারদিকে পাহাড় ঘেরা মন্দাকিনীর তটে মনোরম এই গৌরীতীর্থ । এখান
থেকেই প্রচণ্ড শীতের আরম্ভ । মুণ্ডকাটা গণেশ পার হলেই শীতের প্রকোপ
অনুভব করা যায় । তারপর আজ বৃষ্টি হয়েছে, শীতের কামড়টা তাই আরো
বেশী বোধ হচ্ছে ।

তপ্তকুণ্ডের কাছে এলাম । শুভলক্ষ্মী সংগেই আছে । একদল মেয়ে পুরুষ
স্নান করছে কুণ্ডের জলে । কুণ্ডের ওপরে কিছু বাড়ী অপেক্ষা করছে । গৌরী-
তীর্থের পূজারী ব্রাহ্মণ একান্তে বসে, এক নাগাড়ে বলে চলেছে তীর্থ-মাহাত্ম্য ।
বাড়ীদের কাছে তার কিছু দক্ষিণা প্রাপ্তির আশা । লোভ নেই, যে যেমন
দিচ্ছে, খুশী মনে গ্রহণ করছে ।

শুভলক্ষ্মীকে নিয়ে জলে নামি । প্রথমটা মনে হলো, পা বুঝি পুড়ে গেল ।
পরক্ষণে জলে ডুব দিয়ে উঠতে মনে হয় সর্বাংগের বরষা, অবলাদ বেন ধুয়ে মুছে
নিঃশেষ হয়ে গেছে ।

ছুটি পিড়লের সিংহ মুখে জলধারা অবিরাম ধারায় তীব্র বেগে নিঃসৃত হচ্ছে ।

বিরাম নেই। কুণ্ডে সব সময়ের জন্তে ধূস্রজাল স্রুটি হয়ে রয়েছে। গন্ধকের
মৃদু গন্ধ ভাঙে।

একদল পাঞ্জাবী মেয়ে পুকুর জলে নেমেছে, প্রায় নগ্ন দেহে। পরনে শুধু
একটি করে জাডিয়া। মেয়েদের কারো কারো বক্ষবাস পবিত্র নেই। অসংকোচে
তার। স্নানের আনন্দ উপভোগ করছে।

—ভগবানের কী বিচিতির লীলা। কোন এক গ্রাম্য বাঙালী মহিলার কথা
কানে এলো—ও চন্দনা তুই জলে নামবি নে ?

—না মাসি, আমার ভয় করছে।

—স্বরণ, ভয় কী। এতো মানুষে জলে নেমেছে, তাদের গায় কি কোন্‌কা
পড়ছে। আর, ডুববে ত্যাক, স্বস্তি পাবি।

—না বিস্তি মাসি, আমি চান করবো না।

—ওই ত্যাক। পাঞ্জাবী মেয়েদের দিকে নজর রেখে বিস্তি মাসি বললে,—
ওদের এতো আরাম বুকের বাস অন্নি খুলে ফেলেছে। আর তুই ছুঁড়ি—

—থাক মাসি, তুমি ভাড়াভাড়ি উঠে এসো দিকি।

—উঠছি। আর গোটা কতক ডুব দেই। বলে বিস্তি টপ্‌টপ্‌ করে বেশ
কয়েকটা ডুব দিয়ে গা ঝাড়া দিয়ে উঠে দাঁড়ালো। তারপর কোথাও কিছু নয়,
আমার দিকে তাকিয়ে থেকে বলে উঠলো,—তুমি তো সেই ছোকরা বাঙালী
সাধু, পথে দেখিচি—তুমি এই মেয়ে মানুষের মধ্যে জলে নেমেছো কেন বাছা ?

আচমকা এ ধরনের কথা শুনে একটু বিব্রত বোধ করি। তারপর ভাবলাম,
হয়তো বিস্তি মাসি ভুল করেছে।

কিন্তু ভুল করে নি বিস্তি মাসি। পথেও লক্ষ্য করেছে আমার গেকরা
বসনের দিকে। চিনে রেখেছে ও। আবার বললে,—এই বয়সে সাধু হয়েছে
কেন ? বে কারেছো—নাকি বেবানী হয়ে বেরিয়েছো ?

ভবুও উত্তর দিলাম না বিস্তিমাসির কথার। কী উত্তর দেবো ! কথায়
কথা বাড়বে বৈ তো নয়। তার চেয়ে ভাড়াভাড়ি স্নান সেরে উঠে পড়াই
ভালো।

জানান্তে চটিতে ফিরছি। ফিরবার সময় পথে দেখা হয়েছে পূর্ববীর
সঙ্গে। ও দাঁড়িয়েছিল পথের ধারে। একটু আগে ও চটিতে গিয়েছিল,
আমার দেখা পায়নি। প্রসাধনার কাছে শুনেছে আমি তপ্তকুণ্ডে স্নান করতে

এসেছি শুভলক্ষ্মীর সঙ্গে। কুণ্ডে না এসে ও পথের ধারে আমার অপেক্ষায় দাঁড়িয়েছিল। দেখা হতে বললে, ওর মা অর্থাৎ শান্তিলতা আমাকে নিয়ন্ত্রণ করেছেন খাওয়ার জন্তে। 'তীর্থে এসে কারো নিয়ন্ত্রণ গ্রহণ করতে নেই পূর্ববী,' শুধু এই কথা বলে চলে এসেছি। সেই থেকে মনটা খচ্ খচ্ করছে। হয়তো শান্তিলতা মনৈ মনে অগ্রসর হবেন। মাটিরমশায়ও হয়তো অসন্তুষ্ট হবেন।

—কী ভাবছেন? শুভলক্ষ্মী এলো কাপড়চোপড় বদলে। বললে,—চলুন, বেড়িয়ে আসি।

—আজ আর বেড়াতে ভালো লাগছে না। তাছাড়া এই রাতে কোথায় বা বাবো।

—ঘরে না বসে বাইরে কোথাও গিয়ে ছুদও বসা। আহ্নন।

—বলছেন যখন, চলুন। তবে দূরে বাবো না।

তপ্তকুণ্ডের কাছে কয়েকটি চা খাবারের দোকান। তারই মধ্যে একটি দোকানে বসি চা আর গরম পকোড়ির ফরমাস দিয়ে।

দোকানের উজ্জ্বল আলো পড়েছে শুভলক্ষ্মীর মুখে। নতুন করে দেখি ওকে। সেদিন দেখেছিলাম, ছিল অচেনা। আজ ও আমার চেনা-জানা কাছের মানুষ।

চা-পানের পাট চুকলো। দাম দিলে শুভলক্ষ্মী। নিখেদ শুনলে না।

দোকানে বসে থাকতে তুলসীদাসকে দেখলাম। এই মাত্র পৌছেচে ও। রাতের আশ্রয় খুঁজচে।

তপ্তকুণ্ডের আশেপাশে কিছু ঘরবাড়ী, চটি, দোকান-পসার। তারপর নির্জন এলাকা। শুভলক্ষ্মী টর্চ এনেছে। আলোয় পথ দেখে দেখে এসে বসি নির্জনে মন্দাকিনীর তীরে একটি শিলাখণ্ডের ওপর।

মেঘলা আকাশ। চাঁদ দেখা যায় না, 'তবু মেঘের বাধা পেরিয়ে তার আলোর আভা এসেছে পৃথিবীতে।

কাছেই মন্দাকিনী। ছপা নীচে নেমে হাত বাড়ালেই স্পর্শ করা যায়। অজস্র ছোটবড়ো পাথরের বাধা পেরিয়ে মন্দাকিনী ছুটেছে।

ওপারে পাহাড়, জংলাকোঁপ পাহাড়। দাঁড়িয়ে আছে ছায়া মূর্তি মতো!

আলোয়ান কোঁপে কুপে বসে আছি। শুভলক্ষ্মী বসেছে আমার পাশেই।

ছুজনে শুধু নীরবে বসে থেকে মন্দাকিনীর কলগান শুনছি।

এক সময় শুভলক্ষ্মীর মধুর কণ্ঠে ধ্বনিত হলো রবীন্দ্রনাথের গান।—

“এলেম নতুন দেশে—

ভুলিয়ে গেল ভগ্নতরী, ফুলে এলেম ভেসে।”

গান যদিও শেষ হলো, তবু স্বরের রেশটুকু ফুরোলো না। মুগ্ধ কণ্ঠে বলি,
—আজ তোমার কাছে নতুন কিছু পেলাম শুভলক্ষ্মী।

শুভলক্ষ্মী কথা না বলে মুগ্ধ হাসে। বললাম,—হঠাৎ তুমি বলে সন্বোধন করেছি, কিছু মনে করোনি তো?

—না। বরং তুমি সন্বোধনটাই ভালো লাগলো শ্রীমন্ত। শুধু ওই সন্বোধনের ভাষা দিয়ে আমরা পরস্পরের অনেক কাছে এলাম। একটু খেমে শুভলক্ষ্মী বলে,—তুমি বললে, আমার কাছে আজ নতুন কিছু পেলে। কিন্তু নতুন কিছু তো দিতে পারিনি তোমাকে। যে গান অনেকবার গেয়েছি, অনেককে শুনিয়েছি সেই গানই তোমাকে শুনিয়েছি। তবে এমন করে, এমন পরিবেশে এ গান হয়তো কোনদিন গাইনি।

এককথা শেষ হয়, আর এককথা আসে। কথায় কথায় এক সময় জিজ্ঞাসা করি,—হঠাৎ তীর্থ করতে এসেছো কেন?

—ওটা একটা প্রসঙ্গই নয় শ্রীমন্ত। দুজনেই যখন একই জিজ্ঞাসার মুখোমুখি, তখন ও প্রসঙ্গ অবাস্তব।

—তবুও তো একটা উত্তর আছে। একই পথে দুজনে চলেছি, পথ পরিবেশ ভিন্ন নয়, তবু দুজনের দৃষ্টিও তো পার্থক্য থাকতে পারে।

—সে পার্থক্য সর্বত্র। এই পৃথিবীতে মিলের চেয়ে অমিল বেশী। মিল খুঁজে পাবে না দুজন মানুষের মধ্যে। আবার একের মধ্যেও দ্বন্দ্ব। সুতরাং পার্থক্য থাকাটাই তো স্বাভাবিক। শুভলক্ষ্মী আমার মুখের দিকে চেয়ে বললে,
—থাক ও সব তর্কের কথা।

কথা নেই কারো মুখে। দুজনে নীরবে বসে আছি শিলাখণ্ডের ওপর।

এতোক্ষণে আকাশের মেঘের জাল ছিঁড়ে গেছে। চাঁদ উঁকি দিয়েছে।

সন্ধ্যাকিনীর ওপারে পাহাড়ের মাথায় চাঁদ। ঝুটি ভেজা অরণ্যে পড়েছে চাঁদের আলো। মৃদু বাতাসে আন্দোলিত হচ্ছে অরণ্যের পত্র-পল্লব। মনে হয় যেন সূক্তাবিন্দুর জালে জড়িয়ে রয়েছে ওই পাহাড়।

—চলো আর নয়। শুভলক্ষ্মী বললে,—বোধহয় অনেক রাত হয়েছে।

—আর একটু বোলো।

—না। তুলে যেও না, রাত্ত তোর হবার আগেই আবার পথ হাঁটতে হবে।
—তবে চলো।

রাত দশটা।

চটিতে ফিরে দেখা হলো আরও একটি নতুন দলের সংগে। তারা এইমাত্র এসে পৌঁছেছে। অস্ত্র কোথাও জায়গা না পেয়ে কখন এই চটিতে উঠেছে, ব্যাকী কিছু লোক একটি দোকানে আশ্রয় নিয়েছে। সব মিলিয়ে প্রায় পঞ্চাশ বাটজন নর-নারী এই এক ঘরে। কোনমতে রাতটুকু কাটিয়ে দিনের আলো ফুটবার আগেই তো আবার যাত্রা শুরু হবে।

ক্লান্ত অবসন্ন দেহ। শব্যাগ্রহণ করেছি ঘরের একান্তে। ঘুমিয়ে পড়েছি আজ সারাদিনের কথা ভাবতে ভাবতে।

শেষরাতে ঘুম ভাঙালো লালসিং-এর ডাকে। উঠে দেখি প্রসাদদা নেই। সুনাম, স্নান করতে গেছে।

বাইরে এলাম। কনকনে ঠাণ্ডা। হাত-পা অসাড় হয়ে আসছে।

চায়ের দোকান থেকে গরমজল নিয়ে মুখ হাত ধুয়ে চা-পানের আশায় বসেছি দোকানের সামনে।

এখানেই দেখা হলো পূর্ববার সঙ্গে। সে-ও চা পান করতে এসেছে। ডেকে জিজ্ঞাসা করি, পায়ের বাধা কমেছে কিনা। অঞ্চল বখন হেঁটে চলে গেল, তখন সে রীতিমতো খুঁড়িয়ে চলেছে।

বাবার সময় হলো। কোন কোন দল ইতিমধ্যে যাত্রা শুরু করেছে। আমরাও তৈরী, শুধু চলার অপেক্ষা। লালসিং আর শের বাহাদুর আগেই রওনা হয়ে গেছে। ওরা অপেক্ষা করবে রামগুয়াড়ায়।

সবে তোর হচ্ছে। আকাশ পরিষ্কার। এখনো কয়েকটি নক্ষত্র জ্বলছে। তীর্থ-পথিকের দিন আরম্ভ কেদারনাথের নামে। 'জয় কেদার' ধ্বনিতে গোঁরীতীর্থ মুখরিত। এক রাত্রির আশ্রয় ত্যাগ করে যাত্রীরা নেমেছে পথে। শূন্য চটি পড়ে রইলো, নতুন যাত্রীর অপেক্ষায়।

আজ যাত্রীদের মনে নতুন এক উদ্দীপনা। আজই দর্শন পাবে তাঁর— কেদারনাথের।

কতো আশা এই সব তীর্থ-পথিকের মনে। ঘরের বাইরে এসেছে এরা, চলেছে হুগুর চড়াই উৎরাই পথ ধরে কেদারনাথকে দর্শন করে যন্ত্র হবে বলে।

এ পথে কতো কষ্ট, কতো বিপদ—তবু পরোয়া নেই। ভীৰ্খ-পথিক পায়ে পায়ে এগিয়ে চলেছে। অন্ধ, খন্ড, ভিখারী, বাউল, সাধু, সন্ন্যাসী, গৃহী বাউতুলে—সবাই চলেছে স্থির লক্ষ্যে। অলক্ষ্যে কোন এক যাত্রিকর ঘেন তাদের টেনে নিয়ে চলেছে।

কিন্তু কেন এই চলার নেশা। কিসের আয়োজনে, কোন প্রয়োজনে? পুণ্যের লোভ, না স্বর্গের পাথেয় সংগ্রহের আশা। না আর কোন কামনার তাড়না রয়েছে।

পথ চলছি। পায়ে পায়ে যন্ত্রের মতো চলা। সামান্য পথ পেরিয়েই বরফ দেখলাম। পথের ওপর খানিকটা জায়গায় জমাট বাঁধা বরফ। তারই ওপর দিয়ে লাঠি ঠুকে ঠুকে চলেছে যাত্রীদল।

উত্থু চড়াই পথ। গতকালের বৃষ্টিভেজা পথে জায়গায় জায়গায় প্যাচপেচে কাদা। যে কোন মুহূর্তে পা পিছলে যেতে পারে। তারপর পথ এখানে দারুণ সংকীর্ণ এবং অসমতল। কোথাও বা ঝর্ণার জল ঝরছে পথের ওপর। স্থানে স্থানে ধ্বস নেমে সংকীর্ণ পথ আরো সংকীর্ণ হয়েছে। সম্ভবপে পাহাড়ের দেয়াল ঘেঁষে পার হতে হয়। একটু অসতর্ক হলে রক্ষা নেই। গড়িয়ে পড়তে হবে গভীর খাণ্ডের মধ্যে।

কতো নর-নারী বিশ্রাম করছে পথের ধারে। কতো জন ক্লান্ত চরণ টেনে টেনে চলেছে লাঠিতে স্তর দিয়ে।

আজকের পথ কোনমতে পার হওয়া দায়। এক বৃদ্ধ অবাঙালী দম্পতি পথের ধারে ধুলোর ওপর শুয়ে পড়েছে। বাকি দেখছে, জিজ্ঞাসা করছে, কেবারনাথে পৌঁছতে পারবে কিনা।

সামনেই চটি। চৌরবাসা ভৈরব। অরণ্যময় তপোভূমি। চারদিকের নয়নাভিরাম দৃষ্টে চোখ জুড়িয়ে যায়। এখানে ভৈরবকে বস্তুমান করলে অক্ষয় পুণ্য লাভ হয়।

চৌরবাসা ভৈরবে অগণিত যাত্রীর ভিড়। গৌরীকুণ্ড থেকে ভোরে রওনা হয়ে চড়াই উঠে এখানে সবাই বিশ্রাম করছে। এখানে ছুতিনটি ছোটো খাটো চটি, কয়েকটি দোকান আর কিছু লোকজন। দোকানী হাঁকছে—শেঠজী গরম চায় পিও, গরম জিলাবী খাও, গরম দুধ পিও।

কদিন পর ঘিয়ে ভাজা গরম জিলিপির ঘোষণা শুনে দোকানে না বসে পারলাম না। সত্যি, জিলিপি নয়, ঘেন অমৃত।

যে যার বিশ্রামাদি শেষ করে চীরবাসা ভৈরব থেকে রওনা হচ্ছে
রামওয়াড়ার পথে। রামওয়াড়া এখান থেকে আড়াই মাইল। পথে কোন
চিহ্ন নেই। বেলা সাড়ে সাতটা বাজে। রামওয়াড়া পৌঁছতে অন্ততঃ নটা
বাজবে। তারপর সেখানে কিছুক্ষণ বিশ্রাম নিয়ে আবার সেই পথ চলা।

চীরবাসা ভৈরবে নতুন এক বাঙালী দলের সংগে দেখা হলো। ভাটপাড়া
আর রাজপুরের মিলিত দল। সাতুলো গ্রাম পঞ্চাশজন মেরে-পুরুষ। অধ্যাপক
বটুক ভট্টাচার্যকেও দেখলাম, শ্রী কস্তা নিয়ে চলেছেন কেদার-বত্ৰী পরিক্রমায়।

চেনা-অচেনা অনেক মুখের দেখা পাই! শুধু দেখা হলো না মাঠারমশায়
বা রজনীবাবুদের সংগে। হয়তো তাঁরা আরও এগিয়ে গেছেন।

—দাদা।

—কে! কিরে চাই। পাশেই একটি দোকানে বসে কমলা ঘোষ ডাকছে।

—কিছু বলবেন?

—বলবো আর কী। আহুন, জিলিপি খান।

—না। এইমাত্র খেয়েছি।

—ও! জিলিপি খেতে খেতে কমলা বললে,—আপনি একেবারে একা
পড়ে গেছেন দেখছি।

—আমি তো একাই এসেছি।

—এসেছেন, কিন্তু...। কথা শেষ না করে জিলিপি মুখে দিয়ে বিচিত্র
ভঙ্গীতে হাসলো কমলা।

কী জানি কেন, ভালো লাগলো না কমলার এই হাসি। একটু রুদ্ধ স্বরেই
বললাম,—একটা কথা জেনে রাখুন, আয়নার সামনে দাঁড়ালে নিজের মুখই
দেখা যায়।

—এই দেখুন, আপনি রাগ করছেন কেন? আমি তেমন কিছু বলতে
চাইনি, যাতে আপনি রাগ করতে পারেন। আমি বলছি—আপনি একা
এসেছেন, কিন্তু এখানে তো আপনি একা নন। তাছাড়া এতো একার পথ
নয়। জিলিপির শেষ টুকরো মুখে দিয়ে কমলা বললে,—দেখুন দাদা, আপনি
যেমন বললেন, তেমনি আমিও একটা কথা বলি। আয়নার সামনে দাঁড়ালে
নিজের মুখ দেখা যায় সত্যি, কিন্তু আয়নার কাঁচ যদি খারাপ হয়—সুন্দর
মুখও কুৎসিত দেখায়।

একদল আসছে কেদারনাথের নামে জয়ধ্বনি দিয়ে, একদল বাজা শুরু করেছে এই নামের মন্ত্র উচ্চারণ করে। চটিগুলি এই জমজম করেছে বাজীর ভিড়ে, পরক্ষণে শূন্য চটি থাঁ থাঁ করেছে। চলার পথে একের সংগে অন্যের হয়তো দেখা হচ্ছে মুহূর্তের অন্তে। চেনা হোক, অচেনা হোক—‘জয় কেদার’ বলে পরস্পর প্রীতি বিনিময় করে আবার যে বার মতো পথ চলছে।

এ পথে সব কিছু ঘটছে কণিকের অন্তে। তবু সেই কণিকের মুহূর্তগুলো অনায়াসে। এই যাকে দেখছি, পরক্ষণে তাকে আর দেখছি না। এইমাত্র যে মুখ পরিচিত হয়ে উঠলো, পরমুহূর্তে সে মুখ হারিয়ে গেল অপরিচিতের ভীড়ে। যে ঋণী দেখে থমকে দাঁড়িয়ে এইমাত্র ভাবি—কী সুন্দর ঋণী দেখলাম—আবার পর মুহূর্তে মন্দাকিনীর জলোচ্ছ্বাস দেখে ঋণীর কথা ভুলে যাই। চোক কণিকের, তবু এই মুহূর্তগুলোর মধ্যে রয়েছে এক অখণ্ড সময়।

পিছনে পড়ে রইলো চৌরবাসা ভৈরব। এগিয়ে চলেছি রামওয়াড়ার পথে। আজ বাত্রীদের কণ্ঠে মুহঁ মুহঁ জয়ধ্বনি। আনন্দের সীমা নেই। থাকে লক্ষ্য করে এই দুর্গম পথে আসা, আজ সবাই তাঁর কাছেই পৌঁছবো।

এবারে পথের ওপর মাঝে মাঝে বরফ জমে রয়েছে। সেই বরফের ওপর দিয়ে চলে গেছে পথরেখা। তারই ওপর দিয়ে সন্তর্পণে এগিয়ে চলেছে বাত্রীর মিছিল।

কোথাও-বা ঋণী জমাট বেঁধে আছে বরফে। মন্দাকিনীর বুকেও বরফ। ওপরে পুরু বরফের আস্তরণ, নীচে দিয়ে ছুটছে জলধারা। পাহাড় গুলোও এখানে কেমন খেন বন্ধ। গাছপালা নেই বললেই চলে। শীতে বরফ গলে গেছে। এখন নতুন করে ওই গাছপালাগুলো প্রাণের তপস্বী করেছে। মরা ঘাস রয়েছে পাহাড়ের অংগ জুড়ে। এখনো পাহাড়ের খাঁজে খাঁজে বরফ জমে আছে। কিছু লোককে দেখলাম, মাঝপথে ভিড় করে দাঁড়িয়ে আছে। ঘটনা এই, একজন বৃদ্ধের মৃতদেহ পড়ে রয়েছে মন্দাকিনীর বুকে বরফের ওপর। দেখে মনে হয়, যেন অকাতরে ঘুমোচ্ছে। সত্যি ঘুমোচ্ছে। তবে ও ঘুম আর ভাঙবে না।

যেই হোক, ওই মৃত ব্যক্তি যে কেদার দর্শনে এসেছিল একথা নিশ্চিত। কে জানে, ওর দেহ দর্শন হয়েছে কিনা! সে যাই হোক, ওর আত্মা শান্তি-লাভ করবে। হিমালয়ের কোলে, মন্দাকিনীর বুকে সে স্থান পেয়েছে। সেই-তো তার স্বর্গ।

রামওয়াড়া পৌঁছেতে বেলা দশটা বাজলো।

চটেতে জায়গা না পেয়ে লালসিং বাইরে মরা ঘাসের ওপর সতরঙ্গি বিছিয়ে জায়গা দখল করে রেখেছে। পাশেই তিনটুকরো পাথরে উঠুন করে রান্না চাপিয়েছে। প্রসাদদার জিনিষপত্ররও এখানে। কিন্তু প্রসাদদাকে দেখলাম না। সুনলাম, স্নান করতে গেছে মন্দাকিনীতে।

রামওয়াড়ায় অনেকগুলি চটি। স্থানাভাব ঘটায় কারণ, প্রত্যাবর্তন পথের প্রথম বাতীদল আজ সকালে কেদারনাথ থেকে এখানে এসে পৌঁছেচে। ইচ্ছে হয় যারা কেদার দর্শনান্তে ফিরে এলো, তাদের ডেকে জিজ্ঞাসা করি, কী দেখলেন? কেমন লাগলো? কিন্তু না—আজই তো পৌঁছবো লক্ষ্যে, নিজের চোখেই দেখবো।

—শ্রীমন্ত, শ্রীমন্ত। মাষ্টারমশায়ের ডাক শুনেতে পেলাম। কাছেই একটি চটির দোতলার বারান্দায় দাঁড়িয়ে আছেন মাষ্টার মশায়।

—বাই মাষ্টার মশায়।

—এসো।

পূর্বী ছাড়া সকলকে দেখলাম। শ্রীমতী রজনী শুয়ে আছেন, সীমা ধমধমে মুখে মায়ের পায়ের কাছে বসে। রান্না করছেন শান্তিলতা। রজনীবাবু ছুটি দিয়ে আলুর খোসা ছাড়াচ্ছেন।

—কী ব্যাপার, কাল রাত থেকে যে দেখাই নেই তোমার। কোথায় লুকিয়েছিলে? মাষ্টারমশায় জিজ্ঞাসা করলেন।

—লুকিয়ে থাকতে চাইনি মাষ্টারমশায়।

—যাক্, চলো একটু চা-টা খাওয়া যাক। বলে রজনীবাবুকে ডাকলেন মাষ্টারমশায়। কিন্তু রজনীবাবু এসেন না আলু কোটা বন্ধ রেখে।

চায়ের দোকানের সামনে কার্টের পাটাতনের ওপর মুখোমুখি বসে শুভলক্ষ্মী আর পূর্বী গল্প করেছে, হাসছে। আমাকে দেখেও দেখলো না পূর্বী। শুভলক্ষ্মীর সংগে কথাই মন দিল।

—পূর্বী। ডেকেও সাড়া পেলাম না। গল্পে ওর এতো মন।

—মা-মনি, তোকে শ্রীমন্ত ডাকছে যে, শুনেতে পাসনি? মাষ্টারমশায় বললেন মেয়েকে।

—এতোকণে ফিরে তাকালো পূর্বী। বললে,—ডাকছো কেন, কিছু বলবে?

—না, এমনি ডাকছি। বলে জিজ্ঞাসা করি,—ভুলসম্মার সংগে এমন কী গল্প হচ্ছে, যে ডাকে লাড়া দিতেও ভুলে গেলে ?

—ওহা গল্প করছে ককক, এসো আমরা চা খাই। মাঠারমশায় বললেন,
—আর কিছু খাবে শ্রীমন্ত ?

প্রসাদদা বরফগলা জলে স্নান করে কাঁপতে কাঁপতে এলো। গরম জামা কাপড় গায়ে দিয়ে, রোদে দাঁড়িয়েও কাঁপুনি গেল না।

মাঠারমশায় বললেন, এই ঠাণ্ডায় স্নান না করাই উচিত ছিল প্রসাদের। তার ওপর বরফ গলা জল। ঠাণ্ডা লেগে অস্থখ বিস্থখ করতে পারে। প্রসাদদার সেই এক কথা, আমার কিছুই হবে না।

লালসিং তাড়া দিয়ে গেল, আমরা যেন দেয়ী না করি। এ-বেলা যে পথ ইটিতে হবে, সে পথ সহজ পথ নয়।

রামওয়াড়া থেকে কেদারের দূরত্ব চার মাইল। এই চার মাইল পথ অতিক্রম করা যে কী কষ্ট, তা কেদারনাথই জানেন। তারপর আরো বললে লালসিং, এখানকার আবহাওয়াও অনিশ্চিত। যদি তুষার পাত, কিংবা তুষার ঝঞ্ঝা শুরু হয়, তাহলে প্রাণাস্তকর অবস্থার সৃষ্টি হবে। এ পথের অভিজ্ঞতা তার আছে। এই বয়সে ও পঁচিশ তিরিশ বার ষাতায়াত করেছে এইপথে, তাতে বেশ কয়েকবার বিরূপ আবহাওয়ার সম্মুখীন হতে হয়েছে ওকে। একবার রামওয়াড়া থেকে ষাত্রা শুরু করে আধাআধি পথ গিয়ে আবার রামওয়াড়ায় ফিরে আসতে হয়েছিল।

শুধু লালসিং নয়, আরো কয়েকজন সেই কথাই বললে। এখানে যেন অনর্থক সময় নষ্ট না করি। অধিকাংশ দলই যাত্রার আয়োজন করছে। কোন কোন দল এখানে সামান্য সময়ের জন্ত বিশ্রাম নিয়ে, দোকান থেকে পুরি ভরকারী থেয়ে ইতিমধ্যে রওনা হয়ে গেছে। ভাটপাড়ার অধ্যাপক ভট্টাচার্যের দলটি আমাদের পরে এসেও রামওয়াড়া ছেড়ে চলে গেছেন।

তাড়াতাড়ি করেও রামওয়াড়া থেকে বেরোতে সাড়ে বারটা বেজে গেল। এবারে সবাই একসঙ্গে চলেছি। প্রসাদদা সকলের আগে। লাঠি ঠুকে ঠুকে চড়াই উঠছে। আর এক মনে গেয়ে চলেছে বাউল গানের কলি,

‘এ মায়া সংসারে ঘিরেছে আমার সপ্তরথীতে,

আমি পড়েছি এই মায়াচক্রে চক্রবাহতে।’

সামনে পেছনে বোধিকে চাই, চলেছে নর-নারীর মিছিল। সারাটি পথ

স্থর 'জয় কেদারনাথ কী জয়' ধ্বনিত্তে। একক কণ্ঠে নয়, বহু দলে বহু কণ্ঠে উঠছে জয়ধ্বনি। ওই নামের মধ্যে না জানি কী শক্তি আছে, যে নাম সফল করে হাজার হাজার মানুষ চলেছে এই দুর্গম পথ অতিক্রম করে।

পিছন দিকে ফিরে চাই। রামগুয়াড়া দেখা যাচ্ছে। কতটুকু পথই বা এসেছি, বড়ো জোর দু'ফার্সং হবে। এর মধ্যে কতো বদলে গেছে পথের চেহারা। পাহাড়গুলো যেমন কৃষ্ণ, তেমন খাড়াই। গাছপালা দূরে থাক, সবুজ ঘাসেরও চিহ্ন নেই বললেই চলে। পথও তেমন সংকীর্ণ। আগাগোড়া হুড়ি পাথরে ঢাকা। তারপর অনবরত বরফ পার হতে হচ্ছে। মাঝে মাঝে বর্ণা। বরফগলা জল চুঁইয়ে পড়ছে পথের ওপর। একে হুড়ি পাথরে পা হড়কে বাবার ভয়, তার ওপর বরফগলা জল পড়ে আরো পিছল হয়েছে পথ।

সবাই এক রকম যাচ্ছে, কিন্তু সীমার জন্তে হয়েছে মৃদল। দশ পা এগিয়েই থমকে দাঁড়ায়। বলে, শ্বাস নিতে কষ্ট হচ্ছে, গা বমি বমি করেছে। দু' এক মিনিট দাঁড়িয়ে আবার খানিক চলছে। বলছে, তার ভয় করছে। এতো ভয়, ভবু খাদের দিকে ফিরে চাইছে বারবার।

খাদের দিকে তাকালে স্তূহ্ন মানুষের মাথা ঘুরে যায়, আর সীমাকে তো আপাততঃ অস্তুহ্ন বলা যায়। ওকে পিছনে কেলে রাখা ঠিক নয়। ও আহুক, আশি বরং ওর পাশে থাকি।

এক জায়গায় ধস নেমে পথ ভেঙে গেছে। দেখে মনে হয়, সস্ত ভাঙা। হয়তো আজই ভেঙেছে। একে ধস নেমেছে, তার ওপর পাথরের ভাঁজে ভাঁজে জল চুঁইয়ে পড়ছে। এক এক করে পাহাড় ধরে ধরে কোন মতে বিপদজনক পথটুকু পার হচ্ছে যাত্রীরা। কয়েকজন কুলিও সাহায্য করছে যাত্রীদের। পিঠের বোকা নামিয়ে রেখে তারা হাত ধরে ধরে পার করে দিচ্ছে যাত্রীদের।

এখানে পৌঁছেই দেখা হলো আর সকলের সংগে। ঘোড়া থেকে নেমেছেন রজনীবাবু। ঘোড়ায় চেপে এই বর্ণা পার হওয়ার বিপদের ঝুঁকি বেশী। ত্রিমভী রজনী ভাণ্ডি থেকে নামতে নারাজ। বা হয় হোক, ভবু ভাণ্ডি চেপে পার হবেন। হলেনও তাই। ভাণ্ডিওয়ালারা কতো অমনয় করলে, কিন্তু কানে নিলেন না। শেষ বাহাদুরের হাত ধরে শান্তিলতা এপারে এলেন। মাষ্টারমশায় আর লালসিংকে সামনে পেছনে রেখে পূরবীও কোন মতে পার হয়ে গেল। কিন্তু বিধি বাধ সাধলো সীমার বেলায়। শাড়ী পায়ে জড়িয়ে পড়ে গেল জল কাঁদার

মধ্যে । রকে পেছনে ছিল এক অবাকালী জোয়ান, দাপটে ধরে কেললো সীমার হাত—নয়তো কী বিপদ যে ঘটতো তা ভাবতেও শিউরে উঠতে হয় ।

সীমার হাতের কহুই-এ পাথর কুচি ফুটে গেছে । জুতো, মোজা, কাপড়ে জল কাদা মাখামাখি হয়ে গেছে । চোখের গগলসটা পড়ে গেছে নীচে ঝাঁপার জলে । আহত কহুই চেপে ধরে কাঁদছে সীমা । কেদারনাথের নাম করে ভাঙিতে কপাল ঠুকছেন শ্রীমতী রজনী । মেয়েকে পড়ে যেতে দেখে রজনীবাবু আচম্বিতে বোড়ার ওপর থেকে লাফিয়ে পড়েছেন খাদের দিকে । কী সর্বনাশ—প্রসাদনা তাড়াতাড়ি ধরে ফেলেছে রজনীবাবুকে ।

সীমার কহুই-এ পাথরের কুচি ফুটে ছিল, টেনে বার করি । দরদর করে গড়িয়ে পড়ে রক্ত । রক্তের ছিটে লাগে আমার আলোয়ানে । লাগুক । ব্যাগ থেকে প্রয়োজনীয় ওষুধ পত্তর বার করি । প্রাথমিক ভাবে ষ্টেটু কবণীয়, সেইমতো ব্যবস্থা করি । সীমার কান্না কিছুতেই থামতে চায় না । ছেলে মামুষের মতো হাউ হাউ করে কাঁদছে, আর বলছে—কেদার দর্শনে সে যাবে না । ফিরে যাবে এখান থেকে ।

সবচেয়ে মৃদল হলো সীমার জলকাদা মাথা জামা কাপড় নিয়ে । ওদের কুলিরা চলে গেছে এগিয়ে, জামা কাপড় সবই সেই সংগে ।

মৃদল আসান হলো শুভলক্ষ্মী আসতে । ওদের কুলি সংগেই ছিল । স্ট্রাকেশ থেকে বার করে দিলে শুকনো সায়া, শাড়ী, ব্লাউজ । বাড়তি সোয়েটার ছিল একটা তাও দিলে । কিন্তু জুতো মোজার উপায় কী ! এই পথ কী ভিজ জুতো মোজা পরে যাওয়া সম্ভব ?

শ্রীমতী রজনী তখনো জুতো মোজা পরে শুধু ভাঁড়ির হাতলে কপাল কুটছেন, মেয়েকে যে জুতো মোজা খুলে দেবেন সে খেয়াল নেই । সে কথা আমাকেই বলতে হলো ।

—সত্যি, তুমি কী রকম গো । রজনীবাবু তিরস্কার করলেন,—মেয়ের ওই অবস্থা, তবু চতুর্দোলায় বসে আছো মহারাণীর মতো । আশ্চর্য !

স্বামীর কথায় লজ্জিত হলেন শ্রীমতী রজনী । ভাঙি থেকে নেমে জুতো মোজা খুলে দিয়ে মেয়ের কাছে এলেন । সঙ্গেহে মেয়েকে অনেক কিছু বুঝিয়ে আবার ভাঙিতে চেপে বসলেন । তবু একবারও একথা জিজ্ঞাসা করলেন না মেয়েকে, স্ট্রেটে যেতে পারবে কিনা ।

‘জয় কেদারনাথ কী জয়’। লীমাকে সাহস দিতে সোম্বাসে চীৎকার করে উঠি, ‘জয় কেদারনাথ কী জয়’। আশপাশে বারা ছিল সকলের কণ্ঠে জাগলো প্রতিধ্বনি। আবার নতুন উত্তমে শুরু হলো পথ চলা।

যতো এগিয়ে চলেছি, ততো হৃগম মনে হচ্ছে পথ। সর্পিল গতিতে একটানা চড়াই পথ চলেছে পাহাড়ের গা-বেয়ে। পথের প্রচ্ছদপটও বদলে গেছে। সামনে যতদূর দৃষ্টি যায় শুধু তুষারচ্ছাদিত শৃঙ্গ ছাড়া আর কিছু দেখা যায় না। গভীর খাদ্যের নীচে তাকালে মাথা ঘুরে যায়। তুষারের আন্তরণের নীচে বয়ে যাচ্ছে মন্দাকিনীর জলধারা। পাথরে পাথরে ধাক্কা খেয়ে ছুটে চলেছে সে— তার অশ্রু আওয়াজ কানে আসছে।

ক্রমে কেমন যেন আচ্ছন্ন হয়ে পড়ছে যাত্রীদল। আগের মতো সে উচ্ছ্বাস আর কারো মনে নেই। কেউ আর উচ্চকণ্ঠে কেদারনাথের নামে জয়ধ্বনি দিচ্ছে না। শুধু পা কেলছে, আর চাপা নিঃশ্বাস ত্যাগ করে অশ্রু কণ্ঠে বলছে, ‘জয় কেদার, জয় কেদার’। কেউ বা চলতে না পেরে বসে পড়ছে পথের ধারে। কেদারের নাম নিয়ে আবার উঠে চলতে আরম্ভ করছে।

আর কতো দূর !

সংকীর্ণ পথের ওপর দিয়ে ক্লান্ত-অবসন্ন যাত্রীদল কোন মতে এগিয়ে চলেছে। আর থেকে থেকে ক্লান্ত-বিস্ময়ে ফিরে চাইছে সামনের দিকে।

পথ যেন আর শেষ হয় না। ভুবু কলের পুতুলের মত যাত্রীদল এগিয়ে চলে এ-পথের শেষ লক্ষ্যে পৌছবে বলে।

কেদারনাথ আর কতদূর ? সকলের মনে একই জিজ্ঞাসা। কেউ মুখ ফুটে বলছে, কেউ বলছে না।

এই যেন শেষ পরীক্ষা। ক্লান্ত অবসন্ন যাত্রীদল, এক পা চলতেও তারা অসমর্থ, তবু পায়ে পায়ে এগিয়ে যেতেই হবে। ভগবানের লীলা নিকেতনের ধূলি মাথায় তুলে নিতে হবে। নইলে যে সবই বৃথা।

‘জয় কেদার, জয় কেদার’—এই নামের মধ্যে লুকিয়ে আছে অভয় মন্ত্র। শুধু এই নামের শক্তিতেই এগিয়ে চলা। অশ্রু কণ্ঠে ওই নামের মন্ত্র উচ্চারণ করতে করতে কোন মতে অবসন্ন দেহটিকে এগিয়ে নিয়ে চলেছে। নয়তো মন—সে তো আগেই ছুটে গিয়ে আলয় নিয়েছে কেদারনাথের পাদপদ্মে।

‘জয় কেদার নাথ কী জয়, জয় কেদারনাথ কী জয়’,—অকস্মাৎ তীর্থ-

পথিকের কণ্ঠস্বরে ধ্বনিত হলো জয়ধ্বনি। দূরে কেদারনাথের শিখরদেশ দেখা গেছে তাই এ উল্লাস। গিরিগাত্রে প্রতিহত হল যাত্রীদের জয়ধ্বনি, প্রতিধ্বনি হয়ে ফিরে এলো আবার যাত্রীদের কানে।

ওই তো কেদারনাথের তুষারাচ্ছাদিত শিখরদেশ। ওই তো নীলকণ্ঠ। দেবাদিদেবের লোভাভূমি। ধ্যানগম্ভীর মূর্তিতে তীর্থ-পথিকের চোখের সামনে প্রতিভাত! এক অলৌকিক মহিমায় ভাস্বর। মনে হয় যেন এক স্বপ্নলোক—বার ঠিকানা খুঁজতে দুর্গম পথ পার হয়ে এসেছে এই নর-নারীর মিছিল।

চলতে চলতে কখন থেমে পড়েছি জানি না, দুচোখে অফুরন্ত বিশ্বয় নিয়ে দেখছি হিমালয়কে। আমার দুচোখের ভাষায় বন্দী হয়েছে ওই বিরাট হিমালয়ের প্রচ্ছদপট।

—শ্রীমন্ত! চমক ভাঙে শান্তিলতার কাতর কণ্ঠস্বরে।

শিহন ফিরে দেখি শান্তিলতা বসে পড়েছেন পথের ধারে। বমির বেগে উদ্বেল হয়ে উঠেছেন, শ্বাস নিতে কষ্টবোধ হচ্ছে তাঁর।

ষে মানুষ দুর্বল হওয়া দূরের কথা, একদিনের জন্তে যাকে ক্লান্ত হতে দেখিনি, —‘আর পারছি না’ বলে সেই প্রসাদদাও বসে পড়েছে পথের ধারে। বার কয়েক বুকভরা শ্বাস নিয়ে প্রসাদদা যেন একটু স্বস্তি পেল। জানাল, শ্বাস নিতে কষ্ট হচ্ছে তার। তা ছাড় বুকটাও যেন কেমন হালকা হয়ে গেছে। কথা বলতে কষ্ট হচ্ছে। চোখ দুটি সজল হয়ে উঠেছে। বারবার একই আকুল প্রশ্ন তার মুখে—বাকি পথটুকু অতিক্রম করতে পারবো তো?

—‘জয় কেদার, জয় কেদার’—দুটি ক্র্যাচে ভর দিয়ে আসছে তুলসীদাস। অধাক হয়ে দেখি, একটি মাত্র পা আর দুটি ক্র্যাচে দেহের ভার বয়েও দুটি চোখে কেমন আত্মপ্রত্যয়ের অভিব্যক্তি।

তুলসীদাস চলে গেল। প্রসাদদা উঠে দাঁড়িয়ে বললে—চলো শ্রীমন্ত। বলে থাকলে তো চলবে না।

শান্তিলতাও লাঠি ভর করে উঠে দাঁড়ালেন। ‘জয় কেদার’ বলে প্রসাদদাকে অনুসরণ করলেন তিনি।

সত্যি, এ পথে আবহাওয়ার মতিগতি বোঝা যায় না। একটু আগেও ছিল পম্পিত্তর আকাশ, হঠাৎ কোথা থেকে ধোয়াটে কুয়াশা এসে জুটলো। দেখতে দেখতে সূর্য হারিয়ে গেল কুয়াশার আড়ালে। দূরে কেদারনাথের শিখরদেশ ও নীলকণ্ঠ অস্পষ্ট হয়ে গেছে। কে একজন কুলি পাশ কাটিয়ে যেতে

বেতে বলে গেল, হাঁশিয়ার, বরফ পড়বে এবারে। প্রতিটি বাড়ীর চোখে মুখে উৎকর্ষ। না জানি, কেদারনাথের কী নতুন পরীক্ষা শুরু হলো।

—দাঁড়িয়ে রইলে কেন? পূর্ববীর জিজ্ঞাসা শুনে পেলাম,—সবাই যে এগিয়ে গেল।

—তুমি কোথায় ছিলে পূর্ববী, সীমা কই? সে যে আমার সঙ্গেই ছিল। বলে, সীমার নাম ধরে ডাকি উচ্চকণ্ঠে।

—আমি এগিয়ে এসেছি শ্রীমন্তদা। রাঙাদি কোথায়? দূর থেকে সীমার কণ্ঠস্বর ভেসে এল।

—তোমার রাঙাদি আমার সঙ্গে আছে। চীৎকার করে বলি,—সাবধানে যেও। না হয়, একটু দাঁড়াও, আমরা আসছি।

ঝড় নয়, বৃষ্টি নয়—গুঁড়ি গুঁড়ি তুষারপাত আরম্ভ হলো। সারা আকাশ বেয়ে করছে তুষার কণা।

হুচোখে বিষয় নিয়ে ধমকে দাঁড়াই। অবাক হয়ে দেখি পথের মধ্যে দাঁড়িয়ে।

—বাবো না? পূর্ববী জিজ্ঞাসা করলে।

—বাবো। বলেও দাঁড়িয়ে রইলাম।

কতো বাড়ী চলে গেল আমাদের পাশ কাটিয়ে, আমরা তবু দাঁড়িয়ে আছি। দেখছি তুষারপাতের দৃশ্য।

মালবাহী ঘোড়া নিয়ে যাচ্ছে কজন গাড়েয়ালী পুরুষ। আমাদের দাঁড়িয়ে থাকতে দেখে তারা ভাঙা হিন্দীতে বলে গেল, এখানে দাঁড়িয়ে সময় নষ্ট না করতে। এই তুষার পড়ছে, তারপর যদি ঝড় ওঠে রক্ষে নেই। বিপদ আসতে পারে যখন তখন।

বিপদ আসে আশ্রুক। বিপদে কী ভয়!

—চলো শ্রীমন্ত, দাঁড়িয়ে থেকে না। আমার ভয় করছে। বলে পূর্ববী আমার হাত ধরলে।

—ভয় কী পূর্ববী। বলে উচ্চকণ্ঠে কেদারনাথের নামে জয়ধ্বনি দিয়ে দ্রুত চলতে আরম্ভ করি।

তুষার পড়ছে পড়ুক, ঝড় ওঠে উঠুক—এগিয়ে চলবোই। হুঃখ, কষ্ট, বিপদ আছে জেনেই তো এ পথে এসেছি।

এগিয়ে চলেছি তো চলেছি। পাহাড়, পর্বত, পথ, প্রান্তর—সব শাধা হয়ে গেছে তুম্বারের আন্তরণে।

সামনে ষড়দূর দৃষ্টি যায়, যে দিকে তাকাই, শুধু দেখি তুম্বার ধবল রূপ।

এদিকে হাত-পা ঠাণ্ডা হয়ে আসছে। অসাড়। লাঠি ধরে রাখা অসম্ভব হয়ে উঠছে। সমস্ত শক্তি যেন হারিয়ে যাবার উপক্রম। জালা করছে পায়ের আঙুলগুলো। তার ওপর নতুন উপসর্গ শ্বাস-প্রশ্বাসের কষ্ট।

কতো দ্বাত্রীকে দেখছি, চলতে না-পেরে বসে পড়েছে উবু হয়ে। কতোজন দাঁড়িয়ে থেকে ভগবানের নাম করছে। কতো নর-নারী মাতালের মতো টলতে টলতে চলেছে।

এতো সময় পথে যা-ও-বা মাটি কিংবা পাথরের স্পর্শ ছিল, এখন বরফ ছাড়া আর কিছু নেই। আগাগোড়া বরফে ঢাকা।

—পূরবী, ওই জ্বাখো। দূরে অঙ্গুলী নির্দেশ করে বলি,—দেখেছো—ওই বোধ হয় কেদারনাথের মন্দির।

—ও তোমার চোখের ভুল। আমি তো কিছুই দেখতে পাচ্ছি না। অপলক দৃষ্টিতে কণকাল দূরের দিকে লক্ষ্য রেখে পূরবী বলে উঠলো,—দেখেছি—খুব অস্পষ্ট। এখনো অনেক দূর।

আরো একবার জয়ধ্বনি দিই কেদারনাথের নামে। আমার কণ্ঠে কণ্ঠ মিলিয়ে পূরবীও উচ্চকণ্ঠে ঘোষণা করে—‘জয় কেদারনাথ কী জয়’।

অবিরাম তুম্বার পাতের মধ্যে তীর্থ-পথিকের মিছিল চলেছে বরফে ঢাকা প্রান্তরের পায়ে চলা পথরেখা ধরে। সকলের মুখে অক্ষুট বাণী—‘জয় কেদার, জয় কেদার।’ কতো কণ্ঠে প্রব্র আসছে,—কেদার আর কতো দূর?

দূরে নয়। কাছে। আর সামান্য পথ। এই সামান্য পথ পার হওয়া যে দুঃসাধ্য। মাঝে মাঝে বরফ গলে গেছে, পা ফেলাই দায়। পূরবীর পা বরফের মধ্যে বলে গেছে ছুবার। শেষটা হাত ধরে টেনে তুলতে হয়।

—শ্রীমন্ত, আমি যে চলতে পারছি না। পূরবী হতাশার স্বরে বলে, —হাত-পা আড়ই হয়ে গেছে।

—ভেঙে পড়ো না পূরবী। দাঁহস দিয়ে বলি—দেখবে, যতো কষ্ট হোক, ঠিকই পৌঁছেছি লক্ষ্যে।

—আমায় বে বড় ভয় করছে। মৃদু আর্তনাদের স্বরে পূরবী বলে,—
নিঃশাস কেলতে পারছি না। বুকের মধ্যে কেমন যেন বসণা হচ্ছে।

মনে পড়লো সে রাতের কথা। পূরবী মূর্ছা গিয়েছিল। আজ এই পথের
মধ্যে বাদি তেমন অস্থস্থ হয়ে পড়ে পূরবী। কেদারনাথের নামে অহুচ্চ
কণ্ঠে অয়ধ্বনি দিয়ে বলি,—তীর কথা স্মরণ করো—সব বিপদ, সব বাধা পার
হয়ে যাবো।

তবু পূরবী দাঁড়িয়ে রইলো পথের মাঝখানে। ওর চোখে মুখে শঙ্কার
স্বস্ট্র চিহ্ন। একবার আমার মুখের দিকে, আরবার সামনের দিকে ফিরে
তাকাচ্ছে শঙ্কাকুল নয়নে।

ঠিক এই সময় ভেসে এল স্মৃতির মন্ত্র ধ্বনি—

‘মুকং কারোত্ত বাচালং পশুং লজ্জয়তে গিরিম্।

বৎকৃপা তমহং বন্দে পরমানন্দ মাধবম্।’

মধুর কণ্ঠস্বর। এমন করে কে এই স্মৃতির স্তোত্র আবৃত্তি করছে !

মুহূর্তের মধ্যে এক সন্ন্যাসী এসে দাঁড়ালেন আমাদের দুজনের মাঝখানে।
শ্মিত হাসি ফুটে উঠলো তাঁর মুখে। কোন কথা নয়, ঠংগিতে পূরবীকে
চলার নির্দেশ দিয়ে নিজেও চলতে আরম্ভ করলেন। সমুন্নত গৌরবর্ণ দেহ,
মাথায় একরাশ ছটা, চন্দন চর্চিত ললাট, পরনে গেরুয়া বসন, গায়ে একটি কদল,
হাতে কমণ্ডলু আর লাঠি, পিঠে ঝোলানো ছোট একটি গেরুয়া কাপড়ের
পুঁটুলি—পূরবীর হাত ধরে বরফের ওপর দিয়ে স্বচ্ছন্দভাবে এগিয়ে চললেন।
একবার পিছন ফিরেও দেখলেন না, আমি আসছি কিনা।

এতোসময় গুঁড়ি গুঁড়ি তুষার পড়ছিল, এবারে নতুন উপসর্গ এলো—
ঝড়। গতিবেগ তীব্র না হলেও তীব্র হতে পারে।

তুষার ঝড়ের মধ্যে এগিয়ে চলছি—হঠাৎ কানে এল আকুল কণ্ঠের কান্না।
কয়েক পা এগিয়ে বাই—এক বৃদ্ধার পা বলে গেছে বরফের মধ্যে।

পা টেনে তুলতে পারছেন না বৃদ্ধা। বরফের ওপর হুমড়ি খেয়ে পড়ে
পা টেনে তোলার ব্যর্থ চেষ্টা করছেন, আর আকুলকণ্ঠে কান্নাছেন কেদারনাথের
নাম করে।

দেহের সমস্ত শক্তি দিয়ে বৃদ্ধাকে তুলে দিই। দাঁড়াতেও পারছেন না বৃদ্ধা।
আড়ষ্ট হয়ে গেছে হাত-পা, নীলবর্ণ হয়ে গেছে মুখ, চোখ মেলে চাইতে
পারছেন না।

কী এক শক্তি আমাকে পেয়ে বসেছে। উন্মাদ হয়ে গিয়েছি নে শক্তির উত্তেজনায়। বৃদ্ধাকে কাঁধের ওপর তুলে নিয়েছি। তারপর কোনদিকে ক্রম্বেপ না করে তুবার ঝড় মাথায় নিয়ে বরফের ওপর দিয়ে হেঁটে চলেছি।

যে নামে মুক ভাবা পায়, পঙ্কু গিরি লঙ্ঘন করে, আমি কী সেই নাম সঞ্চল করে এই বৃদ্ধাকে 'নিয়ে কেদারের কোলে পৌঁছতে পারবো না ?

ওই তো কেদার মন্দির, ওই তো—দূরে নয়, কাছে। অগণিত নর-নারীর কণ্ঠে মিলিত জয়ধ্বনি শুনছি, 'জয় কেদারনাথ কী জয়'।

এতোক্ষণে সঞ্চিং ফিরে পাই। আচ্ছন্নের মতো এসেছি এই পথটুকু। কাঁধের ওপর বৃদ্ধার প্রায় অচেতন দেহ। দূর থেকে শুনতে পাই প্রসাদদার ডাক—ওদিকে নয়, এদিকে এসো শ্রীমন্ত। মন্দির বন্ধ হয়ে গেছে। আজ আর তাঁকে দর্শন করা হলো না বোধ হয়।

টলে পড়ে যেতাম, যদি না সেই সন্ন্যাসী আমাকে ধরে ফেলতেন। আমার কাছ থেকে বৃদ্ধার দেহ নিজের কাঁধে তুলে নিয়ে সন্ন্যাসী ঘরের মধ্যে ঢুকলেন।

আগুন জ্বলছে ঘরের মধ্যে। বৃদ্ধাকে নিয়ে আগুনের কাছে গেলেন সন্ন্যাসী। পূর্ববী শুয়ে আছে কঞ্চলের ওপর। মাষ্টারমশায় তার হাতে পায়ে ভাপ দিচ্ছেন। সীমা আপাদমস্তক কঞ্চলে ঢেকে বসে আছে অগ্নিকুণ্ডের পাশে। শান্তিলতা একপাশে সরে আমাকে জায়গা করে দিলেন। অগ্নিকুণ্ডের পাশে বসে হাত পায়ে ভাপ নিই। এতোক্ষণে দেহে যেন প্রাণশক্তি ফিরে আসছে।

পূর্ববী উঠে বসেছে। বৃদ্ধাও আগুনের ভাপে চেতনা ফিরে পেয়েছেন। সন্ন্যাসী এতোসময় বসে বৃদ্ধার শুক্রবা করছিলেন। এবার উঠে দাঁড়িয়ে সকলের মূখের দিকে তাকিয়ে মুহূ হাসলেন।—রলো বৈ সঃ, রলো বৈ সঃ—শুধু এই একটি কথা বলতে বলতে ঘরের বাইরে চলে গেলেন।

বৃদ্ধা উঠে বসেছেন। কিন্তু তাঁর কথা আমরা কেউ বুঝতে পারলাম না। শুধু কথাবার্তায় এইটুকুই বোঝা গেল, উনি আসছেন অঙ্ক থেকে। সঙ্কে ছেলে আছে। আরো লোকজন নিয়ে সে এগিয়ে গিয়েছিল !

কেদারনাথের পাণ্ডা পান্নালাল শুক্রকে বৃদ্ধার কথা বলতে, সে জানালো এখুনি বাইরে গিয়ে বৃদ্ধার পুঙ্কের খোঁজ করবে।

ঘণ্টাখানেক বাদে একজন প্রৌঢ় এলেন পান্নালাল শুক্রের সঙ্গে। এসেই তিনি বৃদ্ধাকে বৃকে জড়িয়ে ধরলেন। এই বৃদ্ধা তাঁর মা। প্রৌঢ় ভ্রাতৃলোকের

নাম সদাশিব মেনন। ইংরেজীতে কথাবার্তা বলছিলেন। বললেন, মাকে সারাক্ষণ তিনি সঙ্গে রেখেছিলেন। কিন্তু রামওয়াড়া পেরিয়ে পরিচিত আর একটি দলের সঙ্গে গল্প করতে করতে আসছিলেন মা। তারা যে মাকে বিপদের মধ্যে ফেলে চলে বাবে, এ ধারণা করেন নি। তিনি আগেই পৌঁছেছেন, এসে অক্লি মাকে খোঁজাখুঁজি করেছেন।

সদাশিব মেনন চলে গেলেন মাকে নিয়ে। মা বাওয়ার আগে সম্মুখে আমার চিবুক স্পর্শ করে চুম্বন দিলেন।

বাইরে সন্ধ্যা নেমেছে। নামুক। ঘরের জানালা দরজা বন্ধ। বাইরের সঙ্গে কটি ছিঁচ ছাড়া আর কোন সম্পর্ক নেই। এখনো তুষাৎপাত বন্ধ হয়নি। ছুর্বোগের দরুণ আজ চারটের আগেই মন্দিরের দরজা বন্ধ হয়ে গেছে। পাণ্ডা পান্নালাল শুক্ল জানিয়ে গেছে আজ যেন ঘরের বাইরে না বাই। বিপদ যে কোন সময়ে আসতে পারে। রাতের খাবার লোক দিয়ে পাঠিয়ে দেবে।

ঘটীখানেক বাদে এলো পাণ্ডার ছড়িদার ও আরও তিন চারজন লোক। খাবার, চা, গরম জল, লেপ সব একসঙ্গেই এনেছে। ঘরের কোণে কাঠ ছিল, সেগুলি দিয়ে নতুন করে আগুন জালিয়ে দিলে।

বিছানার বসেই আহাওয়াদি সারা হলো। হাত মুখ ধোয়াও যেমন তেমন। লেপ কখন জড়িয়ে যে যেমন পারে শুয়ে পড়লেন। এতো যে কথা বলে প্রসাদদা, সেও চুপচাপ। আপাদমস্তক কখন মুড়ি দিয়ে মুখে চাপা আওয়াজ করছে প্রসাদদা। শ্রীমতী রজনী কিছুই খেলেন না, শুধু এক গ্লাস চা ছাড়া। রজনীবাবু বারবার বললেন খাওয়ার কথা। কিন্তু আর কিছুই তিনি নিলেন না। চা খেয়ে পাণ্ডার দেওয়া লেপ মুড়ি দিয়ে শুয়ে পড়লেন।

সীরা শুয়ে শুয়ে কাতরাচ্ছে। আহত কনুই-এ যন্ত্রণা হচ্ছে তার। একে এই নীত, তারপর কনুই-এর মতো জায়গায় চোট লাগা, যন্ত্রণা না-হওয়াটাই আশ্চর্য।

ঘরের কোণে জায়গা করে নিয়ে আমিও শুয়ে পড়েছি। লেপ কখন চাপিয়েও নীত যায় না। আমার পানেই মাষ্টারমশায়, শুয়ে থেকে গীতার শ্লোক আবৃত্তি করছেন।

“ইদং শরীরং কৌন্তের ক্ষেত্রমিত্যভিধীয়তে।

এতদ্ব্যো বেত্তি তং প্রাণঃ ক্ষেত্রজ ইতি তদ্বিধঃ।

ক্ষেত্রজ্ঞকাপি মাং বিদ্ধি সর্বক্ষেত্রেষু ভারত ।

ক্ষেত্রক্ষেত্রজ্ঞয়োজ্ঞানং যন্তজ্ঞজ্ঞানা যন্তং মম ॥”

উদাস্ত কণ্ঠে গীতার শ্লোক আবৃত্তি করছেন মাঠাঃমশায় । জানি না কখন গীতার শ্লোকের অর্থ খুঁজতে খুঁজতে ঘুমিয়ে পড়েছি ।

—মা, মা । ঘুম ভেঙে গেল ‘মা’ ডাক শুনে । কাতর কণ্ঠে সীমা ডাকছে মাকে । মায়ের কানে পৌঁছেছে না মেয়ের কাতর কণ্ঠের ডাক ।

মাথার কাছে ষড়ি ছিল । টর্চ জ্বলে দেখি, রাত আড়াইটে । সীমাকে ডেকে জিজ্ঞাসা করি, অমন করে সে মাকে ডাকছে কেন । যন্ত্রণা হচ্ছে তার কহুই-এর ক্ষতস্থানে । ঘুমোতে পারছে না, অথচ দারুণ ঘুম পাচ্ছে তার । আমার কাছে ঘুমের ওষুধ আছে । জিজ্ঞাসা করি, থাকে কিনা ।

—কি ওষুধ আছে আমায় দিন শ্রীমন্ত দা । সীমা কাতর কণ্ঠে বললে ;
—তখন থেকে জেগে আছি । ঘুম আসছে অথচ ঘুমোতে পারছি না ।

মাথার কাছেই ছিল ওষুধের ব্যাগ । খুঁজে খুঁজে বার করি ঘুমের ওষুধ । সীমাকে খাইয়ে দিই নিজের হাতে । তারপর দেখি ওর ক্ষতস্থান । না, ব্যাণ্ডেজ খুলে যায় নি । যতদূর মনে হয় রক্তও পড়ছে না । রক্ত পড়লে ব্যাণ্ডেজ ভিজে যেত ।

—এবারে ঘুমোবার চেষ্টা করো সীমা । বলে নিজের জায়গায় ফিরে আসি ।

কিন্তু আর ঘুম এলো না চোখে । ঘুম ঘুম তন্দ্রায় আচ্ছন্ন হয়ে নানা শিথিল চিন্তায় কেটে গেল বাকি রাত ।

ওঁ অথগুমণ্ডলাকারং ব্যাপ্তং যেন চরাচরম্ ।

তং পদং দর্শিতং যেন তস্মৈ শ্রীগুরুবে নমঃ ॥

ওঁ গুরুব্রহ্মাণ্ডকবিষ্ণুগুরুর্দেবো মহেশ্বরঃ ।

গুরুরেব পরং ব্রহ্ম তস্মৈ শ্রীগুরুবে নমঃ ॥

ওঁ অজ্ঞানতিমিরান্ধস্ত জ্ঞানাণ্ডন শলাকয়া ।

চক্ষুরুন্মীলিতং যেন তস্মৈ শ্রীগুরুবে নমঃ ॥

রাত শেষ হয়ে আসছে । করজোড়ে গুরু প্রণাম মন্ত্র আবৃত্তি করছে প্রসাদদা । জানালায় রক্ত পথে আলোর এক একটি নিস্পত্ত রেখা প্রবেশ করেছে ঘরের মধ্যে ।

—প্রসাদদা ।

—কী ভাই ।

—কখন উঠেছো ?

—অনেকক্ষণ । তুমি সীমাকে ওষুধ দিলে, তাও জানি ।

—তবে সাড়া দাওনি যে !

—দিই নি । বলে প্রসাদনা য়ুহ শব্দ করে হাসলো ।

একে একে সকলেরই ঘুম ভাঙে । শুধু সীমা অকাতরে ঘুমোচ্ছে । শ্রীমতী রজনী মেয়েকে ডাকতে গেলে বারণ করলাম ।—ডাকবেন না ওকে । রাত আড়াইটের পর ও ওষুধ খেয়ে তবে ঘুমিয়েছে ।

—কেন, কী হয়েছিল ওর । হাইতুলে আড়ামোড়া ভাঙলেন শ্রীমতী রজনী । তারপর রাতের বৃত্তান্ত শুনে বললেন,—তা তুমিও তো আমাকে ডাকতে পারতে বাছা ।

কথায় কথা বাড়বে ছাড়া আর কিছু নয় । মিছে কথা বাড়িয়ে এই দূর দেশের প্রথম সকালটিকে বিশ্বাস করে কী লাভ ! সর্বাস্থে কষল জড়িয়ে বাইরে এলাম । সত্যি, সুন্দর একটি ভোর । নির্মেষ আকাশে যদিও এখনো ঘন কুয়াশার জাল জড়ানো—তবু ওটুকু কুয়াশা যে উবে যাবে, এ বিশ্বাস আজ সকলের মনে । আজ নিশ্চয়ই সূর্য উঠবে ।

একটি সুন্দর সকাল । দুয়ের বরফাচ্ছাদিত হিমালয়ের শিখরের ওপার থেকে সূর্য উঠছে । প্রভাত সূর্যের আলো প্রতিফলিত হয়েছে পশ্চিমের গিরিশৃঙ্গে । বেদিকে তাকাই, সে দিকেই দেখি স্বর্গ-সৌন্দর্যের মহিমময় প্রকাশ ।

বরকে ঢাকা মন্দিরের পথ । শুচিবস্ত্র পরে তীর্থ পথিকেরা চলেছে মন্দিরে । সকাল আটটার মন্দিরের দরজা উন্মুক্ত হবে—আটটা বাজতে আর কতো-ই বা দেবী ।

দেবভূমি এই কেদারক্ষেত্র । ভাবি, এই দেবলোকের পথে যুগ-যুগান্ত ধরে এসেছে লক্ষ লক্ষ মাতঙ্গ । মহাপুরুষ, সাধু, সন্ন্যাসী, বৈরাগী, ভবঘুরে, গৃহী—কত লোকই না এসেছে এখানে, দর্শন করেছে দেবাদিদেবকে, প্রণাম করেছে—তারপর চলে গেছে আপন ঠিকানায় অক্ষয় পুণ্যের সঙ্কর নিয়ে ।

কুরুক্ষেত্র যুদ্ধের পর মহাত্মারতের অন্ততম নায়ক যুধিষ্ঠির সহ পঞ্চপাণ্ডব এই পথে স্বর্গলোকে যাত্রা করেছিলেন । এই পথ, এইতো স্বর্গের পথ । এই কেদারনাথকে পূজা করে পাণ্ডবগণ কুরুক্ষেত্র যুদ্ধে জাতিহত্যাজনিত পাপ থেকে মুক্ত হয়েছিলেন ।

মন্দির প্রাক্ষেপে এসে দাঁড়িয়েছি। কেদারনাথ শূন্য, আর নীলকণ্ঠের মহিম-
ময় প্রাক্ষেপের নীচে কেদারনাথের মন্দির। মন্দিরের অন্ধনে, প্রাক্ষেপে অংগেকা
করছে অগণিত নরনারী। কখন দর্শন লাভ হবে, এই প্রতীক্ষায়।

মন্দিরে প্রবেশ করতে এখানে কয়েকটি নিয়ম মেনে চলতে হয়। আগে নাম
লেখাতে হবে গদীতে, গদীতেই জমা দিতে হবে পূজো, ভোগ ইত্যাদির জন্মে
দেয় অর্থ, তারপর সেই মতো দর্শন ও প্রসাদ পাবার বিধি। ব্যবস্থা সত্যিই
সুন্দর। আমাদের নাম গতকাল রাতেই পান্নালাল গুপ্তা নিজে লিখে নিয়ে
গিয়েছিল, তারই কাছে শুনলাম, নটার মধ্যেই দর্শন হয়ে যাবে।

মন্দির চত্বরে বসে আছি অজস্রের ভিড়ে। মন্দিরের দরজা উন্মুক্ত হয়েছে।
পরের পর যেমন নাম লেখানো সেই মতো এক এক দল দর্শন করে আসছে।
মুখে ‘জয় কেদার’ ধ্বনি। ভিড়ের মধ্যে তুলসীদাসকে দেখলাম। আরো
কতো পরিচিত মুখ দেখতে পাচ্ছি। কমলা ঘোষ একান্তে বসে মা-পিসিকে তীর্থ
মাহাত্ম্য শোনাচ্ছে একটি পুস্তিকা থেকে। সবাইকে তো দেখছি; কিন্তু শুভলক্ষ্মী
কই! সে কি এখনো আসেনি!

প্রতীক্ষার অবসান হলো। ভাক পড়েছে আমাদের। প্রসাদদা সোলাসে
বলে উঠলো—জয় কেদারনাথ কী জয়, জয় কেদারনাথ কী জয়। মন্দিরের অন্ধনে
প্রাক্ষেপে সমবেশ নরনারীর মিলিত কণ্ঠে জাগলো প্রতিধ্বনি—জয় কেদারনাথ
কী জয়।

মন্দিরে কোন মূর্তি নেই, বৃষের পৃষ্ঠদেশের মতো অমরুণ এক পাথর—এই
কেদারনাথ। যুগ-যুগান্তর ধরে এই পাথরের মধ্যে মানুষ ঈশ্বর অন্বেষণ করেছে।
এই পাথরকে মানুষ পূজা করেছে প্রত্যক্ষ ঈশ্বর জ্ঞানে। কথিত আছে, পুরাকালে
মধ্যম পাণ্ডব ভীম এক সময় বৃষরূপী শিবকে হনন করতে চেয়েছিলেন। এইখানে
পৌঁছে বৃষরূপী শিব, ধরিজীর মধ্যে আত্মগোপন করেন। কিন্তু শরীরের সমস্ত
অংশ ভূগর্ভে প্রবেশ করে নি। ভীম এই দৃশ্য দেখে যার পর নাই বিস্মিত হন,
তার ভুল ভেঙে যায়। তারপর ভীম নিজের পাপবুদ্ধির কথা চিন্তা করে অহুতপ্ত
হয়ে দেবাদিদেবের শরণাপন্ন হন। এবং পাপ থেকে মুক্তি কামনা করে এইখানে
ভগবান শিবের মন্দির প্রতিষ্ঠা করেন। যদিও অনেক বলেন, কেদারনাথের এই
মন্দির আদি শঙ্করাচার্যের প্রতিষ্ঠিত।

কেদারনাথের অঙ্গে ঘুত প্রলেপ করে, ফুল বেলপাতা দিয়ে নীরবে পূজা
সমাধা করে একে একে সকলেই মন্দিরের বাইরে এসেছি। বাইরে এসে দেখি

ভুললুম। বলে আছে মন্দিরের বাইরের চত্বরে। আমাকে দেখে ও জিজ্ঞাসা করে, আজই কিরছি কিনা। উত্তর দেই—হাঁ, আজই কিরবো।

‘ন কেদারাং পরং স্থানং ন কেদারাং পরং তপঃ।

ন কেদারাং পরো মোক্ষ স্বয়ং দেবেন ভাবিতম্।

স্বয়ং দেবাদিদেব বলেছেন, কেদার হতে বিশিষ্ট অন্ত স্থান নেই, এই কেদার কেন্দ্রেই পরম মোক্ষ লাভ করা যায়।

কেদার কেন্দ্রের মাহাত্ম্য অনন্ত। এই পৃথিবীতে অধিকাংশ মানুষ সংসারে থেকে নানা দুঃখ ভোগ করে। কেদার কেন্দ্রে আগমনে সংসারের সকল দুঃখের অবসান হয়। এখানে দান-ধ্যানে, জপে, পূজায় মানুষ অনন্ত শান্তি লাভ করে। নরহত্যা, ব্রহ্মহত্যার পাপ থেকে মুক্ত হয়ে মানুষ দিব্যধাম প্রাপ্ত হয়।

কেদারকেন্দ্রে স্বয়ং কেদারনাথ সতত বিরাজমান। এখানে একরাত্রি বাস, অনন্তকাল শিবাঙ্গে বাসের তুল্যা। স্বর্গনিঃসৃত মন্দাকিনীতে স্নান করে পিতৃ-পুরুষের উদ্দেশ্যে তর্পণ করলে পিতৃপুরুষ মোক্ষলাভ করেন। কেদার মন্দির প্রদক্ষিণ করলে ঋগুদ্যৌপ সহ পৃথিবী প্রদক্ষিণের তুল্যা ফললাভ হয়।

দেবীর মধ্যে যেমন পার্বতী, ভক্তগণের মধ্যে নারদ, ধেমুর মধ্যে কামধেমু, দেবগণের মধ্যে ইন্দ্র, নদীর মধ্যে গঙ্গা, পর্বতের মধ্যে কৈলাস, ধামের মধ্যে বজ্রনাথ, তেমন কেন্দ্রের মধ্যে এই কেদারকেন্দ্র। পাপী-তাপী সকলের জন্মই এই কেদারনাথ।

এই কেদারকেন্দ্র সম্পর্কে হৃন্দর একটি কাহিনী শোনা যায়। একসময় এই কেদারকেন্দ্রের এক গ্রামে কোন এক ব্যাধ বাস করতো। ব্যাধ গ্রামের বাইরে জংগলে শিকার করে বেড়াতো। একদিন ঐ ব্যাধ একটি মৃগকে অহুসরণ করে জংগলের পথে চলতে চলতে কেদারনাথ এসে পৌঁছয়। ঐ স্থানে পৌঁছেই ব্যাধ দূর থেকে ঋষিগণের সহিত বীণাবাদনে রত নারদ মুনিকে দর্শন করে। ঠিক সেই সময় ব্যাধের দৃষ্টি এক স্বর্ণমৃগের ওপর পড়ে। ব্যাধের মনে তখন ঐ স্বর্ণমৃগ শিকারের বাসনা হয়। ব্যাধ মনে করে যে ঐ স্বর্ণমৃগ শিকার করতে পারলে তার গৃহ স্বর্গে পূর্ণ হবে। লোভের বশবর্তী হয়ে ব্যাধ যে মুহূর্তে ধমুকে তাঁর বোজনা করে, সেই মুহূর্তে মুনীঋষিগণ সহ স্বর্ণমৃগ অদৃশ্য হয়ে যায়। এই ঘটনায় ব্যাধ বিস্মিত হয়ে আরো দূর গমন করে। সেই সময় ব্যাধ আবার

এক অদ্ভুত দৃশ্য দেখলো। এক বিষধর সাপ একটি ভেককে গ্রাস করছে। পরক্ষণেই দৃশ্য পরিবর্তন হলো। সেই বিষধর দেবাদিদেবের নয়ন বিমোহন মূর্তি ধারণ করলেন। এই সমস্ত বিস্ময়কর ঘটনায় ব্যাধ দারুণ ভীত হলো। ভাবলো, নিশ্চয়ই এ অঞ্চল ভূতপ্রেতের লীলাভূমি। ব্যাধ তখন ভীত হয়ে আত্মগোপন করবার জন্তে অরণ্যের পথে ছুটে চলতে লাগলো। সেখানেও নিষ্কৃতি নেই। দেখে, এক ভয়ঙ্কর ব্যাঘ্র একটি মৃগকে বধ করছে। মৃত মৃগটির পাঁচটি মূখ, তিনটি চোখ এবং কয়েকটি সর্প মৃগের শরীরে শোভা পাচ্ছে। ঠিক এই সময় দেবর্ষি নারদ ব্যাধের সামনে উপস্থিত হলেন। ব্যাধ এতোক্ষণে প্রকৃতিস্থ হয়ে দেবর্ষিকে প্রণাম করলো। এবং আহুপূর্বিক সমস্ত ঘটনা দেবর্ষির কাছে ব্যক্ত করলো। সকল বৃত্তান্ত শ্রবণ করে দেবর্ষি বললেন,—ব্যাধ, তুমি ধন্ত। তুমি আজ যে দৃশ্য দেখেছো এ সবই প্রভুর লীলা। তুমি ভাগ্যবান, তাই আজ শিকারের নেশায় এখানে এসে পৌঁছেছো। এই স্থান হলো ঋষ্য কেদারনাথের লীলাভূমি। এখানে তিনি শত সহস্র রূপে বিরাজমান। এখানে এলে পাপী-তাপী, সাধু-অসাধু, কীট-পতঙ্গ, সকলেই মুক্তিলাভ করে শিবস্ব প্রাপ্ত হয়। তোমারই চোখের সামনে তা ঘটতে দেখেছো। মৃত মৃগকে দেখেছো শিবে রূপান্তরিত হতে, সর্পকে দেখেছো নীলকণ্ঠরূপে—তুমি অসাধু ব্যাধ—যেখানে এসেছো, এখানে তুমিও মুক্তি পাবে।

ঐতিবৃত্ত শুনে ব্যাধ দেবর্ষির পায়ের ওপর লুটিয়ে পড়ে। বলে,—কেমন করে আমি মুক্তি পাবো ঠাকুর ?

নারদ বললেন,—তুমি এই পবিত্র কেদারনাথে নিবাস করো। কালে তোমার চিত্তশুদ্ধি হলে, মুক্তি পাবে।

এইবলে নারদ অস্তর্হিত হলেন। ব্যাধও তীর-ধনুক দূরে নিক্ষেপ করে নারদের বাণী চিন্তা করতে করতে সমাধিস্থ হলো।

মন্দির প্রাক্ষণে বসে পাণ্ডা পান্নালাল গুরুর কাছে তীর্থ মাহাত্ম্য শুনি। কেদার ক্ষেত্রে সম্পর্কে নানা ধরনের অলৌকিক উপাখ্যান শুনি। ‘কেদারনাথকে আমরা দর্শন করেছি—স্পর্শ করে ঘৃত, চন্দন ও বিষপত্র পূজা করেছি—আমরাও এই পৃথিবীর জন্মমৃত্যুর চক্র থেকে মুক্তিলাভ করে শিবলোকে স্থান পাবো’—বলে পান্নালাল গুরু সকলকে কহজোড়ে এই মন্ত্র উচ্চারণ করতে বললেন,

হরো শঙ্কো মহাদেব, বিবেশাং হরবরভম্।

শিবশঙ্কর সর্কাস্বাম্, নীলকণ্ঠ নমোস্তুতে।

কর্ণের গৌরং করুণাবতারম্, সংসার সাগর ভুজগেন্দ্রহারম্ ।
সদা বসন্তং হৃদয়ারবিন্দম্, ভবং ভবানী সহিতং নমামি ॥

এই কেদারনাথে পঞ্চগঙ্গা প্রবাহিত। মন্দাকিনী, সরস্বতী, কীরগঙ্গা, মহোদধি আর স্বর্গহারী গঙ্গা! আদি শঙ্করাচার্য এই কেদারনাথেই মহাপ্রয়াণ করেছিলেন। তাঁর সমাধিভূমি এখানেই। রেতকুণ্ড, উদককুণ্ডের কথাও তীর্থপথিকের কাছে সুবিদিত।

কেদারনাথ থেকে দুমাইল দূরে স্বর্গারোহিণী এবং ব্রহ্মকুণ্ড। যেখানে পাণ্ডবগণ যজ্ঞ করে স্বর্গারোহণ করেছিলেন। শোনা যায় যজ্ঞস্থলে মাটি-বরফ-পাথরের নীচে এখনো পাণ্ডবগণের যজ্ঞের কয়লা ও ভস্ম পাওয়া যায়।

এখান থেকে চড়াই পথে এক মাইল গেলে সত্যপুত্র ও চোরাবাড়ী নামে সুন্দর হ্রদ আছে। কিন্তু সে পথ অতি দুর্গম। সাধারণ তীর্থযাত্রীর পক্ষে সেখানে যাওয়া একরকম অসম্ভব।

মন্দিরের প্রাঙ্গণ ত্যাগ করে সবাই চলে গেছে চটিতে। বেলা বায়োটার মধ্যে আমাদের আবার যাত্রা করতে হবে সেই পথে, যে পথ ধরে এসেছিলাম কেদারনাথে।

আবার বাই মন্দিরের কাছে। দাঁড়িয়ে থাকি অচঞ্চল। দেখি, ভগবান কেদারনাথের মন্দির। মন্দির দ্বারে নাদেশ্বর নামক মহাদেবের ষাঁড়, প্রবেশ দ্বারে গণেশ মূর্তি। প্রথম দালানে পঞ্চপাণ্ডবের মূর্তি, দ্বিতীয় দালানের দক্ষিণে দেবী পার্বতী, বামে নানা অলংকারে ভূষিতা লক্ষ্মীদেবী। অন্তর্য রয়েছেন নর-নারায়ণ বা ভোগ মূর্তি।

দেখার শেষ নেই, অবধি নেই। মন্দিরের বাইরে এসে চারদিকে ফিরে দেখি। অক্ষরন্ত বিশ্বয় নিয়ে দাঁড়িয়ে আছে হিমালয়ের তুষারচ্ছাদিত শিখর মালা। স্বতন্ত্র দৃষ্টি যায়, দেখি হিমালয়ের মহিমময় প্রকাশ।

—বাবো না? মিহি কণ্ঠের জিজ্ঞাসা কানে বাজলো। পূর্ববী ডাকছে। স্ৰাট গেছে সাধকপুরুষ কলাহারী বাবাকে দর্শন করতে। আমাকে ডাকতে এগেছে ও।

মন্দিরের কাছেই কলাহারী বাবায় আশ্রম। দাক্ষিণাত্যের এই মহাপুরুষ, কলাহারী বাবা নামেই পরিচিত। শৈব সাধক। বাবো মাসই এখানে থাকেন। শ্রীমন্তের প্রারম্ভে কেদারনাথ জনশ্রুত হয়ে যায়, কেউ-ই থাকে না এখানে।

আশ্চর্য, এই সাধকপুরুষ নিজ আশ্রমেই থাকেন। শীতের দিনে কেদারের কথা কল্পনাও করা যায় না। বাড়ী, ঘর, মন্দির—সবকিছু বরফের নীচে চাপা পড়ে যায়। বৃদ্ধ মন্দিরে থাকেন দেবাদিদেব কেদারনাথ। আর থাকে জলন্ত প্রদীপ। সেই সঙ্গে নিজ আশ্রমে দিনাতিপাত করেন ফলাহারী বাবা। তাঁর আশ্রমও বরফে ঢাকা পড়ে যায়। তারই মধ্যে এই কেদারনাথের ভক্ত সাধক শীতলত্ব অতিবাহিত করেন। শীতান্তে বসন্ত আসে। গ্রীষ্মের আবির্ভাবে বরফ গলতে শুরু করে। তখন গুপ্তকাশী থেকে কেদারনাথের পূজারী আসেন মন্দির দ্বার উন্মোচন করতে। বরফের চাই কেটে মন্দিরের দরজা উন্মুক্ত করতে হয়। ফলাহারী বাবাকেও বরফে ঢাকা আশ্রম থেকে বার করে ভক্তজনের। আরও শোনা যায়, এই মহাপুরুষের কতো বয়েস তার সঠিক হৃদিশ কেউ দিতে পারে না। কেউ বলেন এক শ, কেউ বলেন দেড় শ কি তারও বেশী। দেখে মনে হয়, এই মহাপুরুষ শতবর্ষ পার হয়ে এসেছেন নিশ্চিত।

দর্শনাথীর ভিড়ে একটি আসন পাতা চৌকির ওপরে বসে আছেন ফলাহারী বাবা। মুখে শ্মিত হাসি। প্রত্যেকের সঙ্গে কথা বলছেন, হাসছেন। কখনো ছ'এক কথা মনোযোগ দিয়ে শুনছেন ও।

দর্শনাথী প্রত্যেক যাত্রীকেই জিজ্ঞাসা করছেন কেদার দর্শন হয়েছে কিনা। তারপর আকাশের দিকে চেয়ে বলছেন,—দর্শন যদি হয়ে থাকে তবে চলে যাও। আজও দুপুরের আগে থেকে তুষারপাত শুরু হবে।

কে একজন বললে,—আজ আকাশ তো বেশ পরিষ্কার। শুনে ফলাহারী বাবা মুহূ হাসলেন।—এখানকার আকাশ ছোট ছেলের মতো। কখন হাসে, কখন কাঁদে বোকা যায় না। তারপর আবার আকাশের দিকে তাকিয়ে থাকেন ক্ষণেকের জন্য। পরে তার মুখে আবার একই কথা শোনা যায়—তুমি লো.গাংকৌ ক্যায় দরশন মিলে? তুমি লোগ পাহাড়সে উতার যাও। আন্ধি, তুফান আউর হিমপাত হোগা।

তবু আরো একবার ফিরে চাই মন্দিরের দিকে। সমুদ্র পৃষ্ঠ থেকে কেদারনাথের উচ্চতা এগারো হাজার সাতশ পঞ্চাশ ফুট। চির তুষারের দেশ। যুগ-যুগান্তর ধরে হিমালয়ের বৃক্কে দাঁড়িয়ে আছে কেদারনাথের মন্দির।

পথের গড়া মন্দিরে পাথরের দেবতা—সহজ বিশ্বাসের প্রতীক। সহজ বিশ্বাসের মধ্যে মানুষ এখানেও ঈশ্বরকে প্রত্যক্ষ করেছে। যেখানে সহজ বিশ্বাস,

যুক্তি ভর্ক সেখানে অচল। মনে যদি অবিশ্বাস থাকে, যদি সংশয় থাকে, যদি থাকে যুক্তিবাদী মনে সব কিছুই চুলচেরা বিশ্লেষণ করার প্রবৃত্তি—তবে এখানে এলে সে মনের অবলুপ্তি ঘটবে। এখানে মানুষ একান্তভাবে বিশ্বাসী।

—বাবু। তুলসীদাস ডাকে।

—কিছু বলবে তুলসীদাস?

—না। কিরে বাবে না?

—যাবো।

—তবে চলো। বলে আকাশের দিকে কিরে চায় তুলসীদাস।

খোঁয়াটে মেঘ জমেছে আকাশে। আজও গতকালের মতো তুম্বার পাত হবে হয়তো।

চটিতে কিরেছি। যাত্রার আয়োজন সম্পূর্ণ। পাণ্ডাঠাকুর এসেছে তীর্থের স্ফুল কয়তে। সংকল্প করে প্রত্যেকের নামে নামে স্ফুল করাচ্ছে পাণ্ডা ঠাকুর।

আবহাওয়ার কথা শ্রবণ করে সবকিছুই সংক্ষেপে সমাধা করলে পাণ্ডা ঠাকুর। যে যেমন পারে দক্ষিণা দিয়ে মনে মনে স্ফুল প্রার্থনা করে। তারপর পাণ্ডাঠাকুরের দেওয়া প্রসাদ গ্রহণ করে কেদারনাথ ত্যাগের উদ্যোগ শুরু হয়।

যে পথে এসেছিলাম সেই পথেই কিরছি। একজন নয়, দুজন নয়—অগণিত যাত্রী কেদার দর্শনান্তে কিরে চলেছে।

এবারের পথ তুঙ্গনাথ, বজ্রীনারায়ণের পথ। প্রত্যাবর্তনের পথে যাত্রীদের কণ্ঠে ‘জয় নারায়ণ’ ধ্বনি। কেদার দর্শনান্তে এবারে নারায়ণের পাদপদ্ম দর্শন করতে চলেছে তীর্থ-পাথকের দল। আসার সময়ে যে পথ ছিল চড়াই, যাওয়ার পথে নামছি উংরাই-এ। উংরাই পথে নামতে কষ্ট অনেক কম। শুধু লাঠি হাতে দেহের ভারসাম্য ঠিক রেখে পায়ে পায়ে নেমে চলা।

আজ প্রসাদদার উল্লাসের অন্ত নেই। খুশীর জোয়ার বইছে মনে। কখনো গান গাইছে, কখনো স্তোত্র আবৃত্তি করছে, কখনো ‘জয় বজ্রী বিশাল, কী জয়’ ধ্বনিতে যাত্রীদলকে উৎসাহিত করছে।

সীমা আজ আমার সঙ্গেই আসছে প্রথম থেকে। মুহূর্তের জন্তেও লজ ছাড়া হয়নি। ওর কহুই-এর ব্যাখ্যা এখনো কয়েকটি, ঠিক মতো লাঠি ধরতে পারছে না। যেখানে অসুবিধে বুঝছে, আমার হাত ধরে নামছে। সকলেই

এগিয়ে গেছে আজ, পেছিয়ে পড়েছি আমি আর সীমা। সীমাকে নিয়ে সাবধানেই চলতে হচ্ছে।

বেলা বারোটায় কেদারনাথ থেকে রওনা হয়েছিলাম। রামওয়াড়ায় পৌঁছেছি ছুপটার মধ্যে। পথে কেদার বাজীদের সঙ্গে দেখা হয়েছে; ‘জয়-নারায়ণ, জয় কেদার’ বলে পরস্পরের মধ্যে সন্ধোদন বিনিময় করেছি।

রামওয়াড়ায় পৌঁছে আরো বাজীর সঙ্গে দেখা হলো। বারা এইমাত্র গৌরীকুণ্ড থেকে এখানে এসে পৌঁছেছে।

আকাশের অবস্থা ভালো নয়। গাঢ় কুয়াশার মতো মেঘ জমেছে আকাশের সর্বত্র। দূরের গিরিশিখর আর দেখা যাচ্ছে না, মেঘের আড়ালে হারিয়ে গেছে। রামওয়াড়া থেকে যেতো শিগগির রওনা হওয়া যায়, ততোই মঙ্গল। গৌরীকুণ্ডে পৌঁছলে আজকের মতো নিশ্চিন্ত।

কেদারে তেমন কিছু খাওয়া-দাওয়া জোটেনি। শুধু সামান্ত পুরি ভরকারী খেয়ে রওনা হয়েছিলাম। রামওয়াড়াতেও তেমন কিছু সংগ্রহ করা গেল না। এতো বেলায় তো আর রান্নার হাঙ্গামা করা যায় না। হুতবাং পকৌড়ি লাড্ডু আর চা খেয়েই আবার ‘জয় নারায়ণ’ বলে পথে নামলুম।

একদিনে যে কষ্ট না হয়েছে একদিনেই তাই। সীমা আর পূরবীর মুখ শুকিয়ে আমদী হয়ে গেছে। মাষ্টারমশায় আর শান্তিলতার চেহারা আধখানা হয়ে গেছে।

শুধু আমরা নই, প্রতিটি বাজীই পথশ্রমে ক্লান্ত। তারপর কেদারের পথে যে আবহাওয়ার ধকল সহ্য করতে হয়েছে, তাতে আরো কাহিল করে দিয়েছে।

রামওয়াড়া থেকে রওনা হয়ে মাইল খানেক পথ এসেছি, এমন সময় শুক হলো বৃষ্টি। ঝলধারে বর্ষণ নয়, বিন্দু বিন্দু বারিপাত। যুহু বর্ষণের মধ্যেই বজ্রানারায়ণের নামে জয়ধ্বনি দিতে দিতে গৌরীকুণ্ডের পথে চলেছে বাজীদল।

—শ্রীমন্তদা, আপনাকে দেখে প্রথম দিন আমার কি মনে হয়েছিল জানেন ? আমার হাত ধরে একটি বর্ণা পার হতে হতে সীমা বললে।

—কী ?

—শুনলে আপনি রাগ করবেন।

—তুমি বলো সীমা, আমি বলছি রাগ করবো না।

—মনে হয়েছিল আপনি বাতুলকর।

—বাতুলকর ! সশঙ্কে হেসে উঠি—এ ধারণা তোমার কি করে হলো সীমা ?

ছোট বেলায় সীমা তাদের স্কুলে একজন বাছুরকে দেখেছিল। নাম মনে নেই, মনে আছে একদিন স্কুলের টিফিনের পর একজন কালো চ্যাঙা গোছের লোক অদ্ভুত আলখাল্লা পরে স্কুলের বাইরে খোলা মাঠে ম্যাজিক দেখিয়েছিল। সেই লোকটির কথা কোনদিন ভুলবে না সে। সেই এক আনার বাছুরকে দেখতে ঠিক আমরাই মতো। প্রথম দিন আমাদের দেখেই ওর ধারণা হয়েছিল, আমি সেই বাছুর। যাকে ও নবছর আগে স্কুলের মাঠে দেখেছিল।

সীমার কথা শুনে আবার সশব্দে হেসে উঠি। বলি,—তোমাকে দেখে আমার কি মনে হয় জানো? মনে হয়—না, বলো না। বললে সত্যিই তুমি রেগে যাবে।

—বলুন, সত্যি বলছি রাগ করবো না।

—মনে হয়, সীমার মুখের দিকে চেয়ে হালকা স্বরে বলি,—এই পাহাড়ের দেশের নদীর মতো তুমি চঞ্চল। মতিগতি একটুও স্থির নয়।

—ও এই কথা। সীমা কৃত্রিম ভাবে চাপা নিঃশ্বাস ত্যাগ করে বলে,—আমি ভাবলাম, না জানি কি কথা বলবেন।

আবার নীরবে দুজনে খানিক পথ অতিক্রম করি। এক সময় সীমা জানতে চায় তার রাঙা দিকে আমার কেমন লাগে।—ভালো। শুধু এই কথা বলে কথার উত্তর দিতে পারতাম। কিন্তু ওই এক কথায় উত্তর না দিয়ে বললাম,—তোমার রাঙা দিকে আমি আজও বুঝতে পারিনি সীমা।

—আপনি তো এই কদিন দেখেছেন, আমি ছোটবেলা থেকে দেখছি, মিশছি, কিন্তু আজও বুঝতে পারলাম না আমার রাঙা দিকে।

—কেন বলো তো?

—বলতে পারবো না।

—তোমার রাঙা দি কি...কথা শেষ করতে পারলাম না।

—যদি কিছু জানবার থাকে রাঙা দিকেই জিজ্ঞেস করবেন। আমি বলতে পারবো না কোন কথা।

আপাততঃ এ প্রশ্ন চাপা পড়ে রইলো।

আমাদের দুজনকে পেছনে রেখে সবাই এগিয়ে গেছে। উমরাই পথে নামছি। দূরে প্রসাদদাকে দেখতে পাচ্ছি। আরো দূরে মাষ্টারমশারকে।

কিছু পথ এসে সীমা বসে পড়লো পথের পাশে। একটু বিশ্রাম না নিয়ে আর চলতে পারবে না। পা টনটন করছে ওং, পেলীতে যত্ন বরণা হচ্ছে।

বললে,—এই রকম মাইলের পর মাইল হাঁটবো, এ কোনদিন ভাবতেও পারিনি শ্রীমন্তদা।

মুহু হেসে বলি,—এ পথে সব কিছুই অভাবনীয়। এসো—বিশ্রাম নেবার সময় এখন নয়। সন্ধ্যার আগেই আমাদের গৌরীকুণ্ডে পৌঁছতে হবে।

তখনো পাহাড়ের আড়ালে হারিয়ে যায়নি দিনের সূর্য। তখনো দূর পাহাড়ের শীর্ষে শেষ সূর্যের রক্তিম প্রকাশ। এমনই দিনের শেষে সীমার সঙ্গে পথ হাঁটতে হাঁটতে এসে পৌঁছলাম গৌরীকুণ্ডে। ক্লান্ত দেহ, অবসন্ন মন—শুধু ক্লান্তি নেই, অবসাদ নেই দুটি চোখের তারায়। সে শুধু খুঁজে বেড়ায় হৃন্দরের কণামাত্র যদি কোথাও পড়ে থাকে।

আমার পথে যে চটিতে রাত কাটিয়েছিলাম, এবারেও সেই চটিতে। আজ আর আলাদা নয়, সবাই একসঙ্গে। সীমাকে নিয়ে চটিতে ঢুকতেই শ্রীমতী রজনী জানালেন, আজ আর লালসিং যেন রান্নাবাড়া না করে। উনিই সবকিছু করবেন। মনে কেমন খটকা লাগলো, শ্রীমতী রজনীর হঠাৎ এরকম মতিবুদ্ধি হলো কেন?

আজও গৌরীতীর্থে পৌঁছে প্রথমেই এলাম তপ্তকুণ্ডে স্নান করতে। স্নানান্তে অবসাদ ঘুচলো। স্বাস্থ্যও পেলাম। ঘরে চূপচাপ বসে না থেকে প্রসাদদ্বার সঙ্গে আবার এলাম তপ্তকুণ্ডের কাছে। একটি দোকানের সামনে বসে রইলাম দুজনে।

আজ গৌরীতীর্থে অজস্র নর-নারীর ভিড়। কেদার দর্শনার্থী যাত্রীও আছে, খাবার খাওয়া আমাদের মতো দর্শন করে ফিরছে তারাও আছে। সবে গত কাল থেকে যাত্রীদের প্রত্যাবর্তনের পালা শুরু হয়েছে।

যে দোকানটিতে বসেছি, সেখানেও একদল অবাঙালী যাত্রী আশ্রয় নিয়েছে। বোধহয় চটি, কিংবা ধর্মশালায় জায়গা পায়নি। দোকানেরই একটি উত্থানে ঝিচুড়ি রান্না করছেন দলেরই একজন বৃদ্ধা। পাশেই একজন হৃন্দরী তরুণী, আগুনের তাপ গ্রহণ করছে। তরুণীটি বোধহয় সম্পর্কে বৃদ্ধার নাতনী হবে। দু'জনে নিজেদের মধ্যে কী সব কথা বলে হাসি-তামাসা মেতেছেন। দাঁত নেই বৃদ্ধার। নাতনীর দিকে আড়চোখে তাকিয়ে মাড়ি বার করে হাসছেন।

দোকানীর কাছ থেকে গরম পকৌড়ী আর চা নিয়ে আমি আর প্রসাদদ্বা বলে আছি। এক সময় বৃদ্ধা জিজ্ঞাসা করলেন, আমাদের কেদারনাথ দর্শন

হয়েছে কিনা। দর্শন হয়েছে শুনে বৃদ্ধা কেদারপুরী সম্পর্কে কৌতূহল প্রকাশ করলেন। ভাড়া হিন্দীতে বৃদ্ধাকে কেদারপুরীর কথা শোনাচ্ছি। শুনতে শুনতে বৃদ্ধা এক একবার অদেখা কেদারনাথের উদ্দেশ্যে প্রণাম করছেন।

ধানিক সময়ের মধ্যে বৃদ্ধার সঙ্গে রীতিমতো আলাপ জমে ওঠে। বৃদ্ধা লগ্নিবারে তাঁর চলেছেন। পুত্র, পুত্রবধূ, নাতি, নাতনী নিয়ে। দুই জা'ও সংগে এসেছেন। তবে তাঁদের ছেলে মেয়েরা আসেনি। ছেলেরা নাতিকে নিয়ে বেরিয়েছে। এখনি ফিরবে। ওদের বাড়ী বিকানীয়ে। সেখান থেকেই আসছেন। বাংলা মূলকের সঙ্গে ওর পরিচয় আছে, ছোটছেলের ব্যবসা আছে কলকাতায়। ছেলে-বো নিয়ে সে কলকাতাতেই থাকে। শুধু সেই ছেলেই সংগে আসেনি। তাই বৃদ্ধার একটু আক্ষেপ আছে মনে।

সবশেষে নাভনীকে দেখিয়ে বৃদ্ধা বললেন, ওটি তাঁর আদরের নাভনী। বড়ো ছেলের মেয়ে। নাম ললিতা।

—ললিতা, বাঃ বেশ মিষ্টি নাম তো। বলে ললিতার মুখের দিকে ফিরে চাই। চোখাচোখি হতে ললিতা সলজ্জ ভঙ্গীতে মুখ নীচু করপো।

বা আশা করিনি তাও পেলাম। এক রেকাবী গরম থিচুড়ি আর আলু ভাজা। ললিতা নয়, বৃদ্ধাই হাতে করে দিলেন। না—বলে নিষ্কৃতি পেলাম না।

প্রসাদদা তখনো বলে আছে। আমার কানের কাছে ফিসফিসিয়ে বললে, —জ্যাথো শ্রীমন্ত, ঠাকুরমা থিচুড়ি দিলেন, কিন্তু আরো দুটি কটি হাতের স্পর্শ আছে ওতে। খেয়ে নাও। আমার মুখের দিকে দেখতে হবে না। এই তো তাঁর স্বপ্ন।

—কী যে বলো প্রসাদদা। বলে হাত বাড়িয়ে নিয়েছি থিচুড়ির পাত্র।

—ঠিকই বলছি তাই। যে জীবন রসে রসিক, সে এই কথাই বলবে। প্রসাদদা মুহূ হেসে বললে,—এইসব ঘটনাকে তুচ্ছ মনে কোরো না।

ললিতাকে দেখছি। বিকানীরে মেয়ে ললিতা। মিষ্টি মুখ, মিষ্টি হাসি। কতোই-বা বয়েস হবে ওর। সব কৈশোর থেকে ঘোবনে পা দিয়েছে। কিন্তু ওই বয়সে এই দুর্গম পথে চলেছে কেন? শখ করে কেউতো এ পথে আসে না।

বিকানীয়ে হয়তো কোন উঁচর মক্কাগান্ধে, কোন পাহাড়ের কোলে ওদের

ঘর। আকাশ বেখানে দিগন্ত জোড়া, প্রান্তর বেখানে হৃদয় প্রসারী। সূর্য
বেদেশে আগুন ছড়ায়, চন্দ্র বেখানে সুখা ঢালে—সেই বিকানীরের মেয়ে
ললিতা।

এসব কী ভাবছি আমি। শূন্য রেকাবী হাতে নিয়ে কাঙাল নয়নে কী
দেখছি ললিতার মুখের রেখায়!

দুর্গম তীর্থের পথে দেখা হয়েছে মাত্র। যে পথে সকলের একমাত্র
পরিচয়—পথিক। একরাত্রির পাশুশালায় অপেক্ষার অবসরে কণেকের
পরিচয়। রাত শেষ হয়ে যাবে, ওরা যাবে ওদের পথে, কেদার পুরীতে,
আমি চলে যাবো আমার পথে—বজ্রীনারায়ণে। আর হয়তো কেউ কারো
দেখা পাবো না, এই গৌরী তীর্থে পড়ে থাকবে একটি সন্ধ্যারাতের সংলাপবিহীন
ছোট নাটিকার পাণ্ডুলিপি।

চটতে ফিরবার মুখে দেখা হলো শুভলক্ষ্মীর সঙ্গে। এইমাত্র পৌঁছেচে ও।
কেদারনাথ থেকে ওদের বেরোতে দেরী হয়েছিল। তারপর মাঝপথে যখন,
তখন শুরু হয় তুষারবর্ষণ। সেই সংগে চলে তীব্র ঝড়ের প্রবাহ। প্রায় দেড়ঘণ্টা
পথের মাঝেই কোনরকমে আত্মরক্ষা করে বসে থাকতে হয়। রামওয়াড়ায়
পৌঁচেছিল বেলা পৌঁণে পাঁচটায়। উনতিরিশ জনের মধ্যে ছজন গৌরীকৃণ্ডে
এগিয়েছে। বাকী সবাই রামওয়াড়াতেই আছে।

—তোমরা কজন চলে এলে দল ছাড়া হয়ে, এটা কি ভালো হলো?

—আমি কারো দলে নই। আসলে একাই আসছিলাম, আসবার সময়
জ্বরীকেশে ওই দলটির সংগে দেখা হয়। দলের মধ্যে পরিচিত কেউ নেই, দেশের
লোক বলে এক সংগে হওয়া। আর যে পাঁচজন চলে এসেছে আমার সংগে,
পথে তাদের সাথেই আত্মীয় সম্পর্কে গড়ে উঠেছে। তাই তারা আমার সংগে
চলে এলো। এরপরেই শুভলক্ষ্মী বললে,—চলো মন্ডাকিনীর ধারে বসি গে।

—আজ আমি বড়ো ক্লান্ত শুভলক্ষ্মী। বিশ্রাম চাই।

কণমাত্র নীরবে দাঁড়িয়ে থেকে শুভলক্ষ্মী বললে,—বেশ—তবে যাও।
তোমার বিশ্রামের ব্যাঘাত ঘটতে চাই না।

—কাল আবার দেখা হবে শুভলক্ষ্মী।

—যদি দেখা হয়, হবে। এ-পথে নিশ্চিত কিছু বলা যায় না—আচ্ছা,
শুভরাত্রি।

—সুভরাজি ।

কিন্তু অন্ততলকণে স্মৃতি না হলো সুভরাজির । চটিতে ফিরে এসেই দেখি পূরবী মূর্ছা গেছে । মাথায় বাতাস দিচ্ছে প্রসাদনা । শান্তিলতা মাথার কাছে আড়ষ্ট হয়ে বসে । শ্রীমতী রজনী দুধ গরম করছেন । নির্বিকার মাষ্টারমশায়, গীতার পাতায় চোখ রেখে বসে আছেন ঘরের এককোণে ।

সেদিন তোমার দেওয়া ওষুধে পূরবীর মূর্ছা ভেঙেছিল । শান্তিলতার কথামতো আজও ওষুধ দিলাম । অপেক্ষা করছি, কতোকণে মূর্ছা ভাঙবে পূরবীর ।

সেদিনের মতো আজো ওষুধ খাওয়ানোর দশ পনেরো মিনিট বাদেই চোখ মেলে চাইলো পূরবী । উঠে বসলো । কিন্তু একটি কথাও বলতে সুনলাম না ।

গৌরীতীর্থে রাত নেমেছে । সারাদিন পথ হেঁটে ক্লান্ত সবাই । রাত নটা না বাজতেই খাওয়া-দাওয়ার পাট চুকিয়ে যে যার শয্যা গ্রহণ করেছে । ধর্মধমে রাত । শুধু মন্দাকিনীর কলোচ্ছ্বাস ছাড়া কোথাও কোনো শব্দ নেই ।

আজকের নিশ্চিন্ত রাত বড়ো তাড়াতাড়ি ফুরিয়ে গেল । ভোর হয়েছে । লালসিং ডাকছে । ঘুম চোখে বাইরে এলাম সর্বাক্ষে কবল জড়িয়ে । এখনো স্পষ্ট হয়ে ফোটেনি ভোরের আলো । কনকনে ঠাণ্ডা । হাত-পা জালা করছে । নখের গোড়ায় চামড়া আলগা হয়ে গেছে কেদারের শীতে । ঠোঁট কেটেছে । হাতে মুখে জল দিতে ইচ্ছে করছে না । কদিনের মধ্যে আরশীতে মুখ দেখিনি । আজই তপস্কুণ্ডের ধারে চায়ের দোকানের ভাঙা আরশীতে মুখ দেখলাম । দাঁড়ি গোঁফে ছেয়ে গেছে মুখ । মাথার চুল সজ্জার কাঁটার মতো খোঁচা খোঁচা । মুখের রং কালো হয়েছে, তার ওপর পোড়া পোড়া দাগ । শীতের দাপটে চামড়া অসম্পূর্ণ, খলখলে : নিজের মুখ নিজেরই অচেনা মনে হয় ।

ভাঙা আরশীর ওপর থেকে নিজেকে সরিয়ে নিয়েছি । আমার চোখের তারায় অন্ত এক চেনা মুখের প্রতিবিম্ব । ললিতা । এই ভোরে তপস্কুণ্ডে স্নান করে এলো । সন্ধ্যায় দেখেছিলাম, আবার প্রত্যুষেও দেখলাম ।

ওরা চলে যাবে এখনি । গোছগাছ চয়ে গেছে । শুধু রওনা হতে বতটুকু সময় বাকী । আমরা চোখের সামনে ওরা ব্যাড়া শুরু করলো । কয়েক পা এগিয়ে ফিরে তাকালো সে । হাত তুলে শুভেচ্ছা জানালাম—‘জয় নারায়ণ’ । ‘জয় কেদার’—বলে শুভেচ্ছা ফিরিয়ে দিলে ।

কোকানের সামনে চায়ের গেলাস হাতে ঠায় দাঁড়িয়ে থাকি। চড়াই পথের বাকি অদৃশ্য হয়ে গেল ললিতা।

চটিতে ফিরে দেখলাম যাত্রার অয়োজন সম্পূর্ণ। কেবল আমার জন্তে ঘেটুকু অপেক্ষা।

চলার শুরুতেই প্রসাদদার কণ্ঠে ধ্বনিত হলো—জয় বত্ৰী বিশাল কী জয়। কণ্ঠে কণ্ঠে প্রতিধ্বনি আগলো। ওদিকে দলে দলে আরো যাত্রী চলেছে কেদারনাথের নামে জয়ধ্বনি দিতে দিতে। এ-পথে একদল, ওপথে আর এক দল—গৌরীতীর্থ ছেড়ে যে যার পথ ধরে চলেছে।

কিছুদূর এগিয়ে পিছন ফিরে তাকাই। শূন্য চটি খাঁ খাঁ করছে। আবার দিন শেষে ক্লান্ত যাত্রীদল এসে পৌঁছবে গৌরীতীর্থে। রাত্রির মতো যাত্রীর ভিড়ে জমজম করবে এই পাহাড়ী জনপদ। রাত শেষে আবার যাত্রীদল তাদের একরাত্রির আশ্রয় ত্যাগ করে রওনা হবে চড়াই-উৎরাই পথে।

একই সঙ্গে যাত্রা শুরু করে পথে সবাই যেন পরস্পরের কাছ থেকে বিচ্ছিন্ন হয়ে পড়ি। মুণ্ডকাটা গণেশ পর্বন্ত একই সঙ্গে ছিলাম সকলে। তারপর শোন প্রয়াগের কাছাকাছি পৌঁছে লক্ষ্য করি, আমরা যে যার মতো পথ চলেছি। যদিও শোন প্রয়াগে পৌঁছে আবার আমরা একসঙ্গে মিলেছি।

মন্দাকিনীর সেতুর কাছে দাঁড়িয়ে জটলা করছি। হাসি-ঠাট্টায় মেতেছি সবাই। আশ্চর্য রসিক মাহুয এই প্রসাদদা। মাঝে মাঝে এমন এক একটা কথা ছাড়েন যে, হাসতে হাসতে পেটে খিল ধরে যায়।

এক সময় পাহাড়ের উচুতে পথের দিকে তাকিয়ে প্রসাদদা চুপিখরে বলে, —শ্রীমন্ত, ওই জাখো—শ্রীমতী লাটু আসছেন।

—বেশ তো আসুন না। চাপা গলায় বলি—ওস্তো আপনারই লাটু।

—দূর। ও বড়ো ছরস্তু রাখা। বলে প্রসাদদা পথের দিকে তাকায়।

কণমাত্র পথের দিকে চেয়ে দাঁড়িয়ে থেকে—এইরে লাটু এসে গেছে। আমি চললাম, বলে প্রসাদদা হনহন করে হাঁটতে আরম্ভ করে।

কমলা ওরফে লাটু কাছে আসতেই বললাম,—আপনি অনেককাল বাঁচবেন, প্রসাদদা এইমাত্র আপনার নাম করছিল। আপনার সংগে দেখা হলে ভালো হতো।

—কিন্তু কেন বলুন তো ?

—বলতে পারবো না। তবে কী এক কথা প্রসঙ্গে উনি আপনার নাম করে বলছিলেন, দেখা হলে ভালো হতো।

—প্রসাদদা—প্রসাদদা, বলে কমলা উচ্চকণ্ঠে ডাকতে আরম্ভ করলো।

প্রসাদদা ফিরে এসো। এসেই বললে,—কী ব্যাপার অমন করে ডাকছেন কেন?

—শ্রীমন্তদা বললেন, আপনি নাকি আমার খোঁজ করছিলেন।—বলে ভালমিছরীর টুকরো মুখে পুরলো কমলা।

—হাঁ। প্রসাদদা অনর্গল বলে গেল বানানো কথা।—শ্রীমন্তের খুকখুকে কাশি হয়েছে। তাই বলছিল আদার রস দিয়ে চা খাবে। আমাদের কাছে ওসব আদাটা দা নেই। তখনি আপনার কথা মনে হলো। জানি তো, আপনি হিসেবী মেয়েছিলেন—আপনার কাছে আদা থাকা সম্ভব। আছে?

—আদা! একটু ভেবে কমলা বললে,—আছে বোধহয়। সঙ্গে এনেছিলাম মনে হচ্ছে। তবে আদা যে খালিতে রয়েছে, সে তো কুলির কাছে। সে বোধহয় এগিয়ে গেছে। ঠিক আছে, রামপুরে পৌঁছে আদা দেওয়া চা খাওয়াবো।

আমাদের কথার মধ্যে প্রসাদদা কখন যে মাষ্টারমশায়কে নিয়ে চলতে আরম্ভ করেছে, লক্ষ্য করিনি। আমিও যাবো বলে পা বাড়িয়েছি, কিন্তু বাধা দিল কমলা—একটু বসুন, এক সঙ্গে যাবো।

—ওরা যে চলে যাচ্ছে।

—বেশ তো, আমি আপনি গল্প করতে করতে যাবো।

বোকার মতো বসে রইলাম। সীমা-পুরবোও চলে গেল হাসতে হাসতে। শান্তিলতাও চললেন। সঙ্গীক রজনীবাবুতো সবার আগেই গেছেন। তাঁরা তো আর নিজের পায়ে চলেছেন না। একজন চলেছেন ডাঙিতে, অগ্ৰজন ঘোড়ায়।

দোকানে চা আর লাড্ডুর করমাস দিয়ে জমিয়ে বসলো কমলা। চা-টা খাওয়া হয়ে গেল, তবু গল্প শেষ হয় না। আবেল তাবেল গল্প, না-হয় তার অর্থ, না হয় কোন কিছু। কথা বলার শুক্লও বিচিত্র। যেন থৈ ফুটেছে মুখে।

শোনপ্রয়াগে নয়, কমলার কথার, গল্পের পূর্ণচ্ছেদ পড়লো রামপুরে পৌঁছে। সারাটি পথ ও এক নাগাড়ে হেঁটেছে, আর কথা বলেছে।

রামপুর পৌঁছে দেখি প্রসাদদা একটি চটির বাইরে বসে হাঁটু চাপড়ে গান ধরেছে,

‘বাহু জানো কতো রক্ত,

ধান ভানো, গান গাও, বাজাও যুদ্ধ।’

আমাকে দেখেই প্রসাদদার এই গানের বহর। বললাম,—প্রসাদদা আমাকে রেখে ভূমি চলে এলে কেন ?

আসল কথা ভোলেনি কমলা। বললে,—আম্বন, আদার রস দেওয়া চা খাবেন না ?

—এখন থাক, এতো বেলায় আর চা খাবো না।

—ঠিক আছে, সন্ধ্যা বেলা ফাটায় পৌঁছে খাবেন! কমলা ব্যস্ততা প্রকাশ করে বললে,—আচ্ছা এখন আর কথা বলবো না : দেখি, ফুলিটা কোথায় গেল।

কমলা চলে যেতে প্রসাদদা কৃত্রিম দীর্ঘশ্বাস ফেলে বললে—শ্রীমন্ত, তোমাকে সমবেদনা না জানিয়ে পারছি না। এসো। চলো, ধরাচূড়ো খুলে স্নান করতে যাই। একটু ওপরের দিকে উঠলে চমৎকার ঝর্ণা আছে।

রামপুর থেকে ফাটা। মাইল পাঁচেক পথ। দুপুরে খাওয়া-দাওয়া চুকিয়ে সেই মুখে পথ চলা আরম্ভ। চটিতে যে আরো ছদ্মও বিশ্রাম নেব, তার উপায় নেই। সময় নিয়ে এ পথে ফাঁকি চলবে না। যতো কষ্ট হোক, অবসাদ আম্বক, তবু যন্ত্রের মতো পায়ে পায়ে এঁগিয়ে চলতে হবে।

রামপুর থেকে রওনা হয়েছি বেলা পৌঁশে দুটোয়। দেড় মাইল পথ হেঁটে বদলপুর চটিতে পৌঁছতে তিনটে বেজে গেল। সন্ধ্যার মধ্যে এখনো সাড়ে তিন মাইল পথ হাঁটতে হবে। পথে আর কোন চটি বা আশ্রয় নেই। শুধু মাঝে দু একটি পাহাড়ী গ্রাম, কিছু চায়ের দোকানের চালা দেখা যায়। বদলপুরে কিছুক্ষণের জন্তে বিশ্রাম নিয়ে আবার চলতে আরম্ভ করেছি।

—আর পারছি না শ্রীমন্ত। সামান্য পথ হেঁটেই পুরবী বসে পড়ে পথের ধারে শুকনো ঘাসের ওপর। পা দুটো টান টান করে ছড়িয়ে দিখে বলে,—পেনী টনটন করছে। আর কমাইল হাঁটতে হবে ?

—এখনো কমপক্ষে আড়াই মাইল। ওঠো, এ পথে পা দুটোকে আরাম দিতে চেয়ো না। দুর্বল হয়ে পড়বে।

—একটু বোসো শ্রীমন্ত ।

—কিন্তু সবাই বে এগিয়ে যাচ্ছে ।

—বাক্ । তুমি যাবে না নিশ্চয় ? পূরবী ফিরে তাকায় কাতর দৃষ্টিতে । বলে,—সত্যি আজ আমার বড্ড কষ্ট হচ্ছে শ্রীমন্ত । শরীরে একদম জোর পাচ্ছি না ।

—এই পাহাড়ী পথে কষ্ট হওয়াই তো স্বাভাবিক । তবে কি জানো, কষ্ট হচ্ছে হোক, যেতে যখন হবেই, তখন—

—সব বুঝতে পারছি । তবু একটু বোসো ।

আমরা বসে থাকতে থাকতে কয়েকদল যাত্রী চলে গেল ‘জয় নারায়ণ’ ‘জয় নারায়ণ’ বলতে বলতে । কয়েকদল চড়াই ঠেলে যাচ্ছে কেদারনাথে—তাদের দেখলাম । বিপুল উৎসাহ নিয়ে পথ হাঁটছে । একদল আসছে, একদল যাচ্ছে । আর আসা-যাওয়ার পথের ধারে মরা ঘাসের ওপর পাশাপাশি বসে আছি আমরা দুজন ।

এই একবার নয়, পথে পূরবী আরো বার কয়েক বসলো, বিশ্রাম করলো । সত্যি, ওর চোখ মুখের চেহারা দেখেই বুঝতে পারি যে কষ্ট হচ্ছে পথ হাঁটতে । টলতে টলতে যাচ্ছে কোনমতে । পা জড়িয়ে যাচ্ছে । মাঝে মাঝে আমাকে কিংবা পাথর ধরে টাল সামলাচ্ছে ।

সন্ধ্যা নামছে । সূর্য গেছে পাহাড়ের আড়ালে । ওপারে হয়তো আলো আছে, কিন্তু এপারে অন্ধকার নামছে । শূন্য পথ । সামনে পেছনে কাউকে দেখতে পাচ্ছি না । বোধহয় আমরাই সব শেষের যাত্রী ।

দূরে ফাটা চটি দেখা যাচ্ছে । মনে হয়, কাছে—ওই তো ওখানে, কিন্তু পৌঁছতে সন্ধ্যা পেরিয়ে যাবে । পাহাড়ী পথের হিসেব করা যায় না । তার ওপর পূরবী যে রকম ঢিমে-ভালা ভাবে চলছে, তাতে চটিতে পৌঁছতে নিশ্চিন্তই সন্ধ্যা হয়ে যাবে । রাত হওয়াটাও আশ্চর্য নয় ।

—জয় নারায়ণ, জয় নারায়ণ! ফিরে দেখি দুটি ক্রাচে ভর দিয়ে তুলসীগঙ্গা আসছে । কাছে এলো তুলসীগঙ্গা । দাঁড়ালো । গামছা দিয়ে কপালের বিন্দু বিন্দু ঘাম মুছে বললে,—পা নেই, কী যে কষ্ট কি বলবো । আর পেরে উঠছি না, এবারে হয়তো পেছিয়ে পড়তে হবে । একটি পায়ের শক্তিতে আর বোধহয় আপনাদের সঙ্গে চলতে পারবো না । জয় নারায়ণ ।

—অতো না ইটলেই পারো। সমবেদনা জানিয়ে বলি,—না হয় আরো দশদিন সময় বেশী লাগবে।

—বসে থাকতে পারিনে। বসে থাকলেই মনের জলুনি বাড়ে। একা পথ হেঁটে আসছিলাম, পুরোনো কথা ভাবতে ভাবতে। আপনাদের দেখে একটু শান্তি পেলাম। দীর্ঘ নিঃশ্বাস ত্যাগ করে করুণ কণ্ঠে তুলসীদাস বললে,—কী এমন পাপ করেছি বলতে পারেন? তারপর স্বগতোক্তির ভঙ্গীতে আবার বলে,—জানি না আর কতো কাল এই পাপের বোঝা বয়ে বেড়াতে হবে। ভেবেছিলাম, কেদারনাথ দর্শন করে শান্তি পাবো। কিন্তু শান্তি কই? আমি নিজের দুঃখে পাথর হয়ে গেছি, আর ওই কেদারনাথ জগতের দুঃখের ভার বয়ে পাথর হয়ে গেছে। ও পাথরে প্রাণ নেই।

—এই তোমার বিশ্বাস তুলসীদাস?

—হাঁ। তুলসীদাস আশ্রয়িত ভাবে বললে,—বিশ্বাস নিজেই হারিয়ে বসে আছি বাবু।

বাকি পথটুকু আমাদের সংগেই এলো তুলসীদাস। যে গল্প একদিন বলেছে; আজ পথ ইটতে ইটতে পুরোনো সেই গল্পই নতুন বয়ে বললে। ওর স্ত্রীর নাম ছিল সতী। সতীকে প্রাণের চেয়ে ভালোবাসতো ও। সেই সতীই কিনা পরপুরুষের সঙ্গে ঘর ছেড়ে পালালো! পক্ষ স্বামীর কথা একবার ভেবেও দেখেনো না সে। এই তো বিশ্বাস, এইতো ভালোবাসা। এ জগতে ওই দুটি কথা একেবারে মিথ্যে। বিশ্বাস, ভালোবাসা বলে কিছুই নেই।

তুলসীদাসের কথায় পূরবী মন্তব্য করলে,—তুমি ঠিকই বলেছ তুলসীদাস। বিশ্বাস আর ভালোবাসা, ও দুটি কথা অভিধানেই দেখা যায়, ভাবনে নয়।

পূরবীর কথা শুনে বিস্মিত হই।—একি তোমার মনের কথা পূরবী!

—হাঁ, ব্যক্তিগত জীবনের অভিজ্ঞতা দিয়েই বলছি।

—কিন্তু অভিজ্ঞতাই সব জিনিষের মাপকাঠি নয়।

—বাক্য, তর্ক করতে চাই না। তোমার সঙ্গে আমার মতের মিল না-ও হতে পারে। যদিও কথা শেষ হলো, তবু মন থেকে চিন্তা গেল না। শুধু চিন্তা নয়, সেই সঙ্গে কোঁতুহল—পূরবীর জীবনে অভিজ্ঞতার সে ঘটনা কি, যার ভিত্তি বিশ্বাস আর ভালোবাসার ওপর আস্থা হারিয়েছে সে।

কোনমতে চটিতে পৌঁছতে পারলেই সে রাতের মতো নিশ্চিন্ত। আর

কিছু না হোক, শরীর তো বিশ্রাম পাবে। সারাদিন পথ হেঁটে মানুষগুলো সব আধমরা হয়ে পড়ে। একটু নড়ে চড়ে বেড়ানোর আশ্রয় থাকে না। শুধু বা হোক, ভাল, ভাত কি কী তরকারী খেয়ে শব্দা গ্রহণ করা।

রাত দশটা না বাজতে খাওয়া-দাওয়া চুকিয়ে শুয়েছিলাম। গাঢ় ঘুম ভেঙে গেল মাঝরাতে। পাশের ঘরে ইনিয় বিনিয় ভারস্বরে কাঁদছে কোনো বাঙালী মেয়ে। সাধারণত কান্নার ভাষা থাকে না, কিন্তু এ কান্নার ভাষা আছে। যে ভাষা অতি কুৎসিত।

শুধু আমি নই, মাষ্টারমশায়ও জেগেছেন। প্রসাদনা এই মাঝরাতেও জপ করছিল, বন্ধ হয়ে গেছে জপ।

—ব্যাপার কি মাষ্টারমশায়? জিজ্ঞাসা করলাম।

—ঝগড়া থেকে কান্না। প্রায় আধঘণ্টা হলো তখন।

ঘরের পাশেই ঘর। মাঝে দরজা আছে, কিন্তু কপাট নেই। দরজার কাছে গিয়ে দাঁড়াই। স্বাক্ষর ঘর, কাউকে দেখতে পাচ্ছি না। একটু কক্ষ কঠেই জানিয়ে দিই, এরকম উত্তট সুরে কান্নাকাটি না করতে। আমার কথায় কান্না থামলো কিন্তু ফল হলো উটো। কে একজন মহিলা ঘ্যানঘেনে গলায় বলে ওঠে—কে তুমি, রাত দুপুরে ঘরে ঢুকতে এসেছো?

এর পরেই টর্চের তীব্র আলো পড়লো মুখে। তখন পেলাম নারী কঠ,—ও সেই সাধু, মেয়েছেলে সংগে না নিয়ে যে পথ হাটতে পারে না। ডাকরা—কান্না শুনে ওর গুম হচ্ছে না। বলে ডাকতে লাগলো—ও চন্দনা—চন্দনা।

—চলে এসো স্ত্রীমস্ত। মাষ্টারমশায় বললেন,—মিছে কথা বাড়িও না। এসো।

রাতের ঘটনার জের সকালেও চললো। শেষ রাতে কাটা থেকে বাজা করে মৈথগায় এসে বসেছি একটু বিশ্রাম নেবো বলে, তখন পেলাম গত রাতের সেই কঠস্বর—ও চন্দনা, তোর কান্নায় ওই সাধুর ঘুম ভেঙেছিল।

এদের বেন কোথায় দেখেছি। মনে পড়েছে, গৌরীতীর্থে তপস্কুণ্ডে এদের সংগে দেখা হয়েছিল।

—আমার মনে আছে বিস্তি মাসি। চন্দনা ক্রতঙ্গী করে বললে,—দেখো তুমি বেন হলে যেও না।

বিশ্রাম নেওয়া হলো না। যেমন বসেছিলাম, তেমন উঠে আবার হাটতে

আরম্ভ করেছি। আমিই এগিয়ে এসেছি সকলের আগে। কী জানি একা চলার আশ্রয় আমাদের পেয়ে বসেছে আজ।

মৈথল্য পেরিয়ে এসেছি। সামনে বিউক চটি। তাও পেরিয়ে এলাম। ভেতরা চটি দেখতে পাচ্ছি। কাছেই।

ভেতরা চটি, নালা চটি পার হয়ে চলেছি গুপ্তকানীর দিকে। নালা চটি থেকে এক এক দলকে যেতে দেখলাম উষী মঠের পথে। তারা তুঙ্গনাথ দর্শন করে তবে যাবে বঙ্গীনাথ। আশা করে বেরিয়েছিলাম, ওই পথে আমিও যাবো। কিন্তু যাওয়া হলো না এ যাত্রায়।

নানা চটি থেকে উত্তরাই পথে নেমে মন্দাকিনী পার হয়ে চড়াই পথে পাহাড়ের বৃকে পরম পুণ্যপীঠ উষীমঠ বা উষামঠ। পুরাকালে এখানে বাণাসুরের বাসস্থান ছিল। এখন কেদারনাথের পূজারী বা রাওলের বাসস্থান। শীতকালে এখান থেকেই কেদারনাথের উদ্দেশ্যে পূজা করা হয়।

হিমালয়ের বৃকে অগ্রতম জনপদ এই উষীমঠ। বাজার, ডাকঘর, থানা, হাসপাতাল, ধর্মশালা, সদাব্রত ও ডাকবাংলা আছে। মন্দাকিনীর তীরে উত্তরাখণ্ড বিজ্ঞাপীঠ—গাড়োয়ালের অগ্রতম শিক্ষাকেন্দ্র। এছাড়া উষীমঠের অগ্রতম আকর্ষণ শিব ও পার্বতীর সুপ্রাচীন মন্দিরটি।

তুঙ্গনাথের আকর্ষণও কম নয়। উত্তরাখণ্ডের অগ্রতম তীর্থ বারো হাজার ফুট উঁচু চন্দ্রশিলা পর্বত শিখরে তুঙ্গনাথ মহাদেবের মন্দির। এই চন্দ্রশিলা শিখর থেকে হিমালয়ের পূর্ণাঙ্গরূপ দেখা যায়। তুঙ্গনাথে আকাশগঙ্গা প্রবাহিত। তিন বোজান দূরে মাকাতা ক্ষেত্র।

গুপ্তকানীতে পৌঁছে একটি দোকানে বিশ্রামের জন্তে বসেছি। বেলা সাড়ে দশটা বাজে, ছায়া শূন্য পথে প্রচণ্ড রোদ মাথায় নিয়ে এসেছি। গরম পোষাক খুলে ফেলেছি, সর্বাঙ্গে চিটচিটে ঘাম, তার ওপর একটানা পথ হেঁটে পা ছুটিও যাবপয়নাই অবসর। এখনো হাঁটতে হবে। কুণ্ড চটিতে না পৌঁছনো অন্ধি রেহাই নেই। আসার পথে বাসস্ট্যাণ্ডের অফিসে নাম লেখানো আছে, যাতে আজই টিকিট পাওয়া যায়।

আধঘণ্টারও বেশী সময় অপেক্ষা করেছি গুপ্তকানীতে। তবুও আমাদের দলের কেউ এসে পৌঁছয়নি। আর অপেক্ষা না করে কুণ্ডচটির উদ্দেশ্যে পথ চলতে শুরু করি।

শুগুকাশী থেকে কুণ্ডটি, পথের নির্মাণ কার্য চলেছে। দু'এক বছরের মধ্যে এ পথে বাস চলবে আশা করা যায়। ডিনামাইট দিয়ে পাহাড় ভাঙ্গার কাজ চলছে। সেই সঙ্গে অগণিত মজুর, সারাদিন গাঁইতি চালিয়ে পাথর কাটছে, অপসারণ করছে পাথরের টুকরো। পথের ওপর রাশি রাশি ভাঙ্গা পাথর, সস্তপর্নে চলতে হচ্ছে।

অনেক নীচে নেমে এনেছি। মন্ডাকিনীর ধারে ধারে পথ। ক্লান্ত পদক্ষেপে এগিয়ে চলেছি। মাথার ওপর প্রথর সূর্য। পাহাড় ভেঙে উঠেছে। তারপর সেই শেষরাত থেকে এক নাগাড়ে চড়াই-উৎরাই পথে হাঁটা। পেটেও আগুন জ্বলছে। মনের মধ্যে এক চিন্তা, কখন পৌঁছবো কুণ্ডটিতে।

অবশেষে কুণ্ডটিতে পৌঁছলাম। ষড়িতে কাঁটায়-কাঁটায় বারোটা। মন্ডাকিনীর এপারে ওপারে দোকান-পাট, চটি, পাছশালা।

পারাপারের পুলের কাছে একটা চা-খাবারের দোকানে টিনের প্লেট ঝুলছে। তাতে আকাবাকা বাংলা অক্ষরে কয়েকটি কথা।—‘বংগালী ভদ্দর মহাদয়গণ, এখানে গরম চা, দুধ, বাংলা পান, মিঠাই, লাডু, রোটি, সব্জী ইত্যাদি পাওয়া যায়! অহুগরহ করিয়া আসিতে অগ্গা হয়। বিন্হিত, ইনদর সিং। লাকিন, কুণ্ডটি। গাড়াবাল।’

ইন্ডসিং-এর দোকানেই বসলাম। একটু বিশ্রাম নিয়ে লাডু আর দুধ খেয়ে আপাততঃ গুল্ল উদরকে শান্ত করি। দলের অন্তর্গত আশুক, তারপর বাহোক হবে।

লালসিং কাছাকাছি কোথাও ছিল, দেখতে পেয়ে হস্তদস্ত হয়ে ছুটে এলো। তাকে দোকানে বসিয়ে রেখে চলে এলাম নদীর ধারে। যাতায়াতের পথে মন্ডাকিনীকে এতো কাছে কোথাও পাইনি। ভাছাড়া স্রোতের গতিও এখানে মন্থর। বধেচ্ছ স্রানের আনন্দ উপভোগ করা যায়।

বাওয়া-আসার পথের মানুষ এখানে একত্র মিলেছে। মন্ডাকিনীতে স্রানের আনন্দে মেতেছে অগণিত নর-নারী। কতো ধাঁচের, কতো বকমের মানুষ, তার হিসেব নেই। গোটা ভারতবর্ষের সর্বস্তরের মানুষের প্রতিনিধিত্ব ঘটেছে এখানে, সমবেত তীর্থযাত্রীর সর্বাঙ্গীণ চেহারার মধ্যে। সর্বাঙ্গীণ রূপটি ফুটেছে ভালোই। শুধু একটি দলকে একটু বিসদৃশ ঠেকলো। কয়েকজন নারী-পুরুষ মন্ডাকিনীর তীরে পাথরের ওপর স্তব্ধকি বিছিয়ে চা-চক্ষ বসিয়েছে। বাদ্যের হাসি ঠাট্টা, কথা—সব কিছুই মধ্যে উগ্র আধুনিকতা প্রকট হয়ে উঠেছে। এ-পথে ওরা যেন একটু বেমানান।

—জয় নারায়ণ, জয় নারায়ণ। ক্রাচে ভর দিয়ে মন্দাকিনীর তীরে নেমে এলো তুলসীদাস। পাশে এসে দাঁড়ালো। পরে আপন মনে হেসে উঠলো।

—কী, অতো খুলী কিসের ?

—আজ তো খুলীর দিন। তাই হাসছি। হাসবো না! বলে আবার হেসে ওঠে উচ্চকণ্ঠে। এতোক্ষণে ভালো করে লক্ষ্য করি। কেমন বেন অস্বাভাবিক তুলসীদাসের চাউনি।

পকেট থেকে পাথরের একটা মূর্তি বার করলো তুলসীদাস। অর্ধখোদিত নারায়ণ মূর্তি। আমাকে দেখালো, নিজেও দেখলো অনেক সময় ধরে। তারপর কোথাও কিছু নয়, নারায়ণের অসমাপ্ত মূর্তিটি অবজ্ঞায় ছুঁড়ে ফেলে দিল মন্দাকিনীর জলে। ক্রুদ্ধিত পাবাণের পাগলা মেহের আলির মতো চাঁৎকার করে উঠলো—সব বুট ছায়, সব বুট ছায়।

—তুলসীদাস, কী হয়েছে তোমার ?

—কী আবার হবে ? খুলী। বলে একটি পাথরের টুকরো কুড়িয়ে নিয়ে সম্ভোরে কপালে ঠুকতে আরম্ভ করে। দেখতে দেখতে ফুলে ওঠে কপাল, রক্তও ঝরে। তারপর দুহাতে সেই রক্ত মেখে পাগলের মতো হেসে ওঠে।

সম্ভোরে চেপে ধরি তুলসীদাসের হাত। জোর করে বসিয়ে রাখি নদীর কিনারে। আজলা ভরে জল তুলে ধুয়ে মুছে পরিষ্কার করে দিই ক্ষতস্থান। তারপর ওকে নিয়ে আসি ইন্ডসিং-এর দোকানে। সেখানে লালসিং-এর সহায়তায় তুলসীদাসের ক্ষতস্থানে ওষুধ লাগিয়ে দিই। অচঞ্চল বসে আছে সে। টুঁশকও করছে না। এবারে স্ববোগ বুঝে আবার জিজ্ঞাসা করি, কী হয়েছে তার ? এমন করছে কেন। উত্তর নেই। ফ্যাল ফ্যাল করে দেখছে আমার মুখের দিকে।

কয়েকটি মুহূর্ত। তারপর আমাকে জড়িয়ে ধরে হাউ হাউ করে কেঁদে উঠলো। কিছুতেই থামে না সে কান্না। ওর কান্না শুনে কোঁড়হলী হয়ে আশ-পাশের লোকজন এসে জড়ো হয়েছে।

—তুলসীদাস। মোলায়েম স্বরে বলি,—আমিও তোমার পথের বন্ধু, বলো কী হয়েছে ? বলো।

এতক্ষণে কতকটা সহজ হয় তুলসীদাস। বার কয়েক চাপা নিঃশ্বাস ত্যাগ করে বলে, কুণ্ডলটতে পৌঁছে ও দেখতে পেয়েছে তাকে। যে ছিল ওর ঘরগী—সেই সতীকে।

জিজ্ঞাসা করি—কোথায় দেখলে ?

—ওই তো ওখানে, পুলের কাছে । অন্ত একজন পুরুষের সঙ্গে সে আসছিল ।
প্রথমে চিনিতে পারিনি । চিনতে পারলে কি ভিক্টর জন্তে হাত বাড়াতুম ।
—না, না—আমি ঠিক চিনিছি, তুলু আমার হয়নি । বলে এদিক ওদিক
তাকাতে আরম্ভ করে তুলসীদাস ।—ওইতো, ওই সেই হতভাগিনী ।—
দেখেছো ?

—কই !

—ওই তো দাঁড়িয়ে আছে, ওই তো সত্যী ।

কৌতূহলী ষারা তুলসীদাসের পাগলামী দেখতে ভিড় করেছিল, তাদের মধ্যে
দাঁড়িয়ে রম্যবয়সী এক অবাঙালী লম্পতি । ‘সত্যী’ নাম শুনে মহিলা একটু চঞ্চল
হয়ে উঠলেন । সরে যেতে চাইলেন ভিড়ের মধ্যে থেকে । কিন্তু আগেই-ভাগেই
তুলসীদাস এসে দাঁড়িয়েছে তার মুখোমুখি । খুঁটিয়ে খুঁটিয়ে দেখছে ভক্ত মহিলার
মুখ । মহিলার বয়স হয়তো চল্লিশ পেরিয়ে গেছে । কিন্তু দেহের সৌন্দর্য থেকে
এখনো তারুণ্যের জ্যোতিষ নিঃশেষে মুছে যায়নি । মহিলার সিঁথিতে জল জল
করছে সিঁথুর । পরনে ডুরে পাড় ছাপা শাড়ি । অঙ্গে নানা ধাঁচের অলংকার ।

মহিলা একটু বিব্রত বোধ করছেন । মাঝে মাঝে অসহায় দৃষ্টিতে
তাকাচ্ছেন স্বামীর মুখের দিকে । স্বামী ভদ্রলোকের অস্বস্তিটাও সহজে অনুমান
করা যায় ।

—চিনতে পারছো সত্যী ? তুলসীদাসের কণ্ঠে জিজ্ঞাসা ফুটে উঠলো ।

—না । মহিলার মুখে মৃদু হাসির রেখা ফুটে উঠলো । সলজ্জকণ্ঠে
বললেন,—তুমি থাকে খুঁজছো, তার নামেই আমার নাম । কিন্তু
আমি সে নই । আমি কোনদিন তোমার ছিলাম না । আমি যার—তিনি
আমার সঙ্গেই রয়েছেন ।

ভবুও তুলসীদাস অপলক দৃষ্টিতে চেয়ে থাকে তার কল্লিত সত্যীর মুখের দিকে ।
মহিলার ঠোঁটের কোণে মৃদু অখচ করুণ হাসির রেখা ফুটে উঠলো । অস্থূল
কণ্ঠে বললেন,—তোমার স্ত্রী বোধহয় আমার মতো দেখতে ছিল । স্ত্রীকে তুমি খুব
ভালোবাসতে, না ? তারপর সেই স্ত্রী তোমাকে ত্যাগ করে চলে যায়, এই
তো ? সত্যি বলছি, তোমার মতো স্বামীকে ত্যাগ করে যে স্ত্রী চলে যায়, সে
নারী হতভাগিনী ।

মহিলার চোখের কোণে জল দেখা দিল । তুলসীদাসের মুখের দিকে চেয়ে

অচঞ্চল দাঁড়িয়ে রইলেন কিছুক্ষণ। তারপর শাড়ির আঁচলে চোখ মুছে স্বামীকে বললেন,—চলো আমরা যাই। বেচারী আমাদের দেখে যদি ওর হৃৎকম্পিত পায়তো, যদি ওর হারানো জীকে স্থগা করতে পারতো—তাহলে ওর হৃৎকম্পিত আমার প্রাণে বাজতো না। সত্যি ও পাগল না হয়ে যায়।

আমাদের দলের আর সকলে যখন হুণ্ড চটিতে পৌঁছলো তখন বেলা দেড়টা। পূর্ববী আর সীমা দম্ভরমতো কাহিল হয়ে পড়েছে। ইন্ডসিং-এর দোকানে এসেই ওরা শুয়ে পড়লো কাঠের পাটাতনের ওপর।

প্রসাদদা আর মাষ্টারমশায় এখানে এসেই গেছেন বাস কোম্পানীর টিকিট ঘরে। ফিরে এলেন টিকিট নিয়ে। তিনটির সময় যে বাস ছাড়বে, সেই বাসেই যেতে হবে আমাদের। সুতরাং এখনি তৈরী হয়ে নাও।

আম্র খাওয়া দাওয়া যেমন তেমন। ইন্ডসিং-এর দোকানেই বসেছি চক্রাকারে। শুকনো রুটি আর সজ্জি। শেষ পাতে হুঁচামচ করে চিনি। শ্রীমতী রজনীর বাক্সে হুঁশিহি আনারসের জেল ছিল, বাক্স খুলে দেখলেন শিশি দুটি ভেঙে গেছে। কাপড় চোপড়ে জেল মাখামাখি। শ্রীমতী রজনী কাপড়-চোপড়ের দূরবস্থা দেখে চোখ কপালে তুললেন। মনে হয়েছিল, খুবই হৈ চৈ করবেন শ্রীমতী। কিন্তু শুধু আপশোষ করেই ক্ষান্ত হলেন।

মাষ্টারমশায়ের কুলি হস্তদস্ত হয়ে এলো। বাস এখনি ছাড়বে। পোনে তিনটেয়। রুদ্রপ্রয়াগের বাসগুলো পৌঁছে গেছে, এখনি গেট খুলবে।

তাড়াতাড়ি খাওয়া-দাওয়ার পাট চুকোতে হলো। শ্রীমতী রজনীর বিষম লাগলো জল মুখে দিতে। দারুণ বিষম। মুখের জল মাথায় ঢালতে হলো।

সীমা বললে,—বৌদি তোমার নাম করছে মা।

শ্রীমতী রজনী কটমটিয়ে তাকালেন মেয়ের মুখের দিকে।—এখন রক্ত ভালো লাগছে না। চল, ওদিকে আবার বাস ছেড়ে না যায়।

‘জয় বদ্রী বিশাল কী জয়’ হাজার হাজার কণ্ঠে জয়ধ্বনি উঠলো। রুদ্রপ্রয়াগগামী বাসগুলো ছাড়ছে একের পর এক। সামান্য পথ যেতেই দেখা হলো তুলসীদাসের সংগে। হেঁটে যাচ্ছে সে। চলমান বাসের পাশ কাটিয়ে দাঁড়িয়ে আছে খাদের ধার খেঁবে। জানালা দিয়ে মুখ বাড়িয়ে চাঁৎকার করে ডাকি তুলসীদাসকে। বাসের ঘর্ষর আওয়াজে ওর কানে পৌঁছয়নি আমার কণ্ঠস্বর।

সীমা বসে ছিল খাদের দিকে। খাদ দেখতে ভয়, তাই উঠে এলো এদিকে।

সীমার জায়গায় বসেছি আমি। অসমতল পার্বত্য পথের ওপর দিয়ে বাস চলেছে খুলো উড়িয়ে। চন্দ্রপুরা, অগস্ত্যমুনি পেছনে রেখে চলেছি রুদ্রপ্রয়াগের পথে। স্বর্ষের তীর্থক আলো এসে বিঁধছে গায়ে। সেই আলোয় বাসের ভিতরেও দেখছি ধূলিকণার ঘূর্ণি।

—জল আছে শ্রীমন্ত ? শ্রীমতী রজনী শুকনো গলায় বললেন,—দাঁও তো, বজ্র ভেঙে পেয়েছে। ওই শুকনো দাঁত ভাঙা কুটি খাওয়া, বুক পর্যন্ত শুকিয়ে গেছে।

জলপাত্র দিলাম শ্রীমতী রজনীর হাতে। চলতি বাসে ঝাঁকুনির মধ্যে আলগোছে জল খাওয়া দায়। মুখে জল ঢালতে সারা গায়ে ছিটিয়ে পড়লো। বললাম,—চুমুক দিয়ে খান। দোষ হবে না।

—না বাবা। শ্রীমতী রজনী বললেন,—তার চেয়ে তুমি ঠিক করে ঢেলে দাঁও তো আমার মুখে।

জলপাত্র সকলের কাছেই আছে। কিন্তু জল নেই। কুণ্ড চটিতে এসে কেউ-ই জল ভরে নেয়নি। ভুলে গেছে তাড়াতাড়িতে। শ্রীমতী রজনীর তৃষ্ণা মিটেছে। পূরবীরও জলের প্রয়োজন। কিন্তু সে-ও আলগোছে জল ঢালতে পারলো না মুখে। জল ঢেলে দিতে ফ্যানাদ হলো। হেসে ফেললো পূরবী। মুখের জল ছড়িয়ে পড়লো আমার গায়ে।

—কী ছেলেমানুষী করছিস। শান্তিলতা বললেন,—ত্যাখ, শ্রীমন্তর জামা কাপড় ভিলে গেল।

সামান্ত কথা। এই কথাতেই রাঙা হয়ে উঠলো পূরবীর মুখ। জল খেলো না। আঁচলে মুখ মুছে হেঁট হয়ে সীমার দু-ইটুর মধ্যে মাথা গুঁজে বসে রইলো। সেই একভাবে বসে থেকে মুখ তুললো রুদ্রপ্রয়াগে পৌঁছে।

যাত্রাপথে অলকানন্দা-মন্দাকিনী সঙ্গমের ওপরে সচ্চিদানন্দ আশ্রমে উঠেছিলাম, এবারেও ভাগ্যান্বেষণে স্থান পেয়েছি সেখানে। তবে অন্য একটি প্রশস্ত ঘরে।

কাদিন পর—দিন তারিখের হিসেব নেই, মনে হচ্ছে পৃথিবীর সীমান্ত খুঁজে পেয়েছি। সেই মাহুষের পৃথিবী।

অঙ্গর মাগধের ভিড়ে রুদ্রপ্রয়াগ সরগরম। চটি, ধর্মশালা, হোটেল—কোথাও তিল ধারণের ভ্রমণ নেই। দোকানে, বাস কোম্পানীর ছাউনীতে, গাছতলায়, মন্দির অরণে, সর্বত্র যাত্রীর ভিড়।

বাগ্না-আসার পথের বাজীরা মিলেছে এখানে। যতো মাহুয এসে পৌঁছেছে, ততো মাহুয এখান থেকে বেতে পারছে না। হুবীকেশ, দেবপ্রয়াগ থেকে যে সংখ্যক বাস আসে, সে অল্পপাতে কুণ্ডটি ও ত্রীনগর পিপলকুটিগামী বাসের সংখ্যা কম।

আশ্রম থেকে বাইরে এলাম। মন্ডাকিনীর পুল পেরিয়ে এসেছি এপারে। ওপারে যতো মাহুয, এপারেও ততো। সন্ধ্যা হতে রুদ্রপ্রয়াগের জৌলুষ আরও বেড়ে যায়। দোকানে, হোটেলে, জলে ওঠে হাজারেকের আলো। আশপাশের বাড়ীগুলোর কতক কতক বাজী নিবাস হয়ে উঠেছে।

এ অঞ্চলের লোকের এখন মরশুম। যে যেভাবে পারে দুপয়সা আয়ের চেষ্টা করছে। যাই হোক এসব দেশে ঠকাবার মাহুয নেই।

এপারে বাস ঠ্যাণ্ডের কাছে একটি আধুনিক ধাঁচের রেন্টোরা। নাম 'টুরিষ্ট কাকো'। খরিন্দারের মনোরঞ্জে চেষ্টার ক্রটি নেই। রেন্টোরায় ঠাসা ভিড়। একটি চেয়ার খালি না হওয়া পর্যন্ত দাঁড়িয়ে রইলাম।

এখানে দেখা হলো একদল বিদেশী পর্যটকের সঙ্গ। হিমালয়ে হিন্দুদের তীর্থস্থান সম্পর্কে সম্যক পরিচয় লাভ করা এদের উদ্দেশ্য। শুধু কেদার-বজ্রী নয়, উত্তরাখণ্ডে যতো তীর্থ আছে, সবই দেখার উদ্দেশ্য নিয়েই এরা পর্যটনে বেরিয়েছে।

রেন্টোরার বাইরে এসেই দেখি শুভলক্ষ্মী পিন্নাইকে। দাঁড়িয়ে কমলালেবুর খোসা ফেলছে সে। আজ নতুন ধাঁচে শাড়ী পরেছে। বাঙালী মেয়ের মতো। গায়ে বাদামী রঙের স্কার্ফ। কটি রক্ত গোলাপ খোঁপায় গৌজা। মুখে প্রসাধনের স্পষ্ট চিহ্ন। রেন্টোরার উজ্জল আলোয় ওর নাকছাবির পাখরটি জল্ জল্ করছে।

শুভলক্ষ্মীই স্বরণ করিয়ে দিলে আজকের দিনটির কথা। পঁচিশে বৈশাখ। কবি-সম্রাটের শততম জন্মজয়ন্তী। রবীন্দ্রনাথের একান্ত অম্বরগিনি এই দক্ষিণী ললনা শুভলক্ষ্মী। চলনে বলনে কতকটা রাবিন্দ্রীক। বললে,—আজ তোমার আবৃত্তি শুনবো।

—নিশ্চয়ই শোনাবো। নইলে তোমার সঙ্গীত দক্ষিণা যে পাবো না। চলো।

একটু তফাতে নির্জন টিলার নীচে এসে বসি দুজনায়। একটি নয়, পরপর রবীন্দ্রনাথের দুটি কবিতা আবৃত্তি করে শোনাই শুভলক্ষ্মীকে। এবারে ওর গানের পালা। কিছু বলতে হলো না, শুভলক্ষ্মী গাইলো—

‘আজ নবীন মেঘের স্বর লেগেছে আমার মনে ।

আমার ভাবনা যত উতল হল অকারণে ।’

শুভলক্ষীর দরদী কণ্ঠের গান শুনে ভয় হয় পড়ি । গান শেষ হয়ে গেছে,
তবু তার স্বরের রেশটুকু বাজছে আমার কানে । সত্যি, ‘আমার ভাবনা যত
উতল হল অকারণে ।’

এই সন্ধ্যা রাত । নির্জন টিলার পাদদেশ । আর ছুজনের নীরব মুহূর্ত ।
তবু যেন মুখর হয়ে উঠছে এই মুহূর্ত । নীরব মনেরও ভাষা আছে । মৌন সে
ভাষা । মনে মনেই শোনা যায় ।

—শ্রীমন্ত । শুভলক্ষী অতীত কণ্ঠে ডাকলো ।

—কিছু বলবে ?

—না, কী আর বলবো । বলে শুভলক্ষী চাপা নিঃশ্বাস ত্যাগ করে ।

রাত নামছে রক্তপ্ররাগে । রাত নামছে পাহাড়ের দেশে । পাহাড়তলীর
গ্রামে গ্রামে । দূরে কোথাও পাহাড়ী কুকুরের দল ডাকছে । এ পারের পাহাড়ে
তার গুরুগম্ভীর প্রতিধ্বনি ।

সেই থেকে বসে আছি নির্জন টিলার পাদদেশে । এই রাত, এই অন্ধকার,—
যেন আমাদের ছজনকে সম্মোহিত করেছে কোন্ মন্ত্রবলে । মনে হয়, শেষ হয়ে
যাক এ রাত । এই নির্জনে নিঃশেষ হয়ে যাক একটি রাত । শুধু ভেগে থাকুক
দুটি মন, দুটি হৃদয় ।

—শ্রীমন্ত । চলো ফিরে যাই ।

—আরো একটু বোসো শুভলক্ষী । এই নিসর্গশোভা কি তোমার ভালো
লাগছে না ?

—তবু যেতে ত হবেই । মাহুষ বড়ো অসহায় শ্রীমন্ত । শুভলক্ষী মৃদু হেসে
বলে,—ওঠো ।

—না, আরো কিছুক্ষণ বোসো ।

—লাভ কী ?

—ভালো লাগছে তাই বললাম ।

—ভালো কি আমরা লাগছে না । শুভলক্ষী উঠে দাঁড়ালো,—এসো,
এখনো দিন বাকি আছে । সব ভালো লাগা মুহূর্তগুলো আজই শেষ কোরো
না ।

এই রাতের প্রথম প্রহরের কাব্যে পূর্ণচ্ছন্ন টেনে ফিরে চলি ছজনায় ।

ততলস্বী বিদায় নিলে অলকানন্দার এপার থেকে। এপারেই একটি হোটেলে
উঠেছে ও।

ততস্বাজি। বলে বিদায় নিয়ে আমিও অলকানন্দার পুল পেরিয়ে অন্ধকারে
পথ চিনে চিনে এলাম সচ্চিদানন্দ আশ্রমে।

শেষ রাতে ঘুম ভেঙে গেল। অন্ধকার ঘর। কে কোথায় শুয়েছে জানি
না। শোবার সময় মাথার কাছে টর্চ রেখে দিই। আজ ভুলে গিয়েছিলাম।
একবার মনে হলো প্রসাদদাকৈ ডাকি। কিন্তু না। সারারাত বসে জপতপ
করে হয়তো এইমাত্র ঘুমিয়েছে।

সেই অন্ধকারের মধ্যে আন্দাজে দেওয়াল ধরে ধরে সন্তর্পণে দরজা খুলে
বাইরে আসি। আমাকে আলো দেখাবে বলে চাঁদ এখনো জেগে রয়েছে।
শেষ প্রহরের চাঁদ। যেন কিছুটা বিষণ্ণ।

বাইরে বেরিয়ে আর ঘরে ফেরা হলো না। পায়ে পায়ে সিঁড়ি বেয়ে নেমে
আসি সন্ধ্যার ঘাটে। বসি সিঁড়ির একপ্রান্তে।

জ্যোৎস্নার চন্দন মেখে রাত হয়েছে রূপসী। কুয়াশার ওড়নার অবগুণ্ঠনে
ঢাকা রূপসী রাত্রির মুখ। মৌন রাত্রি। না আছে তার কথা, না আছে
ভাষা।

যাহু জানে এই রূপসী রাত্রি। তার বাহুতে স্থিতিমগ্ন এই বিশ্ব চরাচর।
সকলের অগোচরে দিবস-প্রিয়র কাছে অভিসারে যাবে বলে যাহুর মায়ার
সকলকে ঘুম পাড়িয়ে রাখা। নিঃসীম দিগন্ত জুড়ে রাত্রির অভিসারের পথ।

বসে আছি। শুধু বসে থেকে স্বপ্নের জাল বোনা। জানি, এই রাত
আমার জন্তে অপেক্ষা করবে না, জানি দিনের আলোর মুখোমুখি হয়ে দাঁড়াতে সে
পারবে না, দিনের আলোর কাছ থেকে সে আত্মগোপন করবে পৃথিবীর অপর
গোলাধারে—তবু রাত্রির কাছে প্রার্থনা, আরো কিছুক্ষণ সে অপেক্ষা করুক।

যে চাঁদ ছিল আকাশপ্রান্তে, সে চাঁদ চলে পড়েছে দূর পাহাড়ের মাথায়।
এখনি হারিয়ে যাবে ওই শেষ প্রহরের চাঁদ।

চাঁদ চলে গেল পাহাড়ের আড়ালে। পাহাড়ের ছায়া নিয়ে এলো অন্ধকার।
দিনরাতের এই সন্ধিক্ষণে রুদ্রেশ্বর শিবের মন্দিরের ঘণ্টা বেজে উঠলো।

‘নমো হরায় দেবায় ত্রিনেত্রায় ত্রিশূলিনে।

তাপসায় মহেশ্বায় তত্ত্বজ্ঞান প্রদায়িনে।’

উদাত্তকণ্ঠে শিব-স্তব আবৃত্তি করতে করতে ব্রাহ্ম মুহূর্তে সঙ্গমে স্নান করতে এলেন কোপীন পরিহিত এক সন্ন্যাসী ।

পাথরের ওপর আছড়ে পড়ছে জল । ঘূর্ণি সৃষ্টি করে দুই নদীর জলধারা একত্ৰোতে উদ্যম গতিতে ছুটে চলেছে । সেই জলশ্রোতের মধ্যে অনায়াসে নেমে পড়লেন সন্ন্যাসী । অবগাহন স্নান করলেন । তারপর শ্রোতের মধ্যে আবদ্ধ নিমজ্জিত রেখে জলে জলে পূজা করলেন । পূজা শেষ করে শিবভোজ আবৃত্তি করতে করতে আবার উঠে গেলেন ঘাটের সিঁড়ি বেয়ে ।

সূর্য-স্পর্শে অন্ধকার মুছে গেছে । এখন সকাল । ঘাটে আর আমি একা নই । আরো অনেকে এসেছে, ভোরের আলোর সঙ্গমক্ষেত্র দেখতে । শুভলক্ষ্মীকে দেখতে পেলাম । ঘাটের সিঁড়ি বেয়ে আলতো পায়ে নীচে নামছে । আমাকে দেখে মুখ টিপে হাসলো । ভোরের আলোর মতো মিষ্টি ওর হাসি ।

—শুভ প্রভাত । বলে পাশে এসে বসলো শুভলক্ষ্মী । জিজ্ঞাসা করলে,
—কতোকণ বসে আছো ?

—অনেকক্ষণ । বলে, শেষরাতে ঘরের বাইরে এসে এখানে বসে থাকার কথা ব্যক্ত করলাম । শুনে শুভলক্ষ্মী না হেসে পারলো না । তারপর ও বললে,
—বসে না থেকে চলো বেড়িয়ে আসি ।

মন্ডাকিনীর ওপারে পাহাড় । পাহাড়ের গায়ে আকাবাকা পথ । দুটি বাড়ী দেখা বাচ্ছে গাছপালার মধ্যে । হয়তো গ্রাম আছে ওখানে ।

সুন্দর সেতুর ওপর দিয়ে মন্ডাকিনী পার হয়ে ওপারের পাহাড়ের পথ ধরে চলেছি । শুভলক্ষ্মীর সঙ্গে ক্যামেরা আছে । এপার থেকে সঙ্গমের ছবি তুললো । একটি নয়, দুটি ।

পায়ে চলা পথরেখা অনুসরণ করে ক্রমশঃ পাহাড়ের শীর্ষে উঠে এলাম । অদূরে একটি পাহাড়ী গ্রাম চোখে পড়লো । পাহাড়ের ঢালুতে কিছু বাড়ীঘর, লোকজন, কসলের অগ্নি, এই নিয়ে গ্রাম ।

খতো কাছে মনে হয়েছিল ততো কাছে নয় । উৎসাহ পথে নেমে, পৌঁছতে অনেক সময় লাগলো ।

আমাদের দেখে গ্রামের ছোট ছোট ছেলে মেয়েরা কোথেকে সব ছুটে এলো । দু'চোখে বিস্ময় নিয়ে সবাই আমাদের ঘিরে দাঁড়িয়ে রইলো । সুন্দর ফুটফুটে ছেলে-মেয়েরা । টুকটুকে গায়ের রং, আপেলের মতো রাঙা গাল, কামরাঙার

মতো লাল ঠোট। কিন্তু ওদের দেহশ্রী বিবর্ণ হয়ে গেছে অস্বস্তি অবহেলায়। পরনে ময়লা ছোঁড়া ঘাঘরার মতো পুরুপুরু কাপড়ের জবরজঙ পোষাক। বোটকা গছ ছাড়ছে পোষাক থেকে। পায়ে জমে রয়েছে ময়লা। মাথার চুল কক। জট বেঁধে গেছে। হারিয়ে নির্মম অভিশাপে এরা জর্জরিত।

শুধু ছোট ছেলে মেয়েরা নয়, আশপাশের ক্ষেতে কাজ করছিল বারা, তারাও ছুটে এসেছে। নানা বয়সের নারী-পুরুষ! শুভলক্ষ্মী কয়েকটি ছবি তুললো ওদের। ওরা অবাধ হয়ে দেখলে ছবি তোলা।

শুভলক্ষ্মী ওদের সঙ্গে খানিক গল্পগুজব করলে। তারপর ছোট শিশুদের হাতে মেঠাই কিনে খাবার জন্তে কিছু পরসাদ দিলে। সব শেষে একটি ফুটফুটে শিশুর চিবুক স্পর্শ করে স্নেহ চুষন দিয়ে আমাকে ডেকে বললে,—চলো শ্রীমন্ত, অনেক দেরী হয়ে গেছে।

যে পথে এসেছিলাম, সেই পথেই ফিরছি। কিছু পথ এসে দুজনে একই সঙ্গে থমকে দাঁড়াই। পথের পাশে অগভীর খাদের নীচে ছুটি তরুণ-তরুণী কাঠের বোঝা নামিয়ে রেখে মুখোমুখি বসে কথা বলছে।

শুভলক্ষ্মী চুপি স্বরে বলে,—ওদের একটা ছবি নিলে বেশ হতো শ্রীমন্ত—দেখছো। ওরা কতো নিবিড় ভাবে বসেছে। মেয়েটির চোখের দিকে চেয়ে ছাখো—বিস্ময় ওর চোখ। বুঝতে পারছো ওর চোখের ভাষা।

—পারছি বৈকি। ওদের ছবি তুমি তুলো না।

—কেন?

—সব কেনর জবাব হয় না শুভলক্ষ্মী। চলো, আমাদের সাড়া পেলে ওদের স্বপ্ন ভেঙে যাবে।

কিছু পথ নীরবেই এলো শুভলক্ষ্মী। তারপর পাহাড়ী তরুণ-তরুণীর প্রসঙ্গ-স্বত্রে বললে,—ওদের জীবনে যা সত্যি, তোমার আমার জীবনে তা অলৌকিক কল্পনা-বিলাসের সামিল। সহজ, স্বচ্ছন্দ জীবনবোধ আমরা হারিয়ে ফেলেছি। তাইতো আমাদের জীবন থেকে জীবন উদ্ধৃত হয়ে যাচ্ছে।

—হঠাৎ ও কথা মনে হলো কেন?

—সব কেনর জবাব হয় না শ্রীমন্ত। বলে শুভলক্ষ্মী অদূরে একটি ঝোপের দিকে অতুলী নির্দেশ করে,—ওই ছাখো কী সুন্দর ফুল ফুটে রয়েছে।

পথের অদূরে একটি পুষ্পিত লতার ঝোপ। থোকা থোকা ফুল ফুটে রয়েছে, প্রজাপতির পাখার মতো বহুবর্ণ রঞ্জিত ফুল।

মনের আনন্দে ফুল তুলি। সবুজ ফুল। গন্ধ নেই। রূপ সর্বস্ব। রু-
আছে, চটক আছে, নেই শুধু স্মৃতি।

স্মৃতি না থাক, রূপ তো আছে। মৌলিকই তো রূপে। ফুলগুলি দিতে
চাই শুভলক্ষ্মীকে। দিতে চাই ওর আলগা খোঁপায় পরিণয়ে। শেষ পর্যন্ত ফুলের
আলগা তোড়া শুভলক্ষ্মীর হাতে দিয়ে বলি,—খুশী হয়েছেো তো ?

—হ্যাঁ। ছোট একটা কথায় জবাব দিয়ে শুভলক্ষ্মী চলতে আরম্ভ করে।

পাহাড়ের শীর্ষে পৌঁছে একটা গাছের ছায়া পেয়ে একটু বসার স্পৃহা জাগলো
শুভলক্ষ্মীর। বসলোও,—তারপর ফুলের তোড়া থেকে কয়েকটি শুকনো ফুল
তুলে ছুঁড়ে ফেলে দিতে দিতে বলতে লাগলো পথের পরিচয়ের কথা। পথে অচেনা
অজানা কতো মানুষের সঙ্গে পরিচয় হয়েছে। কিন্তু কদিনের এই পরিচয়ের
মধ্যে যদি কোন মানুষের সঙ্গে আত্মীয়তা জন্মে থাকে, সে মানুষ আমি। কিন্তু
এই পরিচয় ক্ষণিকের, আত্মীয়তাও দুদিনের। ভ্রমণের পালা চুকলে আবার
যে যার নির্দিষ্ট ঠিকানায় ফিরে যাবে। তখন হিসেব-নিকেশ চুকে উদ্ভূত
থাকবে স্মৃতি। এমন একদিন আসবে, যেদিন স্মৃতির রঙও কিকে হয়ে যাবে।
মানুষের মনেও যে মরচে পড়ে।

বেলা বারোটা। সচ্চিদানন্দ আশ্রমে পৌঁছেই মুখোমুখি হলাম প্রসাদদার।
—তোমার কী কোন আক্কেল নেই শ্রীমন্ত, রাত থাকতে বেরিয়ে এখন ফিরছো।
ছিঃ ছিঃ, তুমি মানুষ না কী। যাও, ঘরে যাও। জাখো গে। বলে
প্রসাদদা আমাদের আরো খানিক কথা শোনালো। তারপর হাত ধরে ঢুকিয়ে
দিলে ঘরের মধ্যে।—এই যে মূর্তিমান এসেছে।

—শ্রীমন্তদা। সীমা বসেছিল, উঠে এসেই আমাদের জড়িয়ে ধরে কান্নার
স্বরে বলে—কোথায় ছিলে শ্রীমন্তদা ?

মুহূর্তে ঘটনা পরিষ্কার হয়ে যায়। পূর্ববী গুহ হয়ে বসেছিল, আমার দিকে
একবার পলকের অন্ত্রে ফিরে চেয়ে মুখ ফেরালো।

শান্তিলতা বোধহয় বাইরে ছিলেন, আমি এসেছি শুনে হস্তদন্ত হয়ে ঘরে
চুকলেন। শ্রীমতী রজনী রান্না করছিলেন, আমি আসার পর থেকে তিনি
অনবরত খুঁটি চালাচ্ছেন কড়ায়।

—তোমার শ্রীমন্তদার হারিয়ে যাবার বয়েস আর নেই সীমা। বলে সীমার
মাথায় স্নেহে হাত রাখি।—থুব চিন্তায় পড়েছিলে, না ?

—বলি চিন্তায় পড়বে না ? শ্রীমতী রজনী খুঁজি আশ্ফালন করে বললেন,
—সেই কোন রাতে বেরিয়েছো, আর এই এলে। বলে গেলে কেউ ভাবতো
না। বুঝলে ? সেই সকাল থেকে তোমার খোঁজ করছে মেয়ে দুটো।
তুমি কি ওদের কথা একবারও ভেবেছো ? সীমা তো কৈদেই সারা।

—সত্যি সীমা, তুমি বুঝি খুব কৈদেছো ?

—বাঃ, আমি বুঝি একা কৈদেছি। সীমা সলজ্জকণ্ঠে বললে—রাঙাদিও
লুকিয়ে লুকিয়ে কৈদেছে।

—বেশ করেছে। শ্রীমতী রজনী বললেন,—তুই বড় বেশী বাচাল সীমা।

—ঠিক আছে, আমি আর কোন কথা বলবো না। সীমা আমাকে ছেড়ে
পুরবীর কাছে গেল।

—বাও শ্রীমন্ত। তরকারীর কড়া নামিয়ে রেখে শ্রীমতী রজনী বললেন,
—স্নান করে এসো। ঔর্য্যও গেছেন।

—আজও কী লালসিংকে রান্না করতে দেননি ? জিজ্ঞাসা করলাম শ্রীমতী রজনীকে।

—না। তবে লালসিং আমাকে খুবই সাহায্য করেছে। এক রকম সে-ই
তো সব করে। বলে এঁটো হাত ধুতে গেলেন শ্রীমতী রজনী।

থেতে দিয়ে মুষ্টিলে পড়লেন শ্রীমতী রজনী। সীমা ভালমাথা ভাত মুখে
দিয়েই বলে উঠলো,—ভালে হুন দিতে ভুলে গেছো মা।

—তা হবে। শ্রীমতী রজনী চচ্চড়ি পরিবেশন করতে করতে বললেন—ভুল-
চুক হয় বৈকি সীমা। একটু করে হুন মেখে নাও সব।

চচ্চড়ি মুখে দিয়ে ওই সীমাই আবার বলে ওঠে—হুনে পুড়ে গেছে মা !

—বলিস কী।

—হ্যা, জ্যাঠাইমা, বড্ড হুন হয়েছে। সীমার কথায় সমর্থন জানায় পুরবী।

—শ্রীমন্তদার কথা ভেবেই মা ভুল করে ডালের হুন চচ্চড়িতে দিয়েছে ডবল
করে। সীমা টিপ্পনি কেটে বলে,—নয়তো এরকম ভুল তো মার হয় না।
তবে ভালোই হয়েছে, ভাল চচ্চড়ি একসঙ্গে মাখলে সমস্তা মিটে যাবে।

সীমার কথায় আমরা সবাই এক সঙ্গেই হেসে উঠি। শ্রীমতী রজনী গুমরে
বলে উঠলেন,—ভেঁপো মেয়ে।

—বাড়ী ফিরেই ওর বিয়ে দিয়ে দেবেন জ্যাঠাই মা। পুরবী ভাতের গ্রাস
মুখে দিয়ে বলে,—ও ভেঁপোমি সেরে যাবে।

হৃপ্তে খাওয়া-দাওয়ার পর আশ্রয় সংলগ্ন শিব-মন্দিরের পাশে অশ্বখের ছায়ার কয়ল বিছিয়ে শুয়েছিলাম। ভেবেছিলাম ঘুমোবো না। কিন্তু অশ্বখের ডালে বসা পাখীর ডাক শুনতে শুনতে কখন ঘুমিয়ে পড়েছিলাম জানি না। ঘুম ভাঙলো পূরবীর ডাকে। স্বর্ষদেব তখন পাটে বসেছেন।

—বাক্সাঃ এতো ঘুমোতে পারো? সেই হৃপ্ত থেকে ঘুমোচ্ছে। পূরবী বলে,—চলো বেড়িয়ে আসি।

—বেড়াতে যাবে, কোথায়?

—কাছাকাছি। কাল সকালেই তো চলে যেতে হবে। চল, আজ রক্তগ্রন্থাগার জায়গাটি একটু ঘুরে ঘুরে দেখে আসি।

—আর কেউ যাবে না।

—না বোধহয়। হৃপ্তের পর সীমা বেরিয়েছে প্রসাদদ্বার সঙ্গে।

—সেই সঙ্গে তুমিও গেলে না কেন?

—বাধি বলি, তোমার সঙ্গে যাবো বলে।

—বলাটা তো দোষের নয়। ঠিক আছে, তুমি বোসো, আমি চোখে মুখে জল দিয়ে এখুনি আসছি।

বেড়াতে যাবো বলে বেরিয়েও কোথাও যাওয়া হলো না। সন্ধ্যের ঘাটে বেড়াতে এসে, ‘সেই যে কিছুক্ষণ বসবো’ বলে বসলাম, তারপর আর ওঠার ইচ্ছে রইলো না। ঘাটের সিঁড়িতেই বসে রইলাম, পূরবী আর আমি।

—কথা বলছো না কেন? পূরবী জিজ্ঞাসা করলে।

—বলবার মতো কথা নেই বলে! পূরবীর মুখের দিকে চেয়ে বলি,—তাছাড়া আজ সন্ধ্যা থেকে মনটা যেন কী রকম ফাঁকা হয়ে গেছে। কিছু ভালো লাগছে না। মাঝে মাঝে এই ভালো না লাগাটা আমাকে পেয়ে বসে। কিছুতে এড়াতে পারি না। হয়তো এও এক রকমের মানসিক ব্যাধি।

—তোমার মনে ব্যাধি হবে—এ যে অসম্ভব ক্রিয়ময়। আর মানসিক ব্যাধিতে যে ভোগে, সে নিজেও সে ব্যাধির কথা স্বীকার করে না। ব্যাধিগ্রস্ত মনে কী কোন বোধ শক্তি থাকে? থাকে না।

কোন কথা না বলে, নির্লিপ্ত ভঙ্গিতে হাসি।

—হাসছো কেন?

—এমনি নিজের কথা মনে করে হাসি এলো।

—ভাখো, তুমি বড্ড বেশী অহংকারী।

—তা হবে।

—তুধু তাই নয়, তোমার মতো আত্মকেন্দ্রিক মানুষ আমি দেখিনি।

—তাহলে বলো নতুন কিছু দেখলে।

—তুমি কি নিজের কথা ছাড়া আর কিছু চিন্তা করো না।

—সময় উদ্ভূত থাকলে করি, নয়তো নয়।

পুরবী গুম হয়ে বসে রইলো। ও হয়তো জানে না, এই মুহূর্তে আমি ওর কথাই ভাবছি। বুঝতে পারি না, আজ কেন আমাকে কথা দিয়ে জয় করতে চাইছে ও। কেন আজ ওর কথার সুরে ব্যাকুলতা। তবে কী ও আজ নিজেকে প্রকাশ করতে চায় একজন তীর্থপথিকের কাছে।

—পুরবী। নাম ধরে ডাকলাম। কিন্তু উত্তর এলো না। আবার ওকে ডেকে জিজ্ঞাসা করি—পুরবী, আজ কী হয়েছে তোমার ?

—কী হলে খুশী হও ?

—জ্যাথো, আমি কিছুতেই বুঝতে পারছি না, কেন তুমি অনর্থক কথার খোঁচা দিয়ে আমাকে বিভ্রত করতে চাইছো।

পুরবী নিরুত্তর।

সেই রাত্রির কথা মনে এলো। যেদিন এই সন্ধ্যার ঘাটে বসে রাঙাদি আর সীমার কণ্ঠস্বর শুনেছিলাম। সেই কথাগুলো এখনো স্পষ্ট মনে আছে। সেদিন সীমা বলছিল, ‘তুমি ভুল করেছো রাঙাদি।’ পুরবী বলেছিল, ‘ভুল করেই তো মানুষ ভুল শোধরায়।’

যে পুরবীকে দেখছি আজ কদিন, সে তো শুধু বাইরের দেখা। কদিনে অহুত্ব করেছি, ভিন্ন সত্তার দুই নারী নিয়ে এক পুরবী। যে পুরবীর একজন অহরহ আর একজনের সঙ্গে নিত্য হৃদয়ে ক্ষত-বিক্ষত। শামুকের মতো আবরণের আড়ালে ও একজনকে গোপন রেখেছে সযত্নে। সে আবরণ টুঁকো। মুহূর্তে ভেঙে যেতে পারে।

—শ্রীমন্ত, আমার একটা সহজ প্রশ্নের উত্তর দেবে ? পুরবীর কণ্ঠস্বর অহুত্ব। গভীর নিঃশ্বাস ত্যাগ করে জিজ্ঞাসা করলে,—নিজেকে বঞ্চনা করে কি অপরকে ভালোবাসা যায় ?

—না।

না। এই না. এর পেছনে কোন কিন্তু নেই। তবু ওই ছোট একটি কথার জবাব পুরবীর মনঃপুত হলোনা। কিন্তু ওকে আমি কেমন করে বোঝাবো,

আত্মবঞ্চনা করে কোন কিছু করতে চাওয়া বুঝা। মেহ, প্রেম, প্রণয়—এসবের মধ্যে আত্মবঞ্চনা চলে না। যেখানে বঞ্চনা সেখানে সবই ভূয়ো। মেহ, প্রেম, প্রীতির কথা সেখানে শুধু ফাঁকা আওয়াজের সায়িল।

—তবে কেন সবাই বলে আমি ভুল করেছি। এই পৃথিবীতে এমন একজনকেও পেলাম না, যে আমাকে সমর্থন করেছে। পূরবী অকস্মাৎ আমার দুটি হাত চেপে ধরে উতলা কণ্ঠে বলে,—আজ আমার সব কথা তোমাকে শুনে হবে। বলতে হবে। বলতে হবে, আমি ভুল করেছি কিনা ?

—তোমার মন কী বলে ?

—আমার মন !

একটি কি দুটি মুহূর্ত। তারপর ‘আমার মাথা ঘুরছে শ্রীমন্ত’—শুধু এই কটি কথা বলে পূরবী চলে পড়ে আমার কোলের ওপর। নাম ধরে ডাকি। সাড়া নেই। মূর্ছা গেছে। অক্ষুট গোড়ানির শব্দ। চিবুকে হাত দিই—চোয়াল চেপে রয়েছে। নিঃশ্বাস নিচ্ছে ঘন ঘন। হাত-পা আড়ষ্ট।

মূর্ছা ভাঙলো প্রায় আধঘণ্টা বাদে। কোনমতে উঠে বসলো পূরবী। তারপর কিছুটা স্থব্ধ হয়ে ক্রীণ কণ্ঠে বললে,—আমার মনের মৃত্যু হয়েছে শ্রীমন্ত।

—এখন ওসব চিন্তা করো না। চল বাসায় ফিরে যাই।

—এই সিঁড়ি ভেঙে এখন উঠতে পারবো না ! একটু বোসো।

পুরোনো প্রসঙ্গ উত্থাপনের স্বযোগ দিলাম না পূরবীকে। হালকা কথায়, গল্পে কিছু সময় অতিবাহিত করে তারপর ফিরে এলাম বাসায়। পূরবীকে এখনো বেশ ক্লান্ত বোধ হচ্ছে ! ঘরে ঢুকেই মেঝের ওপর কদমল বিছিয়ে শুয়ে পড়ে।

শান্তিলতা দ্বিজাসা করলেন,—কীরে, তোর শরীর খারাপ হয়নি তো ?

—না। পূরবী পাশ ফিরে শুয়ে বলে,—আমি ভালোই আছি মা।

পরদিন।

কপালগুণে বাসের টিকিটি মিললো। বেলা এগারোটা নাগাদ পিপলকুঠি-গামী বাস ছাড়বে।

কোনমতে স্নানাহার সেরে বাসে ওঠা। ভিড়ের মধ্যে গান্ধাগাড়ি হয়ে বসা। তারপর সেই ক্লান্তিকর বাস যাত্রার পুনরাবৃত্তি।

এবারের পথ যেন আরো দুর্গম। যেমন বিপদজনক বাক, তেমনি অসমতল সর্পির্প পথ। তারপর এতো ধুলো যে জানালা দিয়ে বাইরের দিকে তাকানোই দায়।

বাসের চাকার সঙ্গে সময়ের চাকাও ঘুরছে। কর্ণপ্রয়াগে পৌঁছে, তবে সাময়িক বাজা বিরতি। এ পথের সর্বত্র ‘ওয়ান ওয়ে ট্রাফিক’। ওপরের বাস গুলি না পৌঁছনো পর্যন্ত, আমাদের বাস ছাড়বে না।

সকলের সঙ্গে আমিও নেমেছি কর্ণপ্রয়াগে। অলকানন্দার সঙ্গে এখানে পিণ্ডর গঙ্গা এসে মিলিত হয়েছে। অলকানন্দার জলে পিণ্ডর গঙ্গার ধারা আত্ম-বিসর্জন দিয়েছে। অলকানন্দায় মিলিত হবার সঙ্গে সঙ্গে পিণ্ডরগঙ্গা তার নিজের নামটুকুও হারিয়েছে।

কর্ণধন্য কর্ণপ্রয়াগ। মহাভারতের অন্ততম নায়ক কুন্তীপুত্র কর্ণের স্মৃতি বিজড়িত এই সঙ্গমতীর্থ। তাঁরই নামে নাম।

এখানে কর্ণ তাঁর পিতা সূর্যদেবের দর্শন পেয়েছিলেন। এখানে কঠোর তপশ্চায় লাভ করেছিলেন মৃত্যুঞ্জয়ী কবচ।

বাস ঠ্যাণ্ড থেকে সঙ্গমতীর্থ বেশ কিছু দূরে। আমার পথে বাসের জানালা দিয়ে দেখেছি মাত্র। সে পুণ্য সঙ্গম তীর্থের ধুলো আর মাথায় দেওয়া সম্ভব হলো না।

এরূপ মধ্যে সকলের অলক্ষ্যে প্রসাদদা অলকানন্দার জল মাথায় দিয়ে এক শিশি জল ভরে এনেছে। সেই শিশির জল ছিটিয়ে দিলে সকলের মাথায়। বললে,—ব্যাপ্টাইজ করে নিচ্ছি।

প্রসাদদার ওই এক বাতিক, মাথায় জল ছিটানো। পথ চলতে দেখেছি, কোথাও ঝর্ণায় জল ঝরছে দেখেই, অমনি জল মাথায় দিতে ছুটলো। তাছাড়া ধলে ভরতি করে ছোট ছোট শিশি এনেছে। জল ভরে শিশিতে লেবেল আঁটাও এক বাতিক। ওই জল সঙ্গে নিয়ে যাবে। রেখে দেবে গৃহদেবতা মদন মোহনের সিংহাসনের নীচে।

রুদ্রপ্রয়াগগামী বাস একটির পর একটি পৌঁছলো। তারপর আমাদের বাস চলার ছাড়পত্র পেল।

কর্ণপ্রয়াগ থেকে নন্দপ্রয়াগ। নন্দপ্রয়াগে সামান্তসময়ের অন্তে বাস দাঁড়ালো। দূর থেকে দেখলাম নন্দ আর অলকানন্দা সঙ্গম।

প্রসাদদাকে ডেকে বললাম,—নন্দপ্রয়াগের জল তো স্পর্শ করা হলো না।

—ধুলো তো মাখছি। জল না হয় নাই-বা স্পর্শ করলাম। জল হলো লিকুইড গুণ্য, আর ধুলো হলো সলিড। বুঝেছো। প্রসাদদার কথায় না হেসে পারলাম না। মাঠারমশায়ও হেসে ফেললেন।

ইতিমধ্যে বাস চলতে আরম্ভ করেছে। সংকীর্ণ পথ আরো সংকীর্ণ হচ্ছে। তার ওপর তেমনি ধুলো। সবচেয়ে অসুবিধে আমাদের বাস রয়েছে সবায় পেছনে। সমস্ত ধুলোটাই ভোগ করছি আমরা।

প্রসাদদা হাতে তালি দিয়ে নাম গান করছে। রাধাকৃষ্ণের নাম। আরও ক'জন অবাঙালী ব্যাক্তি, তারাও প্রসাদদার কণ্ঠে কণ্ঠ মিলিয়ে গাইছে, 'জয় রাধে কৃষ্ণ, জয় রাধে কৃষ্ণ—রাধা কৃষ্ণ বল মন।'

দুর্গম পথ অভিক্রম করে চার্মোলীতে এসে পৌঁছলাম অপরাহ্ন বেলায়। অলকানন্দার তীরে এই পার্বত্য জনপদ—ছোটখাটো শহরের মতো। কুজপ্রয়াগ, কর্ণপ্রয়াগ ও বজ্রীনাথের পথের ঝিলন স্থান। তহশীল আদালত, বনবিভাগের অফিস, কালেক্টরী, পুলিশ চৌকী, হাসপাতাল, স্কুল, ধর্মশালা ও সদাব্রত, ডাক-তার ঘর, ডাকবাংলো ইত্যাদি সবই আছে এখানে। চার্মোলীর প্রাকৃতিক দৃশ্যও ব্যাপক নয় মনোরম।

চার্মোলী থেকে পিপলকুঠি। সামান্ত পথ। বেলা চারটে আন্দাজ বাস ছাড়লো চার্মোলী থেকে। সন্ধ্যার আগেই পৌঁছলাম পিপলকুঠিতে।

আজকের মতো শেষ হলো ক্লাস্তিকর যাত্রার। পাহাড়ের বৃক্ক স্তূপ জনপদ এই পিপলকুঠি। দোকান-পসার, বাড়ীঘর, লোকজন, ডাকবাংলো, ও বিভাগের অফিস, পুলিশফাঁড়ি—সবই আছে।

ঘরের জন্য বিশেষ খোঁজাখুঁজি করতে হলো না। বাস ষ্ট্যাণ্ডের কাছেই ধোঁতলায় একটি ঘর সংগ্রহ করা গেল। চমৎকার বাংলো প্যাটার্ণের বাড়ী। সামনে পেছনে চওড়া বারান্দা। তাছাড়া বাড়ীটি বেশ পরিষ্কার পরিচ্ছন্ন। সে হিসাবে ভাড়াও এমন কিছু বেশী নয়, মাথাপিছু আট আনা।

সর্বান্তে ধুলো, স্নান না করলে এ ধুলো যাবে না। এ সময়ে স্নান করাও সুক্ৰিয়াক্রম নয়। ঠাণ্ডা লেগে সর্দিজ্বর হতে পারে। শুকনো গামছা দিয়ে গায়ের ধুলো ঝেড়ে ফেলা ছাড়া আর গত্যন্তর নেই। আর মুখ হাত-পা ধুয়ে ষেটুকু স্বচ্ছ পানি পাওয়া যায়—সেইটুকু। আজ আর রান্নাবাড়ার হাঙ্গামা না করাই

ভালো। শ্রীমতী রজনী কিন্তু শুনলেন না, তাঁর মত, বসে থাকার চেয়ে রান্না করে সময় কাটানো ভালো।

লালসিং কাঠকুটো ভরিতরকারী এনে দিয়েছে। রজনীবাবু রুদ্রপ্রয়াগ থেকে মূলো, বাধাকপি আর টম্যাটো কিনে এনেছেন। স্ততরাং রাতের ব্যবস্থা যে ভালোই হবে এ বিষয়ে নিঃসন্দেহ।

শ্রীমতী রজনী বসলেন রান্না করতে। প্রসাদদা চৈতন্যচরিতামৃত খুলে বসেছে। তাঁকে ঘিরে আর সবাই। রান্না করলেও শ্রীমতী রজনীর কান আছে এদিকে। যেখানে ভালো লাগছে, বলছেন—ওই জায়গাটা আর একবার পড়ো প্রসাদ।

ঘরে বসে থাকা আমার স্বভাব বিরুদ্ধ। বাইরে এলাম। কাছাকাছি খানিক দূরে বেড়িয়ে দেখে আবার চটিতে ফিরছি। সিঁড়ি পথে উঠতে দেখা হলো বিস্তি মাসির সঙ্গে—কী গো, কেমন আছে? চিনতে পারছো তো? বলে বিচিত্র মুখভঙ্গী করলে বিস্তিমাসি।

কোন কথা না-বলে পাশ কাটিয়ে ওপরে উঠছি, কানে এলো বিস্তিমাসির আরও কথা।—আমায় চিনতে পারবে কেন, চোখ যে অন্ধ হয়ে গেছে আগুনের হলকায়।

সিঁড়িতে উঠতে বিস্তিমাসি, বারান্দায় এসে কমলা ঘোষ। কমলা ময়দা মাথছে বারান্দার কোণে বসে। আমাকে দেখে ও ডাকলো—আহ্নন দাধা, এবারে চা করবো।

—এখন আর চা খাবো না।

—একটু খান। ফাষ্ট ক্লাশ পাতা চা। এক পাউণ্ড সঙ্গে এনেছিলাম। মাঝে মাঝে মুখ বদলে নিই। আহ্নন।

কমলা বেলীক্ষণ আসে নি, আমাদের পরে ওরা রুদ্রপ্রয়াগ থেকে রওনা হয়েছে। সন্ধ্যার সময় পৌঁছতে পারতো, কিন্তু চার্মৌলী পেরিয়ে বাস বিকল হয়ে যায়, তাই আসতে রাত হয়ে গেছে। চায়ের জল গরম করতে বসে কমলা বলছে আজকের অভিজ্ঞতার কথা। প্রায় তিন ঘণ্টা বাস বিকল হয়ে পড়ে ছিল রাত্তার মাঝখানে। সন্ধ্যার পর ফের বাস ছাড়ে। বিপদজনক পার্বত্য পথে সাধারণভাবে সন্ধ্যার পর বাস চলে না। চলে না কেন কমলা আজ ভিত্তি অভিজ্ঞতা দিয়ে বুঝতে পেরেছে। কি যে ভয় করছিল তার, বলবার নয়। বাস্তবতার মনে হয়েছে, এই বুঝি খাদের মধ্যে গড়িয়ে পড়লো বাস, এই বুঝি পাহাড়ের গায়ে ধাক্কা খেয়ে চুরমার হয়ে গেল সব!

বারান্দার এক কোণে আরও ছুটি চোখ প্যাট প্যাট করছে। ওকে তিনি।
বিস্তিমাসির বোন-ঝি। চন্দনা।

—কাকে দেখছেন? কমলা জিজ্ঞাসা করলে।

—ওই মেয়েটিকে।

—দেখার মতো বটে। মেয়েটি শুনে নাপায় এমন ভাবে কমলা বলতে
লাগলো,—ওর সঙ্গে এর আগেও তিনটি রাত কাটিয়েছি। ও যে কী জঘন্ত
সে কথা বলবার নয়। আরো একজন আছে ওর সঙ্গে, মাসি বলে ডাকে।
মাসি না ছাই—

বিস্তি মাসি আসছে দেখে কমলা চূপ করলো। বিস্তিমাসি এসেই
বোনঝির কানে কানে ফিস ফিসিয়ে কিছু বলতেই বোনঝি হাসতে আরম্ভ করলে
কিক্ ফিক্ করে। কদৰ্ঘ হাসি।

—হাসি দেখুন না? কমলা চাপা গলায় বললে,—দেখলে গা জ্বালা করে।
একটু পরেই বিস্তি মাসির গলা—অ চন্দনা, কুঙ্কলীলা দেখেছিল।

—দেখেছি। হাত মুখ নেড়ে চন্দনা বলে,—তুমি ডাখে মাসি। এমন
গেকরা না পরে একেবারে ধরাচুড়ো পরাই ভালো।

বিস্তি মাসির কোলের ওপর ঢলে পড়ে চন্দনা স্বর টেনে বললে,—মাসি, শুধু
আমাকেই কেউ দেখলে না। রাধা না হতে পারি, রাধার বাড়ীর ঝি হতে
হোব কি—কী মাসি, কথা বলছো না যে?

মাসি-বোনঝির ধরন-ধারণ দেখে না হেসে পারি না। এ পৃথিবী এক
আজব চিড়িয়াখানা।

চা-পানাস্তে ঘরে এলাম। প্রসাদদ্বার চৈতন্তচরিতামৃত পাঠ আজ রাতের
মতো শেষ হয়েছে। শ্রীমতী রজনীর রত্নন পর্বও শেষ।

আজ তরিবৎ করে অনেক কিছু রেখেছেন শ্রীমতী রজনী। বাধাকপির
ভালনা, হিং-বড়ির কাগ আর টম্যাটোর চাটনী। হিং-বড়ি বাড়ী থেকে
এনেছেন উনি।

খেতে বসে গল্প ফেঁদে বসলেন মাষ্টারমশায়। গল্প আর শেষ হয় না।
সেই এঁটো হাতেই বসে রইলো সবাই। শেষটা রজনীবাবু কথায় গল্পে
পূর্ণচ্ছেদ টানলেন মাষ্টার মশায়।

রাত এগারোটা হলো শয্যাগ্রহণ করতে। রাত থাকতে বাস ছাড়বে,

অন্ততঃ পৌনে চারটেয় উঠতে হবে। স্বভাব এই সময়টুকু নিশ্চিত নিদ্রার প্রয়োজন।

সবাই শয্যা গ্রহণ করেছি, শুধু প্রসাদদা জেগে বসে। এক কেদারপুরীতে এই নিয়মের ব্যতিক্রম দেখেছি। নয়তো প্রতি রাতেই প্রসাদদা ছুটো আড়াইটে পর্বস্ত অপতপ করেন।

গাঢ় ঘুম ভেঙে গেল মাঝরাতে। কমলা চীৎকার করছে, চীৎকার করে বলছে,—আমি কারবালা ট্যাংকের মেয়ে, দেখি তোমাদের শায়েস্তা করতে পারি কিনা।

পরক্ষণে শুনতে পেলাম বিস্তি মাসির গলা—ভারী আমার শায়েস্তা করনেওলা খাঁর মেয়ে, তুমি আমাদের শায়েস্তা করবে। বলি, তুমিও পয়সা দিয়ে আছো, আমরাও পয়সা দিয়ে আছি—তুমি থাকবে তোমার মতো আমি থাকবো আমার মতো—

—ভদ্রলোকের মতো থাকো না কেন। তোমরা রাতদুপুর অন্ধি বেলেঙ্গাপনা করবে, আর আমরা ভাই সহ করবো? কমলা রুঢ় কণ্ঠে বললে, —ও সব হবে না।

পরক্ষণে শুনলাম অপরিচিত পুরুষ কণ্ঠ—ওসব সহ করবো না, গলা-ধাক্কা দিয়ে রাস্তায় বার করে দেবো। মাসি-বোনঝি—বলবো আর কী। ছিঃ ছিঃ তাঁর্থে এসেও নোংরামী।

কথা থেকে ঝগড়া। ঝগড়ার পরিণতি কান্নায়। ইনিরে বিনিরে কাঁদতে আরম্ভ করে বিস্তি মাসি। এতো সময় মুখ বুঁজে সহ করছিলাম, এবারে অসহ্য মনে হলো। দরজা খুলে বললাম—জাখো বাছা, চূপ করো। এখানে আরও মানুষ আছে—ভুলে যেওনা এটা তোমাদের ঘর-বাড়ী নয়।

মাষ্টারমশায় সাতে পাঁচে থাকেন না, বিরক্তিতে তিনিও শয্যা ত্যাগ করে উঠে এসেছেন। বেশ মিষ্টি স্বরেই বললেন—চূপ করো তোমরা। কান্নাকাটি ঝগড়া বাঁটি করতে হয়, ঘরে ফিরে কোরো।

কান্নার রেশ চললো আরো খানিক সময়। তারপর সব চূপচাপ। শুধু কমলা ঘোষকে বলতে শুনলাম—আমি তোমাদের শিক্ষা দেবো। বলে আরো একবার স্মরণ করিয়ে দিলে, সে কারবালা ট্যাংকের মেয়ে।

ঝাঁকি রাতটুকু আর ঘুম এলো না চোখে। সবে তন্দ্রা এসেছে এমন সময় রজনীবাবু ডেকে তুললেন সবাইকে।

পৌনে চারটে বাজে। বাস ছাড়বে সাড়ে চারটেয়। কুলিয়া মালপত্তর গুছিয়ে নিতে ব্যস্ত। এই অবসরে আমরা বাইরে এলাম। কলভলায় দারুণ ভিড়! কতোকণে যে চোখে মুখে জল দিতে পারবো ঠিক নেই।

এরই মধ্যে চায়ের দোকানগুলো খুলেছে! প্রতিটি দোকানে চা পিয়াসার ভিড়। একগ্লাস চায়ের অন্তে দশ মিনিট অপেক্ষা করতে হয়।

কতো চেনা মুখ দেখছি। পরিচয় নেই—তবু মনে হয় বেনে! কতো পরিচিত এরা! কতোজনকে হৃদ্যকোষ থেকে দেখছি। কতো নারী-পুরুষ। শুধু হৃদ্যকোষের চেনায় এরা পরিচিত!

চটিগুলো শূন্য হয়ে পড়েছে। একরাতের আশ্রয় ছেড়ে চলেছে যাত্রীদল। সকলের মুখে বজ্রবিশালের নামে জয়ধ্বনি। আর কণ্ঠে কণ্ঠে তার প্রতিধ্বনি!

পিপলকুঠি থেকে বোশীমঠ! উনিশ মাইল পথ, দুইতর এমন কিছু নয়। কিন্তু পথ অত্যন্ত বিপদ সংকুল। যে কোন মুহূর্তে চরম বিপর্যয় ঘটতে পারে। একদিকে গভীর খাদ, খাড়াই নেমে গেছে অতল গভীরে। যেখানে বয়ে চলেছে খরস্রোতা অলকা। জানালা দিয়ে বাইরে তাকালে বুক হুক হুক করে ওঠে। চড়াই পথে যতো উপরে উঠেছে বাস, খাদ ততো গভীর হচ্ছে।

এ পাহাড় থেকে ও পাহাড়ে চলেছে বাস! পাথর পড়ে পথ অবরুদ্ধ হওয়ায় মধ্যে এক জায়গায় বাস দাঁড়িয়েছিল। সুন্দর মনোরম এ পথের প্রাকৃতিক দৃশ্য।

যে দিকে চাই শুধু পাহাড় আর পাহাড়। ঘন অরণ্য নয়, পাহাড়ে পাহাড়ে পাইন, ফার প্রভৃতি গাছের অবিচ্ছিন্ন শ্রেণী। মাঝে মাঝে লতা, গুল্ম, বোপ। কোথাও অল্প বনফুলের বর্ণাঢ্য সমারোহ।

মাঝে মাঝে পাহাড়ী গ্রাম নজরে পড়ছে। গ্রামের ছেলে-মেয়েরা চলমান যাত্রীবাহী বাসগুলোর দিকে তাকিয়ে দেহাতী ভাষায় উল্লাস প্রকাশ করছে। আর কখনও যাত্রীদের কণ্ঠে কণ্ঠ মিলিয়ে বলছে—‘বজ্রী বিশাল কী জয়’।

বেলা সওয়া নটা।

ধূলোর ঝড় উড়িয়ে বাসগুলো পৌঁছলো বোশীমঠে। হিমালয়ের বৃকে এই রমণীয় পার্বত্য শহর। ভারত-সভ্যতার পুণ্যপীঠ। শঙ্করাচার্যের স্মৃতি ধন্য।

খৃষ্টীয় অষ্টম শতকে শঙ্করাচার্য আবির্ভূত হয়ে ভারতবর্ষে বৌদ্ধ প্রাবল্য থেকে হিন্দু ধর্মকে রক্ষা করেছিলেন। শঙ্করের উপনিষদ ও বেদান্তসূত্রের ভাষ্যে একটি সুসংবদ্ধ দার্শনিক মতবাদ পরিস্ফুট হয়েছে। এই মতবাদ শঙ্কর-দর্শন নামে পরিচিত। শঙ্কর-দর্শনের মূল কথা, ব্রহ্ম সত্য, জগৎ মিথ্যা। অর্থাৎ জগতের কোন সত্তা নেই এবং জীব ও ব্রহ্ম অভিন্ন। শঙ্কর বলেন, মায়া নামে ভ্রম সংঘটনকারী এক শক্তি আছে, ব্রহ্ম যে শক্তি প্রভাবে জগৎ রূপে প্রকাশিত। মায়া অঘটন পটিন্দী। এবং এক অনির্বচনীয় শক্তি। শঙ্কর আরো বলেন, জগৎ প্রবাহ অনাদি, স্তব্ধতা মায়াও অনাদি। ব্রহ্ম মায়া দ্বারা জগৎ সৃষ্টি করেছেন, বদ্ধ জীবের কাছে এই জগৎ সত্য। কিন্তু যিনি ব্রহ্মবিদ তাঁর কাছে জগতের কোন সত্তা নেই, কেবলমাত্র ব্রহ্মই সত্য। শঙ্করের এই মতবাদ মায়াবাদ নামে পরিচিত।

মায়াবাদী শঙ্কর ভারতবর্ষে বেদান্ত দর্শনের পুনঃপ্রতিষ্ঠা করেন, এবং তাঁর সময়ে হিন্দু সভ্যতা এক নতুন যুগের সূচনা করে।

হিমালয়ের এই পুণ্যপীঠে শঙ্কর প্রতিষ্ঠা করেন জ্যোতির্মঠের। ভারতের উত্তর সীমান্তে হিমালয়ের বুকে শঙ্কর প্রতিষ্ঠিত এই মঠের ঐতিহাসিক তাৎপর্যও কম নয়। হিমালয়ের এই পথে তিব্বত ও চীন ভূখণ্ড থেকে অহিন্দু ভাবধারার প্রাবল্য না আসতে পারে, তারই জন্তে শঙ্কর এই দুর্গম হিমালয়ের বুকে জ্যোতির্মঠ প্রতিষ্ঠা করেন। এই জ্যোতির্মঠ হিন্দু সংস্কৃতির দুর্ভেদ্য দুর্গ স্বরূপ।

শঙ্কর প্রতিষ্ঠিত নরসিংহ এবং জ্যোতিষ্মর মহাদেবও প্রাচীন ভারতের সাক্ষ্য বহন করে আসছে। অনেকে এই নরসিংহ মূর্তিকে এক আশ্চর্য বস্তু বলে মনে করেন। দুঃখপা এই পাথরের মূর্তিটি সত্যিই বিস্ময়কর।

অলকানন্দার অপর পারে বাহুদেব, নবদুর্গা, জ্যোতিষ্মর, রবিষ্মর এবং সীতাদেবীর মন্দির প্রাঙ্গণে দাঁড়িয়ে আজও তীর্থযাত্রিকের দল মাথা নত করে করজোরে অন্তরের শ্রদ্ধা ভক্তি নিবেদন করে।

যোশীমঠের গুরুত্ব কোন দিক দিয়ে উপেক্ষার নয়। ধর্ম ও সংস্কৃতির দিক থেকে যেমন যোশীমঠের গুরুত্ব সমধিক, তেমনি এ অঞ্চলের রাষ্ট্রনৈতিক গুরুত্ব। চীন ও তিব্বত সীমান্ত এখান থেকে খুব বেশী দূরে নয়। যোশীমঠে তাই ভারতের সেনাবাহিনীর গুরুত্ব পূর্ণ ছাউনী গড়ে উঠেছে।

রমণীয় পার্বত্য শহর এই যোশীমঠ। স্কন্দর স্কন্দর বাড়ী ঘর, বিজ্ঞানগৃহ,

বাজার, হাসপাতাল, ডাক ও তার ঘর, বিভিন্ন বিভাগের সরকারী আঞ্চলিক দপ্তর প্রভৃতিতে যোশীমঠ সমৃদ্ধ। শীতকালে এই যোশীমঠ থেকেই বত্ৰীনাথের উদ্দেশ্যে পূজা করা হয়।

এখান থেকে একটি পথ নীচে নেমে গেছে অলকানন্দাকে অত্মসমর্পণ করে। অস্ত্র একটি পথ চলে গেছে ভবিষ্যবত্ৰীর দিকে। ঐ পথই নীতি পাশ হয়ে চলে গেছে ভিক্সতের দিকে। কৈলাসগামী যাত্ৰীগণ এই পথেও কৈলাসে পৌছতে পারে। যদিও বত্ৰীনারায়ণ হয়ে একটি পথ মানা গিরিপথ খোলসিমঠ হয়ে এই পথেই এসে মিশেছে।

ভবিষ্যবত্ৰী যোশীমঠের আট মাইল দূরে। মনোরম এই পথের মধ্যে কোন চটি বা ধর্মশালা নেই। পঞ্চবত্ৰীর মধ্যে অন্ততম এই ভবিষ্যবত্ৰী। অনেকে বলেন, এমন এক সময় আসবে যখন বত্ৰীনাথ যাত্ৰীদের অগম্য হয়ে উঠবে। এবং শুখন এই ভবিষ্যবত্ৰীই হবে তীর্থ-পথিকের আকান্ধিত পীঠ। ভবিষ্যবত্ৰীর পথেই পড়ে তপোবন।

যোশীমঠ থেকে উৎরাই পথে নেমে ধোলা বা বিষ্ণুগঙ্গা যেখানে অলকানন্দার সঙ্গে মিলিত হয়েছে—সেই সঙ্গম ক্ষেত্ৰের নাম বিষ্ণুপ্রয়াগ। বিষ্ণুপ্রয়াগ রমণীয় বত্ৰীভূমির প্রবেশদ্বার। এই পথ চলে গেছে নারায়ণের লীলা-নিকেতনে।

যোশীমঠ থেকে পায়ে চলা পথ আরম্ভ। তবে বত্ৰীক্ষেত্ৰ পর্বস্ত পথের নির্মাণ কার্য চলছে, হয়তো কয়েক বছরের মধ্যে ওই পথেও চলবে মোটরবাস।

যোশীমঠ থেকে রওনা হতে বেশা দুটো বাজলো। সন্ধ্যার মধ্যে আট মাইল পথ হেঁটে তবে পাণ্ডুক্ষেত্ৰ পৌছতে হবে।

‘জয় বত্ৰী বিশাল কী জয়’। যোশীমঠ থেকে পাকদণ্ডী পথ নেমে গেছে বিষ্ণুপ্রয়াগ সঙ্গমে। অগণিত নদ-নারীর মিছিল চলেছে এই পথ ধরে। সকলের মূখেই বত্ৰীবিশালার নামে জয়ধ্বনি।

গ্রামের ছেলে মেয়েরা দল বেঁধে দাঁড়িয়ে আছে পথের পাশে। দু-একটা পরসা পাবে এই আশায়। ছমাস ধরে চলবে তীর্থযাত্ৰীর দল—ওরাও এমনি করে হাত পেতে দাঁড়িয়ে থাকবে পথের ধারে। সামান্য একটি কি দুটি পরসা—তাই পেয়ে ওদের কতো না আনন্দ। না দিলেও মুখতার করবে না।

উৎরাই পথে নামছি। অদূরেই বিষ্ণুপ্রয়াগ। দুই নদীর ধারা মিশেছে। অলকানন্দা আর বিষ্ণুগঙ্গা। দেবর্ষি নারদ এই সঙ্গম ক্ষেত্রে ভগবান বিষ্ণুর আরাধনা করে সর্বজন্ম বর লাভ করেছিলেন।

বিষ্ময়াগে পৌঁছতে ভাসমান মেঘ এক পশলা বৃষ্টি দিয়ে গেল। আষাঢ় মাসের মধ্যে সে ভাসমান মেঘ পাহাড় ভিত্তি দিয়ে গেল অস্তিত্বকে।

ঠিক সময়ে আমরা সন্ধ্যা ক্ষেত্রে পৌঁছে আশ্রয় পেয়েছিলাম। নইলে এই অতর্কিত বর্ষণে ভিজতে হতো।

সামনে চড়াই। তারপর পুরোনো পথ বন্ধ হয়ে আছে, নতুন পথের নির্মাণ কার্য চলছে। পাহাড়ের গায়ে অস্থায়ী পায়ে চলা পথ। যেমন সংকীর্ণ তেমন অসমতল। কোথাও এতো সংকীর্ণ যে পাহাড় ধরে ধরে চলতে হয়। একটু অসতর্ক হলেই বিপদ।

নারায়ণের নাম নিয়ে সেই সংকীর্ণ পথে চলেছে তীর্থপথিকের দল। ‘জয় নারায়ণ’—এই কথার মধ্যে কী এক শক্তি লুকিয়ে আছে, যে শক্তিতে অশক্ত বাজীরাও পথ হেঁটে চলেছে।

কতো নর-নাগীকে দেখছি, বয়সের ভায়ে ছুয়ে পড়েছে, দৃষ্টিশক্তি ক্ষীণ, শরীর দুর্বল, অথচ ভাঙি বা কাণ্ডি ভাড়া করার সামর্থ্য নেই, চলেছে লাঠি ঠুঁকে ঠুঁকে দুটি পায়ের ওপর ভরসা করে। কখনো বসছে পথের ধূলা কাদার ওপর, দেহ এলিয়ে দিচ্ছে পাহাড়ের গায়ে। আবার ‘জয় নারায়ণ’ বলে লাঠি ভাঙ করে উঠে দাঁড়াচ্ছে। যে পথিক পাশ কাটিয়ে এগিয়ে যাচ্ছে, তাকে ডেকে জিজ্ঞাসা করছে, চটি আর কতদূর।

পার হয়েছি বললেও চটি। লক্ষ্য পাতুকের। এখনও পাঁচ মাইলেরও বেশী পথ হাঁটতে হবে। বললেও চটি থেকে ঘাট চটি সওয়া তিন মাইল রাস্তা। মধ্যে আর কোন চটি নেই।

এ পথের দৃশ্যও মনোরম, কিন্তু চলার পথ দারুণ বিপদসঙ্কুল। মাঝে মাঝে ঝর্ণার জল পড়ে প্রায় নিশ্চিহ্ন হয়ে গেছে পথ। কোন মতে হামগুড়ি দিয়ে পার হতে হয়। জল পড়ে পাথরে স্রাবণ জমে আছে, একটু নড়চড় হলে পা পিছলে পড়তে হবে প্যাচপেচে কাদা জলের মধ্যে। তার ওপর এ-পথে মালবাহী গরু, ভেড়া, ছাগল, ঘোড়ার ঝামেলাও বেশী। পাহাড়ের গা ঘেঁষে দাঁড়িয়ে থেকে এইসব মালবাহী পণ্যের পথ করে দিতে হয়। ভাঙিওয়ালারাও মাঝে মাঝে পেছন থেকে ‘হুঁশিয়ার, হুঁশিয়ার’ বলতে বলতে এগিয়ে আসছে। হয়তো ভাঙিতে চেপে চলেছেন কোন শেঠ, কোন মহাশয়, কিংবা অশক্ত বৃদ্ধ, বুড়ার।

বললেও চটি থেকে ঘাট চটি। এর মধ্যে কতোজনকে দেখলাম, চলতে

না পেয়ে পথের ধারে বসে পড়েছে। কতোজন আহুল নরনে পথ চলতি
যাত্রীদের দেখেছে আর ক্লান্ত কণ্ঠে বলছে আপন মনে, জয় নারায়ণ।

পশ্চিমধ্যে একজন প্রায় বৃদ্ধ বিচিত্র প্রকৃতির বাঙালী ভদ্রলোকের সঙ্গে
দেখা হলো। পরনে শতছিন্ন ফুলপ্যান্ট, ওতার কোট, মাথায় লেকলে
শোলার টুপি। হাতে একটি শৌখীন ছড়ি। চোখে নিকেলের চশমার
একটি ভাটি নেই, কানের সঙ্গে হুতো দিয়ে বাঁধা। মুখময় খোঁচা খোঁচা
কাঁচা পাকা দাড়ি গোঁফ। পথের ধারে একটি পাথর খণ্ডের ওপর কষল
বিছিরে বেশ আমিষী চালে বসে আছেন ভদ্রলোক। হাতে আধপোড়া
সিগারেট।

—দেশালাই আছে? পাশ কাটিয়ে যেতে জিজ্ঞাসা করলেন ভদ্রলোক।
ব্যাগ থেকে দেশালাই বার করে ভদ্রলোকের হাতে দিই। সিগারেট ধরিয়ে
পরপর কয়েকট টান মেয়ে আকাশের দিকে মুখ করে ধোঁয়া ছাড়লেন।—
দাঁড়াও, তাই, একসঙ্গে যাবো।

কষল কাঁধের ওপর ফেলে ভদ্রলোক উঠে দাঁড়ালেন।—চলো তাই।

কিছু পথ এসে জানতে চাইলেন আমার নাম ঠিকানা। নাম ঠিকানা
শুনে বললেন,—তাহলে তো আমাদের দেশের লোক! আমার বাড়ী কাঁটাল-
পাড়ার ঠাকুরপাড়ায়।

—আমার মামার বাড়ীও কাঁটালপাড়ায়। দাদামশায়ের নাম শুনে কপালে
হাত ঠেকিয়ে ভদ্রলোক বললেন,—ভরঁরস্ব মশায় আমার পিতৃভূলা। তুমি তাঁর
দৌহিত্র—বহুত আচ্ছা তাই! বলো ‘জয় ব্রহ্মবিশালকী জয়’।

চুপ করে রইলাম! ভদ্রলোক আমার হাত ধরে সম্মুখে কাঁকুনি দিলেন,
—কী ভগবানের নাম নিতে এতো দ্বিধা কেন? তুমি কি নাস্তিক!

—কারো নাম নিতে আমার দ্বিধা নেই। তবে ঈশ্বরের ওপর বিশ্বাস-
অবিশ্বাস কোন কিছুই নেই!

—তার মানে? সিগারেটের টুকরো ছুঁড়ে ফেলে দিয়ে ভদ্রলোক বললেন,
—তুমি আহো, আমি আছি—আর তিনি থাকবেন না, সে কী হয়। তিনিও
আছেন। সব কিছুই মধ্যোই তিনি।

—তাই যদি হয়, তবে তাঁর জন্তে এতো মাথাব্যথা কেন? কী দরকার
তাকে খুঁজে বেড়াবার।

—ছেলে মানুষ, তাই অমন করে বলছে। বয়স হোক, বুঝবে।

ঈশ্বর আছেন। এই বিশ্বব্রহ্মাণ্ডের অতি সুন্দর-অহু-পরমাপুর মধ্যে তাঁর প্রকাশ। শুধু এই জগতেই তিনি সীমাবদ্ধ নন। তিনি জগতের অতিরিক্ত। তাঁর অনন্ত শক্তির বিকাশ অসীম বিশ্বব্রহ্মাণ্ডের মাঝে অনন্তকাল ধরে চলবে। ‘একস্তথা সর্বভূতাস্তরাষ্ট্রা রূপং রূপং প্রতিরূপো বহিষ্ঠ’।—ঘাট চটি অখি ঈশ্বরতত্ত্ব বোঝাতে বোঝাতে এলেন ভক্তলোক।

সন্ধ্যা হয়ে এলো প্রায়। ঘাট চটিতে পৌঁছে দেখা হলো দলের অস্ত্রান্তদের সঙ্গে। সকলের মুখেই এক কথা—আজ আর এগানো যাবে না। পাণ্ডুকের আরো দু মাইল দূরে। পথে সন্ধ্যা হয়ে যাবে নিশ্চিত, তখন পাহাড়ের পথে চলা বিপদজনক।

ঘাটের এক চটিওয়ালার বারবার নিবেদন করলে। এখন আর রওনা হওয়া ঠিক হবে না। কিন্তু আমাদেরি চোখের সামনে কয়েকটি দল পাণ্ডুকের পথে রওনা হলো নারায়ণের নামে জয়ধ্বনি দিতে দিতে।

‘জয় বজ্রীবিশাল কৌ জয়’—প্রসাদদার কণ্ঠে কণ্ঠ মিলিয়ে আমরাও সমন্বরে ঘোষণা করি, ‘জয় বজ্রীবিশাল কৌ জয়’। তারপর একযোগে ঘাট চটি ছেড়ে পাণ্ডুকের উদ্দেশ্য পথ চলি।

সামনে একটি পাহাড় কেটে তৈরী হচ্ছে পথ। পাথর ধসিয়ে ফেলা হচ্ছে ডিনামাইট দিয়ে। এগনো পাহাড়ের ওপরে কাজ করছে মজুরেরা। পাথর সরিয়ে ফেলছে। অস্থায়ী পায়ে চলা পথ নদীর তীর দিয়ে। সেই পথ দিয়ে যাত্রীদল চলেছে ভয়ে ভয়ে। সকলের দৃষ্টি পাহাড়ের ওপরের দিকে। কখন আলগা পাথর গড়িয়ে পড়বে ঠিক নেই। একজন দেহাতী পথচারীর মুখে শুনলাম, গতকাল পাথর চাপা পড়ে দু জন যাত্রী মারা গেছে। একজন গুরুতর ভাবে জখম হয়েছে।

বিপদজনক পথটুকু পার হতেই প্রায় এক ঘণ্টা সময় লাগলো। পাণ্ডুকের এগনো কতদূর? পথ যেন ফুরায় না আর। যতো চলেছি, ততোই দীর্ঘ হচ্ছে পথ।

সন্ধ্যা নেমেছে পাহাড়ের দেশে। ফিকে অন্ধকার। অস্পষ্ট পথ রেখা। সামনে পেছনে বেনীদুর দৃষ্টি চলে না। কোন মতে পথ দেখে এগিয়ে চলা। একই সঙ্গে রওনা হয়েছিলাম ঘাট চটি থেকে। কিছু পথ একসঙ্গে এসে পরস্পরের কাছ থেকে সকলকেই বিচ্ছিন্ন হয়ে পড়েছি।

পথের ওপর বসে পড়েছেন শান্তিলতা। ছুটি পাথরের ফাঁকে পা পড়ে
পায়ের শিরার টান ধরেচে। উঠে দাঁড়াতে পারছেন না চেষ্টা করেও। কাতর
কণ্ঠে বললেন,—পা সোজা করতে পারছি না শ্রীমন্ত। কী করে বাকি পথ হেঁটে
যাবো ?

—চিন্তা করবেন না। বলে হাঁটু গেড়ে বসে শান্তিলতার আহত পায়ের
পেশী ম্যাসেজ করতে আরম্ভ করি।

—আহা, করছো কি শ্রীমন্ত, আমার পায়ে হাত দিচ্ছ তুমি ?

—কেন, আমি কী ? চূপ করে বসুন আপনি, দেখুন এখনি অস্বস্তি কেটে
যাবে।

—তোমার মাষ্টারমশায় কি এগিয়ে গেছেন ?

—হী। সবাই এগিয়ে গেছেন।

—কিন্তু তুমি সকলের পেছনে কেন ?

—আমি পেছনে থাকতেই ভালোবাসি।

কিছুক্ষণের মধ্যে শান্তিলতার পায়ের অস্বস্তি কেটে গেল। বেশ সহজ
ভাবে উঠে দাঁড়ালেন। শান্তিলতাকে নিয়ে কিছুদূর এগিয়ে এসেছি, এমন
সময় সুনতে পেলাম বিস্তিমাসির গলা।—ও চন্দনা, চন্দনা, আমারে ফেলে
রেখে তুই কি সত্যিই এগিয়ে গেলি।

চন্দনার কোন সাড়া শব্দ নেই। অন্ধকারে পথের ধারে দাঁড়িয়ে বিস্তিমাসি
একনাগাড়ে চন্দনাকে ডেকে চলেছে।—ও চন্দনা, রাঙ্সী—বুড়ো মাহুঘটার
ওপর কি তোর দয়ামায়া নেই। তোর কি পাখা গজিয়েছে, ও চন্দনা—

আমাদের দেখে বিস্তিমাসির চীৎকার থামলো। অল্পনয় জানিয়ে বললে,
—আমাকে তোমাদের সঙ্গে নিয়ে যাবে। অন্ধকারে কিছু ঠাণ্ডা করতে পারছিলেন।

শান্তিলতা বললেন,—এসো।

বিস্তিমাসি বোধহয় অন্ধকারের মধ্যে আমাকে চিনতে পারেনি। আমিও
ধরা দিলাম না—কী দরকার। ও আসছে আশুক আমাদের সঙ্গে।

পাত্তকেশবের পৌছে প্রথমেই দেখা হলো চন্দনার সঙ্গে। একটি দোকানের
সামনে পথ চেয়ে বসেছিল। মাসির অপেক্ষায়। বিস্তিমাসি তো ওকে
দেখেই বা না-বলার তাই বললো। চন্দনা সে কথায় কান না দিয়ে বললে,
—মাসি তুমি কার সঙ্গে এলে ?

—পথে কী সাবীর অভাব। বলে আমার মুখের দিকে ফিরে চাইলো।—হঁ।

চন্দনা মুখে আঁচল চাপা দিয়ে ফিক্ ফিক্ করে হাসতে আরম্ভ করে। হেসে গড়াগড়ি বাবার যোগাড়। বিস্তিমাসি দাঁতে দাঁত চেপে বলে,—হেসে মরছিল কেন মুখপুড়ি, তোর অঙ্গে কি জলুনি ধরলো। আ মরণ।

ওদিকে থাকবার জায়গা হয়েছে একটি নীচের তলার ঘরে। ঘরের মধ্যে একরাশ কাঠকুটো, বেঞ্চি, ভাঙা তক্তাপোশ—এইসব। এছাড়া আর ঘর পাওয়া যায়নি।

আজ পথশ্রমে সকলেই যাবপরনাই ক্লান্ত, অবসন্ন। দোকান থেকে পোড়া পোড়া কটি আর লাড্ডু খেয়েই রাতের আহার শেষ করতে হলো। এই রাতে আর রান্না করতে কার মন চায়। তাছাড়া এতো ছোট ঘর যে রান্নার আয়োজন করাও অসম্ভব।

রাত নটা না বাজতে যে বার শয্যা গ্রহণ করেছে। শুধু ঘরের কোণে প্রসাদদা বসে বসে পাণ্ডুকেশরের ইতিবৃত্ত বলছে। মহারাজা পাণ্ডু যুগয়ার উদ্দেশ্যে বনমধ্যে ভ্রমণ করতে করতে এখানে এসে এক যুগরূপী তাপসকে হত্যা করেন। তাপস মৃত্যুকালে মহারাজ পাণ্ডুকে এই বলে অভিশাপ দিয়ে গেলেন যে, স্ত্রীর সঙ্গে যৌন সংসর্গে মিলন মুহূর্তে তাঁর মৃত্যু হবে। শাপগ্রস্ত পাণ্ডু তখন ভগবান বিষ্ণু এবং দেবাদিদেবের নিকট শাপমুখির আশায় এখানে কঠোর তপস্যা আরম্ভ করেন। মহারাজ পাণ্ডুই এখানে নারায়ণ এবং শিবের মন্দির প্রতিষ্ঠা করেন। বর্তমানে সে শিব মন্দিরের অস্তিত্ব এখানে নেই, শুধু দেখা যায় যোগবদ্রী মন্দির অঙ্গনে একটি লিঙ্গ মূর্তি বর্তমান।

এই পাণ্ডুকেশরের নিকটে নদীর ঝুলন্ত সেতু পার হয়েই চলে গেছে লোকপালের পথ। লোকপাল বা হেমকুণ্ডে শিখগুরু গুরুগোবিন্দ সিং পূর্ব জন্মে তপস্যা করেছিলেন বলে কথিত আছে। বৈকুণ্ঠের সদা জাগ্রত প্রহরী জয়া এবং বিজয়া এই লোকপালেই অধিষ্ঠান করেন। শোনা যায় লক্ষ্মণও এখানে কিছুকাল তপস্যায় রত ছিলেন। চোদ্দ হাজার দুশ পঞ্চাশ ফুট ওপরে, মনোরম ব্রহ্ম হেমকুণ্ড যুগ-যুগান্তর ধরে তীর্থ পথিককে আকর্ষণ করছে। এখানে গুরুদ্বার এবং ধর্মশালা আছে।

এ পথে কেউ সূর্য ওঠার অপেক্ষায় থাকে না। তীর্থ পথিকের দিন—রাত থাকতেই আরম্ভ হয়।

‘জয় বজ্রী বিশাল কী জয়’। অল্প দিনের চেয়ে আজ বাজ্রীদের কণ্ঠস্বর আরও উচ্চগ্রামে বাধা। আজই হবে বাজ্রার পরিসমাপ্তি। আজই তীর্থ পথিকের দল পৌঁছবে নারায়ণের লীলাভূমি বজ্রী ক্ষেত্রে।

যাতের শেষ প্রহরে বাজ্রা শুরু করেছিলেন। পথে ভোর হলো। এ বেলায় বাজ্রা শেষ হবে হুয়ান চটিতে পৌঁছে।

ভোর হয়েছে, কিন্তু সূর্যের দেখা নেই। গাঢ় কুয়াশায় সব কিছু আচ্ছন্ন। যতো বেলা বাড়ছে, ততো গাঢ় হচ্ছে কুয়াশা। গাড়োয়ালী কুলিদের ধারণা বুষ্টি নামবে।

কিন্তু যতো কুয়াশা হোক, তবু আজ যে মনোরম পথ ধরে আমরা চলেছি তার তুলনা নেই। দুধারে পাইন গাছের অরণ্য, সুন্দর লতা, গুল্ম, কোপ-কাড়। ফুল ফুটে আছে লতায় গুল্মে, ছোট ছোট গাছে। বিচিত্র ফুলের বর্ণাঢ্য সমারোহ। প্রজাপতি উড়ছে ফুলে ফুলে, পাখীরা গান গাইছে গাছের ডালে বসে। তারই মধ্যে কুয়াশা জড়ানো পথ অতুলসরণ করে চলেছে বিচিত্র নর-নারীর মিছিল।

পশ্চিমধ্যে দুটি কিশোর বালককে দেখলাম। চন্দন চর্চিত ললাট, গলায় যজ্ঞোপবীত আর রুদ্রাক্ষের মালা। মাথার চুল চূড়ো করে বাধা। পথের ধারে দাঁড়িয়ে গাইছে—

‘বজ্রীনারায়ণ, নারায়ণ, না-রা-য়-ণ,

লক্ষ্মী নারায়ণ, নারায়ণ, না-রা-য়-ণ’

লক্ষ্মী-নারায়ণের নাম গান। অপূর্ব ভাবরস সিঞ্চে ওই দুটি পংক্তি রূপ পেয়েছে এক অনবদ্য সঙ্গীতে। দুটি পংক্তিই একভাবে গেয়ে চলেছে দুটি কিশোর বালক। সামনে পথের ওপর একটি তাম্রপাত্র। তীর্থ পথিকের দানে সে পাত্র পূর্ণ।

পূরবী বিহ্বল হয়ে শুনেছে ওই দুটি কিশোর বালকের নাম কীর্তন। সবাই এগিয়ে গেছে, ওর পা বাড়াবার নাম নেই।

—চলো। পূরবীর পাশে দাঁড়িয়ে অম্লত কণ্ঠে বলি,—সবাই যে এগিয়ে গেছে।

—যাক ! পূরবী নিম্পূহ কণ্ঠে বলে,—ভুমিও যাও না। মিছে দেয়ী করছো।

যেতে যেতে তবু পিছন ফিরে চাই। পূরবী তেমনি দাঁড়িয়ে থেকে বালক-কণ্ঠের নাম কীর্তন শুনেছে।

পায়ে পায়ে এগিয়ে চলি। পাহাড় দেশের আবহাওয়ার মতিগতি বোঝা

দায়। ক্যাপাটে আবহাওয়া। ছিল কুয়াশা, তার ওপর হলো মেঘ। কুয়াশা ঘন রূপান্তরিত হলো মেঘে।

প্রকৃতির দৃশ্যপট বদলে গেল। দূরের দৃশ্য ঢাকা পড়েছে মেঘে। পাহাড়ের সে ছায়া ছায়া রূপও আর দেখা যাচ্ছেনা।

চলেছি মেঘলোকের মধ্যে দিয়ে। কুয়াশার বিন্দু টপটপিয়ে ঝরছে পাইন গাছের চিকন পাতা থেকে।

বাতাসও এলো সময় বুঝে—ঝড় নয়, বাতাস। সঙ্গে কনকনে শীতের প্রবাহ। থেমে গেছে চলমান মিছিলের কণ্ঠস্বর। সে উল্লসিত জয়ধ্বনি আর শোনা যাচ্ছে না। শুধু চড়াই পথে উঠতে দীর্ঘশ্বাস মিশিয়ে আপন মনে উচ্চারণ করছে—জয় নারায়ণ, জয় নারায়ণ।

শীতে হাত পা অসাড় হয়ে যাবার উপক্রম। হাতের মুঠিও শিথিল হয়ে আসছে, লাঠি ধরে রাখা দায়। প্রতিটি যাত্রীর চোখে মুখে এক জিজ্ঞাসা—চটি আর কতো দূর?

চটি এখনো অনেক দূর। হুমান চটির আগে আর আশ্রয় মিলবে না।

সামনে পিছনে বেশী দূর দৃষ্টি চলে না। ঘন মেঘের পর্দা টানা।

তীর্থ-পথিকের মিছিল চলেছে। নীরব মিছিল। মাঝে মাঝে কাণ্ডি ও ভাণ্ডিওয়ালার কথা শোনা যাচ্ছে—‘হঁশিয়ার হঁশিয়ার’। কখনো মালবাহী পশুদলের রক্ষকও ‘হঁশিয়ার’ বলে হাঁকছে।

—মাসি, ও মাসি—সামনের পথ থেকে আর্ত চীৎকার কানে এলো।—মাসি, শিগগির ধরো, মরে গেলাম।

পরক্ষণেই বিস্তিমাসির কথা শুনে পেলাম—তুই মর না। মরলে আমার হাড় জুড়ায়।

তাড়াতাড়ি ছুটে যাই। আমি আর একজন অবাঙালী সহযাত্রী। গিয়ে বা দেখলাম, শিউরে উঠতে হয়। খাদের ধারে একটি গাছের শিকড় ধরে কুলছে চন্দনা। পা ছুটি শূন্যে। আর বিস্তিমাসি হুচোখ কপালে তুলে হতভম্বের মতো দাঁড়িয়ে আছে। চন্দনা চেঁচা করছে শিকড় ধরে ওপরে উঠতে। পারছে না। চিন্তা করার সময় কই এ-অবস্থার। আর দু'এক মিনিটের বেশী সময় চন্দনা ধরে রাখতে পারবে না গাছের শিকড়।

তখন—

বিপদের বুঁকি নিয়েও চন্দনাকে টেনে তোলা হলো। অবাঙালী সহযাত্রী

ভক্তলোকের সত্যিই সাহস আছে। কোনদিকে ভ্রক্ষেপ না করে গাছের শিকড় ধরে করেকফুট নীচে নেমে চন্দনাকে তুলে ধরলেন সবল হাতে! আমি শুধু তাঁকে সাহায্য করেছি মাত্র।

বিপদ মুক্ত হয়েও চন্দনা খানিক সময় হতবাক দাঁড়িয়ে রইলো। তারপর আমার মুখের দিকে চেয়ে বললে,—আপনি আমাকে বাঁচালেন।

—আমি নই—বলে সহযাত্রী ভক্তলোককে দেখিয়ে বললাম,—উনি না থাকলে হয়তো তোমাকে উদ্ধার করা আমার একার পক্ষে সম্ভব হতো না।

ভাঙিওয়ালাকে পাশ কাটিয়ে দাঁড়াতেই এই বিপদ। পা হড়কে পড়ে যায়। ভাগ্যিস শিকড়টা ধরে ফেলেছিল তাই বাঁচোয়া, নইলে যা ঘটতো তা কল্পনা করতেও শিউরে উঠতে হয়।

সহযাত্রী ভক্তলোক চন্দনার ধন্তবাদ ফিরিয়ে দিলেন। বললেন,—কিছুই করেন নি তিনি। যা কিছু করেছেন, তিনিই স্বয়ং। তারপর, ‘জয়নারায়ণ, জয় নারায়ণ’ বলতে বলতে এগিয়ে চললেন।

বিনায়ক চটি পেছনে রেখে লামবগড়ের পথে চলেছি। লামবগড় থেকে হুহুমান চটি আরো মাইল চারেক দূরে। আজ যেন কী হয়েছে। এই সামান্ত মাইল দুই পথ হাঁটতে প্রায় চার ঘণ্টা সময় লাগল।

লামবগড়ে পৌঁছে চা-পানের প্রত্যাশায় একটি দোকানের সামনে বলেছি। দেখছি পথের দিকে। কতো চেনা-অচেনা মুখ। কেউ লামবগড়ে ক্ষণকাল বিক্রায় নেবে বলে অপেক্ষা করছে, কেউ অপেক্ষা না করে এগিয়ে যাচ্ছে।

—শ্রীমন্ত। শুভলক্ষ্মী সামনে এসে দাঁড়ালো।

—কখন এলে?

—এইতো আসছি।

—চা খাবে?

—না! তুমি তাড়াতাড়ি চা খেয়ে নাও। চলো—দেখছো না আজকের আবহাওয়া।

—শুধু তাই নয় শুভলক্ষ্মী, সামনে আরো চড়াই পথ আমাদের জন্তে অপেক্ষা করছে। শুনছি এখান থেকে হুহুমান চটির মধ্যে তেমন কোন আশ্রয় নেই আর।

বধিও চলেছি শুভলক্ষ্মীর সঙ্গে, তবু পেছন থেকে আর একজন আমাকে টানছে। সে পূরবী। ভাবছি, তাকে কী পিছনে কেলে যাওয়া ঠিক হবে। সে এখনো এলো না কেন! তবে কী এখনো সে পথে দাঁড়িয়ে কিশোর বালক দু'টির নাম কীর্তন শুনছে।

—কী ভাবছো? শুভলক্ষ্মী জিজ্ঞাসা করলে।

—আর একজনের কথা ভাবছি। ভাবছি, সে এখনো আসছে না কেন!

—তবে একটু বসো। শুভলক্ষ্মী মুহূ হেসে বললে,—সে আহুক।

—তাকে তুমি চেনো?

—চিনি বৈকি।

পথের পাশে পাহাড়ের গায়ে মন্মথ একথণ্ড পাথর। তারই ওপর পাশা-পাশি দুজন বসে থাকি পূরবীর অপেক্ষায়।

চোখের সামনে কতো রাজীদল চলে গেল, কিন্তু পূরবী এলো না। চন্দনাকেও দেখলাম, বিস্ত্রিমাসির সঙ্গে পথ চলছে। আমাকে দেখে চন্দনা মুহূর্তের অন্ত্রে দাঁড়ালেও, কোন কথা বলে নি। তবে বলার ইচ্ছে ছিল।

বসে থাকতে থাকতে বৃষ্টি নামলো। পাইন বন আলোড়িত হলো ঝড়ো হাওয়ার স্পর্শে। বর্ষাতি গায়ে জড়িয়ে বসে রইলাম পূরবীর আসার পথ চেয়ে।

অবশেষে পূরবীও এলো। সঙ্গে না আছে ছাতা, না আছে বর্ষাতি। সবই আছে হুলির কাছে, সঙ্গে নিতে ভুলে গেছে।

বৃষ্টিতে ভিজে কাঁপছে পূরবী। কাঁপছে ওর শীর্ণদেহ তরুলতা। দেহের রক্তের উত্তাপ নেই তাই অমন করে কাঁপছে। কাঁপছে বিবর্ণ মুখ, হাতের লালচে আঙুলের ডগা নীল হয়ে গেছে। অহুচ্চকণ্ঠে বললে,—আমারই ভুল হয়েছিল শ্রীমন্ত, তোমার সঙ্গে না এসে। হতুমান চটি অশ্বি কেমন করে যাবো, তাই ভাবছি। আজ মনে হচ্ছে, এ পথে না এলেই ভালো হতো!

—কিন্তু এসেছো যখন, তখন শেষ পর্যন্ত তোমার বেঁচে হবে। বলে পূরবীকে তার ভিজে ঝাক'টা গা থেকে খুলে ফেলতে বলি।

—এটা ছিল বলেই গায়ের জামা শুকনো আছে। ভিজে ঝাক' গা থেকে খুলে ফেললো পূরবী।

শুভলক্ষীর গারে ওভারকোট, স্বাক্ষর দুইই ছিল। ওভারকোটটি খুলে পূর্ববিকে দিলো। হাসিমুখে শুভলক্ষীর ওভারকোট পরলো সে। তারপর আমার ছাতার মধ্যে এসে বললে,—আমার জন্তে তোমাদের দুজনেরই কষ্ট হল শ্রীমন্ত।

—তা হোক। শুভলক্ষীও মুখে হাসি ফুটিয়ে বললে,—তোমার কষ্ট আমাদের দুজনে না হয় ভাগ করে নিলাম।

পাশা-পাশি পথ চলেছি তিনজনে। হোক চড়াই, তবু স্বচ্ছন্দে হেঁটে চলেছি। মেঘ বৃষ্টি আর বাতাস—যতো কষ্টই হোক, তবু আমরা কষ্টের মধ্যে থেকে আনন্দ-রসটুকু আহরণ করতে করতে সামনের পথ পিছনে রেখে হুহুমান চটির পথে অনায়াসে এগিয়ে চলেছি।

—এই মেঘ, বৃষ্টি আর কনকনে বাতাস—পূর্বী বললে, তবু আজ বড়ো সুন্দর লাগছে।

—এ পথ তো সুন্দরের পথ—শুভলক্ষী বললে, এ পথে কোন কিছুই অসুন্দর নয় তাই।

—হাঁ—পূর্বী চারদিকে চোখ বুলিয়ে মুগ্ধ কণ্ঠে বললে, কিন্তু আজ আমার এতো ভালো লাগছে কেন বুঝতে পারছি না।

—কিন্তু এই তুমিই একটু আগে বলেছো, এ পথে না এলেই ভালো হতো।

—ওটা কথার কথা। পূর্বী অর্থপূর্ণ দৃষ্টিতে আমার মুখের দিকে চেয়ে বললে,—আজ আমার সত্যি খুব ভালো লাগছে শ্রীমন্ত। সবকিছু মনে হচ্ছে রূপ কথার মতো।

—কিন্তু রূপকথা এ নয়। শুভলক্ষী বললে,—এখানে কোন কিছুতে কল্পনার ভেজাল নেই। যা কিছু চোখে দেখছি, অসম্ভব করছি,—তাই নিয়েই তো এতো ভালো লাগা।

বেলা এগারোটা।

হুহুমান চটিতে পৌঁছে তবে নিশ্চিন্ত। এখানে কয়েকঘণ্টার মতো যাত্রা বিরতি। বিশ্রাম। তারপর আবার সেই পথ। এবেলা পথ চলেছি দুর্ভোগের মধ্যে, না জানি এরপর কেমন পথ অপেক্ষা করছে আমাদের জন্তে।

পথ চলেছে ভীর্ণপথিকের দল। সারাটি পথ মুখর হয়ে আছে নারায়ণের জয়ধ্বনিতে। কিছু পথ উৎরাই-এ নেমে আবার চড়াই পথের শুরু। সঙ্গীর্ণ বক্সি পথ। বুষ্টির জলে ভিজ়ে সে পথ হয়েছে পিছল।

খাদের দিকে ফিরে চাইতে ভয় হয়। খাদের গভীরে বয়ে চলেছে অলকানন্দা। অলকানন্দা থেকে ছুটে আসছে কোথায় বাবে? সমুদ্রে—মহাসমুদ্রে।

অজস্র উপলব্ধির বাধা অতিক্রম করে অলকানন্দা ছুটে চলেছে। কানে আসছে তার কলোচ্ছ্বাস। সংগীতের মত মিষ্টি তার ছন্দের স্বাক্ষর।

পাহাড়ের গায়ে, খাদের মধ্যে কত রকমের ফুল ফুটে রয়েছে। বিচিত্র সে ফুলের সমারোহ। কিন্তু একটি ফুল তুলতেও মন চায় না। মনে হয়, থাক। ওরা ফুটে থাক। যে ফোটেনি, সে-ও ফুটুক।

সময় কারো জন্তে অপেক্ষা করে না। সময়ের সঙ্গে পথও সংকীর্ণ হয়ে আসছে। তবু প্রতি মুহূর্তের জিজ্ঞাসা—আর কতদূর। কতোক্ষণে দেখবো নারায়ণের নিকেতন।

‘বজ্রীনারায়ণ, নারায়ণ, নারায়ণ,
লক্ষ্মী নারায়ণ, নারায়ণ, নারায়ণ।’

স্বমধুর কণ্ঠস্বর কানে এলো। কে গাইছে এমন করে। পিছনে ফিরে চাই। শুভলক্ষ্মী আসছে। তারই কণ্ঠে ভক্তিরস সিঞ্চিত এই ছুটি কলি।

—দাঁড়িয়ে না শ্রীমন্ত। শুভলক্ষ্মী বললে,—চলো। এখন নিজেই নিজের জন্তেই রাখো।

আরো কিছুদূর। আরো কিছুপথ। তারপর বুষ্টির দর্পণে প্রতিফলিত হলো নারায়ণের লীলা নিকেতন বজ্রীক্ষেত্র!

‘জয় বজ্রী বিশাল কী জয়’—‘জয় বজ্রী বিশাল কী জয়’—বারে বারে উচ্চ কণ্ঠে জয়ধ্বনি দিই।

দূরে নয়নাভিরাম বজ্রীপুরী। শ্রীভগবানের লীলা নিকেতন। অলকানন্দার পশ্চিম তটে নারায়ণ পর্বতের পাদদেশে রমণীয় বজ্রীক্ষেত্র। পূর্বপারে নর-পর্বত। দক্ষিণে ঋষিগঙ্গা। দূরে কাছে তুষারচ্ছায়াবিত্ত অসংখ্য গিরিশৃঙ্গ। নারায়ণ পর্বতের পারে নীলকণ্ঠের ধ্যান-গম্ভীর শিখর আকাশ স্পর্শ করেছে।

মাথা নিচু হয়ে আসে। হুচোখে প্রত্যক্ষ করি আমার ঈশ্বরকে। মনে হয়, স্বর্গের সিংহাসন উন্নত হয়ে গেছে। দেবতা দাঁড়িয়ে আছেন ভক্তের প্রতীক্ষায়।

যুগ যুগান্তর ধরে মর্তের মাহুত ছুটে এসেছে এই পথে। বিপদকে সে মাহুত পয়রা করেনি, হিমালয়ের দুর্লভ বাধাকে ভুজ করে ছুটে এসেছে এই পথে। দুঃখের মূল্য সে মাহুত পেয়েছে অক্ষয় আনন্দ। যে আনন্দ জীবনের দুর্লভধন।

যুগ চলে গেছে নিঃশব্দে, শতাব্দী চলে গেছে যুগের আবর্তে। কতো ঝড়, ঝড়, তুষারপাত, বিপন্ন সংঘটিত হয়েছে, বিলুপ্ত হয়ে গেছে লক্ষ পখিকের পায়ের চিহ্ন—তবু এ পথ চিরদিনের পথ।

সামনে দৃষ্টি নিবদ্ধ রেখে এগিয়ে চলেছে নয়-নারীর মিছিল। আর চড়াই উৎরাই নয়—সরল পথের ওপর দিয়ে যাত্রীদল চলেছে। আকাশ পরিষ্কার, তবে একেবারে মেঘমুক্ত নয়। পশ্চিম দিগন্তে সূর্য চলে পড়েছে নীলকণ্ঠের শিখরে পশ্চিমের পর্বত গাত্রে।

কিন্তু একি হলো !

পরিস্কার আকাশ অকস্মাৎ ঢেকে যায় ঘন কুয়াশার আন্তরণে। অসতর্ক মুহূর্তে শুরু হলো তুষার পাত। পেরা তুলোর মত তুষার ঝরেছে সারা আকাশ জুড়ে। বর্ষাতি গায়ে দিয়ে তুষারের আক্রমণ থেকে নিরুত্তি পাবার ভ্রান্তে প্রতিটি যাত্রী তৎপর। ছাতা মাথায় দেওয়া অসম্ভব। বিন্দু বিন্দু তুষার পড়ে ছাতা ভরে যাচ্ছে। ধরে রাখা দায়।

পায়ের নীচে মাটি আর নেই। এবার বাকি পথ বরফের ওপর দিয়ে যেতে হবে। দূরে দেখা যাচ্ছে বঙ্গোপসাগর। তাইতো এই তুষারপাতের মধ্যেও এগিয়ে যেতে পারছে যাত্রীদল দুঃখের সান্তনা নিয়ে।

এদিকে পশ্চিম দিগন্তে সূর্যের আলোর বর্ণচ্ছটা, অল্পদিকে এক নাগাড়ে তুষারপাত। সেই সঙ্গে, নতুন উপসর্গ, ঝড়ো বাতাস। প্রকৃতির—এ-এক বিচিত্র গীতা খেলা।

পুরু বরফের আন্তরণের ওপর সতর্কতা তুষার। প্রতি পদক্ষেপেই চিন্তা, পা পিছলে না যায়। আবার কোথাও কোথাও বরফ গলে রয়েছে। পা ডুবে যাবার ভয়। এছাড়া ঘোড়ার খয়ের গর্তও লক্ষ্য রেখে চলতে হচ্ছে।

আগে লাঠি ঠুকে দেখতে হচ্ছে বরফ শক্ত আছে কি-না, তারপর পা বাড়ানো। একটু অসুস্থমনস্ক হবার জো নেই।

কতোজনকে দেখছি, কেউ পা পিছলে পড়েছে বরফের ওপর, কেউ গর্তে পা কেলো বাপ্পে মারে করে উঠছে।

একে প্রচণ্ড শীত, তার ওপর এই তুষারের কায়ড়, এছাড়া ঝড়ো হাওয়ার আফালন—নারায়ণের এ কী পরীক্ষা শুরু হলো বাত্মীদের নিয়ে। কতো নর-নারী তো নারায়ণের নাম ভুলে চোখের জল ফেলতে আরম্ভ করেছে। কতোজন বরফের ওপর লাঠি ভর করে দাঁড়িয়ে, ‘হা নারায়ণ, হা নারায়ণ’ করেছে।

—বাবা, আমি যে আর নিঃশ্বাস নিতে পারছি নে—অপরিসীম এক বৃদ্ধার কাঁধের কণ্ঠস্থর শুনলাম। বৃদ্ধা দাঁড়িয়ে আছেন পথের ধারে। ছাতা বা বর্ষাতি সঙ্গে নেই। শুধু একটি তুলোটি কবল গায়ে জড়ানো। সর্বাঙ্গ তুষার কণায় ঢাকা। বৃদ্ধা মুখ দিয়ে জোরে জোরে শ্বাস টানছেন।

—কী হয়েছে আপনার? জিজ্ঞাসা করেও সাড়া পেলাম না। শুধু শ্বাস টেনে চলেছেন বৃদ্ধা। কি করব ঠিক করতে না পেরে বললাম,—ভুলে যান আপনার কষ্ট হচ্ছে। নারায়ণের নাম করুন।

—না-রা-গ-ণ, না-রা-গ-ণ—বলে বরফের ওপর চলে পড়লেন বৃদ্ধা।

পেছনেই আসছিল প্রসাদদা। হস্তদন্ত হয়ে এসে বৃদ্ধার নাড়ি টিপে, বৃকে হাত দিয়ে উঠে দাঁড়ালো।—সব শেষ।

—সব শেষ!

কত সহজে সব শেষ হয়ে গেল।

প্রশ্ন করি,—কী হবে প্রসাদদা?

—কী আবার হবে। চলো।

—উনি পড়ে থাকবেন এখানে?

—উনি তো চলে গেছেন।

আশ্চর্য মাহুষ প্রসাদদা। আমার চোখে জল দেখে বললে,—কান্দছো কেন। বোকা ছেলে—চলো।

—কিন্তু ভগবানের এ কী অবিচার প্রসাদদা!

—মাহুষের আইনে আর ঈশ্বরের বিধানে তফাৎ আছে শ্রীমন্ত। আমার কাঁধে হাত রেখে প্রসাদদা বললে,—ওই বৃদ্ধার জীবন শেষ হলো এইটাই সত্যি কথা। জীবনতো ধরে রাখবার সামগ্রী নয়। বাড়ির পাচিলের চৌহদ্দির মধ্যে একদিন যে জীবন শেষ হতো, সেই জীবন বজ্রীপুত্রীর কাছে শেষ হলো। আমি এই সহজ কথাই বুঝি।

আর দূরে নয়, কাছে। চোখের সামনে বজ্রীনারায়ণের স্মর্য্য মন্দির।

নারায়ণ পর্বতের পাদদেশে অলকানন্দার পশ্চিমতটে নানা পুষ্প সুশোভিত উপত্যকায় এই বজ্রীনারায়ণের কথা হিন্দুদের প্রাচীন পুঁথি পুঁথানে সর্বত্র উল্লেখ আছে। বৃহৎ তরুরাজি বর্জিত এই উপত্যকায় ছোট কণ্টকময় ঝাড় ও বহু ধরনের রঙিন সুগন্ধী ফুলের গাছ দেখা যায়। গ্রীষ্ম ও শরৎকালে এই উপত্যকা জুড়ে বিচিত্র ফুলের সমারোহ—এই স্থানকে স্বর্গীয় স্থলমা মণ্ডিত করে তোলে।

এই স্থানের আর এক নাম বজ্রীবন। এই বজ্রীবন নারায়ণের বাহিত স্থান। দেবর্ষি নারদ এই বদরিকাশ্রমে তপস্তা করেছিলেন। একদা বদরীক্ষেত্রকে নারদ ক্ষেত্রও বলা হয়। কুরুক্ষেত্র যুদ্ধের পর পাণ্ডবগণ এই পথে স্বর্গযাত্রা করেন। ভগবান শ্রীকৃষ্ণ আপন প্রিয় শিষ্য ও সখা উদ্ধবকে বদরীবনে তপস্তা করতে নির্দেশ দিয়েছিলেন। বজ্রীবাণালের যে মূর্তি আজও পূজিত হচ্ছে, নারদ এই মূর্তিকে পূজা করেছিলেন।

বৌদ্ধযুগে বৌদ্ধগণের হিন্দু বিদ্বেষ কারণে এই মূর্তি কোন এক সময়ে অলকানন্দার গর্ভে নিমজ্জিত হয়েছিল বলে শোনা যায়। তারপর দাক্ষিণাত্যের আদিগুরু শ্রীশঙ্করাচার্য ভারত পরিক্রমার কালে এই বদরিকাশ্রমে উপনীত হন। ঐশী প্রেরণায় তিনি অলকানন্দার গর্ভ থেকে নারায়ণের মূর্তি উদ্ধার করেন।

বর্তমান এই মন্দিরটি নির্মিত হয় পঞ্চদশ শতাব্দীতে। তদানীন্তন গাজডয়ালের মহারাজা স্বপ্রাদিষ্ট হয়ে এই মন্দির নির্মাণ করেছিলেন। শোনা যায়, এই মহারাজা দুরারোগ্য কুষ্ঠরোগে আক্রান্ত হয়ে বজ্রীনারায়ণের নামে ধর্মা দিয়ে পনের দেবতার আশীর্বাদে রোগমুক্ত হন। পরে প্রান্তররঞ্জীয়া রাণী অহল্যাবাঈ ঐ মন্দিরের পূর্ণ সংস্কার সাধন করেছিলেন। মন্দিরের সুবর্ণ খচিত অংশ রাণী অহল্যাবাঈ-এর কীর্তি নিদর্শন।

‘পবন মন্দ সুগন্ধ নীভল, হেম মন্দির শোভিতম্।

নিকট গঙ্গা বহত নিরমল, শ্রী বদরিনাথ বিশ্বস্তরম্।

শেষ স্মরন করত নিশিদিন, ধরত ধ্যান মহেশ্বরম্।

শ্রীবৈদ ব্রহ্ম করত স্তুতি, শ্রীবদরিনাথ বিশ্বস্তরম্।

ইন্দ্র, চন্দ্র, কুবের, ধনিকর, ধূপদীপ প্রকাশিতম্।

সিদ্ধ মুনিজন করত জয় জয়, শ্রীবদরিনাথ বিশ্বস্তরম্।’

বজ্রীনারায়ণের স্তুতি গান করছে ভক্ত জনেরা। করজোড়ে দাঁড়িয়ে আছে অগণিত নর-নারী। এক ভাবগম্ভীর পরিবেশে আরম্ভ হলো আরতি। অপূর্ব সে দৃশ্য। নিতাস্ত নাস্তিক যে তারও মাথা নীচু হয়ে আসে—মূহূর্তের জন্তে সে ভুলে যায় যে সে ঈশ্বরে অবিশ্বাসী।

আরতি শেষ হলো। কতক যাত্রী চলে গেল, কতক মন্দিরের অংগনে প্রাংগণে এই শীতের মধ্যেও ভিড় করে রইলো নারায়ণের নির্বাণ রূপ দর্শন করবে বলে।

গীতা পাঠ ও বিষ্ণুর সহস্র নাম আবৃত্তির পর শুরু হলো নির্বাণ দর্শন পর্ব। শুধু পূজারীর একক কণ্ঠে মন্তোচ্চারণ ছাড়া আর কোন শব্দ বংকার নেই। দর্শনার্থীর হৃদয় ভরে যায় এই নির্বাণ দৃশ্য অবলোকন করে। সে দৃশ্য বর্ণনাভীত। কেমন যেন আত্মসম্বোধিত হয়ে পড়ে অপেক্ষমান নর-নারী। এই নির্বাণ মূহূর্ত সম্পূর্ণভাবে আত্মনিবেদনের।

মন্দিরের দ্বার আজ রাতের মতো বন্ধ হলো। একে একে সমবেত নর-নারী ফিরে গেল রাতের আশ্রয়ে।

—তুমি যাবে না ত্রীমন্ত ? মাষ্টারমশায় ডাকলেন,—এসো—আর বসে থেকে কী করবে।

—চলুন মাষ্টার মশায়। তবু বার বার ফিরে চাই মন্দিরের বন্ধ দ্বারের দিকে। দেবতা বন্দী ওই মন্দিরে, দেবতা মুক্ত ভক্তের অন্তরে।

মাষ্টার মশায়ের সঙ্গে আশ্রয়ে ফিরে এসেছি। বসেছি ঘরের কোণে আপন শয্যাপ্রান্তে। তারপর বজ্রী-নারায়ণের প্রসাদ গ্রহণ করেছি সকলের সঙ্গে। কিন্তু কি জানি কেন, আজ এই মূহূর্তে আমি কেমন যেন এক অতীন্দ্রিয় অসুভূতিতে পঙ্গু হয়ে পড়েছি।

মনের পর্দায় শুধু একটি ছবিই দেখাচ্ছি—পদ্মাসনে উপবিষ্ট নারায়ণ, কানের মধ্যে শুধু একটি সুরই বাজছে—

বদরীনারায়ণ—নারায়ণ—না-রা-য়-ণ,

লক্ষ্মী নারায়ণ—নারায়ণ—না-রা-য়-ণ

সেই একভাবে বসে আছি। জানি না কত রাত হয়েছে। একসময় শুনেছি শৈল্য প্রসাদদার কথা—অনেক রাত হয়েছে, শুয়ে পড় ত্রীমন্ত।

অন্তলময় হলে হয়তো প্রসাদদার কথায় লাড়া দিতাম, কিন্তু এই মূহূর্তে

একটি কথাও এলো না মুখে। শুধু বাতির আলোর দেখতে পেলাম প্রসাদদা বিছানা ছেড়ে উঠে আমার কাছেই আসছে।

কাছে এলো প্রসাদ দা। আমার কাঁধে হাত রাখলো। জিজ্ঞাসা করলে,
—এমন করে বসে আছো কেন? শুয়ে পড়।

—প্রসাদ দা, আজ আমার মনটা হঠাৎ পঙ্ক হয়ে গেছে কেন বলতে পারো।
কী যে ভাবছি, আর কী যে ভাবছি না, কিছুই বুঝতে পারছি না।

—ও কিছু নয় শ্রীমন্ত। শুয়ে পড় তো লক্ষ্মীছেলেটির মতো।

প্রসাদদা এক রকম জোর করেই শুইয়ে দিলে আমাকে। লেপ কখনো
আপাদ মস্তক মুড়ি দিয়েছি। চোখের সামনে তখনো নারায়ণের সেই
জ্যোতির্ময় মূর্তি।

মানস নেত্রে সেই জ্যোতির্ময় মূর্তি প্রত্যক্ষ করতে করতে কখন যে নিত্যাচ্ছন্ন
হয়ে পড়েছি সে খবর জানি না।

রাত শেষ হয়েছে।

শুনতে পেলাম বহ্নী নারায়ণের নাম কীর্তন। কোনো নারী কণ্ঠ গাইছে—

‘নারায়ণ ভজ নারায়ণ, নর নারায়ণ, বহ্নী নারায়ণ’

দরজা খুলে বাইরে এলাম। আর সকলে ঘুমোচ্ছে অকাতরে। দোতলার
সংকীর্ণ বারান্দায় এসে দাঁড়াই। দাঁড়িয়ে শুনি হুমধুর নাম কীর্তন। ওই
একটি কলিই বাদ্যবাহ গাইছে কোন সুরেলা কণ্ঠ। পাশের ঘর থেকে আসছে
ওই কীর্তনের সুর। কে গাইছে এমন করে।

গান শেষ হলো। একটু পরেই পাশের ঘরের দরজা খোলার আওয়াজ
পেলাম। বেরিয়ে এলো শুভলক্ষ্মী সর্বান্তে কখন জড়িয়ে।

—আমি এই ঘরেই ছিলাম শুভলক্ষ্মী।

—আমি জানতাম না।

—এসো নীচে যাই।

—এখনি বাইরে যাবে? বোদ উঠুক।

—এসোই না। অলকার তীরে গিয়ে বসি।

অলকানন্দার হিম-গলিত ধারা ছুটে চলেছে পাথরের বাধাকে তুচ্ছ করে।
স্বর্গ হৃদিতা অলকানন্দা। একদিকে গোমুখী হতে এক ধারা, অপরদিকে

অলকাপুরী থেকে আর এক ধারা—এই দুই মিলিত ধারা অলকানন্দাগঙ্গা রূপে প্রবাহিত। কিছুদূর এসেই অলকানন্দার সহিত অলকাপৃষ্ঠ থেকে নন্দা এসে মিলিত হয়েছে। তারপর আরও কিছু পথ অতিক্রম করে জ্ঞানদায়িনী সরস্বতী গঙ্গা অলকানন্দায় আত্মনিবেদিতা। এই সরস্বতী গঙ্গার সঙ্গয়ে কেশব প্রয়াগে বেদ-ব্যাসের তপস্তার আসন।

পুণ্যভূমি বদরিকাশ্রমের ওপর দিয়ে অলকানন্দার অমৃতধারা ছুটে চলেছে। সকল ঐশ্বৰ্যের অধীশ্বর যেন অলকানন্দার অপেক্ষায় ছিলেন। স্বর্ণধারা অর্থাৎ কাঞ্চনগঙ্গার ধারা মুখে কুবের তাঁর ঐশ্বৰ্য নিবেদন করেছেন অলকানন্দায়।

প্রাচীন পুঁথি পুরাণে অলকানন্দা সম্পর্কে অজস্র কাহিনী আছে। অলকানন্দার জলধারার সঙ্গে সে কাহিনী ভেসে যায় নি।

সূর্য উঠছে। গাঢ় কুয়াশার জাল ছিঁড়ে সূর্যের আলো এসে পৌঁছেছে। এই প্রচণ্ড শীতের মধ্যেও অলকানন্দার হিম গলিত ধারায় অবগাহন করছেন কয়েক জন সাধু-সন্ন্যাসী। অলকানন্দার তীরে শিলাসনে বসে সন্ধ্যা-পূজা করছেন গেরুয়াধারী কয়েকজন সাধু।

অলকানন্দার তট থেকে এলায় মন্দিরে। নারায়ণ দর্শনান্তে ফিরে এসেছি ঘরে। এবারে তীর্থকৃত্য সম্পন্ন করার পালা।

প্রথমেই তপ্তকুণ্ডে স্নান। তারপর পূজারীর হাত দিয়ে বজ্রীনারায়ণের পূজা দেওয়া। পূজান্তে নতুন করে আবার বিগ্রহ দর্শন করে প্রসাদ গ্রহণ। তারপর পিতৃপুরুষের উদ্দেশে শ্রাদ্ধ তর্পণের জন্তে ব্রহ্মকপালে গমন।

ব্রহ্মকপালের পৌরাণিক কাহিনী এই—দেবাদিদেব শিব এক সময় ব্রহ্মার অতিথি রূপে কিছুদিন ব্রহ্মলোকে অবস্থান করেন। তারপর শিবলোকে প্রত্যাবর্তনের প্রাক্কালে ব্রহ্মার সঙ্গে সৌজন্যমূলক সাক্ষাৎ করতে গেলেন। দেখলেন, ব্রহ্মা আপন পুত্রী সরস্বতীর রূপে মুগ্ধ হয়ে সঙ্গ লাভের চেষ্টা করছেন। শিব ব্রহ্মাকে নিরস্ত হতে বললেন। শিবের কথায় ব্রহ্মার মন থেকে অসং কামনা তিরোহিত হলো না। শিবের ক্রোধ বহি প্রজ্জ্বলিত হলো। সেই ক্রোধের ফলে ব্রহ্মার পঞ্চম শির দেহচ্যুত হয়ে শিবের ত্রিশূলে গ্রথিত হলো। শিব বহু চেষ্টা করেও ব্রহ্মার শির ত্রিশূল চ্যুত করতে না পেরে ভগবান বিষ্ণুর শরণ নিলেন। ভগবান বিষ্ণু আত্মোপাস্ত ঘটনা শুনে ব্রহ্ম হত্যার পাপ থেকে মুক্তির উপায় স্বরূপ শিবকে বললেন যে দেবতাগণের তপোভূমি পবিত্র বজ্রী ক্ষেত্র, বহু তপ্ত তীর্থ আছে সেখানে,

সেখানে গেলে শিবের ত্রিশূল থেকে ব্রহ্মার পঞ্চম শির স্থলিত হবে এবং তপ্তকুণ্ডে স্নান করলে ব্রহ্মহত্যার পাপ থেকে মুক্ত হবেন শিব। ভগবান বিষ্ণুর নির্দেশ অনুযায়ী শিব বজ্রীক্লেদ্রে উপনীত হলেন। নারদকুণ্ডে অতিক্রমে করে তপ্তকুণ্ডে পৌঁছেতেই ব্রহ্মার শির শিবের ত্রিশূল থেকে স্থলিত হয়ে পৃথিবীতে পতিত হলো। তারপর তপ্তকুণ্ডে স্নান করে পাপমুক্ত হয়ে শিব ফিরে গেলেন আপন আলয়ে। সেই থেকে এই স্থানের নাম হয়েছে ব্রহ্ম কপাল। স্বর্গভূত্যা বজ্রীক্লেদ্রে আপন বংশধরের প্রতীক্ষায় মৃত পূর্বপুরুষের আত্মা নিত্য বাস করেন। এখানে তাঁদের বংশধর কর্তৃক পিণ্ড ও তর্পণ দানে সেই সব আত্মা মোক্ষ প্রাপ্ত হন।

আকাশ পরিষ্কার ছিল। কিন্তু আবহাওয়ার বিচিত্র মতিগাত এখানে। তপ্তকুণ্ডে স্নান করে উঠেছি যখন, তখন ধোঁয়াটে মেঘ জমেছে আকাশে। ব্রহ্মকপালে বসেছি পিণ্ড দানের উদ্দেশ্যে, শুরু হলো পেঁজা তুলোর মতো তুষার বর্ষণ।

পিণ্ডদান করে উঠেছি যখন, তখন সর্বত্র তুষার ঢাকা। হাত-পা অসাড়। পা বাড়াবার সামর্থ্য নেই। বেদিকে চাই, যতদূর দৃষ্টি যায়—সব কিছু শুভ্র তুষার চাদরে ঢাকা।

ক'জন গাড়োয়ালী রকী এলো। যাত্রীদের সাবধান করে বলে গেল, ঘরে ফিরতে। এ অবস্থায় বাইরে থাকা মানে বিপদের ঝুঁকি নেওয়া।

তুষারপিচ্ছিল পথ ধরে ঘরে ফিরেছি। বন্ধ ঘর। জানালা দরজা খোলাও চলবে না। হু হু করে তুষার কণা ঘরে ঢুকবে।

বেলা দশটায় শুরু হয়েছে তুষারপাত। সেই অবিরাম তুষার বর্ষণ চললো দুপুর অবধি। এর মধ্যে কারো নিষেধ না শুনে কয়েকবার বাইরের বারান্দায় এসেছি। দেখেছি তুষারপাতের দৃশ্য। দেখেছি সমগ্র উপত্যকা জুড়ে এক অথও স্তব্ধতা বিরাজ করছে।

বিকেল সাড়ে তিনটে নাগাদ বজ্রীনারায়ণের অন্ন প্রসাদ এলো। পাণ্ডা ধীরেন ভট্ট নিজেই তাতে পরিবেশন করলেন। ভাত, ডাল, আলুর ভরকারী আর মালপো। খাওয়াদাওয়ার পর মনে করেছিলাম বাইরে যাবো। কিন্তু যাওয়া হলো না। কপিক বিরতির পর আবার সেই তুষার বৃষ্টি শুরু হয়েছে।

বিকেল, সন্ধ্যা, রাত—বন্দী রইলাম ঘরের মধ্যে। রাতে ধীরেই ভাঙে
এলেন তীর্থ সাহায্য শোনাতে। আরম্ভ করলেন—

‘বহুনি সন্তি তীর্থানি দ্বিবি ভূমৌ রসাতলে।

বদরী সদৃশং তীর্থং ন ভূতং ন ভবিষ্যতি।’

স্বর্গ-প্রতিম বদরীবন ভক্তবৎসল নারায়ণের অতি প্রিয় স্থান। এখানে
নারদাদি ঋষি অধ্যয়ন ও তপস্যা দ্বারা শ্রীভগবানের দর্শন ও আশীর্বাদ
লাভ করেছিলেন। নারায়ণ এই বদরীবনের স্বামী।

স্বর্গসদৃশ বদরীবন নারায়ণের লীলা ভূমি। সহস্র বর্ষের সাধনায় যে ফল
পাওয়া যায় না, একবার বজ্রী মূর্তি দর্শনে সেই ফল লাভ করা যায়।
‘কাত্যায়ণ বৈ মরণানুক্তি, বদরীশ মূর্তি দর্শনানুক্তি।’

নারদশীলা, গরুড়শীলা, বরাহশীলা, মার্কণ্ডেয়শীলা ও নরসিংহশীলা—এই
পাঁচটি নিয়েই পঞ্চশীলা। দেবর্ষি নারদের নামধন্য নারদশীলা। নারায়ণের
দর্শন কামনায় এই বজ্রী বনে দীর্ঘকাল কঠোর তপস্যায় মগ্ন ছিলেন দেবর্ষি।
নারায়ণ তাঁর তপস্যায় তুষ্ট হয়ে দেবর্ষির স্মৃতি উপস্থিত হয়ে বলেছিলেন,
হে দেবর্ষি তুমি যে শিলাসনে বসে তপস্তা করেছো, ওই শিলাসনে আমি
নিত্য নিবাস করবো। ঐ শিলা স্পর্শে নর মুক্তি পাবে।

দ্বাচাচারী হিরণ্যকশ্যপকে বধ করতে স্বয়ং ভগবান ভয়ংকর নৃসিংহ রূপ
ধারণ করেছিলেন। হিরণ্যকশ্যপ বধের পরেও তার নৃসিংহরূপ তিরোহিত
হলো না দেখে ভক্তগণ প্রার্থনা করলেন, হে নারায়ণ, তুমি ওই ভয়ংকর
মূর্তি ত্যাগ করে চতুর্ভূজ নারায়ণরূপ ধারণ করো এবং কোন অবস্থায় তুমি
এই বদরীবন ত্যাগ করো না। ভক্তজনের প্রার্থনায় সন্তুষ্ট হয়ে নারায়ণ
তথাস্থ বলে পুনরায় চতুর্ভূজ মূর্তি ধারণ করলেন। আর নৃসিংহরূপী ভগবান
তখন থেকে বজ্রীক্ষেত্রে শিলারূপে অবস্থান করছেন।

কশ্যপ প্রজাপতির ঔরসে বিনতার গর্ভে গরুড়ের জন্ম। বিষ্ণু ভগবানের
বাহন হবার বাসনায় গরুড় বদরিকাশ্রমের দক্ষিণে গন্ধমাদন পর্বত শিখরে
কঠোর তপস্যায় রত হন। গরুড়ের তপস্যায় তুষ্ট হয়ে ভগবান দর্শন দিলেন
এবং বরদান করলেন। গরুড়ের পুত্র পবিত্র নাম ধন্য গরুড় শিলা। যেখানে
তপস্যায় ভগবানের দর্শন লাভ হয়।

ত্রৈতাযুগে যুকণ্ড ঋষির পুত্র মার্কণ্ডেয় শিশু বয়সে বজ্রীক্ষেত্রে নারায়ণের
তপস্তা করেন। নারায়ণ প্রসন্ন হয়ে বর প্রার্থনা করতে বলেন। মার্কণ্ডেয়

আনন্দে প্রার্থনা করেন যে, নারায়ণ যেন ভক্ত জীবগণকে মোক্ষ প্রদান করেন এবং শিলাসনে অধিষ্ঠিত থাকেন। মার্কণ্ডেয় শিলা স্পর্শে মাহুব মোক্ষ প্রাপ্ত হয়।

বরাহশিলার ইতিবৃত্ত এই যে, ত্রেতাযুগে দানবের অত্যাচারে জর্জরিত হয়ে দেবগণ ভগবানের আরাধনা করেন। আরাধনায় তুষ্ট হয়ে দানব বিনাশ-হেতু ভগবান বরাহরূপে আবির্ভূত হন। এবং দানব বিনাশ করে দেবগণের শান্তি কিরিয়ে আনেন। বরাহ শিলায় শ্রীভগবান আজও অধিষ্ঠিত।

বদরিকাশ্রমে আরো বহু গুপ্ত এবং প্রকট তীর্থ আছে। মাতা মূর্তি, উর্বরী পীঠ, শেষ নেত্র, সনকাদি আশ্রম—বজ্রীক্ষেত্রের নিকটেই অবস্থিত।

বজ্রীপুরী থেকে প্রায় চার মাইল দূরে বহুধারা। দুর্গম পথ। সুউচ্চ পর্বত হতে এই ধারা বায়ুতাড়িত হয়ে অনেক নিম্নে পতিত হচ্ছে। শোনা যায়, পার্শ্বীয় ওপর এই নির্মল বারি বর্ষিত হয় না।

ভারতের অন্তিম গ্রাম মানা বজ্রীক্ষেত্র থেকে দুমাইল দূরে। এই মানা গ্রামের ওপর দিয়েই কৈলাসের পথ। এখানে সরস্বতী গঙ্গার স্নায়ংকর রূপ দেখে স্তম্ভিত হতে হয়। গিরি সংকটের মধ্যে পাষাণে পাষাণে ব্যাহত হয়ে সরস্বতী গঙ্গা অলকানন্দায় মিলিত হয়েছে।

বদরীপুরী থেকে বার তের মাইল দূরে সতোপস বা সত্যপথ মহাতীর্থ। এই পথে প্রথমে লক্ষ্মী বন। অবর্ণনীয় এই লক্ষ্মীবনের প্রাকৃতিক দৃশ্য। তরংগায়িত সবুজ ভূমির চারদিকে চির তুষারাবৃত গিরি শিখর দর্শকের মনকে এক অনির্বচনীয় আনন্দে অভিভূত করে। মধ্যমপাণ্ডব ভীমসেন স্বর্গারোহণের পথে সত্যপথ হ্রদের নিকটেই পতিত হয়েছিলেন। এখানে যে ত্রিভূজ শিলাটি বর্তমান, কথিত আছে সেই শিলা ব্রহ্মা, বিষ্ণু, মহেশ্বরের তপস্কার আসন। এখান থেকে কিছুদূর অগ্রসর হলে গিরি প্রাচীরে স্বর্গারোহণের লপ্তস্তর সিঁড়ি দেখা যায়। ধর্মরাজ যুধিষ্ঠির এই পথেই স্বর্গারোহণ করেন। এখানে যত্নাও বাহনীয়।

বজ্রীক্ষেত্রের মাহাত্ম্য বর্ণনা করে পাণ্ডা ধীরেন শুট্র তীর্থের সফল প্রার্থনা করতে বসলেন। যে যেমন পারে দক্ষিণাদি দান করে সংকল্প করে সফল প্রার্থনা করলে। শুধু বিরত রইলাম আমি। দক্ষিণা দিয়েছি, কিন্তু সংকল্প করে সফল প্রার্থনা করিনি। কি প্রার্থনা করবো। যা কিছু দেখেছি, শুনেছি, উপলব্ধি করেছি—সেই তো আমার তীর্থের সফল। নতুন করে আর কী চাইবো—যা আমি চাইলেই পেতে পারি।

রাজে বজ্রীনারায়ণের প্রসাদ এলো। পুরী, তরকারী, মাংসপো আর লাডু জাতীয় মেঠাই। আজ আর সন্ধ্যার পর মন্দিরে যাওয়া হয় নি। আবহাওয়া বাদ সেমেছে।

আহারাদির পর শয্যা গ্রহণ করেছি। তখনো গুঁড়ি গুঁড়ি তুষারপাত হচ্ছে। শীতও পড়েছে তেমনি। লেপ কবল মুড়ি দিয়েও শীত যায় না। আশ্চর্য মাহুস প্রসাদদা, এই শীতের মধ্যেও শুধু একটি কবল জড়িয়ে ঘরের কোণে বসে জপ করছে। এতো করে সবাই মিলে বলা হলো, তবু শয্যা গ্রহণ করলে না প্রসাদদা।

কালীতারা মহাবিভা বোড়নী ভুবনেশ্বরী।

ভৈরবী ছিন্নমস্তা চ বিভা ধুমাবতী তথা ॥

বগলা সিদ্ধবিভা চ মাতঙ্গী কমলাত্রিকা।

এতা দশ মহাবিভাঃ সিদ্ধবিভাঃ প্রকীর্তিতাঃ ॥

অহল্যা দ্রোণদী কুন্তী তারা মন্দোদরী তথা।

পঞ্চকস্তা স্মরেন্নিত্যং মহাপাতক নাশনম্ ॥

পুণ্য শ্লোকো নলো রাজা পুণ্য শ্লোকো যুধিষ্ঠিরঃ।

পুণ্য শ্লোকো চ বৈদেহী পুণ্য শ্লোকো জনার্দনঃ ॥

ঘুমভেঙে শুনি মাষ্টারমশায়ের কণ্ঠস্বর। শয্যায় উপবেশন করে মাষ্টার-মশায় আত্মগতভাবে শ্লোক আবৃত্তি করছেন। প্রসাদদা ঘরের কোণে দেয়াল ঠেস দিয়ে বসে মালা জপ করছে।

প্রসাদদা।—ডেকে সাড়া পেলাম না। ভালো করে লক্ষ্য করি, প্রসাদদা জেগে নেই। ঘুমোচ্ছে। বোধ হয় জপ করতে করতে ঘুমিয়ে পড়েছে শেষ রাতে। এখনো তুলসীর মালা হাতে ধরা।

আজ শেষ দিন। এবারের মতো বাজায় পূর্ণচ্ছেদ টেনে ফিরে যেতে হবে নির্দিষ্ট ঠিকানায়। কদিন আগে মর্তের ঠিকানা হারিয়ে এসেছিলাম স্বর্গের ঠিকানা খুঁজতে। স্বর্গের সিংহদ্বারে পৌঁছে আবার ফিরে যেতে হবে পৃথনো ঠিকানায়।

আজ রাত আর দিনের সন্ধিক্ষণে মনের একতারায় কোথায় রামকলী সুর বাজবে, তা নয়—পূর্ববীর সঙ্কল্প মুছনায় একতারার তার কঁকিয়ে কাঁদছে।—আজ ফিরে যেতে হবে, এই কথা মনে করেই বাউল মনের এই কান্না।

সকাল হয়েছে। স্বপ্নের বাইরে এসেছি। নর পর্বতের ওপার থেকে দিনের প্রথম সূর্য উঠছে। নীলকণ্ঠের তুষারাচ্ছাদিত শিখরে পড়েছে প্রভাত সূর্যের আলো। আকাশ পরিষ্কার। কিকে কুয়াশা যেটুকু ছিল তাও ধীরে ধীরে উবে গেল।

অলকানন্দার ভীরে এসে দাঁড়িয়ে আছি। দেখছি গলিত হিম ধারায় কলোচ্ছ্বাস—পাষাণে পাষাণে আহত হয়ে জল ফেটে পড়ছে।

একটি পাখর খণ্ডের ওপর বসে আছি। মনের মধ্যে চুলচেরা বিশ্লেষণের প্রবৃত্তি। কী করেছি, কী দেখেছি আর কি শুনেছি। সবই লেখাজোকা আছে স্বভিত্তির ভায়েব্রীতে।

কেন এসেছিলাম এই দুর্গম পথে! কোন বাসনা, কোন আকাঙ্ক্ষার বীজ কি মনের গোপনে ছিল না? ছিল। কিন্তু কী সে বাসনা, কী সে আকাঙ্ক্ষা—তা যেন নিজেই জানি না।

বেলা আটটা বাজে। নটার মধ্যেই শুরু হবে প্রত্যাবর্তনের পালা। কিছুতেই ফিরে যেতে মন চাইছে না। মনে হয়, অনির্দিষ্ট সময়ের জন্তে এখানে না হোক হিমালয়ের কোলে কোথাও বাসা বেঁধে থাকি। কিন্তু এ সবই যেন অলৌকিক কল্পনা। যা সহজে ভাবা যায়, তাতো সব সময়ে বাস্তবের সঙ্গে মিশিয়ে নেওয়া যায় না।

—শ্রীমন্তদা। কমলা ঘোষ ডাকছে। মা-পিসিকে নিয়ে সে যাত্রা শুরু করেছে। ভিজ্জাসা করলে, আমার ভিনবাস্তির কাটিয়ে যাবো কিনা। বললাম, —না আজই যাবো। একটু বাদেই।

জয় নারায়ণ। গৌরীকুণ্ডে দেখা হবে।—বলে মা-পিসিকে নিয়ে কমলা রওনা হলো।

এরপর অলকানন্দার ভীর ছেড়ে বাসায় এলাম। ওখানে বস্ত্রী-নাগায়ণের মন্দিরে এসেছি দেবতাকে শেষ বারের মতো দর্শনের আশায়।

শেষ বারের মতো বলছি এই কারণে, দুর্গম ভীর্থে বারবার আসা হয়ে ওঠে না। আরও দর্শনাখীর সঙ্গে করজোড়ে আমার শেষ প্রণাম রাখলাম শ্রীনারায়ণের পায়ে। পূজারী ধীরেন ভট্ট নারায়ণের চরণতুলসী আর চরণামৃত দিলেন হাতে হাতে। তারপর কয়েকটি মুহূর্ত নীরবে নত মস্তকে দাঁড়িয়ে থেকে মন্দিরের সোপান বেয়ে নীচে নেমে এলাম।

তুনেছি বজ্রীক্ষেত্র ত্যাগ করে পিছন ফিরে দেখতে নেই। কেন দেখতে নেই, তার উত্তর কেউ স্পষ্ট করে দিতে পারে না। কিন্তু কেন ফিরে দেখবো না—তাই অলকানন্দার পারে এসেও ঋণকাল দাঁড়িয়ে দেখি বজ্রীনারায়ণের মন্দিরের শীর্ষদেশ। দেখি ধ্যানমোহন নীলকণ্ঠ শূদ্ধ, দেখি নয়-নারায়ণ পর্বতের প্রচ্ছন্নপট।

—বাবুজী! পিছু পিছু আসছিল লালসিং। আমার সঙ্গে সে-ও দাঁড়িয়ে আছে।

—কিছু বলবে লালসিং।

—আপ চলিয়ে বাবুজী।

—চলো।

এসেছিলাম চড়াই পথে, চলেছি উৎরাই পথে। যে পথ অভিক্রম করেছিলাম, সাড়ে চার ঘণ্টায়, সেই পথ এলাম পোঁপে তিন ঘণ্টায়। হুম্মান চটিতে পোঁছে সাময়িক যাত্রা বিরতি। তারপর কিছু খেয়ে দেয়ে আবার পথ চলা।

হুম্মান চটি থেকে সামান্য পথ এসেছি হঠাৎ দৃষ্টি পড়লো দুটি ক্র্যাচের দিকে। পথের ধারে খাদের পাশে আগাছার মধ্যে পড়ে রয়েছে দুটি ক্র্যাচ। মনটা ছ্যাৎ করে উঠলো। ক্র্যাচ দুটি তুলসী দাসের।

শুধু দুটি ক্র্যাচ নয়, আরো নীচে একটি গাছের ডালে ঝড়িয়ে আছে কবল। ওই কবলটি মুণ্ডকাটা গণেশে প্রসাদদা দিয়েছিল তুলসীদাসকে।

মুহূর্তে সব কিছু পরিষ্কার হয়ে যায়। তুলসীদাস নেই। খাদের গভীরে বাঁপ দিয়ে জীবনের পূর্ণচ্ছেদ টেনেছে। কুণ্ড চটিতে সেই মহিলাকে দেখে সে মনে করেছিল, সেই মহিলাই তার স্ত্রী সতী। তারপর থেকেই তুলসীদাস কেমন ঘেন হয়ে যায়, পাগলের মতো। পাগল সে হয়নি। পাগল হলে সে এমন করে মরতে পারতো না। তবে কি সেদিন তুলসীদাস সত্যিই তার সতীকে দেখেছিল।

তুলসীদাস! পথে যাকে দেখেছিলাম। তীর্থপথিকের ভিড়ে সে-ও একজন। কতো আশা নিয়ে, ভিক্ষা করতে করতে দুটি ক্র্যাচে ভর করে চলেছিল দুর্গম তীর্থে। ইহজন্মে তার সাধ আর পূর্ণ হলো না। স্বৈচ্ছায় নিজেকে মৃত্যুর অঙ্ককারে মিশিয়ে দিয়ে ব্যর্থ জীবনের অবসান ঘটালো!

—শ্রীমন্ত। প্রসাদদার কণ্ঠস্বর ভারী,—ক্র্যাচ দুটি দেখেই চিনেছি, তাছাড়া ও কবলটা আশারি ছিল। এসো দাঁড়িয়ে থেকে লাভ নেই।

—লাভ লোকসানের কথা নয় প্রসাদদা, আমি ভাবছি সেই মহিলার কথা—

বলে আকুল হয়ে জড়িয়ে ধরি প্রসাদদার হাত।—আমি যে কিছুতেই ভাবতে পারছি না—ভুলসীদাস মরে গেছে।

প্রসাদদার মুখে করুণ হাসির চিহ্ন স্পষ্ট হয়ে ফুটলো। আমার কাঁধে হাত রেখে অহুচ্চ কণ্ঠে বললে,—চলো—সবাই এগিয়ে গেছে।

—যাক্।

—তোমার কী হলো বলো তো শ্রীমন্ত ?

—কিছু না। কিছু হলে তোমাকে বলে বোঝাতে পারতাম প্রসাদদা। বলে লাঠি ঠুকে ঠুকে এগিয়ে চলি।

পত্নীকেশ্বর পৌঁছতে সন্ধ্যা হলো। রাস্তার ওপরেই একটি চটির দোতলায় দুটি ঘর পাওয়া গেল। ঘর দুটি বেশ বড়ো এবং পরিষ্কার পরিচ্ছন্ন। সকালে তেমন খাওয়া দাওয়া কারো হয়নি। এসেই শ্রীমতী রজনী রাস্তার তোড়-জোড় শুরু করলেন। কোথায় কাঠ, কোথায় কি, এই সব ব্যবস্থা করতে তৎপর হয়ে উঠেছে লালসিং।

প্রসাদদা এই ঠাণ্ডার মধ্যেও গা ধুয়ে এসে বসলো চৈতন্ত-চরিতামৃত নিয়ে। শ্রীমতী রজনী বললেন,—বারান্দার কোল ঘেঁষে বোসো প্রসাদ, আমার রান্না করাও হবে আবার চৈতন্ত-চরিতামৃতও শুনতে পাবে।

সীমা বললে,—শেষে ধর্মকথা শুনতে গিয়ে তরকারীতে যেন ছুবার স্তন দিয়ে বসো না।

—তোমার সব তাতেই জ্বাকামী। শ্রীমতী রজনী মুখ ঝাঁটটা দিয়ে বললেন,—কাজ না থাকে তো থৈ বাছ না। সব সময়ে পেছনে লাগা কেন।

সীমাও হার মানবার মেয়ে নয়। কথা না বলে কচি মেয়ের মতো মায়ের গলা জড়িয়ে ধরলো।

—আবার ছেলেমানুষী শুরু করলি। ধাড়ী মেয়ে।

—এবারে আর বকলে কেঁদে ফেলবো কিন্তু। বলে মায়ের চিবুক স্পর্শ করে সীমা বলে,—আজ কি রান্না করবে মা। পাপড় ভাজা খেতে ইচ্ছে করছে। চলো, পাপড় ভাজবে।

—ভাজবো। খিচুড়ী আর পাপড় ভাজা। শ্রীমতী রজনী বললেন,—আর কিছু করবো না আজ।

—শ্রীমন্তদা, চলো তো গরম পকৌড়ী খেয়ে আসি। বলে সীমা রাঙাদিকে তাকলো,—বাবে রাঙাদি। নীচের দোকানে পকৌড়ী ভাজছে যেখে এসেছি।

রাঙাদি এলো না। সীমাকে নিয়ে এলাম নীচের খাবারের দোকানে। গরম পকৌড়ি আর চা নিয়ে বসেছি দোকানের সামনে কাঠের পাটাতনের ওপর।

শুভলক্ষ্মীর সঙ্গে দেখা হলো দোকানে বসে থাকতেই। চটিতে জায়গা না পেয়ে ওরা আশ্রয় নিয়েছে কাছেই একটি দোকানে। বললাম,—আমাদের ঘরে জায়গা আছে। দরকার হলে চার পাঁচজনের ব্যবস্থা হতে পারে। বলে আমাদের চটি দেখিয়ে দিলাম।

—দরকার বুঝি তো তোমাদের ওখানে যাবো।—

—চা খাবে ?

—শুধু চা খেতে রাজী নই।

—আমরা যা খেয়েছি তাই খাবে। গরম পকৌড়ি আর চা।—এলো।

আজ শুভলক্ষ্মীকে কেমন মন মরা বোধ হলো। মুখে হাসির রেখাগুলো তেমন স্পষ্ট নয়। স্বচ্ছ দৃষ্টিও কেমন নিম্প্রভ। কিছুটা উদাসীনও। কথা বলছে, কিন্তু কথার মধ্যে প্রাণের স্পর্শ নেই। নিম্প্রাণ।

দোকানে বসে থাকতে পরিচিত আরও নর-নারীর সঙ্গে দেখা হলো। অচেনা যাত্রীও দেখলাম। তারা বত্ৰী নারায়ণের পথে পাণ্ডুকেবরে রাতের মতো আশ্রয় নিয়েছে।

প্রতিটি চটি, দোকানে যাত্রীর ভিড়। পঞ্চশ্রমে সকলের চোখে মুখে ক্লান্তির ছাপ। রাতের মতো নিশ্চিন্ত বিশ্রাম চাই।

শুভলক্ষ্মী চলে গেল বিদায় নিয়ে। বলে গেল, কাল সকালে আবার দেখা হবে।

সীমাকে নিয়ে চটিতে ফিরেছি। এদিকে শ্রীমতী রজনীর রন্ধন পর্ব শেষ। শুধু পাণড়গুলো ভেজে দিলেই হয়। থিচুড়ি আর পাঁপের ভাজা।

রাত সাড়ে নটা।

আহারাদির পর যে যার শয্যা গ্রহণ করেছে। শুধু প্রসাদদা বিছানা পেতে চূপচাপ বসে রইলো। ঘরের কোণে বাতি জ্বলছিল, আপনা থেকে নিভে গেল বাতাসে। অন্ধকার ঘর। চূপচাপ শুয়ে আছি সর্বাক্রে কষল জড়িয়ে। বারবার তন্ত্রা আসছে। আবার সে তন্ত্রা ছুটে যাচ্ছে। কী যেন এক চিন্তার নাগপাশে জড়িয়ে রয়েছি আমি। ভাবছি—এবারের যাত্রাপর্বের কথা।

অশান্ত মনের তাড়নায় এসেছিলাম এই পথে, ফিরে চলেছি পুণ্যভূমি কেদার-বক্সী দর্শন করে। অচেনা অজানা দেশে এসেছি, দেখেছি অদেখা দৃশ্য, পেয়েছি না-পাওয়া ঐশ্বর্য। নদী, পাহাড়, বর্ণা, অরণ্য, তুষারাজ্জ্বলিত গিরিশৃঙ্গ—দেবতা, মন্দির, সাধু-সন্ন্যাসী—আর দেখেছি অগণিত তীর্থ-পথিককে।

কিন্তু কী দেখেছি, কী করেছি, কী শুনেছি—আজ কিছুই হিসেব পাচ্ছি না। কতদিন হল এসেছি এপথে, বোধ হয় একমাস হয়ে গেছে—কিন্তু দিন তারিখের হিসেব নেই! শুধু এইটুকু জানি, এসেছিলাম যে পথকে সামনে রেখে, পিছনে ফিরে চলেছি সেই পথ অন্বেষণ করে। আসার পথে যে উন্মাদনা ছিল, ফেরার পথে সে উন্মাদনার ভগ্নাংশও অবশিষ্ট নেই। আছে শুধু জের টেনে চলার প্রবৃত্তি।

এলোমেলো চিন্তার খেই ধরে কখন যে চোখে ঘুম নামলো জানি না। শুধু এইটুকু জানি, প্রসাদদার ডাকে শেষ রাতে ঘুম ভেঙেছে।

প্রতিদিনের মতো আজও সূর্য ওঠার আগেই শুরু হলো আমাদের পথ চলা। আজই পায়ে ইঁটা পথের শেষ। ঘোশীমঠ থেকে আরম্ভ হবে সেই ক্লাস্তিকর বাসে চলা।

ঘাট চটিতে পৌঁছে দেখা পেলাম শুভলক্ষ্মীর। চায়ের দোকানের সামনে দাঁড়িয়ে অন্য একটি মেয়ের সঙ্গে কথা বলছে। ও আমাকে দেংতে পায়নি, নাম ধরে ডাকতে তবে ফিরে তাকালো। বললে—দাঁড়াও আমিও তোমার সঙ্গে যাবো।

তারপর দুজন একই সঙ্গে চলেছি। এক সময় শুভলক্ষ্মী বললে,—মনের উৎসাহে ভাঁটা পড়েছে শ্রীমন্ত। আসার পথে মন যেন মাতাল হয়ে ছিল, আর এখন নেশাটা টুটে গেছে, শুধু অবশিষ্ট আছে অবসাদ। কদিন বেশ ছিলাম, না? বেশ আনন্দে কেটে গেছে। কতো দেখেছি, কতো শুনেছি—জীবনটা নতুন করে উপলব্ধি করেছে। কিন্তু সে সব নতুনত্ব বিসর্জন দিয়ে আবার সেই পুরোনো জীবনকে ফিরিয়ে নিতে যাচ্ছি। সত্যি, আজ যেন কিছুতে ভাবতে পারছি না, আমরা ফিরে যাচ্ছি। মনে হচ্ছে কদিন অন্ধের মতো শুধু পথে পথে, চলেছি—কী দেখেছি, কী পেয়েছি, হিসেব মেলাতে গোলমাল হয়ে যাচ্ছে। কেন বলো তো?

—অমন হয়। কেন তা বলতে পারবো না। বলে পাশাপাশি পথ চলি।

পথে বেতে বেতে আরও অনেক কথা বলে শুভলক্ষ্মী। আমি নীরব। শুধু ওর কথা শুলো একমনে শুনি। বেশ বুঝতে পারি পথের বিরহে কাভর হয়েছে শুভলক্ষ্মী। শুধু ওর মনে নয়, আমার মনের একতারাতেও আজ বাজছে বেদনার করুণ রাগিণী। আজই পৌছব যোশীমঠ। তারপর সেখান থেকে কে কখন কোথায় যাবে কে জানে! শুভলক্ষ্মী পিলাই কিরে যাবে ওর দেশে—কেরলে। সেখানে কোনদিন নারিকেল ফুলছায়ায় দাঁড়িয়ে কি ও ভাববে, কেদার বজ্রীর পথে একজন বাঙালী যুবকের সান্নিধ্যে এসেছিল ও। হয়তো ভাববে না। হয়তো কোনদিন কেনো মুহূর্তে আজকের পরিচিত পথিক বন্ধুটির ছবি ওর মনের মুকুরে প্রতিফলিত হবে না। শুভলক্ষ্মী কিরে যাবে ওর দেশে, যেখানে ওর জন্তে অপেক্ষা করে আছে ওর আত্মীয়, বন্ধু-বান্ধবী।

—এক শুভলক্ষ্মী নয়—যে, যে ঠিকানা থেকে এসেছে, কিরে যাবে সেই ঠিকানায়। এ পথে আসাটা যেমন সত্যি, কিরে চলাটা তারও চেয়ে আরও সত্যি। শুধু আসা-যাওয়ার কয়েকটা দিন হয়ে রইলো স্বতন্ত্র। লাভের অঙ্কে জমা রইলো কয়েকটা দিনের স্মৃতি। কিছু কথা, কিছু ঘটনা, আর কিছু—

—কী ভাবছো? শুভলক্ষ্মীর জিজ্ঞাসা শুনতে পেলাম। সে আসছে আমার পেছনে পেছনে। বললাম,—কী যে ভাবছি, তাই ভাবতে পারছি না।

শুভলক্ষ্মী হাসলো। মুহূর্তে এবং করুণ ঝংকার ওর হাসিতে। বললে,—কদিন বেশ ছিলাম, না?

কথা না বলে মুহূর্তে হেসে সমর্থন জানাই ওর কথায়।

পায়ে পায়ে এগিয়ে চলেছি। এই মুহূর্তগুলো ভরে উঠেছে নানা চিন্তায়। অসংলগ্ন আর এলোমেলো সে চিন্তা।

‘জয় নারায়ণ, জয় নারায়ণ’—অপরিচিত কণ্ঠস্বর, কিন্তু পরিচিত মুখ। মুহূর্তে মনের মধ্যকার একতারাটি তীব্র নিখাদে বেজে উঠলো। ললিতা—মেয়েটির নাম ললিতা। গৌরীকুণ্ডে সেই দোকানে দেখেছিলাম। ওরই রান্না খিচুড়ি খেয়ে সে সন্ধ্যায় অমৃতের স্বাদ পেয়েছিলাম।

ললিতা আসছে ঝোড়ার চেপে। দূর থেকে আমাকে দেখেই ‘জয় নারায়ণ’ বলে দৃষ্টি আকর্ষণ করেছে।

কদিনে কতো বদলে গেছে ললিতা। গৌরীকুণ্ডে দেখেছিলাম, কতো ফর্সা ছিল ওর মুখ। সে মুখলী অনেকখানি স্নান হয়ে গেছে। হবেই তো, পথের ক্লান্তি তো পথিককে কমা করবে না।

ললিতা ঘোড়া দাঁড় করিয়েছে। ভাংছে ঘোড়া থেকে নামবে কিনা। আমি নিশ্চল দাঁড়িয়ে রয়েছি ওর মুখের দিকে চেয়ে। শুধু পরস্পরের চোখের পর্দায় পরস্পরের প্রতিবিম্ব, নয়তো কারো মুখে কোন কথা নেই। এই মুহূর্তে দেখা হওয়া যতো আনন্দের, তার চেয়ে শতগুণ বেদনা রয়েছে পরবর্তী মুহূর্তের জন্তে। চলে যেতে হবে পরস্পরের পথে—এই তো এই মুহূর্তে সবচেয়ে সত্যি কথা।

—জয় নারায়ণ, ললিতা অশ্রুট কঠে বলে ওঠে,—জয় নারায়ণ।

—জয় নারায়ণ।

এই সম্ভাবণ আর প্রতি সম্ভাবণ—এ ছাড়া আর কোন কথা নয়। পরক্ষণেই ললিতার ঘোড়া চলতে আরম্ভ করে। অচঞ্চল দাঁড়িয়ে থাকি। এখনি তো ললিতা অদৃশ্য হয়ে যাবে অদূরে পথের বাকি। তবু দাঁড়িয়ে দেখি, যতক্ষণ তাকে দেখা যায়।

—ও মেয়েটি কে? শুভলক্ষ্মীর কথায় চমক ভাঙে। সত্যি, আমি যেন সখিৎ হারিয়ে ফেলেছিলাম।

—তোমার চোখে জল কেন প্রীমন্ত? শুভলক্ষ্মী জিজ্ঞাসা করলে,—তুমি কাঁদছো?

—হু ফোঁটা জল যদি ঝরে থাকে, ঝরুক না—বলে চলতে আরম্ভ করি।
—জানো শুভলক্ষ্মী, জীবনের এক জায়গায় একটা তার বীধা আছে। সে তারটি বড়ো সূক্ষ্ম। একটু আঘাত লাগলেই বেজে ওঠে। আমি জানি পথের পরিচয় পথেই ফুরিয়ে যায়। ক্ষণিক মিলন যদি সত্যি হয়, তবে বিরহ মিথো হবে কেন। তোমার আমার কথা ধরো, পথে দেখা হয়েছে, পরিচয় হয়েছে—তোমাকে কাছে পেয়ে যতোখানি আনন্দ পেয়েছি, তার চেয়ে অনেক বেশী দুঃখ পাবো, যখন তুমি চলে যাবে আমার নিকট সান্নিধ্য থেকে। তুমি চলে যাবে কেবলে, যেখানে তোমার বাড়ী। আমাকে যেতে হবে ভেজা মাটির দেশ বাংলায়।

—তুমি বড়ো বেশী ভাবপ্রবণ।

—ও অপবাদ এর আগেও অনেকে দিয়েছে।

—দেবেই তো।

—আমার কথা অন্তরকম। আমাকে যারা সেন্টিমেন্টাল বলে, তাদের কাছে আমার একটি প্রশ্ন—সেন্টিমেন্ট বাদ দিয়ে কি মানুষ সম্পূর্ণ হতে পারে?

ঘাট চাট পার হয়ে কিছু পথ এসে দেখা হলো সীমা আর প্রসাদদার সঙ্গে। পাশাপাশি ছুটি পাথরে বসে দুজন ভালমিছরী চুষছে। আমাদের দেখে প্রসাদদা বললে,—এ রকম হাঁটলে যোশীমঠ পৌঁছতে বেলা দুপুর হয়ে যাবে হে।

—আজ এতো তাড়া কিসের প্রসাদদা। যখন হোক পৌঁছলেই হবে। বলে জিজ্ঞাসা করি,—আর সকলে কোথায় ?

—এগিয়ে গেছে। প্রসাদদা উঠে দাঁড়ালো। জল পাত্র থেকে আলগোছে কয়েক ঢোক জল খেয়ে বললে,—চলো।

যেতে যেতে প্রসাদদা গান ধরল—

‘আমি খুঁজে বেড়াই যারে,
যে আমার মনের মাহুষ—তারে।
খুঁজে খুঁজে সারা হলাম
তবু তারে পেলাম না।’

কখনো চড়াই, কখনো উৎরাই। শুধু তাই নয়, এই পথটুকু যেমন সংকীর্ণ, তেমনই বিপদজনক। সন্তর্পণে না চললে বিপদ অনিবার্য।

উৎরাই পথে নামতে দেখা হলো পূরবীর সঙ্গে। পাহাড়ের গায়ে ঠেস দিয়ে বসে পায়ের পেশী টিপছে।

—কী হলো রাঙাদি ? সীমা জিজ্ঞাসা করলে।

—আর পারছি না সীমা। পায়ের শিরগুলো এমন টেনে ধরেছে, কি বলবো। বলে অবসন্ন পূরবী গভীর নিঃশ্বাস ত্যাগ করলো।

—পথ তো ফুরিয়ে এসেছে পূরবী। আর কিছু পথ গেলেই বিষ্ণুপ্রয়াগ। তারপর যোশীমঠ সামান্ত পথ। পূরবীকে সাহস দিয়ে বলি,—এসো—এটুকু পথ অনায়াসে হাঁটতে পারবে তুমি।

নীচে দেখা যাচ্ছে অলকানন্দার জল রেখা। কানে আসছে তীব্র অলোচ্ছ্বাসের শব্দ। যতো নীচে নামছি সে শব্দ আরও স্পষ্ট হতে স্পষ্টতর।

একটু আগেও আকাশ মোটামুটি পরিষ্কার ছিল। শুধু পশ্চিমের পাহাড়ের মাথার ওপর ছিল ধূসর মেঘের সংকেত। দেখতে দেখতে সে মেঘ ছড়িয়ে পড়লো সারা আকাশে। উত্তলা বাতাস ফিরে এলো ঝড় হয়ে।

নিকটেই বিষ্ণুপ্রয়াগ। সামান্ত দু-এক ফার্ন পথ। এ পথটুকুও নিশ্চিন্তে

অতিক্রম করা সম্ভব হলো না। এলো বৃষ্টি। মূল ধারায়। ঝড় আর বৃষ্টি—
প্রতিটি ঝড়কে নাস্তানাবুদ করে তুললো।

ঝড় বৃষ্টির তাণ্ডবের মধ্যে ঝড়ীদল চলেছে বিক্ষুপ্রয়াগের পথে। মাথা
গোঁজার মতো নিরাপদ আশ্রয় আছে সেখানে। ভীত সমস্ত ঝড়ীদল
নিরাপদ আশ্রয়ে পৌঁছনোর ব্যাকুল আগ্রহে সংকীর্ণ পিচ্ছিল পথ ধরে হেঁটে
চলেছে।

প্রশাদনা চীৎকার করে ডাকছে মাষ্টারমশায়কে।—দাঁড়ান মাষ্টার মশায়,
আপনার মেয়েকে ধরুন।

সত্যি, পূর্ববীর দুর্দশা দেখে কষ্ট হয়। বেচারার স্কাফ' উড়ে গেছে ঝড়ে।
শাড়ি সামলাতে পারছে না। বারবার পিছলে যাচ্ছে পা। তবু দাঁড়াতে
না। লাঠি ঠুকে ঠুকে উৎরাই পথে নামছে। সীমার হাতে ধরেছে প্রশাদনা।
সীমার লাঠি কখন যেন হাত ফস্কে পড়ে গেছে খাদের মধ্যে। শুভলক্ষ্মী
শক্ত মেয়ে, তবুও ভয় পেয়ে আমার একটি হাত চেপে ধরেছে। বারবার
বলছে,—আমার ভীষণ ভয় করছে ত্রীমস্ত। কেবলই মনে হচ্ছে একটা দুর্ঘটনা
ঘটবে।

—ভয় কি শুভলক্ষ্মী।

—যদি পাথর গড়িয়ে পড়ে ওপর থেকে, যদি পা পিছলে পড়ে যাই।
সত্তরে আমার হাত আরও জোরে আঁকড়ে ধরে শুভলক্ষ্মী।

—আমি তো আছি শুভলক্ষ্মী। যদি কিছু ঘটে—কথা শেষ হলো না।
পিছন থেকে লালসিং আর শের বাহাদুরের চীৎকার শুনলাম—বাবুজী, বাবুজী—
পথের গিরভা হৈ। বাবুজী—

ফিরে চাই ওপরের দিকে। বিরাট একখণ্ড পাথর পাহাড়ের শীর্ষ থেকে
গড়িয়ে পড়ছে। কোথায় পড়বে কে জানে। চিন্তার সময় নেই। শুভলক্ষ্মীকে
নিয়ে তাড়াতাড়ি মাথা গুঁজে বলে পড়ি পথের ধারে। হৃদয়ের স্পন্দন রুদ্ধ হয়ে
যাওয়া কয়েকটি মুহূর্ত। তারপর আর কিছু মনে নেই। মনে করতে পারি
না। কি যে ঘটে গেল, তা বলতে পারবো না। শুধু মনে আছে সেই মুহূর্তে
আমার চোখে হিঁবের জমাট বীধা অন্ধকার নেমে এসেছিল।

কদিন পর।

অবসর চেতনায় চোখ মেলে চাইলাম। হিনাস্তের আলো এসে পড়েছে

জানালার কাঁচের শার্মিতে। শার্মির আড়ালে দূরে কোন পর্বত শীর্ষ।
৩ তখনতে পেলাম একজনের উদ্দেশে আর একজনের উচ্চারিত আশ্বাস বাণী।—
জান হয়েছে।

হু চোখ বন্ধ করলাম। আলো যেন অসহ্য। সূর্য না নিভুক, আমার এই
ছুটি চোখের তারা অনায়াসে তার আলোকে দূরে সরিয়ে দিতে পারে।

অন্ধকার।

স্পষ্ট দেখছি সেই পাথর খণ্ডটি গড়িয়ে পড়ছে পাহাড়ের শীর্ষ থেকে।
শুভলক্ষ্মীর হাত ধরে পাহাড়ের গা ঘেঁষে বসে পড়লাম। শুভলক্ষ্মী তখন ঠক
ঠক করে কাঁপছে। যে দৃঢ় মুষ্টিতে আমার হাত ধরেছিল, তার সে বজ্রমুষ্টিও
শিথিল হয়ে এসেছিল।

—বাবুড়ী—এক আর্ত চাঁৎকার সেই মুহূর্তে মর্মে এসে বিধেছিল। সে
কণ্ঠস্বর পরিচিত। লালসিং-এর।

আবার চোখ মেলে চাইলাম। কাঁচের শার্মিতে তখনো দিনান্তের
আলোর বক্তব্য স্পর্শ। তখনো আমার অবসন্ন চেতনা জুড়ে আশ্চর্য এক
কুহেলিকা। যেন অদেখা জগতে জন্ম নিয়েছি আমি, যেখানে সাথী শুধু
দিনান্তের শেষ সূর্য।

তারপর কোতুলী ছুটি মুখ দেখলাম। একজন নারী, একজন পুরুষ। কী
যেন দেখছে আমার চোখের তারায়।

—আমি কোথায় এসেছি!

—বোনীমঠ হাসপাতালে। পুরুষ কণ্ঠ পরিষ্কার ইংরেজীতে বললেন,—
আপনি আহত হয়েছিলেন।

—ও। আমার সঙ্গে আর একজন ছিল, তার নাম শুভলক্ষ্মী; সে—
সে কেমন আছে?

ভদ্রলোক ফিরে চাইলেন—ভরুগীটির মুখের দিকে। উত্তর দিলে
ভরুগীটি,—সে ভালোই আছে।

—সে ভালো আছে? স্বস্তির নিঃশ্বাসেও জ্বালা। বললাম,—তবে সে
ভালো থাক। আর সবাই কোথায়?

—বাইরে অপেক্ষা করছেন একজন ভদ্রলোক, আর আপনার গাড়োয়ালী
হুলি লালসিং।

—আপনি বুঝি ডাক্তার? বলে ভরুগীর মুখের দিকে ফিরে চাই।

—আমি নাস ।

—বুঝেছি !

ডাক্তারের ইংগিতে ঘরে ঢুকলো প্রসাদদা । পেছনে লালসিং । লালসিং ঘরে ঢুকেই বাবুজী বলে ডুকরে কেঁদে উঠলো । প্রসাদদা তাকে শাস্ত করলে ।

—প্রসাদদা ।

—কী ভাই ।

—জানি তুমি মিথ্যে বলবে না,—শুভলক্ষ্মী কোথায় ?

—সে ঠিকই আছে শ্রীমন্ত । তার জন্তে ভেবো না । বলে প্রসাদদা আমার শয্যা প্রান্তে বসলো ।

ক্রমে আমি নিজের অবস্থা উপলব্ধি করি । মাথায় ব্যাণ্ডেজ বাঁধা । ডান পাটিও জখম হয়েছে । হাঁটুর কাছে প্রাষ্টার করা । তবে পায়ের আঘাত গুরুতর নয় ।

এরপর একে একে সকলের কুশল জিজ্ঞাসা করি । রজনীবাবু, মাষ্টারমশায়, শ্রীমতী রজনী, শান্তিলতা, পূরবী, সীমা—ভারা কেমন আছে, তারা কেউ আসেনি কেন ? এসব জিজ্ঞাসার উত্তরে প্রসাদদা একই কথা বলে,—কারো জন্তে অনর্থক ব্যস্ত হয়ে না শ্রীমন্ত । এখন তাড়াতাড়ি সুস্থ হয়ে ওঠো, তারপর দেখবে সব কিছুই যেমন ছিল তেমনই আছে ।

—আজ কদিন হলো, আমি এখানে আছি প্রসাদদা ?

—আজ দুদিন ।

—দুদিন ! কিন্তু মনে হচ্ছে পথের সঙ্গে বাঁধা স্বতোটা ছিঁড়ে এসেছি একঝুগ আগে । স্বাভিত্য রং যেন ফিকে হয়ে গেছে । কী জানি, বারবার মনে হচ্ছে এই পৃথিবীটাই যেন আমার কাছে নতুন করে জন্ম নিয়েছে ।

আরো কতো কথা বলার ছিল, কিন্তু বলা হলো না । ডাক্তারের কথা মতো প্রসাদদা আর লালসিং চলে গেল । যাওয়ার আগে লালসিং বলে গেল কাল আবার ও আসবে দেখা করতে ।

তিন দিন, তিন রাত পার হয়ে গেল । প্রতিদিন সকাল সন্ধ্যায় এসেছে প্রসাদদা আর লালসিং । কথা বলেছে, গল্প করেছে—কিন্তু ওরা কেউ আমার কথা শোনে নি, কোন জিজ্ঞাসার স্পষ্ট জবাব দেয়নি । বুঝতে পারি সব কিছুর মধ্যে বিরাট এক গরমিল রয়ে গেছে । তবুও মনকে বোকাই হাস-পাতালের বাইরে গিয়ে আবার সেই সব চেনা মুখের দেখা পাবো ।

রাতে। ঘুম আসছে না। শুয়ে আছি। পাশে আরও কজন অস্থির-নারীর শয্যা। তার-ই মধ্যে একা বসে আছে নাস' দময়ন্তী মিশ্র। সেবা দিয়ে, স্বপ্ন দিয়ে, যে আমাকে স্থগী করেছে। জানি না, দময়ন্তীর ঋণ শোধ করবার সুযোগ কোনদিন পাবো কিনা।

কদিন পর য়ান স্থতিপট আবার স্পষ্ট চিত্তায় ভাস্বর হয়ে উঠেছে। কিন্তু সব চিত্তায় মধ্যেও এক দৃষ্টি—হাসপাতালের বাইরে এসে কোনও পরিচিত মুখ দেখতে পাবো কি না। কেননা, আমার রোগশয্যায় আর কেউ তো এলো না। পূরবী তো আসতে পারতো। আর তো কিছু নয়, শুধু চোখের দেখা আর মুখের কথা। মাষ্টারমশায়ও কি একবার তাঁর স্নেহসন্তাষণ জানাতে আসতে পারলেন না। কিন্তু কেন? কদিনের পরিচয়ের মধ্যে যে সম্পর্ক গড়ে উঠেছে, তার মধ্যে কি এতটুকুও আত্মীয়তার স্পর্শ নেই! আর শুভলক্ষ্মী। ঝড় বৃষ্টির তাণ্ডব দেখে যে ভয় পেয়েছিল! বার দুর্বল হাত জড়িয়ে ধরেছিল আমার হাত! সেই পাথরটাকে গড়িয়ে পড়তে দেখে শুভলক্ষ্মীকে নিয়ে আমি পাহাড়ের পাথরের নীচে আশ্রয় নিয়েছিলাম। তারপর কী হয়েছিল আর মনে নেই। সে, সে ত আসতে পারতো! একবার!

তবে কি শুভলক্ষ্মী নেই!

নাস' দময়ন্তীর জল ভরা দুটি চোখের মৌন ভাষা বলে দিলে, শুভলক্ষ্মী আর এই পৃথিবীতে নেই।

বারবার আমি শুভলক্ষ্মীর কথা ভিজ্ঞাসা করি দময়ন্তীকে। উত্তর দেয় না দময়ন্তী, অল্প কথার অছিলায় আমাকে ভুলিয়ে রাখতে চেষ্টা করে। তারই মধ্যে দেখি দময়ন্তীর দুটি চোখে জল টলমল করছে। যে কথা সে বলতে পারলো না তার মুখের ভাষায়, সে কথা স্পষ্ট হয় তার চোখের জলে।

যদিও তারপর দময়ন্তী সব কথা বলেছে আমাকে। পাথরের আঘাতে আহত, অচেতন দুটি তরুণ-তরুণীকে হাসপাতালে নিয়ে আসে একদল বাতী। হাসপাতালে পৌঁছানোর সঙ্গে সঙ্গে তরুণীকে মৃত বলে ঘোষণা করা হয়। অপর তরুণটি আর কেউ নয়, আমি। ডাক্তার আমাকে পরীক্ষা করে জীবনের আশংকা প্রকাশ না করলেও, ভেবেছিলেন, হয়তো নৃতিশক্তি চিরজরে নষ্ট হতে পারে আমার। কিন্তু সে আশংকা মিথ্যে হয়ে গেছে। আমার নৃতিশক্তি বিলুপ্ত হয়নি।

দুচোখ জলে ভরে উঠলো। শুভলক্ষ্মী নেই। এই পৃথিবীর সঙ্গে সব

বেনা-পাওনা চুকিয়ে চলে গেছে অজ্ঞানলোকে। যাক। যে যাবে, সে চলে যাক। কিন্তু আমাকেও সে নিয়ে গেল না কেন? সেখানে তার একা থাকতে ভয় করবে না!

দময়ন্তী মুছিয়ে দিলে আমার চোখের জল। বললে,—ঘুমোতে চেষ্টা করুন।

—হাঁ। স্নান হেসে বলি,—আমাকে যে এখনো বাঁচতে হবে।

রাত ভোর হলো।

ঘুম ভাঙতে দেখি প্রসাদদা আর লালসিং এসে দাঁড়িয়ে আছে। ওরা আমাকে নিতে এসেছে।

আজ-ই আমি মুক্তি পাবো।

—প্রসাদদা, শুভলক্ষ্মীর বেহটাকে ছাই করে দিয়েছো কোথায়?—আর সত্যি কথাটা গোপন কোরো না। আমাকে একবার নিয়ে যেতে হবে সেখানে। কিছু না পারি তার চিতাভস্মের ওপর দুফোটা চোখের জল তো দিয়ে আসতে পারি। প্রসাদদার দুটি হাত জড়িয়ে ধরে বলি,—প্রসাদদা আমি সব জানি। শুভলক্ষ্মী নেই।

—আমি তোমাকে ঠিকই নিয়ে যাবো সেখানে। কিন্তু ভাক্তারবাবু বলেছেন, মনটাকে কিছুদিন নিশ্চিন্তে বিশ্রাম দেবার জন্তে।

—আমার মানসিক বিপর্যয় ঘটবার আর সম্ভাবনা নেই প্রসাদদা।

প্রসাদদা আমার কথা শুনে বৃহৎ হাসলো। বললাম—আর সবাই চলে গেছে বোধহয়। এখন বুঝতে পারছি, শুধু তুমিই আমার জন্তে অপেক্ষা করে আছো, তুমিই শুধু আমাকে ছেড়ে চলে যেতে পারলে না। কেন বলো তো?

প্রসাদদা আমার একটি হাত আলতো ভাবে নিজের মুঠোর মধ্যে এনে বৃহৎ হেসে বললে,—ছেড়ে যেতে পারিনি ক্রীমন্ত।

তারপর একে একে পরিচিত সকলের কুশল জিজ্ঞাসা করি। সকলেই কুশলে আছে।

শুনলুম, সেই দিনই রজনীবাবু আর মাষ্টারমশায় আমাকে হাসপাতালে পৌঁছে দিয়ে পিপলকুটির উদ্দেশে রওনা হন। যাবার আগে সীমা নাকি আমার জন্তে খুঁই কেঁদেছিল। সে যেতে চায়নি। বাসে ওঠার আগে পর্যন্ত তার সে কী আকৃতি। বাসে উঠেও প্রসাদদাকে ভেঁকে বলেছিল, ও কেমন থাকে, হরিদ্বারের ভোলাগিরি আশ্রমে টেলিগ্রাম করে জানিও প্রসাদদা।

সেখানে আমরা কদিন থাকবো। শ্রীমন্তদা স্বস্থ হলে তাকে আমার কথা বোলো।

বোধহয় সীমার জন্তেই আমার দুটি চোখ জলে ভরে উঠলো। অহুচকর্ষে বললে প্রসাদদা,—কীদছো কেন শ্রীমন্ত, তুমিতো একাই এসেছিলে।

সত্যি কথা। আমি একাই এসেছিলাম। সাথী ছিল আমার বাউল মন। সে যেমন ছিল তেমন আছে।

—এই লালসিং—প্রসাদদা বললে,—তোমার জন্তে ওর যে কী আকুলি বিকুলি, কী বলবো।

লালসিংকে কাছে ডাকলাম। টেনে নিলাম ওর হাত দুটি। বললাম,—তোমার কথা আমি কোনদিন ভুলবো না লালসিং—যদি আবার কখনো এ-পথে আসি, তোমার জন্তেই আসবো।

—বাবুজী, তুমি আজই চলে যাবে? লালসিংয়ের কণ্ঠস্বরে কান্নার আবেগ।

—বোধহয় আজই যেতে হবে। শুনে লালসিং আর দাঁড়ালো না, দুহাতে মুখ ঢেকে ছুটে চলে গেল ঘরের বাইরে।

হাসপাতালের ডাক্তার, নার্স—যারা আমাকে সেবা দিয়ে যত্ন দিয়ে ঋণী করেছেন, তাঁদের সবাইকে অন্তরের কৃতজ্ঞতা জানিয়ে হাসপাতালের বাইরে এলাম। হাসপাতালের বাগান থেকে দুটি আধ ফোটা রক্তগোলাপ তুলে এনে দময়ন্তী আমাকে উপহার দিলে। সে রক্ত গোলাপ দুটি সানন্দে হাতে নিয়ে বলি,—আমার মনে থাকবে, দূরদেশী এক পথিককে তুমি দময়ন্তী দুটি সুন্দর গোলাপ উপহার দিয়েছিল।

পথে নেমে প্রসাদদা মনে করিয়ে দিলে শুভলক্ষ্মীর চিতাশয্যা দেখার কথা। ক্ষণকাল দাঁড়িয়ে রইলাম অচঞ্চল। মনের মূকুরে ভেসে উঠলো কেরল-কস্তা শুভলক্ষ্মী পিল্লাই-এর অগ্নান প্রতিবিম্ব। ফোটা ফোটা জল ঝরে পড়লো গাল বেয়ে। ঘোশীমঠের পথের ধূলোয় সে জলবিন্দু মিশে রইলো।

শুভলক্ষ্মী নেই। সে চলে গেছে আর এক পৃথিবীতে। যেখানে জীবন অনন্ত। যেখানে জন্ম-মৃত্যুর সীমার মধ্যে জীবন চিহ্নিত নয়। শুভলক্ষ্মী চলে গেছে সেই অমৃত লোকে। সেখানে অনন্ত সুখ-শান্তি তাকে নতুন করে সঞ্জীবিত করুক।

—যাঃ না? প্রসাদদা জিজ্ঞাসা করলে।

—না।

বই পড়ুন, আরো বই পড়ুন ।

বারীন্দ্রনাথ দাশের

মোগল দরবার

মোগল দরবার—যে কোন কালের যে কোন দেশের আমল তাত্ত্বিক শাসনসংগঠনের মত এখানেও বিভিন্ন স্বার্থকেন্দ্রীক দল উপদল পরস্পরকে পিছন থেকে ছুরি মারবার জন্ত তৎপর ষড়যন্ত্র লোভ বিদ্বেষ লালসা উৎকোচগ্রহণ চাটুকার বৃত্তি অজ্ঞা অবিচার বিলাসব্যাসন প্রবঞ্চনা ইত্যাদি মানব চরিত্রের সময় নীচতা ও জঘন্য প্রবৃত্তির উন্মেষ ঘটেছে সামন্ততান্ত্রিক রাজপুত্র । মোগল অভিজ্ঞাত সমাজে ।

এই পরিবেশের মধ্যে এসে পড়লেন শিবাজী—ষোলো-শ ছেবর্ডী খ্রীষ্টাব্দের এগারই মে । সঙ্গে সঙ্গে তাকে ঘিরে শুরু হল রাজনৈতিক আবর্ত, দরবারে বিভিন্ন দল উপদলের স্বার্থ সংঘাত । এর মধ্যে অসহায়ের মত জড়িয়ে পড়ল দুজন সাধারণ নায়ক আর দুটি আরো সাধারণ নায়িকা ।

শিবাজী সেখানে ছিল আঠারই আগষ্ট অবধি । এই তিন মাসের দৈনন্দিন জীবনের তথ্যবহুল পটভূমিকায় নানা রসে সমৃদ্ধ একখানি রোমান্স ও রোমাঞ্চময় রুদ্ধশ্বাস কাহিনী রচনা করেছেন সুপরিচিত ঔপন্যাসিক—

দাম :—চৌদ্দ টাকা ।

ক্লাসিক প্রেস : কলিকাতা ।

বই পড়ুন, আরো বই পড়ুন ।

কমল বন্দ্যোপাধ্যায়ের

ভারত দর্শন

[একটি অনন্ত সাধারণ ভ্রমণ কাহিনী]

ছুটির দিন এলেই খাঁরা বেরিয়ে পড়তে চান দেশ ভ্রমণে বিশেষ করে তাঁদের জন্মেই এ বই ।

মন্দির মানে ইট কাঠ আর পাথরের রাশি, দেবমূর্তি মানে পুতুলের নামাস্তর আর পুরাকীর্তি মানে ছ একটা মাটির টিবি বা ভগ্ন অভয় কতকগুলি প্রাচীন ইমারতের স্তূপ, এমনি সব ভ্রাস্ত ধারণার অপনোদন করবে এই গ্রন্থটির অদ্বিতীয় রচনাগুলি ।

প্রাচীন নিদর্শনগুলির অধিকাংশের সাথেই ওতঃপ্রোত জড়িয়ে আছে অসংখ্য মর্মস্পর্শী কাহিনী, রোমাঞ্চময় ঘটনা । লেখকের রচনা সৌকর্যে সেগুলির যথাযথ মর্মোদ্ঘাটন হয়েছে এই গ্রন্থটিতে ।

প্রতিটি স্থানের ইতিহাস, দ্রষ্টব্যের পরিচয়, যাতায়াতের উপায়-সহ বহু জ্ঞাতব্য-তথ্য সমৃদ্ধ এই গ্রন্থটিতে পর্যটকগণের দুর্লভ-চিত্রের প্রতিলিপিও দেওয়া হয়েছে

দাম : আট টাকা ।

ক্লাসিক প্রেস : কলিকাতা ।

বই পড়ুন, আরো বই পড়ুন ।

[এ কালের কালজয়ী বিরাট উপন্যাস]

রাজধানী

স্বরাজ বন্দ্যোপাধ্যায়

কঠিন পীচের পথ আর ইটপাথরের কঠিন দেওয়াল,—অস্তরালে
অসংখ্য হৃদয়ের সঙ্গে হৃদয়ের সেতু গড়ে উঠছে ভালবাসায়-কান্নায়
আর জীবনের দাহে । এখানে আকাশ জানালার ক্রেমে বা
বাতাস কঠিন প্রাচীরে রুদ্ধ, তবু হৃদয়ের গতি দুর্ব্বার । ভাবনার
গতি অনন্ত । অনড় শৃঙ্খলে বাঁধা মানুষ জীবনের স্বাদ পেতে চায় ।
প্রতি পংক্তিতে এ উপন্যাসে যে স্বাদ মেলে যুগে যুগে ছ'চারখানি
মাত্র সাহিত্যকর্মে তা দেখা যায় ।

দাম : দশ টাকা ।

এই লেখকের অগ্রবই—

দুপুর গড়িয়ে বিকেল

বাংলা সাহিত্যে নতুন জীবন চিন্তার বলিষ্ঠ প্রকাশ ।

দাম :—আট টাকা ।

ক্লাসিক প্রেস : কলিকাতা ।

বই পড়ুন, আরো বই পড়ুন।

—চাণক্য সেনের অমর উপন্যাস—

সে নহি সে নহি

“এটা কিন্তু আশ্চর্যের বিষয় গত কয়েক’শ বছরের মধ্যে ভারতবর্ষের ইতিহাসের সেই এক-শ-টি বছরই সব চেয়ে গৌরবের কাল যখন ভারতবর্ষ ছিল প্রত্যক্ষভাবে ইংরেজের অধীন। বিংশ শতাব্দীর সূচনাই এই গৌরব কালের মধ্যাহ্ন। আর তখন থেকেই শুরু হয় ভারতের স্বাধীনতার জেষ্ঠ্য সচেতনভাবে সংগ্রাম। উনিশ-শ’ চল্লিশ সাল থেকে আবার ভারতীয় ইতিহাসের নতুন পর্যায় আরম্ভ হলো। মানবিকতার আদর্শে উদ্বোধিত প্রাণচঞ্চল এই বিরাট ভারত-ভূখণ্ডের পটভূমিকায় চাণক্য সেন “সে নহি—সে নহি” উপন্যাসটির কাহিনীকে গড়ে তুলেছেন। সাম্প্রতিক-কালে একরূপ উচ্চাশাপূর্ণ উপন্যাস নিঃসন্দেহে খুব অল্পই লেখা হয়েছে। ব্যর্থতা বা স্বার্থকতায় প্রশ্ন বাদ দিয়েও এ বই লেখার উদ্ভম ও প্রেরণাকে আমাদের সঠিকভাবে অনুধাবন করা উচিত।

‘সে নহি সে নহি’র ঐন্দ্রিয় ও পরিকল্পনা দুঃসাহসিক ও প্রশংসনীয়। লিখনশৈলী আকর্ষণীয় ও হৃদয়গ্রাহী। কলেবরে স্পষ্টপুষ্ট হলেও বইটি পড়তে ক্লান্তিবোধ হয় না। লেখকের দৃষ্টিভঙ্গি বলিষ্ঠ ও স্বাস্থ্যকর। গল্প জমাবার ও পাঠকের কোতূহল জাগাবার কৌশল ও করায়ত্ত। সাম্প্রতিক কালের কথা শিল্পে—“সে নহি সে নহি” একটি বিশিষ্ট সংযোজন।

দাম :—দশ টাকা।

ক্লাসিক প্রেস : কলিকাতা।

